

TRACTATUS

D E

STUDIIS MONASTICIS

VOLUMEN TERTIUM.

301 A 10 111

CHINESE UNIVERSITY
OF HONG KONG

TRACTATUS

DE

STUDIIS MONASTICIS

VOLUMEN TERTIUM

COMPLECTENS RESPONSIONEM

DOMINI

ARMANDI BUTHILIERII

DE RANCE

ABBATIS MONASTERII TRAPPÆ

ORDINIS CISTERCIENSIS

AD EUNDEM TRACTATUM;

Quæ nunc primum prodit è Gallico in
Latinum sermonem conversa.



VENETIIS, MDCCXLV.

Ex Typographia Andreae Poletti.

SUPERIORUM PERMISSU, ac PRIVILEGIO.

SECRET

SECRET

SECRET

SECRET

SECRET

SECRET

SECRET

SECRET

SECRET

SECRET

SECRET

SECRET



SECRET

SECRET

SECRET

ADMONITIO

TYPOGRAPHI

AD LECTOREM

In hanc Responsionis ad Tractatum
de Studiis Monasticis Latinam Edi-
tionem.



Uo tempore abhinc annis duobus Tra-
ctatum de Studiis Monasticis P. Jo:
Mabillonii denuo editurus, de adji-
ciendo altero Volumine cogitaram,
quod Vindicias ejusdem Tractatus ab
eodem Auctore conscriptas complecte-
retur; vix aliquatenus tunc animum
subiit, novam inde subnascituram necessitatem, tertio
quoque Volumine augendæ totius de Studiis Monasticis
celeberrimæ Controversiæ. Ecce vero, ut publicam lucem
videre Animadversiones Jo: Mabillonii in Responsio-
nem Trappensis Abbatis, quas nos e Gallico in Lati-
num sermonem conversas dedimus, statim mihi a gra-
vissimis, magnique nominis viris aperte significatur, ip-
sius quoque Responsionis, quæ sola Volumen reliquis
ex æquo respondens confecerit, latinâ interpretatione Lit-
terariam Remp. carere jam non posse. Valde se mihi
probabiles præstiterunt ab iis allatæ consilii ipsorum ra-
tiones, justæque flagitationi propterea satisfeci; eo prom-
prius

pius atque alacrius, quod Auctoris hujus Responsio-
nis dignitas & fama, non solum apud litteratos sed
etiam apud pios & religiosos viros passim ac merito
confirmata, menti obversaretur. Nempe ille ingenii sui
excellencia, stili puritate, & penitiori Philosophia
atque Theologia notitia, quod maximum vero est,
vitae sanctimonia in Galliis praesertim, sed & qua-
cumque Christianus Orbis patet, summopere inclaruit.
Is ille est, Armandus Butbillierius de Rancè ex nobi-
lissimis parentibus anno 1626. Lutetiae ortus, vir in
seculo praeclaris ad Philologiam praesertim Graecam per-
tinentibus ingenii monumentis editis, a prima adole-
scentia notus, & magno pretio habitus. Qui feliciter
emenso liberalium studiorum curriculo ad graviora
paulo post, atque statui Ecclesiastico, quem elegerat,
convenientiora Theologia studia conversus, eoque in
his profecit, ut sacras ad populum conciones habere
permisus fuerit, atque in hoc munere eximia cum lau-
de se gesserit. Cetera de ejus vita persequi non est
nostri instituti: quae de illius praeclaris gestis scripto
mandata fuere, vulgatiores sunt & luculentiores, quam
ut mihi aliqua inde sit delibare necesse, ad praestan-
tissimum piissimumque Virum magis magisque illustran-
dum. Satis hic fuerit obiter, & ad rem nostram
propius meminisse, de homine illo agi, qui conceptum
animo arduum sed aequè nobile opus renovandae & ad
originem priscam reducendae Monasticae disciplinae, felici-
ter, quantum in eo fuit, confecit; cum Cisterciensem
in primis Ordinem, cui, relicta Aula, nomen
dederat, renovaverit, & Trappensis Monasterii Ab-
bas creatus exemplo suo veterum institutorum praxim,
jamdudum abolitam, revexerit. Ex his institutis unum,
atque

atque illud præcipuum, ab ea Lucubratione, quam latinam factam nunc publicamus, respicitur, & valide hic pro mira Auctoris dicendi vi atque asceticæ disciplinæ peritia asseritur. An ille tamen in sua circa Monachorum Studia opinione modum excefferit, & a media via paululum abierit, quod aliquibus visum est, definire non est bujus loci, nec meæ tenuitatis. Liberum erudito Lectori judicium super hoc dissidio, quod utrinque magnos piosque viros, nostrum hunc scilicet Trappensem Abbatem, & doctissimum Mabillonium exercuit, relinquitur. Eo porro magis, quod eruditus idem Lector nunc tandem latinis litteris proposita omnia illa habens, quæ de hac questione (utrum Monachis conveniat nec ne ad Studia incumbere) hinc inde scripta sunt, ad æquabilius de tota re statuendum paratior reddetur. Ad ultimum baud modicum ad pietatem momentum illi ex lectione bujus Operis rediturum spero, in quo subinde Auctor ad potiora Christianorum morum capita oratione excurrit, quorum tractatio non solum ad Monachos, sed & ad omnes Fideles accommodari potest. Nimiam quoque in universis, quos scientiarum amor ad studia impellit, eorundem studiorum intentionem remittet ac moderabitur hæc lectio: quæ utilitas baud sane spernenda est hoc tempore, quo franis magis quam calcaribus in suorum ingeniorum exercitatione homines egent. Denique omnium fere commodis me servisse vix dubito, Trappensis Abbatis Responsionem ad Tractatum de Studiis Monasticis latino sermone redditam typis meis vulgando, atque eam propterea benigno favore & plausu exceptum iri confido. De ipsa Operis versione non est cur dicendo Lectores distineam; cum eundem in hac Responsio-

ne vertenda interpretem mihi adscriberim, quo in An-
madversionum Mabillonii versione usus sum, cum sci-
licet fidum & dilucidum, ut ex priori labore satis
apparuit. Id te monitum volebam, Lector, ut consilii
mei rationes tibi in antecessum probarem. Vale, &
conatus meos æqui bonique consule.



RES-

RESPONSIO

AD TRACTATUM

DE STUDIIS MONASTICIS.

P R Æ F A T I O.



Um Deus me, pro Superioris officio, quo in hoc Monasterio fungor, vigilem & assiduam curam animabus vestris, Fratres mei, impendere iusserit; cumque id apprime muneris mei sit, quam diligentissime curare, ut ad illum perfectionis gradum, quo ex Dei nutu tenditis, evehamini;

omniaque remove ac prævertere, quæ obesse possunt, quominus divina circa vos consilia compleantur: Illud a me requiri sentio, ut vos moneam, vulgatum fuisse nuper Librum, qui unam ex potissimis, tuendæque in Monasteriis regulari disciplinæ maxime necessariis veritatibus impugnât. Quam videlicet nos, ut humilitatis & animorum collectionis conservatricem, dissolutionisque, quæ numquam est a pietatis & religionis extinctione sejuncta, expultricem, summa ope vobis tradidimus.

Nova in hoc libro, Fratres mei, & quæ vos non mediocriter percellet, opinio stabilitur. Consilium est Auctoris probare, scientiarum Studia statui Monastico necessaria esse; sine horum præsidio subsistere illum non posse; hancque Studiorum necessitatem probe exploratam, atque perfectam fuisse Monachis totius Orientis, S. Benedicto, totique Monasticæ Traditioni.

Illud mihi, fateor, in exequendo hoc munere explicandi super hac re animi mei, ut vos ab opinione periculi plena caveatis, molestiam præbet; quod ego Scriptorem hujus Operis magni facio, & apprime observo, quodque ille pro sua virtute & doctrina multi nominis magnique pretii sit apud omnes.

Cum vero hoc mecum reputo, Patremfamilias, si eam quam speraverat in suo Grege: utilitatem non invenerit, ab eo rationem repetiturum, cujus sollicitudini & curæ gregem suum commisit; & JESUM CHRISTUM supremum Pastorem ex Præpositorum manibus sanguinem animarum, quas illis regendas tradidit, exquisiturum; quilibet respectus, illico facessit, omnesque cogitationes, uni cogitationi cedunt, satisfaciendi muneri meo, quo cogor istud Opus ad trutinam revocare, vosque de periculo & detrimento, quæ inde redire possint, perspicue & aperte monere: ne, si illud unquam in manus vestras devenerit, opinionem facile animo imbibatis, quæ documentis vobis præstitis, & institutis quibus imbuti fuistis, omnino sit aliena.

Sed ut rem, de qua agitur, Fratres, distincte vobis aperiam; scitote, illud mihi persuasum, omni tempore fuisse, Religiosis in solitudine degentibus, abunde esse, quod legant, intelligant & meditentur S. Scripturam, & Expositiones SS. Patrum, S. Jo. Chrysostomi, S. Augustini, S. Hieronymi, S. Gregorii; hisque addant scripta eorundem SS. Patrum, ascetica, in quibus perfectionis doctrina traditur, ad quam jugiter aspirare debent: cujusmodi sunt ea S. Basilii, S. Ephræm, Cassiani, S. Isidori Pelusiota, S. Nili, S. Dorothei, S. Joannis Climachi, S. Bernardi, & de Imitatione JESU CHRISTI Liber: licet vero intra hos fines sese contineant, omnia quæ tum ad illustrationem, tum ad doctrinam spectare valent, in iis lectionibus, ipsi suppetere.

*pag. 112
& seq.* Sententia huic contraria in hoc sita est, Fratres mei: *Oportere Monachos litteris humanis, Philosophiæ, & Linguis operam dare: præterea Theologiæ & scientiæ Ecclesiasticæ omnino perituros esse: Historiam Ecclesiæ, ejus Disciplinam & Canones probe callere: quidquid SS. Patres, & Scriptores, hisce de rebus tradiderunt, attente legere; Denique Inscriptionum antiquarum, Manuscriptorum, & numismatum, notitiam sibi comparare.*

Ut huic sententiæ fidem asstruat, sequentibus Rationum momentis, utitur Auctor, quæ rem plane extra controversiam ponere, & totius scriptiois scopum attingere, ipsi quidem videntur.

dentur: Quarum Prima est, *S. Pachomium propinquis sui Mo-* Pag. 10.
p. 342.
nafterii populis præcepta institutionesque dedisse. Frustra vero
id in exemplum adducitur; tum quia præter communem con-
suetudinem evenit; tum quia scientiæ, quæ ad ejus generis
institutiones requiri poterat, cum illa quam Studiorum Mona-
sticorum Auctor invehere nititur, nulla est convenientia.

Secunda eo spectat, *quod Præpositos intra Clausura habere,* Pag. 16.
doctrinaque & scientia informare necesse sit. Hac vero ratione
nihil plane conficitur. Potest enim Monachorum Præpositus,
quatenus est officii sui, doctrina & eruditione valere, quin
omnes illas scientias attigerit, quarum omnino indigere perpe-
ram existimatur.

Tertia, *quod Monachi Orientales scientiarum studiis olim* Pag. 10.
p. 122.
operam dederint: Quod sine ullo penitus causæ emolumento
affirmatur, cum nulla Orientalium Regularum Studii hujus
meminerit.

Quarta, *quod S. Benedicti Regula Studiis auctoritatem con-* Pag. 39.
ciliat. At in ea de hac re ne verbum quidem. Nihil illa
aliud memorat, præter *Lectiones divinas*, quæ ad asceticum
institutum pertinent; quibus binarum horarum tempus dica-
tur; quod Monasticorum Studiorum Auctor minime diffitetur.
Unde evidenter colligitur, numquam S. Patri propositum fuisse;
ut discipulos suos ad scientiarum studia conferret.

Quinta in hoc sita est, *quod Cænobitis jus fuerit in Conci-* Pag. 18.
p. 19.
liis adesse. Hoc argumentum inane esse pluribus de causis osten-
demus. Primo, quia id juris non habebant: quidem Monachi;
sed ad Concilia tunc solum veniebant, quoties ad ea vocaren-
tur. Secundo, quia magis ob vitæ eorum sanctimoniam, quam
eruditionis ac doctrinæ famam, ut interessent Conciliis, urge-
bantur. Tertio, quod satis essent eruditi, dummodo Scripturas
intelligerent. Quarto tandem, quia de millibus in solitudine
abditis, vix, ut ita dicam, vicini ad hos cœtus convenie-
bant.

Sexta, *quod Monachi e Monasteriis ad Episcopatum assume-* Pag. 10.
p. 28.
bantur; adeoque doctos eos esse oportuisse. Haud vero hæc ra-
tio solidiori, quam reliquæ, fundamento nititur. Primo scili-
cet, quia Scripturarum intelligentia eruditionem Episcopo con-
venien-

venientem sola tunc temporis absolvebat; & quia plerique eorum, qui ad hanc dignitatem eveſti fuerunt, nullo alio doctri-
næ genere excellebant. Secundo quia Solitatorum exiguus
quidem numerus Claustriſ relictis in Eccleſiaſticis Thronis con-
ſtituti fuere; innumeri vero in angulis Monasteriorum delitue-
runt: atqui ex majori numero æquius eſt, ut de quopiam ſtatu
judicemus, quam ex paucioribus exemplis, atque exceptioni-
bus. Ii, qui publicam Sæculi lucem fugiebant, aliis in mun-
do agentibus & decertantibus præſidio erant: quin & aliquando
orationibus, poenitentiis, & vitæ ſanctitate utiliorem Eccleſiæ
operam navabant, ac cœleſtem ei favorem magis conciliabant,
quam ceteri in publicum prodeuntes; quemadmodum Auctor
Tractatus pluribus locis, ac præſertim in ultima Operis ſui
pagina ultro teſtatur.

Page 28. Septima, quod *Viri egregii, & Sancti quoque eruditionis præſtantia celebres ex Ordine Monaſtico profeſſi Eccleſiam illuſtrarunt*. Sed ne ex hac quidem ratione quidpiam conſicitur. Nam primo de certis quibuſdam viris agitur, qui communes abjecere regulas propter varias cauſas, ut docebimus: Ex particularibus vero exemplis nulla Lex ſequitur. Deinde Monaſticus Ordo tunc maxime labi viſus eſt, cum Monachi ſplendore nominis & ſingularis doctri-
næ fama vulgo magis innotuerunt. Nempe cum ſuis illi rationibus tunc ſervirent, Claustrorum regimen penitus negligebant; ac diſcipulos ſuos præceptionibus, exemplis, aliisque ſui muneris ſolicitudinibus fraudabant, quærendæ exiſtimationi ut plurimum intenti.

Page 69. Octava, ex magno illo *Academiæ & Scholarum numero; quæ in Ordine S. Benediſti inſtitutæ fuerunt, Studiorum neceſſitatem patere*. Cui argumento biſariam reſpondemus. Primo, has fundationes S. Patris ſpiritui & Regulæ eſſe contrarias: Deinde per eas diſſolutionis Monaſticæ curſum haudquaquam cohibituſ fuiſſe: ex quo ſequitur, eas neque opportune, neque valde utiliter invecſas, ut Auctori videtur.

Page 34. & ſeq. Nona, quod in pluribus *Monasteriis magnæ exiſterint Bibliothecæ*. Qua in re ad Studiorum cauſam tuendam parum eſſe momenti oſtendimus. Primo conſtat, Monachos in iis locis, in quibus aſſatim librorum eſt, non ſecus ac alibi in otio vi-
tam

tam agere, & a lectione abhorre. Deinde librorum larga suppellex, quæ in aliquibus Monasteriis invenitur, nihil est, si ad universa Ordinis S. Benedicti, qui tam late patet, Monasteria referatur. Postremo libros Monachi contenti erant olim excubere, quin iis ullatenus uterentur. Quod & hodie videre est in plerisque Cœnobiis, in quibus licet magnus extet librorum numerus; Monachorum hi quidem otiantur, illi vero libros læstitant, ex quorum lectione neque doctiores neque sanctiores evadunt.

Decima probatio in eo sita est, quod olim & a primis usque temporibus Monachi ad Prædicationis munus designabantur: Nos vero e contrario, eorum statum & vocationem ad solitudinis & silentii observantiam pertinuisse convincimus. Pag. 336.

Porro illud notatu dignum est, Fratres mei, quod præci Monachi nulla alia lectione detinebantur, quam Sacrarum Scripturarum, & quorundam forte asceticorum Scriptorum: Perari eo tempore libri; quique iis exarandis aut excubendis navarent operam, pauci admodum inveniebantur. At nos his temporibus hac in re illos vincimus, quod ii omnes libri nobis suppetant, quos supra memoravimus, quique ad hoc mire faciunt, ut Monachi qui nativam pietatis formam assequi student, eadem optime imbuantur, qui vero illam assequuti sunt, caute custodiant.

Ceterum vos, Fratres mei, monendos existimo, imprimis me mihi ipsi vim facere, dum quibusdam loquendi modis utor, a quibus vix abstinere possit ille, qui de Opere Dogmatico iudicium affert: ut hi e. g. *Hæc argumentatio minime est accurata: Falso id colligitur: Hac probatione nihil conficitur: Sui illa Auctori magis adversatur, quam patrocinetur: Istæ ad rem inepte citantur*; atque aliarum huiusmodi locutiones. Invitus ergo huic ita loquendi necessitati cedere cogor, quæ ceteroquin existimationi Auctoris, cuius sententias expendo, nihil apud me penitus detrahit.

Deinde ego quidem in hoc examine seriem capitum Auctoris, atque ejus argumenta e vestigio sequutus sum, neque alium, præter hunc, ordinem servavi: ratus videlicet, fore, ut ejus Opus funditus convellerem, si quæ ipse ad faciendam suæ

suæ

suz opinioni fidem affert, evertere singillatim atque infirmare studuero.

Tertium est, Fratres mei, de quo vos monitos volo: nimirum cum nulla sit tam probata sententia, quæ non in aliquam difficultatem incurrat, eventurum fortasse, ut ad ea, quæ in hanc scriptionem contuli, denuo aliquis respondeat. Sed cum mihi hæc scribenti consilium non fuerit, ut in numquam desituras concertationes descenderem, cui rei neque voluntas, neque tempus suppetunt: postquam veritati testimonium perhibui, & satis conscientiæ feci, Deum ulterius a me aliquid requirere vix credo.

In hoc denique scripto res easdem iterum dici sæpius, atque inculcari deprehenderis: Cui incommodo, obviam ire nequivimus; cum nobis Tractatus Auctorem pederentim sequi proposuerimus: ast ille pluribus locis de rebus iisdem sæpe disse-ruit.

Et hæc hætenus, Fratres mei, ut quod nostrum fuerit in hac Responsione consilium probe sciatis; nec non ut singulationum momenta ad asserendam Studiorum necessitatem in medium allata, nulla niti certitudine, uno, velut intuitu percipiat. Ex quibus facile patebit, dummodo quævis anticipata opinio procul faceßat, cuilibet persuasum iri, hanc circa Studia Monastica sententiam nimis fluxis hære fundamentis, quam ut fidem invenire, & fautores accersere possit.

*Pag. C. nota arithmetica; quæ margini adjecta sunt, ad
paginas Libri Gallice scripti P. Mabillonii referuntur.*

INDEX CAPITUM

PRIMÆ PARTIS

RESPONSIONIS

Ad Tractatum de Studiis Monasticis.

Cap. I. **R**espondetur ad ea, quæ Tractatus Auctor ait: *Falsum videlicet quorundam commentum fuisse, qui præcedenti Sæculo scripsere, Monachorum Cœnobîa non aliter ab initio instituta, quam ut interserirent tamquam Lyceæ, aut publicæ Academiæ, in quibus scientiæ humanæ traderentur.* pag. 1

II. Resp. ad illa: *Rectum ordinem, sive æconomiam, quæ in Monachorum Sodalitatibus ab initio stabilita fuit, sustineri non potuisse absque Studiorum subsidio.* 5

III. Resp. ad id, quod sibi sumit Auctor probandum, *Abbatem aut alios Superiores sine Studiorum adminiculo Regimini & procuratori Monasteriorum idoneos non esse; Regulas autem Monasticas scientiam a Præpositis, sapientiam, ac vitæ probitatem requirere.* 12

IV. Resp. ad id, quod hoc Capite assumitur probandum, *Monachos ad Clericalem statum euectos teneri ad studia incumbere.* 18

V. Resp. ad illa, *Viros egregios, qui inter Monachos effloruerunt, certo esse argumento, studia litterarum impense ab ipsis exculta fuisse.* 21

VI. Resp. ad illa, *Studiorum cultum in Monasteriis ex Bibliothecis, quæ ibi reperiebantur, atque ex veterum Monachorum cura in exarandis libris adhibita demonstrari.* 27

VII. Respondetur ad assertum Auctoris, cum ait: *Studia ab ipsomet S. Benedicto in suis Monasteriis instituta fuisse; eorumque usum viguisse in antiquissimis Orientis Cœnobîis.* 30

VIII. Resp. ad illud, *inter causas ruinæ status Monastici hanc pariter recensendam esse, defectum nempe Studiorum, & amoris litterarum.* 36

IX. Resp. ad ea quæ Auctor ait: *Per diversas Benedictini Ordinis Reformationes diligentem curam adhibitam semper fuisse pro studiorum restauratione.* 43

X. Resp.

- X. Resp. ad illa, quod Cistercienses non redarguerint Monachos Cluniacenses propter Litterarum Studia, cum nec ipsi ea proscriberent. 47
- XI. Resp. ad illa, ex Academiis, sive Collegiis, quæ omni tempore in Monasteriis S. Benedicti florere, manifesto probari, hæc Monasteria in usum studiorum consensisse. 58
- XII. Resp. ad id, quod Auctor Tractatus ait, Pontifices Studiis in Ordine Cisterciensi constitutos patrocinatos fuisse, ut ex veteribus ejusdem Ordinis Statutis colligitur, & ex eo præcipue, quod ab his verbis incipit: Pro reverentia Domini Papæ & Cardinalium, qui fuerunt Studiorum nostrorum præcipui promotores. 64
- XIII. Resp. ad examen incommodorum & absurdorum, quæ in Monasticis scientiarum Studiis occurrere possunt. 71
- XIV. Resp. ad quæstionem ab Auctore propositam, an Studium substitui queat loco operis manualis, cui, ut quis se eximat, an suppetant rationes. 78
- XIV. Capituli ejusdem Continuatio, ubi Respondetur ad difficultates quæ circa Monasticum manualis laboris officium obiici possunt. 84
- XV. Resp. ad ea, quæ Auctor in medium adducit de Studiorum in Monasteriis Orientis Traditione. 94
- XVI. Resp. ad ea quæ subdit Auctor de Studiorum apud Monachos Latinos Traditione, ubi asserit, Ecclesie Latine Monasteria Orientalium vestigiis insitisse. 108



P A R S S E C U N D A .

- Cap. I. **R** Espondetur ad illa, quod eadem *Studia Ecclesiastica* & *Monachos* decent. 121
- II. Resp. ad Quæstionem, *utrum Monachis permitti indiscriminatum debeat lectio quorumvis Librorum Sacre Pagine.* 127
- III. Resp. ad ea, quæ Auctor ait de *Lectiōe ac Studio Sanctorum Patrum.* 140
- IV. Resp. ad illa Auctoris, de *Sanctorum Patrum lectiōe, prout ad Theologiam confert.* 152
- V. Resp. ad illa, de *Studio Conciliorum, & Juris tum Canonici, tum Civilis.* ibid.
- VI. Resp. ad illa, quæ Auctor habet de *Theologia Positiva & de Scholastica.* ibid.
- VII. Resp. ad illa, quæ ait de *Doctoribus Theologiæ Moralis.* ibid.
- VIII. Resp. ad illa, quæ habet Auctor de *Studio Sacre atque Profane Historiæ.* 153
- IX. Resp. ad Caput in quo agitur de *Studio Philosophiæ.* 156
- X. Resp. ad Continuationem ejusdem argumenti, ubi etiam Auctor agit de *Scriptis & Disputationibus Philosophicis.* 158
- XI. Resp. ad illa Auctoris, de *Studio Humanarum Litterarum.* 159
- XII. Resp. ad ea, quæ Auctor ait de *Manuscriptorum, Inscriptionum Antiquarum, & Numismatum Studio.* 165
- XIII. Resp. ad ea, quæ in medium adducit circa *Artem Criticam, & Regulas in ea servandas*: nec non ad illa verba Auctoris: *Nihil nostra hac tempestate communi usu vulgatius esse, quam aliorum censura vacare; universos hoc opus aggredi, & vel ipsis mulierculis hujus artis professione nihil esse antiquius.* 178
- XIV. Resp. ad ea, quæ habet de *Excerptis & Collectionibus.* 180
- XV. Resp. ad Caput, in quo agitur de *Operum Compositione, & de una in aliam linguam scriptorum conversione.* 181
- XVI. Resp. ad Auctoris sententiam circa *Collationes Monasticas.* 186
- XVII. Resp. ad Auctoris assertum, quod *Prædicatio Evangelii, quæ nobilissimum altissimumque in Ecclesia Dei Ministerium est, Monachis quoque fuerit commissæ ab ipso canonicæ professionis exordio.* 194

| | | |
|---------------|--|------|
| XVIII. | Resp. ad illa Auctoris : Pro auspiciando Noviciorum institutione opportunitiores libri esse videntur : Scala S. Jo. Climaci, Sancti Augustini Confessiones, Rodriguez novissima versiois, Manuductio Peccatorum Ludovici de Granata, Homo Spiritualis, & Homo Religiosus auctore P. S. Jure &c. | 200. |
| XIX. | Ubi Studiorum forma describitur, quæ Theologia cursu absoluto peragi possunt ; & resp. ad illa quæ ait de Monachorum in tres Classes distributione. | 211 |
| XX. | Continuatio Capitis precedentis . | 216 |
| XXI. | Resp. ad ea quæ habet Auctor de Lectionibus quæ Superiores possimum decant. | 218 |



P A R S T E R T I A .

Cap. I. **R**espondetur ad illa , duplicem scopum præcipuum Studiorum Monasticorum , esse veritatis agnitionem , & charitatem , sive Iustitiæ amorem. 221

II. Resp. ad Caput in quo dispicitur , quænam acquisitioni veritatis & charitatis præcipue adversentur ; nec non ad allatam ab Auctore Ciceronis auctoritatem , qui duos innuit scopulos a veritatis indagatoribus apprimè vitandos . Unum , ne incognita pro cognitis habeamus ; alterum est , quod quidam nimis magnum Studium , multamque operam in res obscuras atque difficiles conferant , easdemque non necessarias. 226

III. Resp. ad illa Auctoris , cum ait : Docet S. Bernardus , tria esse cause servanda ad hoc ut scientia afforet utilitatem ; primo ut in Studiis ordinem tucamur ; deinde ut studiorum prosecutionem prudenti moderamine dirigamus , tertio ut recte finem studiorum constituamus. 233

IV. Resp. ad illa Auctoris , Studium scientiarum in laboris atque adeo in pœnitentiæ locum esse posse iis , qui pœnitentiam profitentur . 239

V. Resp. ad propositam ab Auctore quætionem , Num Monachi pro suorum meta Studiorum publicas Conciones , aut privatas lucubrationes sibi statuerè possint . Et ad illa verba : Perspicuum per se videri , neque ullis difficultatibus involutum , quod hic proponitur : quia teste S. Bernardo pro Studiorum suorum meta unusquisque non modo Dei gloriam & spirituale sui emolumentum , sed etiam proximi utilitatem sibi instituerè potest . Prædicatio autem atque Opærum compositio ad publicam utilitatem refertur .

Finis Indicis Capitum.

NOI RIFORMATORI

Dello Studio di Padova.

A Vendo veduto per la fede di Revisione, ed Approbazione del P. F. Tommaso Maria Gennari Inquisitore, nel Libro intitolato *Traſſatus de Studiis Monasticis Volumen Tertium*, non v'esser cos'alcuna contro la Santa Fede Cattolica, e parimente per Atteſtato del Segretario Noſtro, niente contro Principi, e buoni coſtumi, concedemo Licenza ad Andrea Poletti Stampatore che poſſi eſſer ſtampato, oſſervando gl'ordini in materia di Stampe, e preſentando le ſolite copie alle Pubbliche Librarie di Venezia, e di Padova.

Dat. 10. Marzo 1732.

{ Alvise Piſani Kav. Proc. Ref.
{ Zan-Pietro Paſqualigo Ref.

Agostino Gadaldini Segret.

RE.



RESPONSIO

AD TRACTATUM DE STUDIIS MONASTICIS.

PARS PRIMA CAPUT PRIMUM.

Auctor Tractatus de Studiorum Monasticorum ratione, *falsum*, pag. 5.
ait, quorundam commentum fuisse, qui præcedenti sæculo scripse-
re, Monachorum Cœnobîa non aliter ab initio instituta, quam ut
inservirent tanquam Lyceæ, aut publica Academiæ, in quibus
scientiæ humanæ traderentur.

NON sine gravissima ratione, Fratres mei, sic sta-
tuit Auctor adversus eorum sententiam, qui su-
periori sæculo scripsere, Monasteria videlicet eo
sine fuisse instituta, ut essent quasi Scholæ &
Lyceæ, in quibus Monachi scientias humanas
profiterentur: nullo quippe fundamento nititur
eorum assertum; sanctæque adeo institutionis di-
gnitatem extenuat, dum eam destinat usibus pla-
ne contrariis menti Sanctorum virorum, quos Deus ad Monachus-
tus Ordinem in sua Ecclesia fundandum adhibere voluit.

Quemadmodum verò illi, quibus Monastici status summa pro-
be fuit perspecta, quippe norunt quæ sint præcipua Monachorum
Volumen tertium. A officia,

officia, sine ulla prorsus dubitatione Scripturarum Sacrarum lectioni in Monasticis officiis primas detulere, proque certo habuere, Monachos legendis Scripturis in privatæ pietatis augmentum olim operam dedisse: ita alii e contra, qui ad scientiarum studia illis incumbendum fuisse arbitrati sunt, pro singulorum ingenio & voluntate, vel relate ad proximi utilitatem; haud satis attenderunt animo ad Regularum de legendo Verbo Dei præceptionem, in qua scilicet quidquid necessarium esse potest evehendis ad eum perfectionis gradum Monachis, ad quem divinitus vocantur complexæ sunt: Quin imo ne simplicitatem quidem & sanctitatem huius status secum reputarunt, qui Dei ordinatione ad hominum sanctificationem unice fuit institutus; cuius sectatores nulla alia re sæcularium hominum bono, quieti, & utilitatibus favere debuerunt, quàm sanctitate vitæ, magnitudine poenitentiae, atque orationum vi: nisi forte ex peculiari Dei nutu, ad hoc ut Ecclesiæ utilem navarent operam, populorumque eruditioni servirent, via passim trita discedere cogeantur.

Id ipsum tam aperte & conceptis verbis fassus est Auctor Tractatus, Sanctorumque, Gregorii Nazianzeni, Basilii, Gregorii Nisæni, aliorumque multorum exemplis valde ita probavit, ut vix intelligam, quo tandem modo a tam firmo principio declinare poterit, ac sibi ipsi contrarius postea sanxerit, a Monacho dandam esse operam studiis, & acquirendas scientias, consilio & voluntati alienas primarii Institutoris, videlicet JESU CHRISTI, qui ut Monasticæ institutionis grande opus perficeret, Sanctorum suorum opera & ministerio usus est.

„ Quomodo licuit ei affirmare (pag. 6.) tam longe abesse, ut sola cupiditas humanas acquirendi scientias majores nostros impulerit ad Cœnobiorum Monasticorum foundationes, ut potius ipsæmet scientiæ sub rerum omnium contemptu, quem profitebantur, fuerint comprehensæ?

„ Quid erat cur scriberet (p. 7. & 102.) divinarum Scripturarum studio totam Monachorum scientiam concludi?

„ Cur alibi dixit (p. 9.) Monachos olim præcipue studuisse, ut ad Mundi fugam & contemptum, Christianarum virtutum, piarum exercitationum & poenitentis vitæ frequentem usum adjungerent: scientiarum vero & ipsiusmet Scripturarum notitiæ eatenus rationem habuisse, quatenus ad hunc finem facilius pervenire illarum præsidio possent? „ Quid erat, inquam, cur hæc & similia quidem asseveraret, posthabita vero nihilo secius tam perspicua gravique veritate in oppositam illico sententiam transiret, favens studiorum necessitati, eaque inter præcipua Monachorum officia collocans, sine quibus videlicet Monasticæ Sodalitates diutius stare nequeant. Tam luculentis & totam controversiam dirimentibus testimoniis priorem sententiam roboraverat, ac Sanctorum viro-

virorum, quos protulerat, tam gravis erat auctoritas, ut nemo non arbitraretur, eorum iudicio stare illum debuisse, quin damnam ab eorum usu & agendi ratione sententiam doceret.

A veritate quidem non abest, Fratres mei, Monachos olim existisse, qui ad studia scientiarum animum adjecerunt: sed & illud certum est, sic agentes Regularum menti fuisse contrarios; quæ res argumento est, eas in sua puritate minime fuisse servatas, filiosque a Patribus descivisse. Quod alii quidem sponte sua, alii vero Dei, qui regularum Dominus est, ab iisque quos vult eximit, peculiari vocatione compulsi fecere.

Ne vos ergo decipiat, fratres, quædam veritatis species, quæ huic argumento ceteroquin inani videtur inesse, cum ait magnum Solitariorum numerum scientiarum studiis sese dedisse. Neque enim ab eorum exemplo, qui studio operam dederunt, iudicium sumere debemus, utrum hæc exercitatio illis conveniat nec ne, sed ex consilio eorum, a quibus Ordines & Observantiæ Monasticæ institutæ sunt, illud querendum: inspiciendæ videlicet sunt Regulæ, quas ii composuere, ipsæ etenim eorum spiritum ac decreta continent.

Facite me scire velle, utrum Opus manuale sit ejus generis exercitium, cui vi proprii status Monachi mancipentur: Regulæ consulo, quæroque an sit in illis de Opere manuali cautum, necne: Statim ac verò hoc illas jubere comperio, sit mihi exploratum, cum earum Regularum professione manuale Opus penitus esse conjunctum.

Si nosse cupiam, utrum Monachi oratione, divinæque Legis meditatione sese exercere teneantur, annon: Regulæ iterum consulo, in quibus utramque videns expresse mandari, non dubito quin eorum instituti ac muneris sit orare ac Dei Legem meditari.

Si scire velim, utrum Monachi Sacras Scripturas olim lectitare consueverint, ad Regulæ confugio; quarum cum nulla sit quæ hoc illis exercitium non districtè præcipiat, facile adducor ut credam, Scripturarum Sacrarum lectionem iis apprimè esse consentaneam.

Haud aliter si scire lubet, an studium scientiarum ceu quoddam officium a Monachis requiratur, sedulo Regulæ inspicio, ut quid de hoc statuam, certior fiam. Cum vero ne verbum quidem, quod ad scientias & studia pertinet, ibi reperiam, ut ut omnes has Regulæ diligenter perlegerim; hoc jam tamquam exploratum cogor inferre, illorum mentem, quos omnibus his Ordinum Monasticorum observantiis in Ecclesia instituendis Deus præficere voluit, nequaquam fuisse, ut qui easdem Regulæ amplecterentur, studiis scientiarum incumberent.

Proclive est quidem dicere, hos & illos scientiarum studia ex consuetudine non intermissa coluisse, suisque illis studiis bene de Ecclesia fuisse meritos: id vero frustra est, indeque aliud nihil conficitur, nisi hos & illos ab Institutorum suorum consilio descivisse,

a via Patrum deerrasse, & novas semitas magnis illis sanctisque viris ignotas invenisse.

Nihil confert ad causæ Studiorum patrocinium exemplorum prolatio, caufarique difficultatem Monasticas observantias diutius retinendi sine Studiorum adminiculo; satius est namque ex animo fateri, tunc, cum Deo in solitudinis quiete ac silentio servire Monachos piguit; cum eorum instituti sanctimonia oneri illis fuit; cum simplicitatis in qua Deus illos produxerat, puduit; cum denique notitiis statui illorum convenientibus, quas scilicet ex Scripturarum Sanctarum lectione & suorum Patrum documentis haurire poterant, animum suum non explebant; tunc, inquam, quoddam ipsorum ab exoticis scientiis oblectamentum quæsisse, tædiumque obscuræ vitæ studendo leniisse; alios vero in hac generali disciplinæ dissolutione a Deo fuisse servatos, ac pro illius consuetæ bonitatis œconomia cœlitus afflatos, ita ut ab hoc ipso in deteriora lapsu, & ab hac late patenti ruina pecuniaria quædam bona Deo dante perciperent.

Quod si quis dixerit, Fratres mei, Monachos bene multos extitisse, qui doctrinæ nomine excelluerunt tunc quoque, cum Monasticus Ordo adhuc maxime vigeret: promptum erit ad id respondere, cum triginta fere aut quadraginta numero fuerint, quos usitatas vias prætergressos fuisse cognovimus, reliquos in hominum ignoratione & Claustrorum silentio versatos, ad quadraginta millia, quid narro? ad decem centena millia, & amplius fuisse, qui in mortificatione cordis & sensuum, in paupertate spiritus, quam suis verbis, suoque præconio JESUS CHRISTUS commendavit, in divinarum lectione Scripturarum, in compunctione, & mortis spe vitam exigent: quique hac tanta vitæ obscuritate, orationum fervore, puritate & perseverantia Ecclesiam roborarent. Hi fuerunt mores, hæc instituta Monasticarum sodalitatum, tantisper dum prisca sanctitas inibi incolumis subsistit.

Sed postquam irrepsit dissolutio; ac vel extincta penitus vel remissa fuit disciplina, pauci quidem Solitariorum utilia loquebantur, & ab omnibus laudata scribebant; innumeri vero interea vitam in otio & desidia, in nugis & vitiis agebant, quod præcarum exercitationum regularitate haud amplius sustinerentur, quodque ex suis lectionibus fructum capere vix possent. Ita graves populis, & Reip. inutiles fiebant. Quod si tunc data fuisset opera, ut in antiquas consuetudines reducerentur, ac juxta prisca instituta vita eorum renovaretur, quod misere perdidierant, facile recepissent. Id neutiquam fieri poterat, iniques: assentior; sed exhinc immedicabile malum erat, nec ullam ei medicinam asferre Studia valebant.

Contendit Auctor Tractatus, *Rectum ordinem, sive æconomiam, pag. 9*
qua in Monachorum sodalitatibus ab initio stabilita fuit, sustineri non
posuisse absque Studiorum subsidio.

ÆGre fit ut intelligam, Fratres mei, quo jure Studia, quæ in Sodalitatibus Monachorum minime fuerunt ab Institutorebus commendata: aut instituta, inter ea exercitia numerentur, sine quibus pietas in illis nequiverit facta testata servari. Et crederet quispiam, hos viros divinitus afflatos, superno spiritu ductos, Deique lumine collustratos, rei tam eximiae, sine qua bonum, cujus auctores erant, subsistere non poterat, iussionem prætermisuros fuisse! Id sane veri nemo putet simile. Quod si quis diceret, sequiores Monachorum Patres experiri voluisse, an damna ab infidelitate & negligentia in majorem Monasteriorum partem illata, ope Studiorum rescire possent, non abesset ille quidem a veritate. Sed cum insolens hujusmodi medicina morbo, cui applicabatur, ex se non quadraret, ut paulo ante observavimus; mala obduxit aliquandiu, texitque, sed non sanavit: Dumque exiguus Monachorum numerus doctrina inclarescebat, reliqua multitudo nihil inde capiebat emolumenti.

Si favor celestis, ut quispiam putat, Studiis aspiravit, & magnæ ex illis utilitates effluerunt, quid est, Fratres mei, quamobrem nostra hac tempestate, qua libri præ manibus tot Monachorum & Cœnobarum sunt, qua omnes vix aliud quam studia scientiasque crepant, pietas illa Patrum, ac religio prisca obsoluerint, & perraræ adeo sint, ut merito exclamare cum Propheta possimus: *Salvum me fac, quoniam defecit Sanctus.* Quomodo id factum, in- Ps. 11.
 quies? Nimirum quod cum Studio ea facultas non inest, ut sancti- 9. 1.
 tatem alicui conferat: solitudo verò, pœnitentia, silentium, Scripturæ Sanctæ meditatio, adde, & manuum labor, si recta fiat cum ratione, ad sanctificationem animarum aptissima sint instrumenta; nihilo tamen secius hæc singula ad praxin revocare vix unus aut alter sibi proposuerit.

Nullum momentum ad probandam veterum Monachorum animi Pag. 10.
 applicationem ad scientias, afferre mihi videtur auctoritas S. Pa- 11.
 chomii, ex nonnullis vitæ ejus gestis deprompta, qui alio plane sensu, ac in quem trahuntur, explicari debent. Sciendum etenim, a S. Pachomio omnes quotquot Dei servitio sese mancipare, & professionis ab illo institutæ jugum amplecti in animum induxerant, nullo delectu habito receptos fuisse. In ejus itaque Monasteria usque ad septem millia hominum confluerant, in quibus Pagani, peccatores, rustici, adolescentes, & viri, litterarum rudes, Lingue Græcæ & Christianæ doctrinæ ignari; qui in tanta denique rerum omnium inscitia versabantur, ut ne dexteram quidem a sinistra ma-

nu dignoscerent, referente vitæ illius Historico. Hic erat Monasteriorum status, quæ Sanctus ille vir fundaverat: ex id genus hominibus conflatum est celebre & frequens illud Institutum, sanctitate potius quam scientia adeo commendabile.

Pag. 10. Allegat Auctor, fieri ibi solitas tres quosdie lectiones; cunctisque onus impostum Novum Testamentum atque Psalterium addiscendi: Priorem uniuscujusque Domus ter in hebdomada collationes habuisse, quæ Disputationes aut etiam Catecheses dicebantur: exinde Monachos quidquid ex iis Collationibus perceperant, ad invicem conferre & agitare in foro positum habuisse. Denique singulas Domus Bibliotheca instructas fuisse.

Speciosa sane Monasteriorum S. Pachomii descriptio hic sistitur, & quæ prorsus alienam a rei veritate opinionem de illorum Disciplina ingerere valet iis, qui cursim illam leviterque inspexerint.

Facile profecto sibi fingent, has Collationes & Catecheses aliud nihil fuisse, quam docta Colloquia, sublimesve & eruditione repletas disputationes; at si de iisdem ad veritatis amussim judicium ferre velimus, ex Doctorum eruditione, Discipulorumque captu metiri eas debemus. Ecquid vero tradi consentaneum erat rusticis, rudibus, pueris, quorum alii ne legere quidem aut scribere didicerant, alii apud Gentes & Idololatrias fuerant educati; nisi elementa litterarum, hoc est legendi, scribendi, loquendi tyrocinium, & Religionis, quam amplecti volebant, principia; quæ Catechismi nomine hodie veniunt, cujus summa huc redit, ut Deum cognoscere, amare, ad illum confugere, atque orare discant.

Quod vero ad Catecheses attinet, quibus disputationum nomen appingitur, plane congruit hodiernæ praxi, quæ in Parochiis scholisque rudium atque incipientium obtinet, quando scilicet ex pueris primarum veritatum aliqui a notitia imbutis hi quidem interrogant, illi vero respondent, alii reprehendunt & contradicunt, ut illos æmulatio reddat magis attentos, magisque docibiles, atque ut præcepta quæ illis traduntur, memoriæ & cordi altius insigantur.

In dubium venire nulli quidem potest, quin plantæ illæ tenellæ studiose educarentur, docendo non modo quæ Christianis, sed & quæ viris asceticæ vitæ mancipandis sunt necessaria; hujusmodi, inquam, vitæ, quæ evangelicæ perfectionis, sanctæque doctrinæ usum apprime continet.

Bibliotheca nomen, ambiciosum illud quidem, & errorem incautis offundere aptissimum est. Vix aliquis prima specie se continet, ut non ad nostri temporis prægrandes Bibliothecas animo procurat. At mirum quantum ab istis illæ veterum Monachorum discrepabant! An alios illæ libros complecti debuerunt præter eos, quorum aliqua esset cum utentibus convenientia; nimirum Catechismos,

mos, Institutiones Christianas, aliquot Sacræ Scripturæ, & Novi præsertim Testamenti Codices, Psalteria? Rari iis temporibus libri, Typographia nondum inventa: perpauci recte norant scribere: & Monasteria præ inopia rei familiaris magnum in libros sumptum facere haud poterant. Sed advertite, Fratres, nihil ista commune habere cum scientiis; neque ex disciplina quæ in Monasteriis Sancti Pachomii vigeat, argui posse, ejus discipulos gravissima illa studia coluisse, quæ inter Monachos constituere hodie quis velit.

Subditur: *Quod si hanc regularis disciplinæ methodum paulo quis attendat, facile in animum inducet suum, eandem absque studiorum subsidio nullatenus subsistere potuisse.* Pag. 11.

Sane hoc verum est, Fratres, non eam tantummodo, quam instituit S. Pachomius, sed ne unam quidem ex multis in JESU CHRISTI Ecclesia subinde fundatis Regularibus Observantiis, subsistere sine Studio posse. At quodnam Studii genus hoc est? Nempe Studium Sanctorum: quo Sancti efformati, quo enutriti, eodem sustentari ac conservari debent. Nulla alia, nisi ista, studii ratione, disciplinæ remissio, animorumque distractio averti poterunt. De quo autem Studio loquar, iterum rogatis? De JESU CHRISTI & doctrinæ ejus scientia, de Scripturarum Sanctorum intelligentia, de legis ab illo traditæ jugi meditatione loquor; quibus accedere velim suscepti instituti accuratam notitiam, ac illam denique tenacem propositi firmamque persuasionem, ne latum quidem unguem debere nos a Sanctorum documentis, exemplis, institutisque nobis traditis usquam discedere.

Fieri non poterat (inquit) ut singularum Domorum Præpositi ter in hebdomada de rebus spiritualibus conferrent, si doctrinæ expertes fuissent; ad id verò sola Scripturarum scientia vix satis erat. Pag. 11.

Qui hæc sentit, Fratres mei, ad tria quæ potissimum consideranda sunt, non attendit. Primum est, Sacras Scripturas thesaurum esse non deficientem, quibus omnia contineri, quod studiosius mediteris, invenies: Quærendique in iis nullum finem esse præ immensa earum altitudine, juxta Apostoli verba: *Quæcumque scripta sunt, ad nostram doctrinam scripta sunt, ut per patientiam & consolationem Scripturarum spem habeamus*, nos videlicet a Verbo Dei tamquam a penu inexhausta doctrinam, consolationem, lumen, devotionem, in quibus Religionis summa consistit, affatim depromere posse. Rom. 15. v. 4.

Alterum est, maximos in Ecclesia viros, atque illos præsertim, qui primis sæculis vixere, omnem suam doctrinam, omnem Sanctitatem atque eloquentiam a Sacris litteris, quasi ab immensæ altitudinis fontibus hausisse; exhinc verò dignos evasisse, qui præcipuas

Ecclesiæ dignitates tenerent, quive in sedibus primariis constituerentur.

Tertium denique hoc est, JESUM CHRISTUM, qui sua providentia cuncta moderatur, qui sanctarum Sodalitatum primus est Auctor atque Institutor, qui eas, ut ita dicam, creavit ac de nihilo eduxit, usus ministerio atque opera hominum, numquam eas rectoribus & ductoribus orbas reliquisse, nec posthac relicturum, dum fideles ipsi erunt; fierique vix posse, ut in tanta hominum multitudine, quos Spiritus Sanctus unius communione instituti coadunavit, nemo reperiatur, qui (Deo dante) ingenio & solertia polleat cum sanctitate conjunctis, ad hoc ut Scripturarum abditissimos sensus rimari, pro re nata explicare, & quamlibet veritatem eloqui possit apte ad permovendos, unaque illustrandos sive legentium sive audientium animos. Ipse & non alius Pastores eligit ac Solitariis præficit, quemadmodum & reliquos populorum Præfules constituit. Hæc nobis ipsa Fides tradit; omnes autem qui ex Fide vivunt, ea ut explorata & certissima habere debent.

Cæterum, cum nostra tempora præfidiis doctrinæ magis abundent, quam prisca illa de quibus loquebamur; licebit ad Sacras Paginas adjicere magnum librorum numerum, qui ad Monachos in instituti sui amore roborandos, ad augendam eorum scientiam, ad inflammandos ad virtutes sibi maxime convenientes eorum animos, plurimum valent, quin eorum cogitationes in diversa trahant, cujusmodi incommodum ex multiplici variaque lectione sine ullo delectu instituta necessarîo fere consequitur. In his numeranda veniunt atque laudanda, Fratres mei, S. Basilii Opera, Collationes Cassiani, Vita Sanctorum Patrum in Eremito, Scripta S. Ephræm, S. Isidori Pelusiorum, S. Nili, S. Dorothei, S. Jo: Climaci, S. Bernardi, Homiliæ S. Jo: Chrysostomi in Sacram Scripturam, Enarrationes S. Augustini in Psalmos, Moralia S. Gregorii, scripta S. Hieronymi, aliaque multa horum similia. Profecto Monachus, cujus animum hæc lectiones non explent, insatiabili sciendi cupiditate laborat.

Quod de Theodoro narratur (pag. 12.) ad argumentum de quo agitur, inutile prorsus est. Quod si ille Philosophorum ænigma quoddam sibi propositum acutè intellexit, enodavitque, prompto, solertique ejus ingenio, diuturnæque in Sacris Scripturis exercitationi tribuendum est; neque enim ab eo aliquid quæsierunt, quod omnibus fere perspectum non esset: pauci tunc temporis ignorabant, aut etiamnum ignorant, Adam Dei manu fuisse conditum, Enoch vivum e terris sublatum; uxoremque Loth in statuam falis fuisse conversam.

Allegatur, S. Pachomius discipulis suis Scriptura Sacra eloquia exponere solitus, si quæ maxime occurrerent intellectu difficiliora, aut magis abstrusa de Domini Incarnatione &c. Pag. 12.

Non est cur miremur, Fratres, S. Pachomium, qui Scripturas diligenter atque attente perlegerat, quem Deus maximi in Ecclesia Ordinis Fundatorem præordinaverat futurum, earum intelligentiam assecutum fuisse, sive hanc illi a Deo fuisse communicatam, prout aliis viris Sanctis contigit, quos Deus ad magna quædam Opera perficienda direxit, quive illius gloriam propagaturi, cultumque promoturi erant. Accedit, quod S. Pachomius Lectoris munus obierat: videre autem est etiamnum simplices puellas, quæ Scholis præsunt, & Religionis mysteria ita distinctè, luculenterque explanare sciunt, ac si Theologicum cursum studio peregissent.

Indubitatum insuper esse (affirmat) Sancti Pachonii discipulos nedum Scripturarum Sacrarum lectioni vacasse, verum & Sanctorum Patrum opera sæpius lectitasse. Pag. 12.

Quamquam vero id probetur (quod est difficile) nihil inde consequitur: Neque enim alicui in mentem venit Monachis Operum a Sanctis Patribus conscriptorum lectionem interdicare; ex qua illi lectione recreari, illustrari; & in officiorum Monasticorum fideli proposito, perpetuoque usui confirmari possunt. Sed cum pauca huius styli & argumenti Patrum opera tunc extarent, in ea illi exercitatione plurimum versari non poterant. Nemo est itaque, qui non intelligat, nullatenus id referri posse ad amplissimas illas scientias; quæ solitariis a quibusdam proponuntur.

Afferitur, S. Basilium easdem fere normas præscripsisse Monachis, qui ejus disciplina se dederant; cujus rei inde argumentum sumi, quod pueri in ejus Monasteria reciperentur, consue atatis erudiendi, donec aliquod vitæ institutum suscipere prudenter valerent. Pag. 13.

Educari adolescentulos consuevisse inter S. Basilii discipulos, facile assentior; satendum tamen est, docendi modum ibi usurpatum summa fuisse cum simplicitate & sanctitate conjunctum, in eoque nihil esse quod nostram non confirmet sententiam. Quod patet ex Responsione ad decimam quintam quæstionem Magnarum Regularum. „Vir sanctissimus expresse monet, considerandum esse, ut litterarum commentatio instituto Monachorum conveniens sit; ut & Magistri scilicet vocabulis in Sacris litteris usitatis apud alumnos utantur, & loco fabularum, historias ipsius rerum mirabiliter a Deo gestarum denarrent; itemque sumptis ex Proverbis sententiis ad virtutem erudiant.

Fateor etiam ipsummet S. Basilium cum discipulis Collationes habuisse; At summa colloquiorum ejus quæstiones complectebatur a Novo Testamento petitas, eo fine ut Sacris litteris innutriti mores suos Christiana pietate, atque exercitatione virtutum informarent.

Quænam est verò tam simplicium piarumque Collationum, ad imensam illam doctrinam, quam hodie quidam requirunt, proportio? Illud profectò mirari subit, quod cum Studiorum Monasticorum patronus (p. 7. & 13.) affirmaverit, divinarum Scripturarum lectionem satis olim fuisse formandis viris ad Ecclesiastica munia obcunda designatis, atque in ea omnem illorum doctrinam sitam fuisse, idem postea neget, sacras litteras hominibus ad solitudinem factis, & JESU CHRISTO peculiariter addictis sufficere.

Pag. 14. *Veterum Monachorum eruditionem (inquit Auctor) ex Collationibus Cassiani percipere posse.*

Duo sunt, Fratres mei, quæ ad id respondere possumus: Unum, quod in plerisque harum Collationum eminent maxime judicium sanum, animi libertas summa, prudens pietas, studiosa Verbi Dei commentatio; valde autem parum eruditionis & doctrinæ conspicitur.

Alterum, quod tribus quatuorve Solitariis ex magno numero lectis, aliosque innumeros singulari virtute antecedentibus, loquendi partes fere ubique in his Collationibus tribuuntur.

Quæ referuntur ab Abbate Josepho (pag. 15.) prolata, aliud nihil evincunt, nisi quod Monachi suomet judicio, suaque intelligentia in lectione S. Scripturæ contenti esse non debent; sed Antiquiorum suorum, quos diutina commentationis exercitatio doctiores effecit, sciscitari sententias. Ad id verò tam late patens & vasta scientia minime requiritur: Adhuc modo interpres gravis & doctus, quo præeunte vitentur errores, in quos magnus solitiorum numerus olim impiegit: Eorum id munus esto, qui aliis regendis præficiuntur; ad eos pertinet plura & altiora intelligere, quam intelligant qui ab illis reguntur. Id nos docet S. Basilii quæst. 23. suarum Regularum compendio explicatarum, ubi quærit, an expediatur multa ex Scripturis ediscere: „ Equidem sic existimo, ait, cui aliorum re-
 „ ctio procuratioque commissa sit, cum quæ apud omnes scripta sint,
 „ scientia comprehensa habere, ac ediscere debere, ut cunctos do-
 „ ceat voluntates Dei. De cæteris vero qui subsunt, unusquisque
 „ quæ officii sui sint, studiose discat & persequatur, neque curiosè
 „ ulterius quicquam inquirat.

S. Gregorii locus, qui (pag. 15.) citatur, ad Solitarios non pertinet; generale autem effatum est a veritate dependens quæ in contentionem venire non potest: Nimirum Litterarum humanarum notitiam aliquatenus conducere, neque esse penitus rejiciendam. Ma-

gni illius sanctique viri hanc esse sententiam ambigi non potest, ut ipsemet Tractatus Auctor agnoscit, cum ait (p. 271.) S. Gregorium in sua ad Desiderium Episcopum Viennensem Epistola, hac de re loqui juxta Decretum quarti Concilii Carthaginensis, a quo Gentilium librorum lectio Episcopis inhibetur, quos Grammaticæ nomine sanctus is Doctor indigitat. Scimus alioquin, sanctos viros litteris humanis usos feliciter & cum fructu, præcipue scribendo ac disputando contra Gentiles.

Hoc Caput, quod hætenus, Fratres mei, per partes vobis exposui, toti Operi præponitur ut basis & fundamentum, unde per firmas illationes erui argumenta putat Tractatus Auctor, idonea ad probandum, dandam esse a Monachis operam litteris humanis, prophanorum lectioni, Philosophiæ, Linguis, Theologiæ, Historiæ, Disciplinæ Ecclesiasticæ & Canonibus Conciliorum, ac notitiis hæcæ universas omnino esse necessarias. Quid aliud hoc est, quam Veterum locis inibi allegatis vim inferre, eorumque dicta factaque in alienum sensum torquere? Luce verò clarius est, ex eorum auctoritate locorum id solum probari, commendationem Verbi Dei, ac Scripturarum studium a Solitariis apprime olim exculta fuisse; S. Pachomium studium hujusmodi discipulis suis commendasse tanquam necessarium ad obrinendam sanctitatem, eorum sive ut Christianorum sive ut Monachorum professioni consentaneam; & nequam sibi proposuisse, ut in ampliorem studiorum ac scientiarum messem illos deduceret.

Jam vero intelligitis, Fratres, immerito Auctorem Tractatus videri sibi demonstrasse, disciplinæ Monasticæ æconomiam, prout eam constituere Sancti Pachomius & Basilius, tunc scilicet cum maxime illa vigeat, sine studiorum præsidio non potuisse consistere: nisi forte totum hoc studii genus in sola divinatorum librorum lectione ponatur; ambo enim sancti illi viri finibus hujus cognitionis sese continuerunt. Sane quidem S. Pachomius, ne libros Originis lectionarent, discipulis suis vetuit, quod nempe per solitudines Monasticas maxime libri illi disseminarentur, ac in omnium fere manibus tunc essent; nullibi vero immensa illa studia, quæ hic rejiciuntur a nobis, ab eo fuisse imperata, neque id illi umquam in mentem venisse, novimus. Itaque, ut vera dicam, grande ædificium mihi videtur Auctor moliri, sed fluxa & caduca fundamenta substruere, ex quibus nihil validum nihil firmum exurget.

Illud quidem quasi decretorium allegatur, fieri non posse, ut idonei Superiores Monasteriis præsent, nisi ibi certa Studiorum ratio obtineat. Facile est respondere, in Cœnobiis inveniri sæpe viros, qui antea didicerint scientias, quibus addere illa possunt quæ pro suscepto vitæ instituto scire illos decet: Quod si secus contingat, vix esse aliquam Monasticam sodalitatem, ubi desint omnino qui sollerti ingenio a natura præditi, & ad discendas sacras litteras præ
reli-

reliquis magis apti, digni olim futuri sint ut regendis Fratribus præficiantur. Istorum ingenia exercenda interea erunt diligentius lectione Scripturarum, antiquorum Auctorum ac Patrum qui de Officiis vitæ Monasticæ scripsere, Operum denique Ecclesiasticorum Doctorum, in quibus effata continentur adpõsita ad gubernandas animas, regendasque conscientias. Quod si vel primis Ecclesiæ sæculis studium divinæ Scripturæ consentiente Auctore Tractatus (p. 13.) a viris Ecclesiasticis coli unice consuevit; cur ulterius aliquid a Monachis requiritur? Vel saltem si huic studio Opera Sanctorum Patrum adjiciantur, cur non erimus hac accessione contenti?

C A P U T III.

Pag. 16. Hoc Capite id sibi sumit Auctor probandum, Abbates aut alios Superiores sine Studiorum adminiculo rectioni & procurationi Monasteriorum idoneos non esse; Regulas vero Monasticas, scientiam a Præpositis, sapientiam, ac vitæ probitatem requirere.

Fatetur ultro, ab omnibus, quotquot Monasticarum Observationum Regulas tradidere, illud in primis constitutum fuisse, ut ejusmodi viri Monasteriis præficiantur, qui Fratres suos scientia, prudentia, & exemplo vitæ juvare confirmareque possint. Cum vero anceps sit scientiæ vocabulum, in hoc sita est Quæstio, ut sciamus, quam denique illi scientiam in Superioribus requisiverint. Atque ego quidem securus erroris sic statuo, Præpositos regulares Monachorum necessariis dotibus præditos futuros ad hoc ut cum fructu & benedictione cœlesti gregem sibi commissum regant, si Sanctorum Scripturarum ita periti atque intelligentes fuerint, ut documentis in utroque Fœdere ac præsertim in Novo contentis uti apposite, ut mysticos rimari sensus, divinaque eloquia ad actionum morumque normam subditorum suorum accommodare valeant: si ea quæ Sancti viri de eorum instituto scripsere, noverint; si pias morum institutiones, quæ in Operibus Patrum ac Doctorum Ecclesiæ, puta S. Jo: Chrysostomi, S. Basilii, S. Hieronymi, S. Ephræm, S. Isidori Pelusiota, S. Nili, S. Dorothei, Cassiani, S. Augustini, S. Gregorii, S. Bernardi, atque aliorum hujusmodi Scriptis inveniuntur, exacte perlegerint; si denique elocutionis donum, sine quo omnes illæ notitiæ inutiles forent, habuerint. Monachum igitur sollerti ingenio præditum, in horum omnium Auctorum lectione versatum, sinceræ pietatis ac religionis sensu imbutum, quis dubitat, cujuslibet rectionis ac procurationis oneri gravissimo satis parem futurum?

Cur itaque ad alienam suo muneri doctrinam confugiet, cum ista sufficiat, dicique possit haud citra rei veritatem, majorem hac non requiri doctrinam vel in primis Ecclesiæ Pastoribus? Nonne satis am.

amplam piarum graviumque Exhortationum aut acrium Reprehensionum materiam, in Libris quos memoravimus, poterit invenire? Nonne ibi passim deprehendet quæ ad ingerendum Fratribus suis peccati odium, virtutis amorem, mundique contemptum appositè dici queant? Quam multa denique in recessus solitudinisque commendationem, quam idonea ad excitandam in animis Dei ac proximi charitatem, eosque ad pietatis apicem evehendos, licebit ut legat? Quid porro majus in Pastore Monastico requiras? Nonne omnia illi suppetunt, si habeat quæ necessaria sunt, ad hoc ut animas sibi a JESU CHRISTO commissas tutò regat, usque dum veniat dies, qua easdem Domino est redditurus?

S. Bernardus, cujus citatur epistola 306., in qua sui Ordinis Abbatem quemdam laudat, cum illum munerì suo rite obeundo non mediocriter aptum fuisse inquit, nihil aliud testatum posteritati voluit, nisi quod is fuerit, qui posset facile suorum Fratrum animos ad pietatem erigere, atque in suscepto vitæ instituto eisdem robore.

Quamvis eorum, quæ in Novi Testamenti libris tradita sunt accuratam notitiam haud magni facere nonnulli videantur; nihil esse tamen, ad hoc ut Monachi ad solidam pietatem informenur, ea notitia magis efficax, nihil ad augendam quam acquisiverint pietatem aptius, nihil denique ad eos in virtutis fastigium extollendos fortius, existimo. Per ea videlicet quæ ex Novo Fœdere petita tradi poterunt, discant Monachi Deum super omnia, Fratresque suos rite secundum Deum amare; Præpositis, quibus ex Dei ordinatione subjiciuntur, obedire; puritatem, Angelorum ad instar, sectari; pauperes, humiles, docibiles esse; mundum mundique oblectamenta, curas, ac voluptates devitare; scientiarum vanitatem contemnere; de pane illo vivo, qui vitam largitur ac fovet, nutrirì; carne & spiritu libenter mortificari; denique solitudinem, silentium, orationem anteferre colloquiis sæcularibus, atque cuilibet hominum consuetudini. Hæc omnia operatur Verbum Dei in illis, quibus fideliter traditur, præsertim si id fiat a Viris, quibus ad hoc munus exequendum character, auctoritas, & Missio non desint.

Minimi sunt ponderis quæ de Serlone subduntur; Scriptor is fuit Pag. 18. judicio & doctrina S. Bernardo prorsus inferior. Laudat & ipse Abbatem, de quo supra meminimus, sed in ea re laudat, in qua non erat pro ratione ejus instituti laudandus: ait enim ipsum nedum fuisse Sacris Scripturis, sed & liberalibus artibus humanisque litteris eruditum; Quam ille eruditionem haud sibi comparaverat in Cisterciensi Ordine, cujus tunc penitus vigeat disciplina, sed in Cluniacensi, in quo valde remiserat, atque ubi Theroldus (id Abbati nomen erat) vitæ Monasticæ professionem ediderat.

Fig. 18. Hoc tanquam maximi ponderis argumentum assertur, quod Abbates eminentem gradum in Ecclesia semper obtinuerint, quodque in Conciliis presentes adesse debuerint.

In vir. Nonnullos quidem Abbates Conciliis aliquando interfuisse non nego; sed ut illis presentes se sisterent, nulla lege fuisse obstrictos, nisi cum ad ea vocarentur, pro certo habeo. In hac fuit sententia S. Auxentius Monachus celeberrimus, qui cum ab Imperatore atque a Patribus, ut ad Chalcedonenſe Concilium veniret, rogaretur, abnuo, respondens, id honoris Episcopis tribui non Monachis, quibus doceri quam docere, magis convenit: Verum effractis cellæ qua se concluderat foribus, vinci denique se passus est, Conciliique Decretis subscripsit.

Ep. 187. In eadem fuisse sententia S. Bernardum, ex pluribus Epistolarum ejus testimoniis patet: Ad Episcopos apud Senonas contra Petrum Abaelardum coactos scribens, non agi ibi ait causam suam, sed litterem pro defensione fidei, ideoque Episcoporum magis propriam; & sane, ut in Notis Auctoris observatum est, ad hanc Synodum non nisi invitus venit. Alio loco de eodem negotio verba faciens, illud ad se nequaquam pertinere ait, sed potius ad Episcopos, quorum est ministerii de Dogmatibus judicare. In eumdem finem se excusat, quod ad Trecentis Concilium vocatus non accedat, causaturque imperitiam ac morbos; subditque insuper, quæ in eo erant definienda, ad Episcopos spectare, non ad se qui in silentio & solitudine viveret. *Ep. 189.* *Ep. 11.* Sola eum vicit obedientia, & reluctantem accedere compulsi. Testatur alibi, se, quoties negotiis immisceretur, de quibus sua nihil refert, non sponte sua, sed vocatum ac tractum id facere.

Ep. 48. Sed etiam si pauci quidam Abbates ac Monachi presentes adfuerint Conciliis, quid inde consequitur? Triceni aut quadrageni ad Synodos perfecti quid sunt ad quadraginta Monachorum millia, qui in obscuro abditoque solitudinum semper delituerunt, quorum firma invictaque fides robur & manimen Ecclesiæ erat; qui spiritus & carnis mortificatione, gemitibus, lacrymis, jugique suimet ipsorum holocausto, quod divinæ majestati, cui sese mancipaverant, immolabant, Remp. Ecclesiamque fovebant. Et credat quispiam, hos Angelos carne indutos de illo sacræ pacis ac tranquillitatis sinu abstractos fuisse, ut evagationi mentis, a qua scientiarum studia disjungi non possunt, obnoxii redderentur; hoc specioso argumento quod ad Synodos cœtusque Ecclesiasticos, quibus alioquin interesse numquam debebant, vocari aliquando potuerint.

Nonne id perinde est, ac ordinem a Deo constitutum velle pervertere? cursum divinæ Providentiæ disturbare? Magdalenam a pedibus Salvatoris avellere, curisque ac solitudinibus Marthæ implicare? An ista mutare hominum est? (cum hæc dico, absit ut intacta nolim Ecclesiæ jussa atque Decreta.) Scimus, nonnullos olim solitarios.

arios in corona majorum Ecclesie Principum presentes adfuisse, suasque ibi sedes obtinuisse, sive per se, sive illorum nomine, a quibus illò legati fuerant: ac sæpius affirmavimus, Fratres mei, omne ævum aliquos tulisse doctrinæ laude in Monachatu conspicuos: sed id præter morem & fortuito penè evenisse: a particularibus verò, quæque extra ordinem contingunt, nihil sequitur, juxta regulam Juris Canonici: *Quæ a jure communi exorbitant, nunquam ad consequentiam sunt trahenda.*

In 6. de
reg. juris
reg. 24.

Præterea notandum est, si e recessu solitudinum educti aliquando fuerunt, ut in perturbato rerum statu gravibusque negotiis, subsidio Ecclesie irent, id accidisse verius quod eorum sanctitati & signorum dono honos haberetur, quàm quod magnus doctrinæ eorum usus speraretur.

S. Antonius ex cacumine montis in quo degebat, evocatus olim fuit, ut Alexandriam proficisceretur, ibique hæreticorum audaciam impietatemque non disputatione, sed sanctitatis auctoritate & fama prosterneret. Etenim constat, nulla eum scientia præditum fuisse, nisi quam ex Scripturarum Sanctarum frequenti meditatione sibi comparaverat, quemadmodum perspicuis verbis testatur S. Augustinus: *Nec propterea sibi ab Antonio sancto & perfecto viro Ægyptio Monacho insultari debere, qui nulla scientia litterarum, Scripturas divinas & memoriter audiendo tenuisse, & prudenter cogitando intellexisse prædicatur, lib. 1. de Doctr. Christi. in prolog.*

S. Julianus eodem consilio & pari successu Antiochiæ præsens adfuit. Nempe ex quo magni illi viri se Orthodoxæ Fidei defensores profiterentur, continuo maximum causæ momentum accedebat, viresque atque animi addebantur iis qui pro ea pugnabant, adeo ut adversariorum audaciam fortius infringerent.

S. Macarius Ægyptius, ubi cum obstinato hæretico, qui mortuorum Resurrectionem negabat, ad manus venisset, hominem mortuum revocavit ad vitam illo præsentē & coram innumera populi multitudine, quam impostor ille seducere nitebatur.

S. Copres pari signorum virtute Manicheum adortus, in ignem data opera accensum infiliens, fidei attestatus est veritatem, atque hujus hæretici errores non doctrina, sed miraculo confutavit.

Memoriæ proditum est, S. Aphraatem Persam, in Syria prope Edessam solitarium, cum turbas & strages, quibus hæresis circa Antiochiam grassabatur, cognovisset, eò lese contulisse, atque in Philosphorum Scholam quæ inerat portis Civitatis, audacter ingressum, græci sermonis in ea regione vernaculi licet ignarum, adversus illos vehementer disputasse, de Spiritus Sancti gratia, ut historicus animadvertit, ceu de altissimo fonte sententias & argumenta quibus ad eos profligandos usus est, haurientem: Quod tam felici eventu peregit, ut omnes eum audituri atque interrogaturi turmam advenerint. Viri omnifariam omnique conditionis in eo cœtu adfue-

adfuerunt, milites, Magistratus, artifices, docti atque indocti, divites & pauperes: vir autem Dei cum sciret, cuinam accepta referenda essent quæ ex ore suo fluebant verba, cum S. Paulo exclamabat, *Ego etsi imperitus sermone, sed non scientia*. Et jure sic agebat; nam multa vera quæ ipse objectabat adversariis, in ejus animo fuscitabat Deus, ut de labiis illius ad configendos errores tanquam acuti gladii procederent.

Vii. S. Macarius Alexandrinus magno solitariorum numero comitatus, eremo relicto, Alexandriam eadem de causa petiit. Ex vitæ autem ejus historia intelligimus, eum cum hæreticis disputasse, eosque non subtilitate sermonis aut eloquentia, sed virtute & efficacia Spiritus, quo plenus erat, prostravisse.

Viii. S. Theodosius, nominatissimus ille Abbas, scientiarum, humanarumque litterarum expertus, de rebus divinis tanta vi tantaque eloquentia differebat, ut vel doctissimos & sacundissimos viros facile superaret. Et fane illius verba non ab humana sapientia, sed a divino, quo tenebatur spiritu, prodibant; ut referente historico, dixisse illi Spiritus Sanctus videretur, quemadmodum Propheta: *Posui verba mea in ore tuo*. Nempe salutares Regulas, quas a Sancto Basilio didicerat, menti animoque velut infixas alte retinebat, & cujus in se quodammodo delineabat vitam, sanctissima quoque documenta moribus exprimere, atque eloquentiam imitari gestiebat.

Viii. ipsi. Abstrusos ille Patrum locos dilucide explanabat, eratque in ore illius ignis quidam consumens, quasi gladius acutus, cui nihil poterat resistere. Imperatori sacra Concilii Chalcedonensis dogmata evertere nitenti invicta constantia restitit; atque Acephalorum detestandis erroribus impugnatis, adversus omnes quæ sibi struebantur insidias mira sapientia superior evasit. Ausus denique est Imperatori libere enunciare, non aliunde quam ab immoderato partium studio quorundam Ecclesiasticorum ac Monachorum, qui se veram fidem tueri crederent, quive præ ceteris doctiores haberi maxime cuperent, turbas & scandala, quibus Ecclesia jactabatur, orta fuisse.

Hinc apparet, quantam ex una parte afferre possit perniciem vana Monachorum propter scientiam elatio; ex alia vero quid boni valeat efficere sanctitas illorum, qui Deo fidunt, eaque cognitione & scientia contenti sunt, quam Spiritus Sanctus ipsis impertivit.

Non ambigimus quidem, Solitarios Ecclesiæ regimini aliquando fuisse præpositos: sed peculiaria exempla esse ista dicimus, quæ ad summam quæstionis vix aliquid conferunt. Obvium enim est respondere, Accetas illos, qui de suo abstracti atque avulsi statu olim fuerunt, in Monasteria venisse postquam humanas scientias in coetu sæcularium addidicissent; qui dum intra Clausura morarentur, sanctarum veritatum studio occupati, divinarum Scripturarum meditatione pietatem haurire nunquam destiterant; qui denique exiguu numero, doctrina quadam singulari & a communi Monacho-

chorum usu aliena præditi, vias ab aliis tritas nequaquam ingressi sunt.

Afferitur (pag. 18.) *Sancti Basilii testimonio demonstrari, quod Cæ-* Epist. ad
Chil.
nobita Synodis ejus temporis interesse soliti fuerint : Monachum Chilonem ab eo reprebendi, quod cum Anachoretam se fecisset, occasionem sibi eriperet proficiscendi ad hos cætus, in quibus dubia & difficultates circa Theologiam divinasque Scripturas disceptabantur.

Quod nobis hic objicitur alicujus quidem momenti esset, si a Sancto Basilio objiceretur; at revera, Fratres mei, quæ quasi ab illo dicta afferuntur, non ab alio quam a mendacii patre diabolo excogitata sunt. „ Nam Sanctus Basilius hoc loco tantummodo „ Chilonem admonet, ut sibi a diaboli versutiis caveat, qui si „ quando cavilletur & dicat: Quæ utilitas est tibi hujus in hoc „ loco conversationis? Quid lucri fers ex secessu a consuetudine hominum? Annon nosti a Deo constitutos Episcopos Ecclesiarum „ Dei, viros familiariter consentientes, & spirituales conventus indefinenter celebrantes, in quibus maxima his qui accedunt utilitas oritur? &c. si hæc inquam, & similia suggerat diabolica cogitatio, Chilonem monet S. Basilius, ut per piam meditationem „ illi se opponat, experientiam rei adducat; & diabolo, bona, ea „ quæ in vita sunt, esse, dicenti respondeat, propterea se illuc „ transmigrasse, quod indignum se ipsum censuerit mundi bonis, „ immista autem mundi bonis mala esse. „ Peculiarem sane meretur animadversionem Auctoris in hoc loco citando hallucinatio, cum minime solemne ei sit ita hallucinari.

Frustra quoque in exemplum adducit Auctor S. Bernardum, quasi ille studiorum causa & ob acquirendas scientias aliud diverterit atque a Monachorum consortio sese subduxerit, quod olim Superioribus fuisse familiare autumat. Nam S. Bernardum id nunquam egisse constat. Dum illi vires & firma valetudo ad opus manuale exercendum suppetere, pro virili parte cum Fratribus suis laboravit. Cur se ab illis quoad regularia officia distraheret, in causa fuerunt tantummodo morbi, & qua diutius tenebatur incommoda valetudo; Monastico vero regularique operi cum decrat, orando, aut utilia & necessaria ad discipulorum suorum doctrinam & ædificationem scribendo unice occupabatur. Quod enim ad scientiarum studia pertinet, nunquam illis operam dedit, ut ipsemet fassus est, juxta illa verba sæpius a se repetita, *Amplius invenies Ep. 106. in silvis, quam in libris.*

Pag. 11. Hoc Capite assumitur probandum, *Monachos ad Clericalem statum erectos teneri ad studia incumbere.*

Non inficior, Monachos, qui Clero sunt adscripti, latiori cognitione indigere, quam qui eodem gradu atque ordine minime censentur. Sed illud ambigitur, quibus terminis hæc illorum amplior cognitio claudenda denique sit; cavere enim debemus, ne hoc obtentu genus aptitudinis ab iis requiramus ipsorum instituto inconveniens.

Nullum porro dubium est, quin omnem ad quam, ut Clerici, tenentur, eruditionem sint habituri, quoties Sacrarum Scripturarum intelligentia subtiliori præ ceteris Fratribus præditi fuerint, & quandocumque Religionis principia, & christianæ morum disciplinæ dictata, perspecta habuerint, ita ut latas & spaciosas vias non præferant angustis & arctis, quas Jesus Christus exemplo & verbo nobis monstravit, ac per Sanctorum Doctorum, e. g. S. Basilii, S. Jo: Chrysostomi, S. Hieronymi, S. Augustini, aliorumque hujusmodi præcepta in eorum homiliis, admonitionibus, & tractatibus ad mores spectantibus contenta, nos docuit.

Pag. 7.
et 13.
S. Greg. Vix mihi subit dubitare ne in hic a me dicta consensiat Auctor, cum pluribus ille locis jam fassus sit, qui se Ecclesiæ manciparent, olim studiis divinarum litterarum operam unice dedisse. Cujus generis studia si tum Ecclesiasticorum propria & sola fuere, cur adhuc non erunt? Statuendum est itaque, Monachos omnibus numeris scientiæ, quam ab iis Ecclesia postulat, satisfacturos, cum ad eloquii divini lectionem ita diligenter naviterque intumbent, uti proficere & compendium ex ea capere volentes decet. Quæ autem ratio persuaserit unquam, a Monachis qui nunc sunt, plura sciri debere, quam ab Ecclesiasticis qui primis sæculis vixerunt? Quod si forte abstrusa quædam difficultas suboriatur, ad quam enodandam competens eruditio non adsit, quid vetat quominus consilium a doctioribus capiatur? Præterea nullum hodie Monasterium est, in quo libri desiderentur, ad quos subnascentibus dubiis confugere quispiam possit.

Pag. 22.
21. Quod si Cisterciensium Monachorum ille, qui S. Bernardo a secretis esse meruit, Monachis sacro ministerio addictis latiore scientiæ campum patefecit, in hac re non secus ac in aliis permultis a Patris sui ac Præceptoris sententia longe discessit, cujus hæc verba non dubito quin pluries audiverit: *Scientia Sanctorum est, hic temporaliter cruciari, & delosci in æternum. Et in contrarium scientia malorum relabitur.* Ber. ser. 21. de diversis.

Quamobrem, Fratres, hoc velim pro certo habeatis, Monachos Sacerdotio initiatos, qui eum scientiæ gradum attigerint quem iis con-

convenire paulo ante dixi, non esse commiscendos cum Sacerdotibus, quibus, quoddam repulerint scientiam, per os Prophetæ gravia minatur Deus. Ad eos ista non pertinent, neque in eorum recident caput. Abbas Trithemius Monachorum litteratorum encomiastes, cuius auctoritas allegatur, nostram confirmat sententiam; „ postquam enim dixerat, Sacerdote indocto nihil esse miserius, subjungit, „ eum, licet nullum prædicationis officium habeat, ratione tamen „ suscepti ordinis ad scientiam obligari Scripturarum. „ Et nos idem prorsus sentimus; nam Monachos ad Sacerdotium evectos ad hanc Scripturarum scientiam, assiduo diligentique studio, quo in iis meditandis versari sunt, ponimus pervenisse. Locus Osæ: *Quia tu scientiam repulisti, repellam te ne Sacerdotio fungaris mihi*, difficultatem non attingit; non enim ad Monachos, sed ad Ecclesiæ Rectores & Principes minæ istæ diriguntur.

Pag. 26.

Of. 4
v. 6.

Cum observantia Sacrorum Canonum (inquit Auctor) generaliter omnibus Ecclesiæ filiis indita sit, Monachi soli non excipiuntur: ad hos etiam pertinent quatuor primorum Conciliorum decreta & Synodales constitutiones, quibus in Ecclesiæ auctoritas est. Secus enim juste timeri potest, ne ipsi quoque sententiæ, ac punitioni divine aliquando subjaceant, quam Sacerdotibus quibusque necessariam Ordini suo scientiam repellentibus Deus per os Prophetæ minatur. Quod si S. Gregorius Sanctissima quatuor Concilia confirmans, ita dicit se ea suscipere & venerari, sicut Sancti Evangelii quatuor libros, eadem ratio, quæ ad lectionem & meditationem Evangelii Monachos impellit, ad assequendam pariter Synodaliū decretorum notitiam eosdem impellere debet.

Pag. 25.

Hæc propositio, Fratres mei, defendi non potest; neque hætenus quisquam fuit, cui in mentem venerit hac obligatione Monachos onerare, atque ad ecclesiasticorum Canonum studium compellere sub adeo gravi sanctione. Huic obligationi nunquam adstricti fuere Laici, ut vult Tractatus Auctor, & ne Ecclesiastici quidem, quamquam his populorum institutio commissa sit: Non est accurata Auctoris ratiocinatio. S. Gregorius de cultu & reverentia, non de lectione ac studio primorum quatuor Conciliorum Œcumenicorum loquutus est; Cui reverentiæ, & cultui satisficit intima animi submissione, ac motione fidei, quæ quidquid Ecclesiastica decreta continent amplectitur, singularum rerum, quæ Doctoribus subtilius examinandæ reservantur, haud valde curiosa. Monachi propriè dictis & essentialibus officiis atque obligationibus satis sunt devincti, quæ nimium cæteroqui ignorant ac negligunt; prorsus autem intempestivum est novas illis atque imaginatione effectas obligationes superaddere.

Uno verbo, Fratres, quilibet homo sacro baptismatis fonte tinctus, quidquid docet Ecclesia credere debet, idque fidei suæ integri-

tate complet, omnibus quæ in Conciliis statuta sunt accipiendis paratus; quandocumque illa sibi proponantur. Ceterum scire velim, an S. Benedictus, & sexcenti post illum Monachi ac Superiores ipsi noverint olim quod in Conciliis constitutum fuerat? Quod si Canonum singulorum ignari fuere, nunquid propterea reperi merentur a Deo? Quod ex Auctoris sententia videtur consensui. Quam ille sententiam quomodo tueri poterit, cum toties, ut vidimus, falsus sit, Ecclesiasticorum studia non alia prorsus fuisse quàm Sacrarum Scripturarum, suamque opinionem S. Gregorii auctoritate firmaverit.

pag. 7. &
alibi.

pag. 26.

In Vir.

Quæ de S. Fulgentio narrantur, nihil habent sententiæ nostræ contrarium. Fuit ille Sanctus vir, a Deo tuendæ veritati Fidei Catholicæ & gloriæ Nominis illius sustinendæ designatus, quem propterea Spiritus Sanctus virtute, zelo, & doctrina Apostolorum repleverat. Singulare autem hoc exemplum est, ex quo non resultat regula. Sed vel ex ejus instituti ratione (quod notatu dignum est) mire confirmatur nostra sententia. In Monasterium secessit in rupe positum, ubi inter cetera Regularia exercitia, quæ Historicus singillatim persequitur, *communis oratio* fiebat & *lectio*. De Studiis autem ne verbum quidem. Communis porro ista lectio per omnia passim Monasteria usu obtinebat, in quibus scilicet viguit aliqua disciplina. In Sardiniam profectus, Monasterium Caralis fundavit, ubi Monachos amplius quadraginta coegit: inter quos præ ceteris, refert Historicus, chariores illi fuisse eos, qui ad pietatis exercitia majori assiduitate & studio incumberent quam ad exercitia corporis; & propensiores ejus voluntatem fuisse in illos, qui aliqua impotentia, aut vera infirmitate quominus laborarent manibus impediti, quod cessabat operis manualis, Sacrarum Scripturarum meditatione supplebant. Atque ipsemet S. Fulgentius impensè adeo in sacris Paginis fuerat versatus, ut (quod apposite observat Historicus) in eo Tractatu in quo Spiritus Sancti divinitatem asseruit, sola Scripturarum auctoritate usus sit; quæ res argumento erat (ait idem Scriptor) eum quidquid sciret ex ditissimo illo fonte hausisse. Mirum igitur esse cuiquam non debet, eum studiosos lectionis inter discipulos suos prætulisse ceteris hujus sanctæ exercitationis amore, gustu aut zelo minime flagrantibus: *Lectionis autem studium non habentes minus diligebat*. Notandum tamen est, eum non de Studiis, sed de spiritali scientia loquutum; & quos ita ceteris præferebat, manualia opera exercere reipsa non potuisse. *Etiamsi virtute corporis destitutus, operari manibus nunquam posset.*

CAPUT V.

Ponit Auctor, viros egregios, qui inter Monachos effloruere, certo esse pag. 27.
argumento, studia litterarum impense ab ipsis exculta fuisse.

Nihil accurate aut exquisitæ rationis huic argumento inest; ex
neque nihil confici potest, quod Monachorum, qui primis
Ecclesiæ Sæculis exstiter, Studiis auctoritatem concillet. Nam si
ex his Monasteriis quinquaginta Monachi electi, ad Episcopatus
honorem educti sunt; ex adverso centum millia eorum fuerunt,
qui ibi totum vitæ cursum absolverunt in humilitate, in silentio,
in suæ professionis integritate. Summa igitur redit ad paucos vi-
ros, quos Providentia dispositione extraordinaria a reliquis discre-
vit.

Hi verò (inquit) in Monasteriis doctrinam & eruditionem consequu-
ti sunt. pag. 27.

Duo hic reponi possunt: Primò si hæc demus, verisimile est con-
tigisse, ut viri isti a Deo majori talentorum numero, perspicacio-
ri ingenio, singulari præ ceteris intelligentia, & ad scientias apti-
tudine donati, his omnibus impensius ac feliciter uterentur, ideo-
que ad majora præ ceteris Fratribus proveherentur.

Secundo, si Monasteria totidem fuerunt Seminaria, ad viros do-
ctrina erudiendos, & dignos Episcopatu reddendos constituta; ve-
re asseritur, necesse fuisse, ut ad consecutionem scientiæ, cuius ope
excelsi gradus munera digne exequi possent, dirigerentur. Sed cum
id nulli unquam in mentem venerit, frustra hæc ratio adhibetur
ad probandum, Monachos teneri in Ecclesiastica scientia eruditio-
nem sibi comparare. Revera enim quòd aliqui virtutum & doctri-
næ merito idonei inventi sunt; qui ex Monasteriis ad populorum
regimen vocarentur, peculiari Dei providentiæ id tribuendum est:
quod raro autem fit, ejus non est habenda ratio. Et falso quidem,
ut diximus, colligeretur, ex eo quod centum circiter Monachi ex-
titerint, qui in aliquo gradu & dignitate collocati fuerunt, reli-
quos ad centum millia omni cura & studio incubuisse, quò his
gradibus & honoribus digni redderentur, numquam ad eos cetero-
quin vocandi. Vehementer sane & periculose impellerentur Mo-
nachorum animi, si Episcopatus ut laborum suorum præmium il-
lis proponeretur; idque perinde foret, ac pietatem Claustrorum pe-
nitentis abolere, atque exitiali superbix malo in ea invecro, humi-
litem perpetuo exilio inde exturbare.

Pag. 27. Afferitur, S. Basilium, S. Gregorium Nazianzenum, & S. Jo. Chrysostomum &c. Monachos fuisse.

Vit.

Id. in hunc finem videtur asseri, ut omnem illi suam eruditionem & doctrinam in Monasteriis consequuti esse existimentur. Quod ex Vita eorum historiis non constat.

S. Basilus Cæsareæ primum, postea Constantinopoli sub Libanio, atque inde Athenis Studiis operam dedit; atque in tantum cordis ejus puritas, ex adolescentiæ studiis labem tulisse narratur, ut soror Marcellina de Fratr. salute, quem sæculi vanitate plenum cernebat, facile desperaret. Deus autem, qui magnum hunc Virum magnis incognitis destinaverat, quemque ut vas honoris in Domo sua collocare decreverat, in Ereum secedendi consilium illi injecit. Totum ibi lectioni & meditationi Sacrarum Scripturarum cum se dedisset, profanarum litterarum perniciola vestigia hac prorsus divina cognitione delere studuit. Discipulis, qui ut ejus ductu regerentur, una conveniant, ipse Monachatu non initiatus Monasticas Regulas tradidit; curaque illius præcipua in hoc fuit, ut scientiam docerentur divinarum Scripturarum, ac præsertim Novi Testamenti: quod ex libro Regularum compendio explicatarum colligimus, ubi omnes a discipulis propositæ quæstiones ex Novo Fœdere petuntur.

Vit. S. Basil.

S. Gregorius Nazianzenus Athenis & ipse studiorum suorum cursum exegerat; quod vero Monachus esse quam mundanus, maluisse traditur, id unice significat, vitam illum a consuetudine hominum remotam, sæculi commercio prætulisse. Hoc ille præcipue studuit, non secus ac S. Basilus, ut assidua divini Eloquentiæ cogitatione intellectum animumque mundaret; hanc inde percipiens utilitatem, ut facile posset profanorum librorum amaritiam aversari, & inanem eorum elegantiam alienis & fucatis coloribus conspicuam omnino contemnere.

S. Jo. Chrysostomus inter Monachos aliquandiu vixit, Monasticum vero institutum nullatenus professus est; Omneque tempus, quo apud illos fuit, in oratione & rerum sanctarum lectione transiegit, in hoc ut sanctitatem animæ conferret unice occupatus.

Sanctus quidem Athanasius cum juxta Verbum Evangelicum temporari cedere, & eos a quibus persecutionem patiebatur tantisper fugere decrevisset, in Thebaidem se recepit, ut ibi quiescendo ac orando novas majoresque vires resumeret, in certamen rediturus, quoties Ecclesiæ necessitate & veritatis defensione compelleretur. Sed quid ista ad quæstionem faciunt?

S. Hieronymi Monachatus falso asseritur: Quod verò ad S. Gregorium Magnum pertinet, res aliquam patitur difficultatem. Uterque, fateor, erant valde eruditi. Nunquid porro sequitur, ut in Monachorum coetu docti evaserint, Monachive priscorum temporum ad studia animum adjicere tenerentur?

Res

Res esse notatu digna, creditur, pœne innumerabilis Episcoporum series, qui de Cœnobiis prodire: Oportuisse autem, ut intra Claustra degentes scientiam ad id muneris necessariam consequerentur.

Animadvertendum est, Fratres mei, de doctrina Episcoporum, qui primis Ecclesiæ sæculis fuerunt, præclare nimis ac præter rei veritatem quosdam sentire. Pauca tunc erant ad discendum propo-
sita, Synodorum anteaclarum non magnus numerus, & circa dogmata Christianæ Religionis a paucis ad illud usque tempus Opera conscripta fuerant. Omnino consentaneum veritati est dicere, quidquid olim in optimo Præsule requirebatur, in Sacræ Scripturæ intelligentia, quæ quidem profunda esset atque exquisita, tantummodo stitisse. Ex Evangelico Christi Verbo regendarum animarum præcepta, ex S. Paulo vis, eloquentia, zelus petebantur. Ad hæc verò cum accederent figurarum, eventuum, historiarum Veteris Legis notitia, atque horum omnium scita & ad rem accomodata applicatio; cum accederent instructiones, verbaque illa a Spiritu Sancto in ore Prophetarum posita, efficacissima quidem ac vehementia; quum denique omnes Sapientialium Librorum divinæ sententiz memoria tenerentur; his muniti præsidii ad Dei cultum & fidem revocandis gentibus, regendæque penè infinitæ hominum multitudini pares habebantur. Quid enim amplius continent hominæ S. Jo: Chrysostomi, Instructiones morales S. Basilii, præter testimonia & auctoritates Sanctæ Scripturæ? Quid porro ad excitandos permovendosque animos, & ad praxim perfectionem cæsar piæque vitæ deducendos aptius hoc institutionis & doctrinæ genere reperiri potest?

Ex numero igitur Episcoporum, quos Monasteria protulere, haud secus quam ex Tractatoribus rerum spiritualium, incaſum argumenta quærentur in hac quæstione, utrum scientiarum studiis Monachi a prima usque Regularum Institutione exerceri consueverint; cum ii, qui è Claustris ad Ecclesiarum regimen educti fuere, nihil sint, si cum innumera penè multitudine eorum, qui intra Cœnobia persisterunt, comparentur; adeoque illi ut exigui numerus habendi sint virorum, qui a stans communibusque regulis per quâdam exceptiones discessere.

Si verò quid in hac re certum exploratumque sit cognoscere quis velit, quærendum est quæ mens, quis scopus fuerit illorum, a quibus instituti fuerunt Monastici Ordines. Hæc porro illorum mens scopusque cum in Regulis quas posteris reliquerunt, eminere debeant, quemadmodum filii ex Patrum suorum Testamentis quæ fuerit eorum voluntas dignoscunt; ad has propterea Regulas confugiendum, per quas videlicet solas tota hæc controversia dirimetur.

Sed cum ne verbum quidem mihi occurrerit Regulas diligentissime legenti, quod indicio sit, priscos Cœnobitas scientiarum studiis

operam dedisse ; pro re certa id asseverare vobis possum , studiis scientiarum Monachos non fuisse ab initio occupatos , atque istud exercitationis genus inconueniens illis atque alienum ab eorum professione esse. Quod si forte aliqui præter Verbi Dei lectionem , earumque veritatum commentationem , ex quibus robur , stimuli , & præfidia ad assequendam perfectionem diuinitus ipsis propositam comparantur ; si præter hoc , inquam , studii genus , alia nonnulli coluere , in hoc a via communi deerrauerunt siue impulsu Præpositorum , siue singulari Dei vocatione , seu spontanea quadam propensione.

Quidquid oggeritur in oppositæ sententiæ confirmationem , peculiaria quædam facta respicit , quæ Regularum quidem summam non destruant , id autem tantummodo offendunt , aliquando a Regulis descitum esse , hoc est relictas quandoque fuisse vias ab Institutionibus indicatas , ut semitæ illis ignotæ calcarentur . Ego quidem sic statuo , Fratres , si majorum suorum virtutem Monachi imitati fuissent , si eorum exempla & documenta ex animo & cogitatione non aboleissent , si moribus similes instituta præca seruassent , si denique ab originis suæ simplicitate & veritate degeneres non fuissent , Ecclesiam majus præsidium & solamen ex eorum secessu , silentio , mortificatione , sanctitate , signorum virtute diuinitus indita percepturam fuisse , quam ceperit , & perceptura unquam sit ex eorum scientia , rectione , concionibus , & scriptis.

Page. 30.

Abfit quidem ut putemus , Sanctos Ephræm , Isidorum Pelusiotam , Nilum , Theodorum Studitam , Bernardum , &c. aduersus Monasticam vivendi puritatem & simplicitatem egisse , aut reprehensione dignos esse , quod multa scripserint . Deo dirigente , qui Regularum dominus atque arbiter est , exemptos illos novimus ; Desque ipsius spiritu ductos fuisse , atque intimæ vocationi obsecundasse credendum est. Hujusmodi exceptiones non impediunt , quominus Regulæ subsistant. Præterea S. Ephræm (ut id obiter dicamus) sola Scripturarum scientia pollebat ; Sanctus verò Bernardus si ad Sacrarum Scripturarum intelligentiam , S. Ambrosii , S. Augustini , & S. Gregorii lectionem addidit , id totum fuit circa res , quæ ad ejus statum & professionem pertinebant .

Ex Cœnobitis & Solitariis sunt qui Regularum spiritui , atque Institutorum consilio aduersi , ad scribendum , disputandum , atque ad alia extrinseca munera animum adjecerunt ; hos ambigendum non est , ab instituti sui puritate sic agendo discessisse . Sunt etiam qui ex Superiorum jussione legitima , & ex obsequio atque obedientia , de suæ professionis officiis , virtutibus , doctrinis scripserunt ; in quo nihil suo instituto alienum fecere . Argumenta , quæ sua nihil intererant , tractarunt alii , de rebus Philosophicis , Theologicis , Mathematicis , de Ecclesiarum statu differentes , quæ sunt Doctorum Presbyterorum , atque Ecclesiasticorum propria ; hos vero quis nescit confinia status sui prætergressos , supra suam sese

con-

conditionem extulisse, & in altiori quam divina de illis Providentia decreverat, sede & statu se collocasse.

Recenset Auctor, ac prædicat *merita*, quibus *Monachi ab Ecclesia* Pag. 29.
et seq. *gratiam inierunt*, eorum *videlicet Scripta & doctrinam*.

Dicam, Fratres, in hac re quod sentio: Conciones habere, docere, elucubrarı, Opera Sanctorum Patrum recognoscere atque emendare, Ecclesiæ Canones colligere, ejusdem Annales perscribere licet & convenit multis. Sed quæ Monachos decent, ista sunt: In Monasteriis vitam agere Dei ordinationi consonam, Institutorum suorum Regulas servare, pro impetranda a Deo Regnorum prosperitate, Rectorum incolumitate, pro Ecclesiæ fide tuenda, pro sustinenda vi atque constantia illorum qui strictis armis cum fidei hostibus pugnant, adhibere orationes, silentium, corporis cruciatus, & jugem cordium suorum ad Dei aras immolationem, hæc facere, hæc pati, instituto eorum convenit, dum Deo fideles se præbent, dum in his omnibus perseverant. Ad solos ista Monachos pertinent; hanc illi a Jesu Christo partem in Ecclesia nacti sunt.

Atque hinc mehercle factum est, ut Diabolus, qui Claustra, donec priscae sanctitati, & simplicitati adhæseret, quasi quosdam aggeres esse putavit suis conatibus objectos, atque inexterminabiles, omnem lapidem moverit, quod inde originariam innocentiam expelleret; & de prospero illo rerum statu, cui cœlestis favor aderat, & in quo Monachi vinci non poterant, Monasteria dejiceret, obliteratis Patrum vestigiis. Qua in re non male illi heu nimium successit; quod collapsæ testantur Scetes, Nitriæ, totius denique Thebaidis Solitudines. Id tunc animo prospexerat Sanctus Abbas Moyses, cum dixit lacrymans, futurum ut Eremitæ Scetes ideo disturbaretur, quod Regulæ & instituta Patrum deferenda erant.

*Refusid.
de vit.
Pat.*

Eandem Diabolus vastitatem intulit Eremitis ac Monasteriis Asiæ, Ponti, Cappadociæ, quia ibi desitum est Deo, ut fas erat, fideliter servire, quia mitigationes & laxamenta aucupari cœptum est in ea professione, a qua omnino aliena erant; quia denique a viis antiquorum, novis inventis, turpiter discessum est.

Quandoquidem vero urgemur objectu meritorum quibus Monachi ab Ecclesia gratiam inierunt scribentes multa & docentes; fatendum tandem est, nonnullos quidem in solitudine degentes olim Ecclesiæ sua eruditione & doctrina inservisse; sed innumeros quodque fuisse audacter pronuncianđum, qui ei gravissima damna intulere, & profundis vulneribus nondum ad hanc diem coalescentibus, & usque ad mundi exitum cruorem emissuris eam consecraverunt. Quas non movit in Ecclesia turbas Eutyches, quæ dedecora non intulit magna sequacium Monachorum turba stipatus? Quam illi violenter, quam audacter conati sunt Incarnationis Filii Dei

Dei Catholicum Dogma evertere, ejusque propugnatores opprimere? Quæ non excitavit scandala Theodosius in Sedem Hierosolymitanam intrusus? Quid non molitus est Nestorius, ut Virgini gloriosum Deiparæ nomen, ac JESU CHRISTO decus & justam adorationem eriperet? Quas non convicit turbas Severus suis illis impiis erroribus? Quid non crudele gessit Timotheus Ælurus Patrocinator Eutychis & Dioscori in Ecclesia Alexandrina?

Quàm malo exemplo Pelagius & Cœlestius universo Christianorum coetui fuere, cum temerario ausu JESU CHRISTI Gratiæ bellum indixere, naturæ humanæ tribuentes, quod Spiritus Sancti operatione fiebat. Quàm propudiosi quàm impii Petri Fullonis & Fausii errores? Quam vana & portentosa Adelphii & Euchitarum, Sergii, Pyrrhi, Sabatii, Henrici, Abbatis Joachimi, Begardorum, Beguinarum & Abailardi commenta? Trithemius Abbas Ordinis S. Benedicti postremis hæc sæculis doctrina clarus, societatem cum Dæmone iniisse postulatus est, & in crimen vocatus quod libros de Magia composuerit. Minime sum nescius, ei non defuisse patronos & Apologistas; dici tamen probabiliter potest, divino ista judicio in ejus caput conjecta crimina, quod præter instituti sui officium ad occultas & curiosas scientias animum adjecisset.

*Mi. hæc.
Cajetan.
Alphonf.
de Mula.*

*Apud
Frg.*

Denique ut ad nostra tempora propius accedamus, quas non evomuit blasphemias Lutherus adversus Filium Dei, ejusque Ecclesiam? Quanta illius hæreses secuta sunt mala? Hæc pestis ubique sere grassata est, & latissime serpsit. Quàm magnus Cœnobarum utriusque sexus numerus impia illius Dogmata amplexi sunt? Ecolampadius, Bucerus, Jacobus & Joannes Eremitæ Ordinis S. Augustini, Joannes alter Ordinis Præmonstratensis, *impius Monachus & ad omne opus audax*. Tempus, quod ut plurimum malis omnibus sinero invenit, mala quorum auctor fuit hic Hæresiarcha, in dies magis auxit, amplificavitque. Lugendus rerum status, in quo hodie mundus conspicitur, & latissima penè omnium conspiratio adversus maximum Regem, qui unus pro fidei tutela pugnat summa tum religione, tum animi magnitudine, manifesto argumento testatur, quanto studio Monachus ille Apostata suas falsas & impias opiniones constabilire nixus sit.

Hi sunt videlicet perniciosi effectus, qui a studiis scientiæque Monachorum orti sunt: hanc ruinam subiere eorum ambitiosa ingenia, quæ campum sibi in quo exultare possent dederunt, suæ conditionis oblita: Quæ silentio, humilitati, abiectioni, & obedientiæ pro instituti sui ratione mancipata, aliena ministeria, alienas dignitates sibi in Ecclesia adsciscere temere ausa sunt. Profecto quoniam (neque id vereor affirmare) damna, quæ Monachi per scientiæ abusum Ecclesiæ attulerunt, & utilitates, quarum eadem scientia recte utentes causa esse potuerunt, juxta ponere & invicem comparare libuerit; nemo erit quin fateatur, satius ad Ecclesiæ gloriam, ad quietem & sanctificationem Fidelium futurum fuisse, si

in

in ignoratione hominum, in Claustrorum obscuritate Monachi delituisse; & in perenni silentio sese cohibuisse.

Sancti Fulgentii exemplum, quod toties ob oculos ponitur propter ejus doctrinam atque eloquentiam, nihil probat, ut diximus alias. Vir etenim fuit divinitus electus, ut unus ex celeberrimis Ecclesiæ Pastoribus esset. Neque ullum dubium est, quin ei Deus convenientes huic electioni dotes contulerit; quin hic vir sanctitate longè maximus eas excoluerit assidua S. Scripturæ lectione; & ipsi denique ejus Superiores satius esse duxerint illum ex dispensatione quadam, quæ ad alios non extenditur, studiis Ecclesiasticis admove, & a communi lege eximere. Vos ipsi scitis, nos quoque ita egisse cum quibusdam Fratribus; neque verò sic contra intuitum animi sensum agi a nobis putavimus. Sed eandem viam iniri posse & debere relate ad omnes qui in una Sodalitate vivunt, relate ad unam quamlibet integram Congregationem; demum relate ad totum Ordinem, nunquam mihi persuasum fiet.

C A P U T VI.

Studiorum patrocinium quaeritur ex Cœnobiorum Bibliothecis, & ut-
serum Monachorum cura in exarandis libris adhibita. Pag. 34

Minime quidem accurata illatio est, quam ducit Auctor ex Bibliothecis Monasteriorum, & ex opera, quam Monachi in exarandis Codicibus ponebant. Omnis librorum cumulus sive grandis, sive exiguus, indiscriminatim Bibliotheca vocabatur, specioso sane & fallaci titulo, qui fucum facere aliquibus possit. Postquam vero S. Petrus Damiani, relicta Fratribus suis non contemnenda (ut ipse agebat) Bibliotheca, ut haberent præsidia ad profectum rerum spiritualium fovendum atque augendum, magnum hunc librorum numerum redegit ad utriusque Testamenti Codices, ad Acta Martyrum, ad Expositiones quasdam Sacræ Scripturæ, ad Homilias Patrum, S. Ambrosii, S. Augustini, S. Gregorii, S. Hieronymi, Bedæ, Remigii Antisiodorensis, Amalarii, Haimonis, Paschasi; jam immixta est aliquatenus species, quam Bibliothecæ nomen ingerere poterat, ne in latiori quam par est significatione sumatur.

Allegatur, magnam exiisse Bibliothecam in Monasteriis Sancti Pachomii. Pag. 34

Fatendum est sane, haud exiguo librorum numero indiguisse S. Pachomium, in cujus Sodalitio centum supra mille Monachi vivebant; quorum unicuique unus saltem Codex tradendus erat. Adhæc in dubium vocari nequit, ut jam dictum supra, eorum Codices aliud nihil fuisse quam Catechismos, Institutiones Christianas, Psalteria,
Novi

Art. 40.
 & 139.

Novi Testamenti exemplaria, nonnulla Scripturæ Sacræ Volumina, in quibus omnia illorum studia sita erant, prout ex aliquibus Regulæ S. Pachomii locis apparet. Præterea & illud certum est, hujus generis libros subinde in libros alius generis ab eo mutatos, nempe ut in discipulorum suorum manus aliqui traderentur de eorum instituto & professione agentes libri: atque id Codicum summam amplius duorum millium conficere poterat. Hinc autem si arguere velimus, Bibliothecam illis fuisse ex libris scientiarum & omnigenarum disciplinarum constatam, in errorem ultro laberemur.

Profecto si quis animadvertat, S. Benedictum præcipere, ut initio Quadragesimæ sumantur de *bibliotheca* libri, qui in manus tradentur Monachorum, ægrè adducetur ut credat, Bibliothecæ nomine magnam librorum congeriem indicari. Audacter verò & sine erroris metu affirmandum, Bibliothecam, de qua loquitur Sanctus Pater, omnino tenuem & pusillam fuisse, cum ejus Monastica sodalitas tunc velut in cunabulis esset, & inopia rerum omnium laboraret. Hæc satis sunt, ut errorem depellamus illorum, qui Bibliothecæ nomine magni aliquid significari putant. Æque illud competit Bibliothecæ Scorialis, & Vaticanæ, ac illi, quam S. Petrus Damiani suis Fratribus reliquit, è triginta circiter Voluminibus constatam.

Ratio, quæ ab usu describendi & transcribendi libros desumitur, omnino est rejicienda. Monachi ex opere manuum suarum victum sibi quærebant, scribebantque libros, ut eos dividerent. Eorum multi in transcribendis Codicibus certam & quotidianam operam ponebant. Ecclesiam decreta vulgasse constat, quibus Monachos scribendo operam impendere jubet: hujusmodi vero exercitium publicè omnibus, & privatim Monachis ipsis utile erat, cum lucrum inde facerent ad victum comparandum, & erogandam pauperibus eleemosynam, illos denique ab otio & desidia tunc temporis servabat. Cumque illis sæculis opera amanuensium fieret, quod postea editione typographica factum est, id in publicam utilitatem atque omnium commodum facile vertebat. Hinc porro colligere quis possit, quosdam Monachos exarandorum Codicum artem optime calluisse, minime vero aut doctiores aut sanctiores propterea evasisse: Unum hoc, inquam, colligi inde posset. Hos enim inter Monachos exscriptores & amanuenses, longe plures ceteroquin aderant, qui suorum Manuscriptorum vacua, bonarum æque ac futilium rerum indigesta congerie nonnunquam ad libitum implebant, quemadmodum a tot viris doctis animadversum est, & præsertim ab * Illustri D. Baluzio in egregiis Notis ad Capitularia. Et de his hætenus hoc loco; de eadem enim re alias latius differendi dabitur nobis occasio.

* Sciam autem erudiri bene veterum Monachorum morem fuisse, ut vacantes pagellas implerent interduum malis rebus, plerumque bonis Nos. ad Libr. Capitulari.
 p. 1247.
 & 1244.

Dives Bibliotheca a Cassiodoro posita asseritur, in quam magnum librorum numerum coniecit, Operum Sanctorum Patrum, Historicorum Ecclesiasticorum, & Propbanorum, Rectorum, Medicorum, Cosmographorum &c. Pag. 36. 37.

Certus sum, Fratres mei, Bibliothecam, qualem conflatit Cassiodorus omni librorum genere refertam, neque a S. Benedicto, neque a S. Bernardo componendam unquam fuisse. Ille se a studio humanarum litterarum vindicaverat, consilio & voluntate, quam sibi Deus injecerat, omnino indignum illud existimans. Hic ex totius vitæ ratione ostendit, se nullam aliam novisse scientiam præter illam JESU CHRISTI crucifixi, quæ sola Sanctos efficit, ad quam addidit ille lectiones, quæ in hanc finem conspirare poterant; uterque longe aberat, ut discipulis suis earum scientiarum, quas ipsi nihili pendebant, amorem & cultum ingererent.

Sed ut de Cassiodoro loquar, fuit ille vir aulicus, ab Aulæ & sæcularis pompæ gremio digressus, ut in secessu vitam ageret. Porro ne discipuli, quos ipse erudiebat, pravas inirent vias, & ne Monachorum, quos ante oculos habebant, dissolutiones sequerentur, opus esse duxit ut illos omni genere lectionum distineret. Oratio, quam fudit Deo, rectitudinem mentis ejus ostendit; at dici potest, illam cum discretione & lumine nondum fuisse conjunctam. S. Petrus Damiani longa experientia atque harum rerum usu magis exercitatus, arctioribus cancellis studia Fratrum suorum circumscripsit. Id enim solum ipsis permisit, quod necessarium arbitrabatur, nolens eos damnis & incommodis obnoxios, quæ multiplex & varia lectio adducere solet.

Prolixa Bibliothecarum series, Lerinensis, Luxoviensis, majoris Monasterii, Montis-Casini, Floriacensis &c. quas Auctor Tractatus enumerat, probat tantummodo, Monachos in scribendi arte fuisse peritissimos atque exercitatissimos. Verum enim verò quibus tandem libris S. Benedictus & S. Bernardus regendi scientiam addidicerunt, iisdem uti debent nostra hac memoria Monachi, ut inde hauriant doctrinam atque usum regendarum animarum. Non infinitis illis questionibus, non acerrimis illis studiis, non illa multiplici & nimium late diffusa lectione, sed animo attento ad eloquia Dei scientiam salutis assequuntur. Commentationi Verbi Dei addi possunt morales S. Ambrosii & S. Augustini Tractatus, Homiliæ S. Gregorii, ejus Pastorale, Vitæ Sanctorum, atque alia hujuscemodi Opera. Plura his atque ampliora legisse aut studuisse S. Bernardum haudquaquam crediderim.

Falso itaque sic arguitur, Fratres mei: in quodam Cœnobio ingens olim exstitit Bibliotheca, ergo ibi studia colebantur. Constat enim esse in Monasteriis Bibliothecas, quibus Monachi nullatenus utuntur. Cujus rei non possum quin aliquod vobis exemplum proferam.

ram. Nostis, Bibliothecam in nostro hoc Trappensi Monasterio esse, in qua licet non magna neque cum magnis Bibliothecis conferenda, satis larga tamen librorum suppellex reperitur. Atqui tricenis ad summum exceptis Auctoribus, quos nonnisi de Superioris manu sumitis, aliorum lectione vobis interdictum est, neque iis uti cuiquam vestrum permittitur, nisi gravissimis & extraordinariis de causis. Igitur si forte posthac quis dixerit: Trappenses Cœnobitæ viri extiterunt apprime scientiis eruditi, in eorum enim Cœnobio dives aderat Bibliotheca; inepta foret & falsa hæc illatio. Interea, Fratres, hoc genere argumentationis in plerisque hujus mundi rebus homines uti translativum est.

C A P U T VII.

pag. 32. Afferitur, *Studia ab ipso S. Benedicto in suis Monasteriis instituta fuisse; eorumque usum viguisse in antiquissimis Orientis Cœnobiis.*

NON mediocriter, sat scio, stupebitis Fratres, audita hac propositione; nam patet non esse demonstratum in superioribus (quod affirmat Auctor) primos Cœnobitas, hoc est Orientales Studiis operam dedisse; itemque certum est, Studia non fuisse a S. Benedicto inventa atque instituta.

Illud quidem dubitationem non habet, nosque in progressu Operis demonstrabimus, ne verbum quidem in Regularum Codicibus inveniri, quod Studia innuat, aut unde argui possit, Solitarios Studiorum tanquam regularis cujusdam exercitii rationem habuisse. Prescribunt sane Regulæ Monachis Lectionem: at hæc lectio ad libros Sanctorum Scripturarum, & præsertim Novi Testamenti & Psalmorum referenda est.

S. Benedicti vel ipsa Regula perspicuo firmoque argumento probat, nunquam illi in mentem venisse, ut aliquam Studiorum methodum inter Fratres constabiliret. Nam si hoc illi viro divinitus afflato, & in quo cum sanctitate, prudentia ac Sapientia copulabantur, propositum fuisset, quibus modis res conficienda erat singulatim aperuisset. In his primum sibi locum vindicat tempus: Quoniam vero in regularium exercitationum distributione Studiis ne tantillum quidem temporis tribuit, vel ex hoc patet, ea a Sancto viro inter regulares exercitationes numerata non fuisse. Qui enim voluerit ille, ut ad studia Fratres incumberent, tempus, quod in illis collocandum sit, non assignans?

Fateor, in ejus Regula duarum horarum spatium quotidie, atque trium tempore Quadragesimali, Fratribus ad legendum dari; num quis propterea credat, in animo illi fuisse, ut hoc tempus alia quam piorum librorum lectione transigeretur? an etiam putandum est angustius assignari tempus debuisset iis quos ad virtutis apicem evehere cupie-

cupiebat, ut Sacras Scripturas & opera Sanctorum Patrum legendo illud impenderent; ex qua scilicet lectione lumen & doctrinam depromerent, & per ea roborati, in via, quam ipse monstraverat, longius proveherentur?

Quod si relate ad tempus Quadragesimale, una hora lectionis spatium adauxit, ideo factum, quod illud tempus pietati precipue dictum sit, magis quam reliquum totius anni; & quod voluerit, ut Fratribus commodior opportunitas suppeteret audiendi Deum, qui in libris loquitur unicuique ab Abbate sub hujus sacri curriculi initio tradendis; atque ut documentis piisque doctrinis inibi comprehensis plurimum juvarentur. Nec vero sibi quispiam persuaserit, lectionis tempus alia quam hac de causa ab eo fuisse auctius factum; nempe ut discipulis suis amplio rem materiam & plures vias de Deo cogitandi praeberet, eo tempore, quo magis poenitentem vitam, magisque a rerum strepitu semotam, quam alias, agi decet.

Cujus autem generis libri legendi sint, docuit idem Sanctus Pater, qui ultimo Regulæ suæ capite illos indicavit; & vel eo fatente, cujus Tractatum expendimus, ii libri sunt: Scriptura Sacra, Collationes & Institutiones Cassiani, Vitæ sanctorum Monachorum, Ascetica S. Basilii, & Sanctorum Patrum homiliæ in Sacram Scripturam. Quæ cum ita se habeant, quis denique putet, S. Benedictum Studiorum fundamenta in Monasteriis jecisse, qui ad acquirendas scientias neque satis temporis, nec librorum necessariam suppellectilem suppeditat?

Velle dicitur S. Benedictus, ut in eligendo Abbate pietatis & sapientia ratio habeatur. Pag. 40.

Sane verum est, Fratres mei, electionem Abbatis ex virtutis & doctrinæ singulari merito absolvi debere juxta mentem Sancti Patris. Quodnam vero in eo requiratur doctrinæ genus, satis innuit his verbis: *Sapientiæ doctrina*; ex quibus patet hanc ab eo in regula monachorum, in puritate vitæ, & in Scripturarum divinarum cognitione positam fuisse: *Oportet eum esse doctum lege divina*. Nusquam certius hæc sapientia comparatur quam sanctorum librorum lectione ac meditatione, dummodo cum ea conjungantur humilitas, docibilitas, & sincera voluntas ea solum inquirendi, quæ ad sui aliorumque sanctificationem necessaria sunt. Quod si ad hoc innoxium sanctumque studium accedant Sanctorum Patrum expositiones, omnes numeri implebuntur ejus doctrinæ non modo quam in Regulari Præposito, sed & quam in Episcopo desideramus. Dummodo vero cum hac scientia Superior Monasticus zelum, exemplum, charitatem, & eloquium copulare sciat, satis aptus erit ad Gregem domini ut ut numerosiorem feliciter gubernandum, quin egeat prædiis earum scientiarum quarum omnimoda necessitas falsò asseritur.

Quod

Quod de Abbate dico, de Prioribus quoque, de Praefectis, atque aliis, quoscunque in Monasterio auctoritas aut procurationis officium prestare ceteris facit, intelligendum est. Mihi quidem Sanctus Benedictus, nec modestioribus nec simplicioribus verbis loqui potuisse videtur, cum Superiorum doctrinam definivit, *Vita autem merito & Sapientiae doctrina eligatur*. Quae verba eatenus extendi non possunt, ut putemus propositum illi fuisse, ut Superiorum ingenia valde exquisita Sanctorum Patrum lectione, pleniorique intelligentia Canonum, Historiarum, Conciliorum, & Regularum Ecclesiae essent exercitata.

Cap. 64. Pag. 41. *S. Benedictus (inquit Auctor Tractatus) in Monte Casinensi, commorantem circumquaque Infidelium multitudinem praedicatione ad Fidem vocavit, & a S. Gregorio relatum est cum aliquot Monachorum suorum mittere solitum fuisse in oppidum quoddam Monti proximum, ut quos ipse ad Fidem converterat, Exhortationibus confirmarent atque erudirent.*

Non est cur valde miremur, a viro apostolicis moribus imbuto, Spiritu Dei pleho, felici ingenio a natura praedito, & gratiae donis roborato, qui denique Scripturarum Sanctarum callentissimus erat, rudium populorum corda moveri, intime percelli, & de erroris via deduci, ut in veritatis semitam ingrediantur.

Vocatione ordinaria id factum fuisse Auctori videtur: At nemo non videt, hoc munus fuisse extraordinarium, & a locorum statu ex inspiratione superna S. Benedictum excitatum fuisse, ut prope incolentes populos ad Fidem vocandi provinciam susciperet, ac aliquot ex discipulis suis mitteret, qui exhortando illos, ad praeparatum virtutum tenax exercitium inflammarent. Ab hoc autem facto concludi nihil potest, cum qui ad fidem vocentur Idololatrae, vix nunc obvii sint; & Ecclesia, cui operarii jam aliunde suppetunt, Monachos è solitudine abstrahere, eorumque ministerio atque opera uti non cogatur.

Pag. 41. *A S. Gregorio, qui id memoriae prodidit non dicitur (inquit Auctor) patratum id fuisse peculiari vel extraordinaria vocatione.*

Fateor, id a S. Gregorio non dici; Sed cum ille ne oppositum quidem dicat, nullum inde Auctor compendium causae facit; eò magis, quod S. Benedicti Regula non solum huic agendi rationi non patrocinatur, sed etiam plane contrariam instituit, dum silentium, & solitudinem nunquam intermissam discipulis praecipit. Si voluntas ei fuisset, illos praedicationis causa a silentio & solitudine eximendi, ad quae illos prorsus astrinxerat, id indicare non omisisset, & hujus exemptionis articulum Regulæ addidisset. Cum verò id praetermiserit, perspicuum est, consilium hujusmodi atque cogitationem ei non fuisse: quod simplici & nativa inductione mihi videor inferre contra

tra Tractatus Auctorem, cujus inductio coacta prorsus est atque violenta.

Subdit Auctor, *Monachis S. Benedicti facere licere quacunque ipse fecit, aut in sua Regula non interdixit.*

Falsum est, ac periculi plenum, Fratres mei, hoc axioma. Quædam charismata ac spiritualia officia Ordinum Institutioribus & personæ quam sustinent ita adhæserunt, ut discipulorum conditioni minime conveniant. Quæ illi fecerunt congruenter Regulis a se institutis, nos imitari & sequi debemus. At si quis velit, ut quidquid ab illis gestum est faciamus, pervertit continuò regulas, atque omnia perturbat; Fratres a dependentiâ atque a simplicitate vitæ deducit, ac eorum Patribus & Magistris pares reddit. Inter ea quæ Institutorum ita sunt propria, ut in eorum personis subsistant, & ea quæ ad Fratres extendi & transferri debent, plurimum semper interfuit. Illi sermocinari, colloqui, sui copiam petentibus facere, cum necessitas postulat, ceteros erudire & possunt & debent. Hujusmodi autem officia & sollicitudines privatis Monachis interdiciuntur. Igitur axioma, quod ut certum exploratumque proponitur, adeo non est accuratum, ut eo admisso multa eorum ac turbarum seges oritura sit.

Difficile admodum esse, putat Tractatus Auctor, invenire Abbatem aut Superiorem, qui ad exhortandos Monachos instruendosque omni tempore sit aptus atque paratus sine ullo scientiarum adminiculo.

Profecto nisi hanc aptitudinem ex diligenti lectione Scripturæ, quæ scientiæ Sanctorum vere fons est, sibi comparet, iis quoque libris, quos indicavimus in præsidium adscitis, non video quibus prætereâ modis aptus fiet. Quid? Homiliæ S. Jo: Chrysostomi, licet eloquentissimæ, Instructiones S. Basilii, Enarrationes in Psalmos S. Augustini, ad ascensionem hujus scientiæ non erunt satis? Nunquam id mihi persuasum erit. Clarissimum nostræ memoriæ concionatore m dicere solitum nover, si Enarrationum S. Augustini in Psalmos ii loci in vernaculam linguam verterentur, qui præ aliis vehementes, pietateque & doctrina repleti sunt, satis habituros Prædicatores Verbi Dei ad disertam orationem componendam, ad docendum, & quocumque velint trahenda Auditorum corda. Non omnia ingenia, fateor, evadent ad dicendum expedita: at ii, qui aliqua naturali solertia præditi fuerint, si tempus & operam, quatenus a Regula permittitur, diligenter impendant; si oratione (quod maximum est) ad Deum confugiant, sine quo nec meditari nec dicere utiliter aliquid possunt; nullum dubium est qui sint huic muneri cum fructu & celestis favoris afflatu satisfacturi.

Volumen tertium.

C

Alle-

Page. 43. Allegatur, quod Eunuchus Regina Candacis Philippo Diacono responderit: Quomodo possum intelligere Scripturas, si non aliquis ostenderit mihi?

Nunquid aliqua horum est societas & iusta comparatio? Eunuchi ethnicis commixti, tenuissimis & imperfectissimis notitiis veritatis imbuti; hominis denique in Idololatriz erroribus nati atque educati, cum viro Christiano Fidei principia edocto, qui animo devote attento. Scripturas legit, quique ad eas intelligendas omnia præsidia in promptu habet, seclusis nimium curiosis inquisitionibus?

Nihil opponi valide potest nostræ sententiæ, quam frequens & domestica experientia confirmat. Non adducam extranea exempla - sed vobis, Fratres, æque ac mihi nota. E nostris Fratribus multos, Scripturarum non solum Novi sed etiam Veteris Testamenti intelligentiam lectionis & meditationis studio adeptos esse scimus; ita ut quoties in Collationibus nostris de Scripturis disserent, summa cum pietate tum etiam perspicuitate id executos admirabundi suspiceremus, & bono exemplo gauderemus. De iis loquor, qui eam litterarum partem tantummodo callebant, quæ Latinæ linguæ rectè interpretandæ sufficit. Quibus denique scientiis & cognitionibus fuisse exercitatos legimus S. Maurum, & S. Placidum, qui omnem doctrinam & consolationem, quibus Fratribus opus erat, solo usu quorundam Scripturæ verborum præbebant? Sanctus ipse Pater Benedictus, licet maximo ingenio, mira que facultate præditus, eam callebat tantummodo scientiam, quam ex Sacris Scripturis depromperat, quamve illi Deus contulerat.

Si quod hic ab Auctore Tractatus proponitur verum esset, sequeretur Antonios, Hilariones, Macarios, fere omnes denique Eremitas sanctos incolas in omnimoda Scripturarum Sanctorum ignorance fuisse versatos, hos enim Doctoribus & Magistris usos esse non constat. Verumtamen cum magni hi viri - ceu quædam lumina orbi præfulserint, cumque ambigendum non sit, Sanctarum Scripturarum notitiam eos perfecte calluisse, falso asseritur, Verbum Dei intelligi sine Magistro non posse. Fateor, si quis Scripturarum omnes sensus penitus rimari, obscuras quæstiones indagare, genealogias componere, historiæ capita intricatiora dilucidare, literarum difficultates enodare velit, dux & interpretus necessarii erunt. Verum accuratissima huiusmodi Scripturarum notitia Monachis haud convenit; eorum propria tantummodo est, qui scientiam professi sunt. Ne multa; Eloquia Dei non ingeniorum pabulo, sed nutriendis cordibus inservire debent, juxta estatum docti hujus memoriz viri. Nam sæpe usu venit, eos qui in Scripturis eruditissimi videntur, reipsa illas nescire; qui verò videntur indoctiores, reipsa Scripturarum callentissimos esse.

Niti-

Nititur Auctor probare ex Regulis S. Aureliani, S. Ferreoli, S. Isidori, & præsertim ex Regula Eremitarum, Monachos scientiarum studiis sese dedisse.

Tantum abest, Fratres, ut inde id concludi possit, ut prorsus oppositum ex harum Regularum verbis consequatur. S. Aurelianus in sua Regula hæc habet: *Omnes litteras discam*; quibus verbis studium puerorum elementare proprie significatur, quasi dixerit: *Legere omnes discam*. Cap. 12.

S. Ferreolus idem litterarum verbum eodem sensu usurpat, cum ait: *Omnis qui nomen Monachi vult sibi vindicare, litteras ei ignorare non liceat*: & ejusdem Monachi scientiam ita concludit: *Quin etiam totos Psalmos memoriter teneat*. Cap. 22. 112.

Nihil quod huc spectet in S. Isidori Regula occurrit, nisi quod libri quotidie Fratribus distribuuntur, & liceat unicuique solutionem difficultatum, in quas legendo inciderit, ab Abbate exquirere: *De his autem questionibus quæ leguntur, nec forte intelliguntur, unusquisque Fratrū aut in Collatione, aut post vesperam Abbatem interroget*. Obvium autem est credere, his verbis innui quæstiones Sacræ Scripturæ, aut librorum asceticorum. Cap. 9.

Regula Eremitarum, cujus, licet non admodum antiquæ, & in gratiam Ecclesiasticorum magis quam Monachorum compositæ auctoritate præcipue nititur Studiorum Monasticorum Auctor, solam Scripturæ Vet. & Novi Testamenti lectionem injungit: Cum vero ait: *Solitarius debet esse doctor, non qui doceri indigeat*; limitat ejus cognitiones intra Sacram Scripturam, subdens: *Eriam debet esse sapiens doctor in lege divina*. Et paulo inferius: *ut instructi sint in divinis eloquiis*. Eodem loco dum particulatim explicat, quatenus eorum scientia patere debeat, oportere eos ait, *tractare de mysterio legis, de doctrina fidei, de virtute Continentiæ, de disciplina justitiæ, scripturas divinas legere, percurrere Canones, exempla Sanctorum imitari*. Non est dicendum, hanc Regulam ad accuratam disciplinæ Ecclesiasticæ & Canonum cognitionem astringere: verba quippe, *Canones percurrere* de levi quadam & perfunctoria notitia intelligenda sunt. Quod etiam si majorem vim haberent illius verba, id totum referendum esset ad tempora, quibus scriptis Grimalicus, hujus Regulæ confarcinator, non Monachus sed Presbyter, cujus ævo magna dissolutio in Ordinem Monasticum jam irreperat. Cap. 20.

Ex nullis tamen hujus Regulæ verbis arbitror inferri posse, Grimalico id fuisse propositum, ut Solitarios ad amplissimam scientiarum studia compelleret, cum econtra omnem illorum scientiam, divinæ Scripturarum notitia circumscribere videatur. Et quidem cap. 38. in quo Monachos ad lectionem hortatur, de lectione Scripturæ tantummodo loquitur. Jam videtis, Fratres, nostræ sententiæ haud æquitates non modo contrarias non esse, sed potius patrocinari.

Pag. 44. Adducitur locus S. Gregorii, qui in Epistola ad quemdam Abbatem conqueritur, eo quod Fratres sub illius regimine constituti nullatenus lectioni vacarent.

Lib. 2.
Epist. 2.
Indist.
21.

Quod sic conquereretur, non continuò sanctus Pontifex hoc volebat, ut illius Monasterii Fratres scientiarum studia capefferent, aut viri docti & eruditi evaderent: sed jure merito eorum negligentiam reprehendebat; quod non perinde ac debebant, in lectionis exercitium adeo utile, districtè præceptum, atque ad propriam sanctificationem conferens, propensi essent. En ejus verba: *In ipsis autem Fratribus Monasterii sui quos video, non invenio eos ad lectionem vacare.* Nemo est quin intelligat, eum de ordinaria & regulari lectione unice loqui, atque hic de scientiis, studiisque non agi. Auctor ipse, licet imprudens, quoad hoc mecum facit, siquidem, videri, ait, S. Gregorium ejusmodi lectiones ad id solummodo redigere, quod divinas respicit leges, nec aliud lectionis genus ab Ecclesiasticis viris requirere.

C A P U T VIII.

Pag. 46. Afferitur, inter causas ruinæ Status Monastici hanc pariter recensendam esse, defectum nempe Studiorum, & amoris litterarum.

NON ideo, Fratres, in Monasteria irrepsit dissolutio, quod ibi Studiorum cultus defecerit: sed verius contra studia illa ampliora inter Monachos constituta sunt, cum mutata in deterius vitæ ratione, Monastica disciplina collabi cœpit. Dum Monachi conditionem suam ritè æstimaverunt, dum in exequendis officiis, quæ sibi Deus mandaverat, fideles se præstiterunt, diligens ac exacta Regulæ observatio in sanctificationem simul & in solatium illis fuit.

Cum verò illos ab Institutorum suorum consilio digressos, & regularis disciplinæ antiquitus traditæ oblitos, tædere cœpit solitudinis, silentii, orationis, sanctarum lectionum, laboris manualis, ceterarumque Regulæ actionum, quibus quotidie exercitati ab otio & delidia, quæ sanctissimas Sodalitates evertunt, retrahebantur; partim quidem illorum communes exercitationes in defuetudinem ire videntes, & spirituali solatio & confidentia cordis, quæ fidelium animarum merces est, nequaquam, tunc roborati, in libros se conjecere, ut vacuum tempus traducerent, & otiosæ vitæ fastidia aliquomodo lenirent: partim verò instrumentis atque præstidiis destituti, quæ pia ordinataque vitæ ratio suppeditat, conati sunt a lectione percipere, quod ab exercitiis & Regulæ observa-

tioni-

tionibus jam abolitis percipere non poterant. Ipsa postea Ecclesia; ut omnimodam Monasteriorum ruinam prohiberet, sive ut jam collapsa erigeret, præcepit ut Monachi studiis operam darent. Aliquoties tamen peculiaribus de causis aliqua etiam decreta sanxit, ut eos in simplicitatem & veritatem suæ professionis quasi postliminio redire cogeret.

Quemadmodum verò diffiteri non possumus, cœpisse Monachos sese studiis dedere paulo post promulgatam S. Benedicti Regulam: ita nemo est quin animadvertat, eos sic agendo ab ejus Regula & spiritu longius discessisse, quoniam nihil in ea reperitur, ut supra demonstravimus, quod ad studia & scientias aliquatenus referri possit.

Sciendum vobis est, Fratres, quælibet Monastica Instituta una eademque via, atque iisdem moribus de primo statu excidisse, & primigeniam sanctitatem amisisse. Monachi a Regulis, quas sibi Institutores reliquerant, sensim sine sensu discesserunt, Patrum exempla & documenta paulatim oblii: ac denique eorum negligentia, quæ initio ut res modica contemnebatur, ruinæ atque infortunii ipsorum causa fuit. Hoc modo ex perfectionis culmine, quo sese extulerant Solitarii Scetes, in profundum dissolutionum atque iniquitatum ruerunt præcipites. Nitriæ, Arsinoës, ac totius Thebaidis Monasteria eandem vicem passa sunt, quod qui ea incolebant tædio affecti regularis vitæ, cujus exemplum dederant Fundatores, novam & peculiarem vivendi rationem inierint.

Igitur ut cerio noverimus, quo tandem modo omnes Ordines maxime conspicui, & quibus in Ecclesia favor cœlestis adesse peculiariter visus est, ita fuimet dissimiles evaserint; unum aliquem illorum seorsim considerare, disciplinam quæ ibi obtinuit examinare, & innovationum causas inquirere sufficiet. Sistamus e.g. in Ordine Cisterciensi, illius vicissitudines, defectus, ruinam considerantes. Patebit jam, in hunc quem videmus miserrimum rerum statum eum non devenisse, quod in illo studia scientiarum defecerint, sed quod Fundatorum exemplis, facinoribus, documentis, & regulis sensim oblitteratis, horum omnium pertæsi Monachi Cistercienses intra fines ab Institutorebus præfinitos sese continere nesciverint.

Id nobis sit exploratum ex pluribus monumentis, præsertim vero ex Sermone, quem hujus Ordinis Abbas quidam, pietate illustris, habuit olim ad Capitulum Generale. *Noster Ordo*, ait ille, *habuit bonum fundamentum, humilitatis scilicet, & spontaneæ paupertatis: super hoc fundamentum nostri Priores edificaverunt consimilem structuram, scilicet humiles domos, privata laboris habitacula, tenuissima temporalis vitæ subsidia.*

„ Merito arguimur (pergit sanctus Vir) quod majorum nostrorum terminos prætergressi sumus. Quamvis enim morum honestatem nondum abjecerimus, ex quo sustineri adhuc videmur,

C 3

„ hu-

Abbas
Justus
Bibl. Ci-
sterc.

„humilitatem certe reliquimus. Antiquis Domibus quas Patres
 „nostri incoluerant, minime contenti, magnificentiores & specio-
 „siores nobis extruimus, cum magnitudine urbium certantes, in
 „publicis viis sitas, & juxta compita, quibusvis viatoribus expo-
 „sitas & referatas.

Patres nostri diuerterunt ab urbibus; nos ad urbes sine pudore, dete-
 sta fronte reuertimur. Curiis regis & Pontificalibus, negotiis urbanis,
 & negotiationibus sponte nos immergimus.

Patres nostri ut temporales honores fugerent, modico contenti, ad ab-
 dita migraverunt; Nos ambire videmur honores. Nullus enim invenitur
 nostrum qui si ad Episcopatum eligatur, religioso furto se subducatur, ne
 honoris periculum incurrat Quis ex nobis est qui honorem oblatum
 sponte abjecerit? Apostolus ait: Nemo militans Deo implicat se nego-
 tiis secularibus, ut ei placeat cui se probavit Quare coniungimus
 Pontificatum cum Monachatu? Quis est hoc tempore qui utrumque va-
 leat simul, & ponere manum suam in ambobus? Et post non multa:
 Si ad Monachi officium non pertinet docere; qua ratione sibi usurpat
 Cathedram Monachus doctrinæ? Contraria contrariis conveniunt: non
 docere Monacho; docere Episcopo.

Sed diceris mihi, quia Regula Beati Benedicti quam professi sumus,
 non prohibet Monachum subire Ecclesiasticum officium: Et ego dico vo-
 bis, quia in Regula Beati Benedicti quam professi sumus talia iuben-
 tur, quæ nostris temporibus nullus, aut rarissimus conservare potest
 Episcopus; & tamen ea talia sunt, quæ sine damnatione nullus præte-
 rit Monachus.

Hæc abunde sunt, Fratres, ut plane compertum habeatis, ma-
 gnum hunc Ordinem non ob defectum Studiorum & scientiæ (nisi
 forte quis de scientia intelligat Sanctorum, quæ propriè est scire
 Jesum Christum, de qua scientia hic non agitur) de regulari Pa-
 trum disciplina multum remisisse; sed hujus maximæ ac generalis
 perturbationis non aliam fuisse causam, quàm sanctarum & præci-
 puarum virtutum perditum usum, nempe humilitatis, simplici-
 tatis, sinceræ in paupertatem, solitudinem & silentium propensio-
 nis, ceterarumque omnium virtutum, quæ hujus professionis omni-
 no sunt propriæ: quibus misere neglectis, induerunt se Monachi
 in affectus & mores sæcularium virorum, vanitatem ac luxum fe-
 stantes, honorum cupidi, & dignitatibus Ecclesiasticis inhiantes,
 curis denique, consuetudinibus, & negotiis, quæ filiis tenebrarum
 potius quam filiis lucis conveniunt, sese immiscentes.

Quo modo res gesta est in Ordine Cisterciensi, iidem in reliquis
 omnibus usu venit, ut supra innuimus. Primum agens, quo im-
 pellente & excitante omnes istæ Congregationes in relaxationem
 vergere cœperunt, cupiditas fuit. Hæc illis sanctarum veritatum
 contemptum ingessit, ad quarum amissum sese componere atque
 agere debebant; hæc a præcipuis Instituti officiis exequendis illas

retra-

retraxit, alienavitque: ac deinceps Monachi morigera vita, quam Patres præceperant, tanquam iugo non ferendo, rejecta, verbo quidem se in libertatem asseruerunt, re autem suarum libidinum servi evasere. Idque factum est, non quod Philosophiæ, Theologiæ, Dogmatum, Conciliorum, Canonum, Historiarum, humaniorum litterarum, & Critices incuriosi fuerint; sed quod Jesum Christum Crucifixum discere ac scire, quæ sola iis erat conveniens scientia, prætermiserint, aut neglexerint.

Reste illæ dispositiones (pergit Auctor) quas Deus per sanctas intellectus illustrationes, piæque voluntatis affectiones nonnunquam nostris cordibus ingerit, variis alienationibus ac vicissitudinibus sunt obnoxia; fierique non potest, ut diu quis maneat in cella reclusus, vitamque solitariam penitus degat, nec non silentium servet, orationique vacet, absque ullo studiorum subsidio.

Fatendum est, Fratres mei, hæc omnia retineri diutius non posse absque piarum lectionum subsidio; studia verò, ac scientiarum exercitationem iis retinendis conservandisque necessaria non esse. Cujusmodi subsidium quandoquidem ex divinis Scripturis facile comparatur, nec non ex Operibus Sanctorum Patrum, & Sanctorum Monachorum, quæ nos indicavimus, quid est cur aliunde illud emendicemus. An nos Patribus nostris, qui hac lectione contenti fuere; nec nobis ampliorem dedere, sapientiores aut prudentiores sumus? Cur igitur nova nec illis cognita exercitia cudemus? cur iis quæ a nostro instituto prorsus aliena sunt, occupari volumus? cur denique alias, ac ab ipsis monstratas, ingredimur vias? Verba hæc Tertulliani, *Fomenta fidei de Scripturarum interpretatione*, quorum sententia est: Fides alitur atque excitatur sacra volumina identidem legendo, numquid ab iis, quæ ego vobis suadeo, diversum aliquid docent, aut veriori illa simpliciorique sensu accipi possunt? Orationem sine hoc subsidio aridam, languidam, & fastidiosam esse, secessum & silentium intolerabilia fieri, prorsus indubium est. Adverte interea, Fratres, subsidium hoc non a scientia, sed a divinis Scripturis desumi. Iterum autem dico, subsidium scientiæ animos dissipat, subsidium Scripturarum colligit & collectos servat, mentemque ad Deum, si forte aberraverit, cito revocat.

*Tertul.
l. 2. ad
Uxor.*

47. Deinde ait: *Libri spirituales & simplicis stylis atque argumenti, mediocribus ingeniis abunde sufficiunt; quæ vero perspicaciora sunt, altioris quoque doctrinæ pabulo, graviorique lectione enutrirî possunt.*

Duo ad id reponi possunt, Fratres; Primum quidem Monachos qui vere sui nominis ac status vim implent, inde dignosci, quod simplicitatem ament, quæ ipsorum est propria virtus, quæve ipsos ab hominibus alius instituti quasi quidam character semper discrevit, ex qua denique in Dæmones hominesque summam potestatem nacti, illis quidem terrori, his admirationi fuere. Hujus ope simplicitatis, quæ dispositio prorsus divina appellari meretur, quoddam Spiritus Sanctus unice operetur in nobis, Dæmonia ab obsessorum corporibus ejecerunt, animos nimium obfirmatos & rebelles emollierunt, defunctis spiritum, cæcis visum, ægris sanitatem reddiderunt, ferarum denique immanissimarum rabiem domuerunt. Viri hujusmodi adeo simplices, abjecti, & in oculis eorum, qui de rebus humano sensu judicant, parvi; ii sunt, quorum S. Pachomius plena esse sua Monasteria aiebat; Ad illos denique referuntur hæc Christi verba: *Nisi conversi fueritis, & efficiamini sicut parvuli, non intrabitis in regnum cælorum. Sinite parvulos, & nolite prohibere ad me venire; talium enim est regnum cælorum.*

Matth.
18. v. 3.
1. 19. v. 14.

Rom. 1.
v. 21.
Sup. 13.
v. 1.

Ep. 141.

Dum Monachi hanc virtutem, quam caro & sanguis non novit, in summo, ut par erat, pretio habuerunt, divinitus protecti, ab omni labe securi, contra omnia quæ vitæ ipsorum sanctitati officere poterant, immobiles atque inconcussi persistere. Postquam verò illos hujus abjectionis puduit, & unde sua illis felicitas & decor parabatur, inde se ignominiam & dedecus haurire putarunt; Deum illorum, qui se erubuerant, vicissim puduit, & sese illis subtraxit; qui tandem sibi relictæ *Evanuerunt in cogitationibus suis*: atque illa Sapientis verba in rigoroso litteræ sensu impleri visa sunt: *Vani sunt omnes homines, in quibus non subest scientia Dei*. Relicta igitur veraci hac scientia, quæ de Christi ore egressa est, eamque ut vivendi regulam sibi amplius non proponentes, heu nimium experti didicere, extra illam aliud nihil esse, quam errores, ineptias, & mendacia. Monachi conditio, Fratres mei, quod alias sæpe inculcavi vobis, humilis abjectæque vitæ professio est: *Ordo noster*, ait S. Bernardus, *abjectio est, humilitas est, voluntaria paupertas est, obediencia, pax, gaudium in Spiritu Sancto*. Haud aliam sibi proprii status speciem effinxerunt Sancti; atque in hac sententia, quasi in soliditate petræ S. Benedictus magnum hunc Ordinem, qui præcipuum Ecclesiæ ornamentum fuit, fundavit erexitque; quemadmodum perspicuum redditur argumento duodecim graduum humilitatis, qui totius Regulæ ab eo scriptæ sunt basis, essentia, & firmamentum.

Præterea (quod erat secundo loco reponendum) haudquaquam percipio, tales ac tantos doctrina & ingenii sublimitate viros reperi-

periri posse, infra quorum dignitatem & doctrinam adeo sit Scripturarum & Sanctorum Patrum, quos indicavimus, lectio, ut inde sibi neque scientia neque consolatio, quibus opus habent, parari possint, quasi jure merito dicturi sint: *Nauseat anima nostra super cibo isto levissimo*, indigna nobis isthæc exercitatio est. Quid enim illustrius, quid sublimius, sive, ut vere magis dicam, quid sanctius, quam quod Basilii, Gregorii, Augustini, alique Ecclesiæ Patres scripsere? An quæ ex magnorum illorum virorum manibus prodierunt Opera, perinde habenda sunt, ac Tractatus quidam simplices, spirituales & ascetici? Eminent in illis ubique splendide JESU CHRISTI scientia, omnia divinam propemodum eloquentiam referunt, documenta, præcepta, sententiæ, sublimia sunt omnia. Perfecto nobis sit suspecta illorum elatio, qui unde sibi in iis legendis satisfaciant non inveniunt; vereri valde subit, ne vanas & inutiles scientias, quæ exercent filios hominum, Sanctæ huic doctrinæ præferant, quæ cibus & deliciæ filiorum Dei est. Abbas Trithemius, quem citat Auctor Tractatus, nostram sententiam confirmat, ubi ait, nihil magis ad gloriam nostri Ordinis contulisse, quam sanctitatem & scientiam Scripturarum: quorum utrumque postquam cessavit, mox Ordinem defecisse: *Hæc ubi neglecta sunt, mox Ordinem ad ima deduxerunt*. Pergit idem Scriptor, & ait, in hoc procelloso ac tempestatibus exposito mari, in quo quaquaversum ex sibillantibus tentationum ventis impetimur, Sacrarum Scripturarum scientiam tanquam unicam & securam ratem nobis inservire; quicumque verò hac uti contempserit, in profundum quamprimum aquarum rapiendum esse.

Num. 11.
v. 5.

Pag. 48.

Trith.
Chron.
Hirsing.
tom. 2.
p. 14.

Auctor in ea opinione est, *per scientiam Scripturarum intelligi a Trithemio non modo ipsam sacram Paginam, sed & quaslibet notitias, quæ ad perfectam illius perceptionem conducunt*.

Pag. 48.

Si notitiæ ad Scripturarum intelligentiam utiles, Sanctorum Patrum qui in eas commentati sunt, & aliorum quoque Interpretum lectione circumscriberentur, nihil a ratione absconum diceretur. Sed in hoc, quod Scripturarum scientiam ad penitiores & diffusas notitias Linguarum, Historiæ, & disciplinæ Ecclesiasticæ, Canonum & Conciliorum extendere quis velit, nihil quod veritatis speciem præferat, inelle mihi videtur: ac tutò affirmari posse arbitror, huic Abbati haudquaquam in animo fuisse, ut scientiam adeo late patentem sub Scripturæ Sacræ nomine complecteretur. Atque ut nulla de illius sententia remaneret dubitatio, satis perspicuis verbis Trithemius eam declaravit. Duo, ait ille, ad gloriam nostri Ordinis multum fecerunt, sanctitas vitæ, & scientia Scripturarum: *hæc ubi neglecta sunt, mox Ordinem ad ima deduxerunt*. Non est hic opus Interprete, & nisi de industria dissimulet,

muler, cogitur. quisque suis velut oculis intueri, quomodo hic Auctor in sanctitatis & divinarum Scripturarum intelligentiæ defectum hujus Ordinis ruinam conferat.

Denique haudquaquam falsi sunt illi, qui propter imminutam in colendis divinarum Litterarum studiis diligentiam florentem Monasteriorum statum inclinasse dixerunt. Nam si juxta Regulæ præscripta iis lectionibus, quæ alendæ pietati, religioni roborandæ, augendoque ferventi regularium observationum amorì apprime convenientes & necessariæ sunt, Monachi fideliter addicti mansissent, tam sancti Instituti exercitia in desuetudinem non abiissent, disciplinam & regularitatem retinuissent Claustra, & ne minimam quidem diminutionem aut labem tulissent.

Defectum studiorum manualis labor supplere non potest, inquit Auctor.

Vera esset hæc propositio, Fratres mei, si de divinarum Scripturarum studiis enunciaretur. Profectò enim in horum studiorum locum manualementem laborem sufficere, perinde est ac præcipuum Regulæ caput infringere, & S. Benedicti spiritui animoque adversari, a quo sanctæ lectiones institutæ sunt. Legendi exercitium reliquis omnibus anteferri debet; quandoquidem lectio alit mentes, vires addit, robur & salutem animarum sustentat; vitæ demum spiritualis fons & principium est. Interim vero res in tantum mutari non probamus, ut manualis labor tollatur & studia scientiarum ei surrogentur: ex hac videlicet mutatione, quæ certum Regulæ exercitium a S. Benedicto imperatum, ab omnibus Monachorum auctoribus institutum, & tota Monastica traditione confirmatum everteretur, non possent non damnosissima mala oriri.

Quod si quis dixerit, Monachos studiis utilius exerceri quàm opere manuali, multum inter duo hæc, Fratres mei, interesse respondebimus. Studia (de regulari piæque lectione hic non loquor) utique exercent Monachos; sed inferunt quoque animæ siccitatem, cor illorum elatione tumidum reddunt, visæ & species imprimunt nimium sequaces, quæque mediâ in oratione importuno recursum menti obijciuntur, ita ut oratio a puritate & sinceritate vacet: Quod de Monachis dico, quibus studere ex proprii instituti ratione non convenit.

Econtra manualis labor corpora animosque comprimit; abjicit, mortificat; & ubi quis ei sincero ac pio affectu vacet, inde vires sumit, ut ad Deum sese extollat, & cum illo se conjungat. Ut breviter dicam, Deus hominì integro laborem quasi innocentiam custodem, in peccata verò delapso quasi ejusdem amissæ restitutionem præcepit. Commoda hujusmodi ex scientiarum studiis nequaquam proveniunt; dicique recte potest, propter sciendi cupiditatem peccatum atque ignorantiam Dei in mundum intrasse. Non hæc dico,

dico, ut scientiam damnem; Deus hunc a me errorem avertat; sed ne ex vestrum animis excidat, quos Deus ad scientiam haudquaquam vocavit, illos in usu ejusdem scientiæ valde circumspectos esse debere, observare in ea modum, nec fines egredi, quos divina illis voluntas præscripsit, juxta Apostoli verba: *Non plus sapere quam oportet sapere, sed sapere ad sobrietatem, sicut Deus divisit mensuram fidei.* *Rom. 12. 3.*

C A P U T IX.

Sumit Auctor Tractatus probandum, quod inter varias Ordinis Benedictini Reformationes, diligens semper cura adhibita fuit pro studiorum refectione. *pag. 47.*

Hoc assertum non esse usquequaque verum, in progressu demonstrabimus; interea vero, Fratres mei, & nos, ut sæpe alias, hic fatemur, a nonnullis Reformationibus studia invecsta & constituta fuisse. Quæ in re illas, non secus ac in aliis permultis a Regula, atque ab Institutore Patrisque sui consilio discessisse, exploratum habemus. Id me vobis supra Cap. septimo argumentis ineluctabilibus demonstrasse puto, cum rem ipsam oculis subjeci, ostendique, S. Benedictum studia scientiarum pro exercitatione suorum discipulorum propria numquam habuisse, neque ex ullo Regulæ ipsius loco oppositum colligi posse.

In hoc tamen consensus omnium esse debet, celeberrimas Regularium strictiores institutiones, quæ in Ecclesia post S. Benedictum constat suere, nullam studii scientiarum rationem habuisse. De hoc ne verbum quidem in Regula S. Columbani. Nulla illius mentio in Regula S. Stephani Grandimontensis, quemadmodum neque in Valisumbrosana, neque in vetustioribus Carthusianorum Statutis, in quibus lectio ad pietatem tantummodo præcipitur.

Congregatio Cluniacensis ab origine constitutionis suæ scientiarum studia nequitiam fundavit, ut liquet ex testimoniis S. Walderici & S. Petri Damiani. In Cisterciensi, quæ sibi eximii illius Institutore Regulam accurate observandam sumit, teste S. Bernardo, *Exceptis proinde Cisterciensibus, & qui illorum forte ritu, non tam vivere secundum Regulam, quam ipsam ex integro purè ad litteram tenere curant*; studiorum nulla sit mentio: & præci Cisterciensium mores, atque antiquissima illorum Statuta nihil præferunt, ex quo studiorum praxis inferri possit. *L. 3. c. 8. des anciens Coutumes de Cluni. Tom. 4. Spicil. L. 6. Ep. 5. ad Monach. Cluniac. De præcept. & dispens. Chro. Fr. Min. l. 2. c. 21. 22. & 23.*

S. Franciscus Fratres suos studere noluit; atque etiam vetuit, ne quem apud se librum haberent, metuens, ut ipse ait, ne illis aliquando cupido incessest suggestionem conficiendi.

Nullam sive in primis sive in secundis Constitutionibus Canonico-regularium S. Victoris, studiorum mentionem factam esse appa-

apparet. In tertiis tamen, cum ita fere comparatum sit, ut cunctæ res quo longius a suis primordiis recedunt, immutentur & in deterius ruant, studia commemorari cœperunt, ac deinceps paulatim invalescere.

Tom. 2.
Concil.
Gall. pag.
121.

Ibid.

Quod citatur ex Epistola Circulari Caroli Magni, eorum quæ hic probanda erant nihil aperte indicat. Illius ætate Monachi eò ignorantia devenerant, omniumque adeo litterarum expertes erant, ut ferme nullus linguam latinam intelligeret, aut legere, recteque pronunciare posset. Propterea qui Monasteria adibant, cum bonis exemplis perfundi debuissent, offensionis & doloris causas ibi tantummodo inveniebant, plena ea videntes hominum, qui habitu quem gerebant indigni honorem & cultum Deo debitum persolvere haud poterant. Id nos ex Capitularibus hujus Imperatoris cognoscimus, in quibus Abbates Regulam suam attentè atque accuratè legere verbum e verbo jubentur: *Regulam per singula verba discurrentes pleniter tegant*. Nempe ut plenam illius cognitionem adepti, officia ibi comprehensa explere cum Fratribus suis studeant. At *quomodo* (subjungit) *discutiet, quomodo leget, quomodo intelliget? Si forsitan oblatum fueris hujusmodi Codex, respondebis illud Isaianum, nescio litteras: hoc est, Latini sermonis ignarus sum, legere nescio*. Et ne dubitari possit, hunc esse verborum Imperatoris sensum & scopum, attendenda sunt quæ sequuntur: *Quomodo Apostolum ignorans Regula instituta, vel ipsam Abecedariam lineam penitus nesciens, spirituales discretionis modum tenebit? Quid hoc aliud est, nisi quod lingua vernacula dicimus, ne savoir pas son A B C. ne elementarias quidem litteras nosse, analphabetum esse?*

Origo & causa hujus Decreti omninò videtur fuisse, quòd ex epistolis ad se a quibusdam Monachis scriptis intellexerit Imperator, eos adeo parum in sermone Latino eruditos esse, ut Sacras Scripturas legere, documenta, veritates, sensum, & mysteria earum capere illos non posse judicaret; ac proinde minus idoneos fore crediderit Regulæ servandæ, bonoque conversationis exemplo iis præbendo, qui spiritu Dei ducti, atque ex pietatis instinctu, ad eorum solitudinem sese conferrent.

Ac sane quod Imperator hoc decreto illis apprime commendat, hoc est, ut doceantur Linguam Latinam, quòd canere legereque Latinos codices, quin & Latine loqui, ac latina scripta emendare accuratè exarare valeant. Cujus rei nulla relatio, nulla convenientia invenitur cum amplissimis ac penitissimis illis scientiarum studiis, quæ intra Monasteria fundari & constitui ab aliquibus vellent: *Oportemus enim, ait, vos, sicut decet Ecclesiæ milites, & interius devotos, & exterius doctos, castosque bene vivendo, & scholasticos bene loquendo; ut quicumque vos propter nomen Domini, & sanctæ conversationis nobilitatem ad videndum expetieris, sicut de aspectu vestro adificatur visus, ita quoque de sapientia vestra; quam in legendo, seu can-*

tan-

quando perceperis instructus omnipotenti Domino gaudens redeat. Non hoc itaque voluit Imperator, ut Monachi politionibus litterarum studiis erudirentur; sed tantummodo ut latinum sermonem dicerent, pro recta ejusdem pronuntiatione, & cantu, ac pro lectione cum fructu instituenda, ita ut necessaria illis instrumenta suppetere capienti explicandique sensus Sacre Scripturæ.

Illud profecto certum, exploratumque est, dummodo hoc studium tractetur docili & submisso intellectu, atque a Deo lumen & intelligentia petantur, ipseque rogetur, ut cordium aures referet, easque purificet, & dignas reddat divino eloquio, verbisque sancto illius Spiritu dictatis, omnes illas dispositiones, quas desideraverunt Sancti, non defuturas: Neque enim umquam audiui credidisse illos aut docuisse, ut contendit Auctor Tractatus pag. 51. Rhetoricæ artem aliquatenus inservire ad Scripturarum captum, quarum non humana est sed prorsus divina eloquentia.

Denique, Fratres mei, sex jam nunc sæcula præteriere, ex quo virtute haud minus quam doctrina illustris vir hæc scriptis tradidit, quæ mihi huc faciunt: *Ad Sacre Scripturæ cognitionem opus est intima compunctione, potius quam profunda investigatione; suspiriis, quam argumentis; crebris gemitibus, quam copiosis argumentationibus; lacrymis quam sententiis, oratione, quam lectione, gratia lacrymarum, quam scientia litterarum; celestium potius contemplatione, quam terrestrium occupatione.*

Richardus a S. Victore, spiritu Dei repletus, atque eodem zelo flagrans, horum quæ modo attulimus simillima docuit his verbis: *Si ad mysticam divinarum Scripturarum intelligentiam, si ad divinarum judiciorum scientiam erudiri volumus, melius in hoc ipsum orando, quam investigando proficimus, altius devota compunctione, quam profunda perquisitione illuminamur.*

Quod de Benedicto Anianensi proditur ab Auctore Tractatus, vix aliqua consideratio est dignum. Cum summa esset, dum ille vixit, Ordinis Monastici perturbatio, & pene generalis disciplinæ remissio, magnæ hujus ruinæ quas potuit reliquias collegit sanctus vir, ut quæ collapsa erant reficeret. Verum cum omnia in pristinum statum revocare penes illum non esset, propemodum invitatus a priscis consuetudinibus & exercitiis discessit; & loco manualium laborum, quibus primi S. Benedicti discipuli operam dabant, ut corpora subigerent, carnem mortificarent, itemque ut victum sibi compararent; Monachos ad studia compulsi Grammaticæ & Orthographiæ, ut libros transcriberent, & Exemplarium numerum augerent, non modo ad privatum ipsorum usum, aut otium & desidiam abigendi causa, sed etiam ad publicam utilitatem, inhærendo Decretis, quæ Imperator nuper ediderat.

Quod attinet ad Congregationem Cluniacensem, quamvis illa magis in Ecclesia nominis, & in summa regularis observantiæ existimatione vigeret; a mente nihilominus S. Benedicti, sensim visa est disce-

Hugo de
S. Victore
n.

De m.
dit. hom.
interior.
c. 7.

discedere, & de Regulæ austeritate in præcipuis Capitibus remittere. Nullibi tamen extat memoriæ proditum, quod ab institutionis ejus origine studiorum praxis aut certa ratio ibi fuerit constituta.

Pag. 34. Animadvertit Auctor, quod cum Cistercienses multa Cluniacensibus ob-
jecerint, nunquam tamen contra studiorum consuetudinem, quæ apud
illos vigeat, vel minimum mussitavit; quod indicio est, hanc illos
consuetudinem non improbasse.

Hac animadversione, Fratres mei, nihil conficitur. Neque enim Monachi Cistercienses omnia quæ in ratione vivendi apud Cluniacenses a S. Benedicti Regula discrepabant, singillatim adeo discusserant, ut eorum trutinam nihil penitus effugerit. Et quidem multa sunt, quæ videntur dissimulasse, in quibus recensendus est jejuniorum ritus, qui Cluniaci alius erat a Regulæ decretis, nam solemnibus Festis jejunium ibi cessabat. Nihil oggesserunt circa Abbatis mensam, quæ contra Regulæ ordinationem non amplius una & eadem erat ac Hospitum mensa. Denique S. Bernardus se in illis non reprehendisse innuit, quidquid reprehensione dignum erat, & pauca se obloqui maluisse pace integra, quam multa dicendo turbas & scandala ejere: *Sermonem brevior, præferam quia utiliora sunt pauca in pace, quam multa cum scandalo.* Et si ergo S. Bernardi ætate in Congregatione Cluniacensi studia obtinuissent, ex ejus tamen quoad hoc silentio inferri non potest ipsum Cluniacensium studiis suum calculum addidisse.

Bernar.
Apo. ad
Guill. c.
13.

Lib. 6.
Epist. 5.
ad Mon.
Monach.
Cluniac.

Sed scientiarum studia in usu apud Monachos Cluniacenses nequam fuisse a foundationis initio, evincunt quæ de illis narrat S. Petrus Damiani, qui uno post illorum exortum sæculo vivebat; in eorum enim Observantia prolixas adeo fuisse tradit Sacras Preces, ut vix horæ dimidium longioribus anni diebus superesset familiaribus colloquiis: cujus prolixitatis causam deinceps affert. En Sancti hujus Cardinalis Episcopi Ostiensis verba: *Porro autem dum tam distributum, tamque frequentem vestra conversationis usum recolo, non adinventis humana studium, sed sancti Spiritus magisterium inesse perpendo. Nam tanta erat in servandi ordinis continua jugitate prolixitas, tanta præsertim in Ecclesiasticis Officiis proelabatur instantia, ut in ipso Cancræ sive Leonis astu, cum longiores sunt dies, vix per totam diem, unius saltem vacares hora dimidium, quo Fratribus in Claustro licuisset miscere colloquium. Hoc autem tam continui laboris exercitium ad hoc est, ut reor, solerti satis ac provida magisterii arte provisum, ut levium atque infirmorum Fratrum fragilitatem reprimas, & delinquendi propemodum occasionem tollat, quatenus, etiamsi velint, præter cogitationem peccare vix possint.* Libro 3. c. 8. Rituum antiquorum Cluniacensium, quos digessit S. Waldericus Monachus Cluniacensis, agitur quidem de Pueris, & eorum Magistris: Sed omnia ibi dicta con-

convincunt, non ibi his pueris traditas fuisse scientias, sed lectionis tantummodo & cantus rudimentis, rituumque & regularium officiorum præceptis illos exerceri consuevisse. Hic tamen opportunissimus locus erat, in quo de Scientiarum studiis fieret commemoratio.

Proxime sequenti Capite disseritur de custodia juvenum; sed ibi quoque de Studiis ne verbum quidem.

Deinceps Capite 10. cui titulus de Præcentore & Armario, leguntur ista: *Armarius nomen obtinuit eo quod in ejus manu solet esse Bibliotheca, quæ C^o alio nomine Armarium appellatur*; Sed hic non legimus, Bibliothecam studiis scientiarum inservire, neque a Bibliothecario libros ad studendum distribui. Id solum negotii dabatur illi, ut notaret præscriberetque quod in Choro erat psallendum, quive ritus servandi. Ea res existimandi copiam præbet, in ea Bibliotheca Ecclesiasticos libros tantummodo fuisse, quos nos appellamus Usuales, nempe Graduale, Antiphonarium, Sacramentarium, Lectionarium, Benedictionarium, Processionale, & aliarum hujusmodi plures Codices. Hinc verò liquidò demonstratur, ingentes Monasteriorum Bibliothecas non esse idoneum argumentum ad asserendam scientiarum in his Monasteriis culturam; Nam Bibliotheca Cluniaci, Monasterii illa ætate celeberrimi, non tenuis quidem & exigua, sed magna & dives procul dubio fuisse credenda est.

C A P U T X.

Cistercienses, inquit Auctor, *redarguere abstinebant Monachos Cluniacenses circa litterarum studia, cum nec ipsi ea præscriberent.* Pag. 54.

Monachos Cistercienses ab exordio suæ institutionis studiis scientiarum sese addixisse, sine ullo, Fratres mei, fundamento affirmatur. Nempe illi majori cura & sollicitudine Regulæ sibi a Patre traditæ adhærebant, & longe magis cupidi erant instaurandæ veteris disciplinæ, suscitandique, ut ita dicam, Institutoris spiritum, quàm ut credi possit susceptam ab illis fuisse ignotam Patri suo consuetudinem ac praxin. Nova hæc Observantia in simplicitate procedebat, & abjectionis amore, ita ut omnem elationem, & quidquid sibi sæcularem famam & laudem adsciscere poterat, a se omnino prohiberet.

Facile vero est ex iis, quæ nascentis hujus Reformationis inimici novis S. Benedicti discipulis objiciebant, colligere, eorum vitam ita fuisse compositam atque ordinatam, ut vix oblivisci possent statum suum nihil aliud esse quàm mortificationis atque altissimæ humilitatis professionem, & exercitium. Desides & ambitiosi Monachi, quibus vitæ genus cupiditatibus suis, pravisque moribus quos imbuant, adeo contrarium, arridere nequaquam poterat, in eorum vitæ ratione ea vituperabant, in quibus apud Deum & apud homi-

3em. E.
pist. 1.
n. 4.

homines summa illorum commendatio, omne meritum, atque omne decus proprie residebant. *Quando delectatur Scriptura quempiam sese interficere? Qualis vero Religio est fodere terram, situm excidere, stercorea comportare?* aiebant ignavi illi reprehensores.

Sed unde manifestissime patet, Cistercienses Monachos ea lectio-
ne fuisse contentos, quæ a Regula præscribitur, & non minus in hac parte, quam in reliquis omnibus, Patris sui atque Institutoris præceptis, exequendis sedulos ac fideles fuisse; illud est præsertim, quòd in eorum primis Statutis, ne verbum quidem occurrat, ex quò, studio illos operam dedisse, inferri possit. Triplex lectio-
num genus apud illos obtinebat, ut in Regula traditur. Primum quidem illius lectionis erat, quæ in Refectorio abolvebatur, cui inservie-
bant Bibliorum codices, & nonnullæ Patrum homiliæ. Secundi vero generis lectio Canonicam Completorii horam præcedebat; & ad eam unice referuntur libri a S. Benedicto indicati, puta San-
ctorum Patrum Vitæ, & Cassiani Collationes. Lectio tandem, quæ ad tertium genus spectat, statim a Regula temporibus fiebat, & duabus quotidie horis includebatur, per totum anni decursum excepta Quadragesima, qua trium horarum spatium legendo exi-
mebatur. De illo autem Codice legebatur, quem singuli in Capitu-
lo de Præcentoris, manu prima, Dominica Quadragesimæ coram jubente Superiore accipiebant. Quod in studii censum venire non debet, sed in lectionis asceticæ, & spiritualis loco ponendum est. Hariolantur itaque, remque haud probabilem animo sibi fingunt, qui Scientiæ studium inter regularia Cisterciensium Monachorum exercitia numerant. Animadvertendum insuper est, licuisse illis partem aliquam temporis, quæ erat Lectioni dicata, orando tran-
sfigere.

Id verum esse, ulterius confirmatur amplissimis eorum testimo-
niis, qui de Cisterciensium vita, dum apud illos adhuc disciplina vigeret, sermonem habuerunt, in quibus Stephanus Tornacensis, Cardinalis. Victoriacensis, atque alii complures. Hi enim licet sin-
gula, quæ ad eorum vivendi rationem pertinent, persecuti sint, & sibi sumpserint illorum ingenium & mores absolutissima delinea-
tione, posteris tradere, de Suidiis tamen, sive de eorum scientia, nusquam meminere.

Denique S. Bernardus, qui pluribus scriptorum suorum locis com-
memorationem illorum habet, inter Fratrum suorum officia studium litterarum recensere passim abstinuit. Ad quosdam Monachos, qui in Cisterciensium Ordinem se receperant, rem illos laude dignam egisse, scribit. Atque illis regularia officia atque exercitationes enu-
merans, quibus sese adstrinxerant, nulla studiorum mentione fa-
cta, hæc habet: *Ordo noster est studere silentio, exerceri jejuniis, vi-
gilis, orationibus, operi manuum; & super omnia excellentiorem viam
tenere, quæ est charitas.*

Ep. 142.
n. 1.

Idem

Idem sanctus vir alibi ad rem nostram ait: *Experto crede: aliquid* Ep. 106.
amplius invenies in fibris, quam in libris. Ligna & lapides docebunt n. 2.
te, quod a Magistris audire non possis.

Ad Thomam de Sancto Audomaro, qui cum relicto sæculo ad Monasterium Clarævallis venire constituisset, propositum tamen exequi cunctabatur, specie absolvendorum, quæ orlus fuerat, studiorum; decipi illum scribit ista obtendentem, quæ promissionis fidem libera-
 „ re eum non sinebant. Sed quæso te, ait illi, quod memoriale vir-
 „ tutis, quis scientiæ profectus, vel artis fructus, trepidare timore
 „ ubi non est timor, & timorem Domini relinquere? Quam salu-
 „ brius disceres JESUM, & hunc crucifixum! quam utique scientiam
 „ haud facile, nisi qui mundo crucifixus est, apprehendit. Falleris,
 „ Fili, falleris, si te putas invenire apud mundi Magistros, quam so-
 „ li Christi discipuli, idest mundi contemptores, Dei munere asse-
 „ quantur. *Nec enim hanc lectio docet, sed unctio; non littera, sed* Ep. 108.
 „ *spiritus; non eruditio, sed exercitatio in mandatis Domini.* n. 2.

„ Sermone 36. in Cantica, postquam dixerat, multa & innume-
 „ ra esse, quæ nescire liceat absque diminutione salutis: Quam plu- Serm. 36.
 „ rimi hominum, subjungit, salvi facti sunt, placentes moribus at- in Cant.
 „ que operibus: quantos enumerat Apostolus in Epistola ad He- n. 1.
 „ bras factos dilectos, non in scientia litterarum, sed in con-
 „ scientia pura, & fide non ficta. Omnes placuerunt Deo in vita
 „ sua, vitæ meritis non scientiis. Petrus & Andreas, & filii Ze-
 „ bedæi, ceterique condiscipuli omnes non de schola Rhetorum,
 „ aut Philosophorum assumpti sunt; & nihilominus tamen Salvator
 „ per ipsos operatus est salutem in medio terræ. Pergit Sanctus
 „ Bernardus, atque ait: Vides quia differentia est scientiarum,
 „ quando alia inflans, alia contristans est. Tibi vero, velim sci- Ibid. n. 2.
 „ re, quænam harum videatur utilior seu magis necessaria ad salu-
 „ tem, illa ne quæ tumet, an quæ dolet? Sed non dubito, quin do-
 „ lentem tumentis præferas: *quia sanitatem, quam tumor simulat, do-
 „ lor postulat.*

Sanctus hic vir Fratrum suorum animæ Studii amorem injecisse nullibi observatur. Nunquid tantus Abbas, qui ardenti adeo pruden-
 „ tique Zelo eorum sanctitatis promovendæ flagrabat, qui in
 „ tradendis necessariis ad eorum salutem documentis assiduus & di-
 „ ligens per omnia erat; qui summam officii illorum atque omnes
 „ circumstantias intime perspexit: Nunquid, inquam, de Studio
 „ apud eos loqui omisisset aut oblitus esset, si inter officia Mona-
 „ stica censei illud judicasset? Evidenter ejus silentio demonstratur,
 „ studium ab illo in exercitationibus, quibus Fratres ex instituto
 „ occupari debebant, positum numquam fuisse, neque illum existi-
 „ masse, litterarum studia ad spirituales profectum quidquam con-
 „ ferre. Studiorum ille nimis pervidebat incommoda & pericula;
 „ neque dubitabat, quin Fratres ad respondendum divinæ circa se

voluntati satis præsidii haberent, si statutas a Regula lectiones, extraneis atque alienis cognitionibus procul amandatis, rite perolverent.

Hunc agendi scopum obnixè totus Cisterciensis Ordo tenuit, dum pietas integra, & priscarum consuetudinum vigor substitit. Memorizæ proditum est, Sanctum Stephanum, tertium Cistercii Abbatem ordinaria lectione Sacræ Scripturæ fuisse contentum; ex quo fonte hauserat documenta, quæ Fratribus suis ipse tradebat, omnemque vim sumpserat, qua sibi metipsum opus erat ad rectionis grave onus sustinendum. Post Sacram Scripturam, lectioni quoque Operum S. Basilii incubuisse memoratur.

Res consideratione digna legitur in hujus Ordinis Annalibus. Vir quidam genere clarus, Amedeus nomine, qui maximum in Republica gradum dignitatis obtinebat, cum in Monasterium Bonævallis filiolocomitatus secessisset, puerum hunc suum haud sedula ibi cura erudiri putans, cum Abbate Valentini postea Episcopo conquestus est, a quo id tantummodo reponi sibi audivit: Sophisticam artium doctrinam parvi pendendam viris Religiosis, nec debere tyrunculum Christi mendosis Philosophorum fabulis imbui; quem mundum a sordibus peccatorum, quibus occasione discendi juvenes solent inquinari, Paracliti unctio plus in momento doceret, quam mille Philosophi, mille magistri per multorum annorum curricula docuissent.

His auctoritatibus & documentis, ejusdemque notæ aliis quamplurimis quæ afferri possent, certo demonstratur, scientiarum studium priscæ disciplinæ Cisterciensis Ordinis adversari; ac illos, quibus hujusce disciplinæ tenendæ mens erat, scientias nihili fecisse. Objecta hujus Capituli sententiam nostram ne minimum quidem perstringunt; quin potius indicant, idoneas rationes deficere ad eam oppugnandam; quod tam aperte profiteri vel invitatus cogor.

Pag. 55. Inquit Auctor: in Monasteriis Clarævallis Monachos extitisse Codicibus exarandis intentos; ac proinde ibi studia floruisse.

Facile est respondere, Fratres mei, nonnullos Ascetas fuisse, quibus id negotii dabatur, quod illis temporibus necessarium erat, cum in Ordine jam tunc exurgente libri deessent, & quovis pretio comparari deberent. At quales libri? Libri Chorales, & Sacrarum Precum, qui rari adeo tunc erant, ut S. Robertus, qui Cistercii Institutionem auspiciatus est, cum ex Abbatia Molismensi, in qua primo vixerat, Breviarium secum asportasset, quod illud a se enixe reposceretur, restituere postea coactus sit.

Transcribebantur quoque Sacra Biblia, Novum Testamentum, ut apparet ex Codicibus manuscriptis, qui ætatem tulerunt, quique hodie dum in quibusdam Ordinis Monasteriis videntur; Vitæ Patrum

Introd.
ad Ann.
nal. Cist.
c. 2.
Annal.
Cisterc.
an. 1116.
c. 3.
Manrig.
Annal.
Cist. 10.
1. p. 129.
n. 2.

trum Eremitarum, Collationes, Institutiones Cassiani, Ascetici S. Basilii libri, S. Jo: Chrysostomi & Sancti Augustini Homiliarum, aliaque hujus notae scripta, in quibus nihil erat professioni Monasticae contrarium, & quorum Monachi summopere indigebant, non modo pro magno Alceatarum numero in Claravallis Monasterio degentium, sed & pro illis, qui indeeducti ad novas Fundationes assidue mittebantur.

Epistola Nicolai Emanuensis Sancti Bernardi, quam ille Prioris sui nomine scripserat, nullum auctoritatis pondus habere debet, utpote Monachi, qui animum & mores corruerat, quique dolo malo atque incredibili perfidia Patris sui ac Praeceptoris Sancti Bernardi chirographum Signumque ausus mentiri, Prioris sui nomine abuti potuit. Praeterea cum extet librorum Catalogus, quos Bibliotheca Praepositi Ecclesiae Colonienfis, ad quem Nicolai Epistola fuerat scripta, includebat; idoneum hac de re judicium ferre non possumus.

Non video, quid aliud ex facto P. Vignierii probari possit, nisi quod Codex manuscriptus inventus fuerit, qui in Monasterio Claravallis fuerat exaratus, sed scire refert quo tempore. Deinde in eo Monasterio quosdam ascetas esse potuisse, quibus illius libri lectio conveniret, non est cur dubitemus.

Permissum fuisse, inquit Auctor, juveni Principi Othoni, Frisingensi postea Episcopo, in ipsis Cisterciensis Ordinis primordiis ad Universitatem Parisiensem pergere, operam navandi causa nedum humanioribus litteris, verum & Philosophicis ac Theologicis scientiis; atque inde cum illustrem non minus propriis scriptis & Episcopali dignitate, quam generis nobilitate evasisse.

Nullius est ponderis hoc exemplum; quippe juvenis Principis conditioni, auctoritati & gratiae Leopoldi ejus Patris, & Domus Austriacae, iudultum est quod ei denegari non potuit: *Pro parentis Leopoldi, & Austriacae Domus reverentia, contra morem Parisios misus est.* Sed quae animadvertite, contra usum, & consuetudinem Ordinis, qui alias haec nulli concesserat, factum id fuisse. Quin etiam huic agendi contra discipline leges rationi non assavit divini favoris aura; tantum enim absuit, ut suis scriptis illustris evaderet, quod Auctor affirmat, ut suae pietati non minus, si quae modo illi pietas fuit, quam Monastico amictui, quem in Ordine Cisterciensi gesserat, labem asperferit, favens erroribus Gilberti Porretani, Sancti Bernardi consilium & rationem damnans, atque illum quasi hominem impotentis animi, magnae credulitatis, & circumveniri facilem traducens. Eo demum ineptae audaciae processit, ut eundem Sanctum Bernardum criminis argueret, quod Grammaticos & Philosophos saecularibus scientiis innitentes, humanisque ratiunculis

lis nimium tribuentes abhorreret. Tandem palinodiam canere morti proximus coactus est, quia scilicet læsa humili reverentia, qua S. Bernardi sanctitatem prosequi debebat, eum verbis contumeliosis perstrinxerat, atque Episcopi illius partes secutus fuerat, cujus opiniones fuerant Catholicis adversæ.

Fig. 57. Plura memorat Auctor Collegia pro Cisterciensi Ordine, Parisiis, Theolose, atque alibi fundata.

*Matth.
Paris.
hist. An-
glic. an.
1249. p.
742.*

Nimium id verum est, Fratres; Quandoquidem vero Foundationis hujusmodi causæ silentio prætereuntur, has ego dissimulare non debeo. Temporibus etiam sub eisdem, ait Scriptor celebris, Cistercienses Monachi ne amplius forent contemptui Fratribus Predicatoribus & Minoribus, & Sacularibus litteratis; præcipue Legistis & Decretis, NOVUM impetrarunt PRIVILEGIUM. Et ad hoc nobiles sibi Parisiis & alibi ubi Scholæ viguerunt, paraverunt mansiones, ut Scholas exercendo in Theologia, Decretis, & Legibus studerent liberius; ne viderentur aliis inferiores. Mundus enim iam in superbiam elatus Religionem Claustralium contemnit, & Religiosos bonis suis contendit spoliare. Et sic propter mundi nequitias rigor Ordinis Monastici in parte est enervatus. Non enim legimus hoc a Regula Beati Benedicti, qui spiritum omnium Sanctorum, teste Sancto Gregorio, dicitur plenius existisse, aliquatenus emanasse. Quinimo de ipso legimus & cantamus, quod relictis litterarum studiis desertis petere decrevisset. En vobis quæ scripserit Sancti Benedicti Monachus, sua cum eruditione, tum etiam diligentia & fide passim notus atque illustris. Equidem apparet, in hac illum non fuisse sententia, ut crederet, Sanctum Benedictum studia approbasse, & Academiarum in Ordine fundaciones ullum habuisse in ejus Regula, ejusque consilio & ratione firmamentum; cum dicat, non nisi Privilegio impetrato eas constitutas fuisse, quod Juri Communi & veteri consuetudini propterea adversabatur.

P. Jacobus du Breuil Monachus Sancti Germani a Pratis, de fundatione Collegii Parisiensis Monachorum Sancti Bernardi, loquens, Matthæi Parisiensis auctoritatem adducit, & de suo animadversiones quasdam addit notatu dignissimas. Nos hic ejus verba & gallico in latinum sermonem versa damus: Matthæus Parisiensis (inquit) in libris Historiæ Anglicæ memoriæ prodidit, Cistercienses Monachos (qui pro universo Sancti Bernardi Ordine sumuntur) ætate Henrici III. Regis circa annum 1249. cum ignorantia passim arguerentur, NOVUM ab Innocentio IV. Pontifice PRIVILEGIUM impetrasse, quo juxta supplicem eorum libellum Scholas & Collegia in celebrioribus Universitatibus erigere, puta Parisiis & alibi permissum illis fuit, eoque adventare, ibique morari studiorum causa, ut cum liberalibus disciplinis, tum etiam Theologia & Jure Canonico erudirentur, at-

que

que ut ibi Magistrorum, Baccalaureorum & Doctorum gradus acciperent. Qua in re a regulari observantia recesserunt, & Sancti Benedicti Patris sui exemplo contraria agunt, qui teste Sancto Gregorio in libro 2. Dialog. cap. 1. *Relictis litterarum studiis deserti perivit*, ab Urbe decedens, quo cum parentes miserant studiis operam daturum; hi vero illius Regulam professi deserti relinquunt; ut ad præcipuarum Civitatum Studia se conserant: Unde aliquando evadunt doctiores sed nunquam meliores. Ubi cum Monasticæ professionis partem nullam implere deprehendantur, non solitudinem, non silentium, non abstinentiam a carnibus, non denique habitum regularem, vulgo de iis dicitur: *Commixti sunt inter gentes, & didicerunt opera eorum*. Quod si ad doctoratus apicem perveniunt, jam minus pensi habent ad Clausura redire; aut eo animo ad illa revertuntur, ut Superioribus obedire amplius nolint, sed ut iis resistent, Doctorum allegantes Privilegia, quæ proprie vim & summam Monastici status in illis enervant.

Lib. 2.
du Thie-
re des
Amiquie-
res de
Paris
p. 616.
M. de la
Chaise
to. 2. an.
1255.
Lib. 2. c.
23. Chro-
nic. P.
Marci
Ulyss-
pon.
In Chro-
nic. Cy-
tizenf.

Quæ res in S. Ludovici Vita ante aliquot annos scripta luculenter confirmatur. Integer Auctoris locus in margine citatus videri omnino meretur; nos ab eo hic verbatim referendo, utpote nimis prolixo abstinemus. In idem confluunt etiam mira quædam, quæ in Chronicis Fratrum Minorum narrantur; ex quibus saltem manifestum fit, quid eximii sanctique Viri de Studiis & scientiis relate ad illos, qui non sunt ad ea vocati, olim ubique senserint. Vide omnino loca citata.

Tria hic, Fratres mei, velim vos animadvertere. Primo, quod si Monachi Cistercienses priscam instituti sanctimoniam tenuissent, bonum quoque nomen quod initio sibi comparaverant, diutius tulissent, neque in hominum contemptum incurrissent. Deinde, estimationis & famæ qua digni non erant, desiderium, novis his Studiorum Foundationibus occasionem præbuisse. Unde probatur assertum meum, videlicet Monachos ad scientiarum studia animum non convertisse, nisi per abusum cum pietate deperdita a Patrum Religione degeneres facti sunt. Tertio, hinc maxime falsum videri, quod studiorum præsidio pietas in Monasteriis retineatur, aut restitatur, cum Cisterciensis Ordo introductis Studiis non novum ceperit vigorem, sed in dies magis defecerit; ac tandem disciplinæ Monasticæ depravatio in hoc Ordine tam late diffusa est, ut scandalum & confusio totam Ecclesiam pervaserint.

apud
Altes J. 1
ofori.
c. 14. an.
1254.

pag. 56. Frustra vero dixeris (inquit Auctor Tractatus) quibusdam Monachis, qui jam litteris ingenium exercuerunt, concedi posse, ut libros doctrina & eruditione repletos privatim legant. Parum enim vel nihil refert, privata ne an publica sit hæc lectio, dummodo reipsa peragatur.

Continuo respondebimus, Fratres mei, maximum inter hæc discrimen intercedere; & vel hinc, quod aliqui sollertiori ingenio præditi studium aliquod privatum instituere sinantur, quasi exceptione quadam regulam confirmari, fierique magis exploratum; scientiarum studium, neque commune neque regulare exercitium Monachorum esse. Quod nos pleno ore semper affirmavimus. Nonnulli enim semper reperti sunt, quos ad ampliores, quam cæteri Fratrum, cognitiones vocavit Deus. Et sicuti falso colligeret quispiam, nos ad jejuniū aut manuale opus non adstringi ex S. Benedicti Regula, quod nonnullos non jejunantes, nonnullos etiam non operantes manibus videret: Ita falso argueretur, studium universim ad Monachos pertinere, quod aliqui ex Fratribus ad illud incumberent; æquius enim est judicare, in hoc cum illis dispensari, quin aliquid de Regulæ integritate decedat.

pag. 57. Objicitur, quod Abbas Guericus Ordinis Cisterciensis nonnullos Tractatus scripserit ad exemplum S. Bernardi.

Nihil inde, Fratres mei, ad protegendam studiorum Monastico-
rum causam erui potest. Nemo umquam in dubium vocavit, quin liceat Abbati in divinis rebus erudito, aliqua aut scribere aut loqui, quæ a suo non abhorreant instituto, quæque ab aliis nonnisi cum fructu legi possint.

pag. 58. Memoratur de S. Stephano tertio Cisterciensium Abbate, quod in emendandis Bibliorum Codicibus studiosam diligentiam adhibuerit.

Id vero nostræ sententiæ favet; ostenditque, Fratres mei, (quod in superioribus adnotavimus) præcipuum illius studium atque exercitium in divinis Scripturis situm fuisse. Quo studii genere quid convenientius tali & tam pio viro esse poterat?

pag. 59. Assertur auctoritas S. Bernardi ex quodam Sermonum illius in Cantica desumpta ubi ait multum abesse, ut scientiarum humanarum studia reprehendat.

Ea dixit S. Bernardus, quæ dici ab illo fas erat, quæque a me vobis, Fratres, non semel dicta sunt. De inutilitate scientiæ superius disseruerat, utpote quæ nihil conferat ad pietatem; morumque

que sanctimoniam, non doctrinæ meritum a Deo respici dixerat. Ne cui ergo daretur occasio temere credendi, nimium se esse in fugillatione scientiæ, subdit, non hunc sibi animum esse, ut literarum studia prorsus prohibeat, non enim se ignorare, quantum Ecclesiæ profuerint &c. Sed hæc ab illo in universum dicta ad Monachos non pertinent, nec ad hanc quæstionem quidquam faciunt. Et quamquam suos ille Sermones coram Religiosis sibi subditis recitaret, noverat tamen, illos in quorumlibet aliorum manus perventuros, & nolebat alicui offensionis causam præbere. Nulli magis quam mihi persuasum est, scientiam Monachis non convenire: nihilo tamen setius eum, qui in universum studia reprehenderit, valde errantium puto.

Quæ de Gilleberto Abbate referuntur, ne minimum quidem Pag. 60. difficultatem attingunt. De quibusdam ille Superioribus quæritur, qui ad facile de rebus spiritualibus differendum comparare se negligebant, ac negotia temporalia impensius quam divinarum Scripturarum studia tractabant, ita ut quibus instructionem debebant inutiles essent. Nos quidem, Fratres, in ea semper sententia fuimus, Sacras Scripturas Solitariorum cibum, consolationem & divitias esse; & quod alibi invenire non possent, tam ad propriam quam ad aliorum sanctificationem, sibi in illis facile suppetere.

Adnotatur etiam, quod idem Abbas eorum laborem commendavit, Pag. 61.
qui proprias scriptis cogitationes mandarent, nec non Collationes, in quibus de Scripturarum Sanctarum captu agebatur.

Hac adnotatione haud quidquam magis quam præcedenti probatur. Nemo est quin fateatur, cum fructu legendi cupidos, eorum quæ legunt, ut altius menti hæreant, quædam quasi Collectanea conficere debere, quæ postea una & altera lectione diligenter recolant, & quorum memoriam jugiter reficent.

Quod de S. Anselmo narratur, meretur magis ut de memoria excidat, quam ut allegetur. Quis umquam probet, Monachum, Pag. 62. cui ex Regulæ præscripto Dei judicia jugiter obversari debent, ita ut oculis & facie humi defixis hæreat, & in assidua animi & sensuum custodia vivat, legendis Virgilii carminibus occupari, & Scriptores prophanos evolvere, qui facillime intentionem mentis adeo a Regula commendatam abrumpere atque exturbare possunt, immo & notiones ingerere omnino contrarias illis, quas S. Benedictus discipulis suis conatur injicere. *Exceptis iis*, addit S. Anselmus, *in quibus nonnulla reperiuntur honestati & puritati contraria.* Heu quænam exceptio! In primis enim nihil tam aptum est perturbationes animi, quæ fugiendæ sunt, excitare, quam Virgilii lectio, D 4
cujus

cujus Operis summa in turpissimo vilissimoque affectu firmatur. Deinde nunquid animi vitia, superbia scilicet, vanitas, sævitia, ambitio, philodoxia, pro nihilo reputantur? Denique Virgilianum Poema cum fabulosa hæroicorum facinorum narratio sit, neque ejus lectio periculo vacet, quomodo est Monacho permittenda?

Id. Ac ne ea quidem, quæ de Reformatoribus Monasteriorum Angliz subduntur, nostram lædunt sententiam. Novas has Reformationes saltem pro majori parte a priscis Regulis longe discessisse, mihi semper est visum. Atque ut sic crederem, illud impulit, quod qui Reformationis provinciam susceperunt, rebus in pristinum Institutionis statum revocandis, propter insuperabiles obices nequiverint pares esse.

Fig. 62. *Monachi Carthusiani a primæva (inquit Auctor) sui origine studiis operam dederunt.*

Ut quid illi de studiis fenserint, perspicuum fiat, Fratres, consulendus est Guigo, quintus eorum Generalis, qui hujus Sancti Ordinis statuta scripto digessit. Ac sane ille tam modeste & pie de Lectione loquitur, ut facile pateat noluisse eum, ut qui post se futuri erant, ad scientiarum studia animum adicerent. Quæ ipse ait in Epilogo illius Exhortationis cedro dignæ, atque omnibus solitariam vitam professis præceptionis efficacissimæ loco semper fututz, hic ego referam: „ Jam ipsi per vos considerate, quantum
Stat. 180 „ in solitudine Sancti ac Venerabiles Patres, Paulus, & Antonius, „ Hilarion, Benedictus, & ceteri nobis innumerabiles, mente profecerint; & probabitis suavitates psalmodiarum, studia lectionum, fervores orationum, subtilitates meditationum, excessus „ contemplationum, baptismata lacrymarum, nulla re magis „ quam solitudine posse juvari. Est ne aliquid in his verbis, quod scientiarum studiis faveat? De mera hic dumtaxat lectione fit sermo.

Stat. 188. Alibi idem Guigo ait: *Libros tanquam sempiternum nostrarum animarum cibum cautissime custodiri, & studiosissime volumus fieri; ut quia ore non possumus Dei verbum, manibus predicemus.* Et in hunc locum legitur in Annalibus Ordinis Carthusianorum anno 1687. impressis hoc modo: *Qui sic de libris loquebantur, & eis scribendis operam dabant, certe studio sacrarum Litterarum incumbabant, quia ab eis assensu legendi erant sacri Codices, ut possent illos transcribere,*
Ann. l. 3. cap. 83.
Guig. c. 28. Stat. *& transcribendo mente complectebantur quæ ibi continebantur.*

Nihil hic est, unde colligere possis, Carthusianos scientiis studuisse; sed hinc potius arguas, in Sacræ illos Scripturæ lectione unice fuisse versatos, cui Sanctorum Patrum Homilias atque Interpretationes addidisse illos ambigendum non est. In id Auctor Tractatus consentire cogitur, cum ait, „ Guigonem suos discipulos „ qua-

„ qua-

quatenus eorum professioni convenire videbatur, in Ecclesiastica scientia erudiisse. Accuratus tamen juxta Guigonis mentem dixisset, in *sanctarum litterarum intelligentia*, seu in divinarum Scripturarum cognitione, quæ ab Ecclesiastica scientia plurimum differt, nam hæc sine dubio latius patet. Denique Guigonis Instructiones ad Fratres suos, quocumque indigentur titulo, parum refert; modo constet, eum de studiis aut scientiis nihil illis umquam præcepisse.

Pag. 63.

Mentionem hic habet Auctor Tractatus *cujusdam Epistola Petri Venerabilis, Abbatis Cluniacensis*, ex qua colligitur, Guigonem, cui scripta est Epistola, complura *Sanctorum Patrum Opera* ab eo petiisse in suo Monasterio transcribenda, ut *S. Gregorii Nazianzeni, S. Joannis Chrysostomi, S. Ambrosii: Scripta S. Prosperi adversus Cassianum, S. Augustini, & S. Hieronymi Epistolas*: Idque argumento esse, Carthusianos non modo *Operum Sanctorum Patrum* lectionem commendasse, in quibus ad pios mores attinentia exponebantur, verum & ad alios eorundem libros animum intendisse, quos in *Orthodoxa Fidei, & Ecclesiastica Doctrina defensionem* conscriperant.

Quæ vero est hæc illatio, Fratres? Agitur de Generali Ordinis, viro doctissimo & sanctissimo, qui magnam vim scientiæ adeptus fuerat, antequam in solitudinem secederet abdicata Decani dignitate, quam in Ecclesia Gratianopolitana obtinebat. Lucernam hanc de sub modio eductam posuit Deus supra Candelabrum; Quid mirum, si quarundam ille veritatum notitiam sibi comparare voluerit? Venerabilis Guigo studia, quibus occupabatur, suo statui convenientia, ad se ipsum, non ita vero ad suos Fratres referebat. Quid magis consentaneum & probabile, quam quod docto Superiori cupido incesaret cognoscendi, quæ fuerit causa, cur S. Prosper Cassiani fidem, & in rebus Religionis opinionem suspectas haberet, & contra illum scriberet; cum præsertim Cassiani Opera juxta præ manibus suorum Fratrum esse deberent, utpote quæ veritatem, officia & sanctitatem status Monastici egregie continent? An inde potest generatim inferri, ut sit, hujusmodi sanctos viros, in Ordine Carthusiensi ad libros animum intendisse, quos in Orthodoxæ fidei & Ecclesiasticæ doctrinæ defensionem veteres Patres conscriperant?

Pag. 63.

ibid. Hoc caput Auctor concludit, inquit: *Ab Abbate Guiberto memoria proditum, Carthusianos, licet omnimodam paupertatem proficere, diuissimas tamen Bibliothecas congeisse.*

Ut huic difficultati occurramus, illud tantummodo firme tenendum est, Fratres, iis temporibus, quibus magna erat librorum penuria, diuitem Bibliothecam habitam fuisse, quæ non magnum cæteroquin Exemplarium numerum contineret. Supellex libraria, quæ magnæ Bibliothecæ nomine indigitari digna credebatur, ex nonnullis Bibliorum Codicibus, ex Sanctorum Patrum in diuinas Scripturas quibusdam Commentariis, Vitæ Patrum historiis, Sanctorum Monachorum Actis, Asceticis S. Basilii, Cassiani, S. Ephræmi, atque ex omnibus Sanctorum Patrum, quos indicavimus, scriptis, collecta erat. Ne multa; totum hoc Caput, quod hætenus expendimus, nullum satis idoneum argumentum offert ad id, quod Auctori propositum est confirmandum, nempe studia Monachis necessaria esse. Infirma sunt quæ afferuntur Scriptorum testimonia; nec ullum horum est, cui non responderimus. Perspicuum est igitur, atque apud omnes adhuc constabit quod posuimus, ignota fuisse veteribus Monachis, itemque S. Benedicto scientiarum studia; quique illa in hunc Ordinem invexere, ab illius spiritu & Regulæ veritate declinasse. Atque illud enixe contendimus, si in restituendis in Asceteria Monastica priscis institutis & consuetudinibus laboratum fuisset, pulchriora sane exempla & maiora præsidia ex Monachorum sanctitate in Ecclesiam redundare potuisse, quam quæ ex eorum doctrina redundarunt, ac rationum in superioribus decem Capitibus contentarum nullam esse, quam solide & perspicue non rejecerimus, denique illos in arena ædificare, qui studia scientiarum apud Monachos constituere nituntur.

C A P U T X I.

Ex. 64. *Ex Academiis, sive Collegiis, quæ omni tempore in Monasteriis S. Benedicti florere, manifesto probari Auctor affirmat, hæc Monasteria in usum studiorum consensisse.*

DUO sunt, Fratres mei, quæ hic respondere in promptu habemus: Unum quidem nos ultro fateri, in quibus Monasteriis pueros, sive etiam adolescentes litterarum ignaros recipiendi usus obtinebat, in iisdem hos alumnos primis elementis instituere, & in ejus linguæ notitia, quæ illis futura erat necessaria, erudiri licuisse. Hujus praxeos exempla in Monasterio S. Pachomi propo-

proposita habemus; quod liquet ex ejus Regula, atque his verbis in-
Cap. 140.
nultur, *Litteras discat.*

Alterum vero, si quæ forte Monasteria in Ordine S. Benedicti ab ipsis ejus exordiis extiterint, in quibus scientiarum studia vigerunt, hinc patere, haud longum tempus præterisse priusquam a Regula discederetur (ut alias meminimus) eaque exercitia sumerentur, quæ neque præscripto neque auctoritate ipsius Regulæ nituntur; Filios denique Parentis sui degeneres, illius spiritum, consilium, exemplum nequaquam sequutos esse.

S. Placidus, de quo fit mentio, studiis parum imbutus fuisse credendus est, si præsertim rudem ac simplicem modum, quo suos discipulos instituebat, animadvertamus; Et S. Maurum nihil amplius doctrinæ retinuisse, affirmari verissime potest. Quæ vero de Studiis Montis Cassini Auctor disputat, in conjectura nituntur, neque tanti sunt, ut nos morari debeant.

Quæcumque tam diffusa eruditione congeruntur, ut Academies litterarum magno numero in Monasteriis constitutas fuisse ostendatur, nihil prorsus conficiunt; sed illud tantummodo testantur, cum eo res devenit, ut fiat a Regula discessio, difficile quæ sunt intermissa revocari. Multa habet Studium litterarum incitamenta; ingenium scientia blande alitur, ac sustinetur; nomen & existimatio litterario profectu acquiruntur, & habet vir litteratus quo se supra cæteros evehat. Quandoquidem vero Monachi aliquam vitæ inire rationem debuerunt, ne otium & desidiam cum omnium offensione profiterentur; cumque hæc esset illorum optio, utrum manuum laborem, an studia consecrarentur, non diu illi animi pendere; sed studia in jucundo labori præferentes, officium, quod cum humilitate, abiectione, incommodo, corporisque & animi mortificatione conjungitur, omnino a se prohibuerunt.

Inutile prorsus fuit quidquid S. Benedictus in manualis laboris commendationem Discipulis suis olim inculcaverat, Apostolorum & Sanctorum Patrum, qui ante se fuerant, exemplo auctoritatem illi concilians, atque illum Monasticæ professioni apprime convenientem perspicuis hisce verbis declarans: *Tunc vere Monachi sunt, si labore Reg. c. 48
manuum suarum vivant, sicut & Patres nostri & Apostoli.* Sanctus hic vir conficere id non potuit, ut apud illos in pretio esset, quod magni æstimari ab illis cupiebat; ipsi vero quoquo modo invenire rationes voluerunt, quarum obtentu primitivum laboris usum, quo innumera Solitiorum multitudo sanctificata est, prorsus abolerent, diversum ab hoc exercitium substituentes, propter quod multi illud amplexi periere, & cujus specie atque occasione innumeri alii alienas a suo instituto vias ingressi proprii status summam reliquerunt.

Humilitas cum eruditione conjuncta raro in iis invenitur, qui vitam Solitariam professi sunt, eo quod ad scientias divinitus

voca-

vocati non fuerint. Quod si pauci illi, quibus Deus extraordinario munere largitus est, ut utramque apud se custodirent, de rei difficultate pronunciare vellent, rem ipsam in se, non quatenus ad ipsos refertur, pensitantes; in eandem, sat scio, venirent ipsi sententiam, quam nos propugnamus.

Fig. 66. Mentio habetur in hoc Capite plurimum *Fundationum* & *Academia-
rum*, quæ octavo & nono Sæculo ad decimum usque in Germania,
Anglia, & Galliis floruerunt.

Si disputandi modum, quo hic utitur Auctor, advertas, tantum non videtur Ecclesiæ gloria in harum Academiarum institutione sita fuisse, perinde ac si inde ad eam novum ornamentum, novus splendor, nova denique & major sanctitas accesserint. Interea constat numquam scœdiorem corruptioremque Monasticum Ordinem fuisse, quam illa ætate, quæ insignes hæc ac florentes Academias protulit. Id vero in posterioribus data opera demonstrabimus, obiter hic adnotantes, has Foundationes inde ortum habuisse, quod Monachi Manuali Opere prorsus rejecto, necessarium esse arbitrati sunt, vacuum ab illo tempus Studiis implere, ne scilicet ex inertia & socordia, in quibus erant demersi, ad turpes disciplinæ depravationes, sæcularesque dissolutiones excurrerent, quas semper otia peperere. Atque ita quod ad conciliandum Ordini Monastico laudem & existimationem profertur, & in cœlum laudibus extollitur, si proprie loqui velimus, idipsum nihil aliud est, quam infidelitatis & relaxationis Monachorum nimis heu! perenne monimentum.

Fig. 65. Laudatur Marcus S. Benedicti, ut ajunt, discipulus, eo quod carmina scripserit. Quam parum, Fratres mei, laus ista Monachum decet! Certus sum, non hanc illi scientiam a S. Benedicto fuisse testamento legatam, nec exemplo traditam; omnino enim alienum est a Solitarii statu Poetam se profiteri.

Fig. 67. Inter magnos viros, qui illa ætate in Ecclesia excelluerunt, Lupus Ferrariensis Abbas numeratur. Hunc Abbatem litterarum amor, fateor, summopere commendabat; ejusque Epistolæ adhuc testantur, quam impense acquirendis prophanis scientiis studuerit. Rogat aliqui Pontificem Benedictum III. ut *Tullium de Oratore* ad se mittat: nempe ista a Pontifice Monachus petit! An ita se ille exercere cupiebat, ut Declamator fieret? Sed ab eo etiam petit duodecim Quintiliani libros, & Donati commentarium in Terentium. Quantavis iste Monachus celebritate inclaruerit, magno sane otio abundabat, ut tempus in hisce studiis infumeret. Nonne vero satius facturus fuisset, si in claustris recessu propria & mundi peccata flevisset, ac suos ferreo illo sæculo Fratres consolidasset, & indita cordis confidentia opportune solatus esset?

A Regimberto Sallustii de bello Catilinario, & de Jugurthino historias ab Abbate Marcuado Svetonii de Vita Cæsarum commentarios postulat. Colligitur ex Epistola 69. missas ad illum fuisse Epistolas Ciceronis, quas cum quodam exemplari, quod habebat præ manibus, conferre statuerat. Epistola 34. nihil aliud fere continet præter dissertationem grammaticam circa quasdam difficultates, quas miselli quique humanarum litterarum tyrones facillime extricare valeant; Quintæ quoque ac sextæ simile est argumentum. Alibi ab Osmaro Turonensi Archiepiscopo Boethii Commentarium in Ciceronis Topica enixe flagitat. Ep. 104.
Ep. 94.
Ep. 16.

Adalgardo gratias agit, quod uni suorum Fratrum Macrobbi correctioni operam dare permiserit; cum eo disputat etiam de Ciceronis Tusculanis, ac de nonnullis litterularum quæstionibus. In Epistola quinta Ehinardo se excusat, quod Aulum Gellium illi non miserit. Juvat animadvertere, horum doctorum Monachorum studia atque exercitia non perinde ac decebat semper pia & seria fuisse. Inter Strabi Monachi Monasterii Fuldenfis Opera libri de Arithmetica, & de Dimensionibus reperiuntur. Notkerus Monasterii S. Galli Abbas de Musica & Symphonia; Salomon ejusdem cœnobii Monachus de septem Liberalibus Artibus Tractatus conscripsit. Ruthardus Monachus Fuldenfis, vir pietate & doctrina illustris, scribendis de Musica, de Geometria, de Arithmetica libris insudavit, atque alia ad humaniores litteras pertinentia scripta composuit. Michon S. Richierii Monachus Ænigmatum librum, itemque Florilegium Poetarum concinnavit. Wernbertus Monachus S. Galli unum de Musica, & de Arte Poetica duos libros edidit. Hubaldus Monachus Monasterii Elvonis Opus composuit centum triginta Carminibus comprehensum Calvorum encomiasticum, cujus singulæ voces a littera C incipiebant; librum quoque de Musica elaboravit. Quam inutiles nugæ! Epist. 8.

Floribertus Monachus S. Matthiæ prope Trevirorum Civitatem de compositione Musici instrumenti, quod Monochordum appellatur, scripsit; item quinque libros carminum de Trevirorum Excidio. Richerius Monachus Rhemensis Libros concinnavit, quibus Gallorum Historia continebatur. Tres de Musica libri Johanni Monacho S. Albani prope Moguntiam adscribuntur; & de Musica scripsit etiam Herdericus Monachus Hirsaugiensis. Inter Diethelmi Monachi S. Matthiæ Trevirorum Opera de construendi Astrolabii ratione liber extat, item alter de illius usu & utilitate, & de Arte Poetica libri duo reperiuntur. Marquadus S. Willibrordi Epternacensis Monachus Commentaria in Musica Boetii, & de septem Liberalibus Artibus librum confecit. Reinhardo Monacho S. Burkardi apud Herbipolim libri quatuor in Categorias Aristotelis, duo de Musica, unus de Poetica, unus de Monochordo, & de Circuli Quadratura alter, adjudicantur. De Musica scripsit quoque que

que Hiedmanus S. Dionysii Monachus. Meginradus Monachus Hirsaugiensis Librum de novis Antiquorum inventis, Heribertus Monachus S. Willibrardi Epternacensis de Monochordi mensura, Abbo seu Ebbo Abbas Floriacensis, sive S. Benedicti ad Ligerim librum de *Calculo Victorii*, scripsere. Remigius Monachus Mettochenensis commentaria elucubravit in Priscianum & Donatum Grammaticos. Osbertus Monachus Anglus de Musica librum edidit. Bruno Monachus S. Witonis in Archiepiscopatu Colonienſi de septem Liberalibus Artibus Libros septem, & de motu Octavæ Sphæræ Tractatum composuit. Engelbertus Monachus S. Matthiæ apud Treviros, de Musica, de Proportionibus, & de constructione Monochordi totidem libros posteris reliquit.

Liber legitur a Marino S. Maximini ad Treviros Monacho scriptus, de Regulis Grammaticæ, itemque duo de Arte Poetica. Inter Hermani Sangallensis Monachi Opera extant libri de Musica, de Monochordo, de sex Mundi Ætatibus, de Astronomia Libri tres, de constructione Astrolabii pariter tres, de ejusdem usu & utilitate duo, de Tabulæ solaris compositione & usu Liber unus, de Horologio Cylindrico item Liber unus, & de alio quodam Horologio unus, plures de Geometria Tractatus, Liber de Mundo & Elementis, Liber de Eclipsibus Solis & Lunæ, Liber de Numerandi ratione, alius de Circuli Quadratura, item alius de *Conflictu Rythmimachia*, Liber de Physiognomia, & plura in Aristotelem & Ciceronem Commentaria. Nemo denique ignorat, nostra quoque memoria Monachos inveniri, qui nec admodum graviora, nec religiosiora, nec sanctiora pertractant.

Ex his omnibus patet, Fratres mei, Monachos Studiorum obtentu vanas scientias consecutos fuisse, curiosaque ac inutilia studuisse, quibus cum illorum status dignitate nulla societas nulla ratio intercedit, quæque illos a jugi Dei præsentia, quam caute servare debebant, aliquatenus dimoverunt. Nunquid hoc pacto Regulæ præceptum de Timore Dei ante oculos ponendo facile impleri potest? *Timorem Dei sibi ante oculos semper ponens oblivionem omnino fugiat.* Macrobij, Auli Gellii lectio, multiplex ille & varius eruditionis prophanæ Apparatus, quo tandem modo cum cogitatione mortis & consideratione judiciorum Dei poterunt copulari?

Bern.
Reg. c. 7.
1. grad.
humil.

pag. 67. *Academiae (inquit Auctor) perseverarunt, ac jugiter durarunt in Monasteriis, variis tamen vicissitudinibus Ordinisque alterationibus subjectæ.*

Haud sane mollioribus aut prudentioribus verbis harum Academicarum inutilitatem indicare Auctor poterat, quam ajendo, ut facit, illas mutationibus obnoxias fuisse; ideo per illas averti non potuisse, quominus Ordo in perniciem & dissolutionem recideret, prout in sequentibus demonstrabimus.

Domini-

Dominus Jolius consulse admodum dixisse adnotatur, Videri inter pri- Pag. 68.
marios fines, quos in sua Institutione insuitus est Sanctus Benedictus,
hunc fuisse, Sanctarum nempe Litterarum Studium. Qua in re ada-
missum veterum Monachorum sequutus est exemplum, quorum prior
pars de Sæculo & Mundo in solitudinem se receperat, ut latior ibi
campum inueniret Christianæ Philosophiæ studio vacandi. Deinceps
mentio habetur Præceptoris Sancti Joannis Damasceni, cui Præcep-
tori Cosmus nomen, qui intra Claustra Monasticam vitam agens cum
humanas scientias didicisset, Rhetoricam, Dialecticam, Arithmeti-
cam, Geometriam, Musicam, Astronomiam, ac Theologiam, vebe-
menter dolebat, in Syria se reperisse neminem, quem harum omnium
scientiarum participem faceret.

Duo quæ hinc omnino consequuntur æque certa, ac Auctoris Libri de Studiis Monasticis consilio & scopo aduersa, non satis ille animadverit. Quorum alterum est, Sanctum Benedictum nullum aliud discipulis suis studium constituisse, quam diuinarum Scripturarum, atque Operum Sanctorum Patrum, quorum lectio intelligendis Scripturis utilis esse posset: hoc autem expresse in allata auctoritate continetur.

Alterum vero, in idem agendi consilium, atque in eandem sententiam a primordiis vitæ Monasticæ totum Orientem consensisse. Quotquot scilicet fuere in Oriente Monachi, Scripturarum Sanctarum scientiæ contenti, Litterarum humanarum studiis nequaquam se immiscuere. Cujus rei vel illud est apertissimum testimonium, quod Cosmus, vir ille in humanis litteris impense eruditus, neminem in tota Syria inuenit, a quo audiri aut intelligi, vel cui, quæ ipse sciebat, tradere posset. Et hæc in uniuersum dicta sunt. Neque enim propterea negamus, nonnullos seorsim extitisse, harum scientiarum exquisitissima cognitione imbutos, quas ut plurimum Monachi ignorabant. Nempe hujuscemodi fuisse videtur Solitarius ille, quem Macarius Patriarcha Constantinopolitanus institutioni Gregorii Episcopi Agrigentini præfecit, a quo Gregorius Grammaticam, Rhetoricam, Poeticam, & Philosophiam didicit.

Quod attinet ad Sanctum Johannem Damascenum, omnem ille scientiam, qua plenus fuisse dicitur, a Cosmo discere potuit dum adhuc in Sæculo ageret: At Monasterium ingressus, cujusdam Solitarii disciplinæ traditus fuit, a quo diligendi ac timendi Dei præcepta tantummodo hausit, omnesque scientias, quas extra Monasterium acquisiverat, contemnere, atque obliuisci didicit; a quo denique in illa dumtaxat scientia fuit eruditus, quæ virum in solitudine Deo se mancipare cogitantem decebat.

Vir. S.
Damasc.

CAPUT XII.

Pag. 70. Pontifices Studiis in Ordine Cisterciensi constitutis patrocinos fuisse ait Tractatus Auctor, ut ex veteribus ejusdem Ordinis Statutis colligitur; atque ex his unum allegat ab his verbis incipiens: Pro reverentia Domini Papæ & Cardinalium, qui fuerunt studiorum nostrorum præcipui promotores &c.

DEcreta Pontificum circa studiorum foundationem inter Cistercienses tunc prodire, cum dignitas & fama totius Ordinis imminui, ac in primitivæ pietatis locum regulæ depravationes, dissolutionesque obrepere cœperant. Tantum vero abest ut aliquod huic Ordini emolumentum Studia in eo constituta attulerint, ut exhinc potius creverint ruinæ, & professio scientiarum protegendis fovendisque malis inservierit, prout nos docent historiæ.

Pag. 69. Neque vero Concilia, aut Pontifices Monachis unquam interdixerunt Studia; quinimo eosdem ad illa sæpe compulere.

Sane illud verum est, postquam refriguit Monastica Disciplina, ut multoties affirmavimus, atque a veterum Patrum vestigiis Monachi declinavere, Ecclesiam, cum nullam invenerit viam, eos ad proficos fontes reducendi, sistendique præcipitis in deteriora, cursus, nihil ad rem magis putasse, ut illos a turpi desidia, in qua pene demersi erant, divelleret, quam Studiorum apud illos institutionem. Manuum labor, qui quondam potiorum illorum vitæ partem occupare solebat, intolerabili illis oneri tunc erat; nimis illos affligebat solitudinis jugum; silentium, fovendæ inter Solitarios pietati adeo necessarium, ferrea lex illis videbatur; vix intelligebant, hæc duo simul esse posse, vivere ac tacere: Proinde visum, quodammodo necesse esse, ut iis distindendis Studiorum adminiculum concederetur.

Et quidem satius erat, ut lectione, quam ut ludis, crapula, veneratione, aliisve id genus dissolutionibus (quæ deficientis disciplinæ luctuosa seges sunt,) Monachi tempus transigerent. Cetera indubitatum est, Studii exercitationem non nisi ob duritiam cordis eorum iisdem propositam fuisse; & quod impossibile videbatur, eos ad antiquas exercitationes consuetudinesque reducere.

An. 1313. Id causæ unice fuit, cur Generale Viennæ sub Clemente V. Concilium statuerit, ut Monachi intra Monasteria instruerentur, ibique adestet Magister, qui eos primitivas doceret scientias. Benedictus XII. quod Synodus jusserat, sua Decretali confirmavit. Verum

tum enimvero huc faciunt illa Sacrae Paginae verba: *Ad duritiam cordis vestri permisi vobis . . . ab initio autem non fuit sic*: Nam prisci Patres atque Institutores nihil tale excogitaverant aut præceperant.

Fateor, sic se filiis suis Matrem Ecclesiam benignam præbuisse; sed illos dona ejusdem in nullum convertisse usum pariter constat; quandoquidem ab erroribus & dissolutionibus nequaquam respicerunt; & subsequentibus temporibus depravationes auctæ, non immutæ fuere, ut Monasteriorum conditio quotidie ex illo tempore projectior passim testatur.

Id nos ex Trithemio discimus, qui quomodo res Ordinis Monastici Sæculo tertiodecimo se haberent exponens, sic ait: *Monachi namque illius temporis neglecta spiritali conversatione, sectabantur carnalia; & speris ad quæ vocati fuerant, bonis æternis, temporales nimis anxie querebant honores, & corruptibiles sequebantur voluptates. Viri ab hoc tempore defecerunt in Ordine nostro Docti, defecerunt Sancti, defecerunt Regularis observantiæ zelosi cultores: & iacuit per annos ferme ducentos Benedicti Religio in deformatione continua.*

Sed ut ostendam, quod recepi vobis me facturum, nihil esse in Studiis præsidii ad Monachos a relaxationibus & vitæ licentia retrahendos, aut ad prævertendum ne in illas decident; illud unum adnotare sufficit, iis nempe Ecclesiæ Sæculis, quibus major Cœnobaritarum numerus scientias excoluit, corruptiorem, depravatioremque in Monasteriis vivendi rationem, crebriora scandala, majorem perturbationem fuisse. Sæculis octavo, nono, quin & decimo, quando tot docti viri, tot eruditi Scriptores floruerunt, tanta erat morum intra Claustra solutio, quanta nullo prius tempore vel postea fuit; ita ut dici possit omnimodam Monasteriorum ruinam tunc impendisse.

Auctor est Trithemius, magnum hunc Ordinem olim adeo illustrem, ab anno 839. in maximam rerum perturbationem adductum ad extrema descendisse: *Ordo Sancti P. N. Benedicti, per totam Europam ubique quondam potens, gloriosus & venerabilis, ad nihilum pene redactus est; & quantum in numero Cœnobariorum & merito personarum olim crevisse legitur, tantum in utroque nostris temporibus pene quotidie invenitur decedere, & amissis turpiter Cœnobiis, jam cunctis Ordinibus esse miserabilior.* Hactenus Trithemius. Sed quoniam in hæc rerum angustias cum repente devenisse non credimus; neque dici potest, eum Ordinem, qui heri maxime vigeat, in tam diversa facie, luctuosoque statu hodie se conspiciendum dedisse; sensim & per quosdam mutationum atque imminutionum gradus eo deductum esse, certo affirmamus. Si quis ergo dixerit jam ab octavo Sæculo Benedictinorum mores corrumpi cœpisse, ac toto sæculo nono, quin & profecto jam sæculo decimo, in eadem relaxatione perseverasse, a veritate non aberrabit; Arigandus enim Sancti Petri in Galliis Abbas, referente Trithemio, *statum Monasticæ puritatis tam in suo Cœnobio Se-*

Trith.
Cron.
Hirsang.
an. 1231.

Cron.
Hirsang.
an. 839.
p. 14.

lib. an.
951. p. 54
& 95.
lib. an.
990. pag.
135.

nonens, quam in diversis aliis pene collapsam, verbo & exemplo magnifice reformavit. Et ab anno jam 990. ut idem Trithemius auctor est, disciplina Monastica in Cœnobio Fuldensi, aliisque per multis Cœnobiis omnino defecerat: Cujus tempore Observantia regularis Disciplina in Monasterio Fuldensi, quemadmodum & in plerisque aliis multum successu reperiit.

Porro iis temporibus in nostra Monasteria hujusmodi perturbationes ac perversiones irrepere, quibus ex continuata Studiorum serie, atque ex indubia traditione, Academiis in Ordine semper fuisse, Studiorum consuetudine nunquam intermissa, Scholas floruisse, & præ magno Abbatum ac Monachorum numero, qui doctrina excelluerunt, Ordinem summo opere inclaruisset, probare contendit Auctor Tractatus.

Quod ut magis vobis compertum exploratumque fiat, atque ut nulla supersit de hoc ambigendi ratio; ad rem esse putavi, Fratres mei, magnorum horum virorum, de quibus locutus sum, quique iis temporibus floruerunt, Elenchum vobis exhibere.

OCTAVO SÆCULO.

Beda Venerabilis Monachus Anglicus.

Jonas Monachus.

S. Anselmus Monachus & Archiepiscopus Cantuariensis.

S. Joannes Damascenus, & Cosma ejus socius, Monachi.

S. Marcellinus Monachus.

Antonius Melissa Monachus.

Paulus Diaconus Monachus.

NONO SÆCULO.

Lutbertus 1. Abbas Hirsaugiensis in Germania.

Einbardus Abbas Sancti Baronis.

Hildulphus Monachus Hirsaugiensis.

Hetti A. Mediolacensis, & Archiepiscopus Trevirensis.

Hildonius A. Sancti Dionysii Parisiensis.

Tbeodulphus A. Floriacensis, & Episcopus Aurelianensis.

Haimo Monachus Hirsfeldiensis, & Episcopus Halbertatensis.

Freculphus Monachus, & Episcopus Lexoviensis.

Angelomus Monachus Luxoviensis.

Ansegisus A. Lobienfis, & Archiepiscopus Senonensis.

Ansegisus A. Fontanelle.

Micbo Monachus S. Ricbarii, alias de Pontigniaco.

Joannes Erigena A. Vercellenfis.

Bertramms Monachus S. Dionysii.

Cbri-

Christianus qui, O Trutbmarus, Monachus Corbejenfis.
Deus-dedit A. Monasterii Cassinensis.
Otfridus Monachus Vuiffemburgensis.
Rhabanus A. Fuldensis, O Archiepiscopus Moguntinus.
Strabus Monachus Fuldensis.
Hatto 1. qui O Vvaldo A. Fuldensis, O Archiepiscopus Mogunt.
Alfridus Monachus Corbejenfis, O Episcopus Hilsdesheimensis.
Lupus Servatus A. Ferrariensis.
Vvandelbertus Monachus Prumiensis.
Vvandelbertus Monachus Sancti Galli.
Norkerus A. S. Galli, O Episcopus Leodiensis.
S. Ansharius A. Corbejenfis, O 1. Archiepiscopus Bremensis.
Salomon Monachus S. Galli, O Episcopus Constantiensis.
Christianus Monachus, O Episcopus Altsiodorensis.
Ericus Monachus Cænobii Altsiodorensis.
Remigius Monachus, O Episcopus Altsiodorensis.
Pascasius Ratbertus A. Corbejenfis.
Regino A. Prumensis.
Richerus Monachus Remensis.
Rupertus Monachus S. Albani prope Moguntiam.
S. Odo Monachus Gigniacensis, O 1. Abbas Cluniacensis.
Ambrosius Ansbertus Monachus Lobienfis.
Theodorus Studia Monachus.
Aimonius Monachus Floriacensis.
Aimonius Monachus Sancti Germani a Pratis.
Theophanes Monachus.
Hincmarus Monachus S. Dionysii, O Archiepiscopus Remensis.
S. Ludgerus Monachus.
Ulvardus, qui O Ifuardus Monachus.
Anastasius Bibliothecarius A. Romanus.
Smaragdus A. Sancti Michaelis.

DECIMO SÆCULO.

- Hildovinus A. Lobienfis, Episcopus Tungrenfis sive Leodicensis*,
 & postea *Archiepiscopus Mediolanensis*.
Rudolphus Monachus Flaviacensis.
Smaragdus Monachus S. Maximini apud Treviros.
Marcuardus Monachus S. Vvillebrordi Epternacensis.
Hadmarus A. Fuldenfis.
S. Odo 2. A. Cluniacensis.
Vvindicbindus qui, & Vvitrichindus Monachus Corbejenfis.
Marcus Solitarius.
Frodoardus A. Rbemensis.
S. Majolus 4. Ab. Cluniacensis.
Aimonius ejusdem Cœnobii Monachus.
S. Dunstanus A. & Episcopus Vvintoniensis.
Odericus Monachus, & 2. Archiepiscopus Madeburgenfis.
S. Odilo A. Cluniacensis.
Rupertus Monachus Cœnobii SS. Petri & Pauli a Vveiffenburg,
 & *Episcopus Spirenfis*.

Si scientia, ut quispiam putat, nobisque persuadere nititur,
 magnum afferret momentum ad informandos Monachos, eosque in
 pietate roborandos, evehendosque ad perfectionem, ad quam di-
 vinitus illos vocari nemo dubitat; hisce sæculis, de quibus est ser-
 mo, Claustrorum sanctitas restorere visa fuisset, ac Monachi an-
 tiquum splendorem, priscamque celebritatem recepissent. Sed secus
 accidit; tunc enim malum ad extremum processit, & iniquitatis,
 ut ita dicam, consummatio ac plenitudo in Sanctuario visa est.
 Novas hic rei hujus probationes adducere supervacaneum est. Or-
 dinis Monastici occasum, & impendentem octavo Sæculo ruinam
 vobis ostendimus ex iis, quæ ex Capitulari Caroli Magni in me-
 dium protulimus. Res quo cæperant pede ivisse Sæculo nono ex
 Concilio Troslejano colligitur, in quod Episcopi convenerant, de
 Ordinis Monastici non statu, sed lapsu, ut ipsimet testantur, acturi:
De Monasteriorum non statu, sed lapsu quid dicere aut agere debeamus
pene incertum.

Quod si scire lubet, quomodo in tantam perniciem Monachos
 Studia projecerint, id ex eo factum putamus, quod qui inter illos
 magnum litterarum nomen adepti fuerant, ac præ ceteris excelle-
 bant, unice earum Studio intenti, a suæ professionis officiis sese
 immunes reddiderunt, & facile nimis a communi via defraverunt.

Ad

Ad hæc studia Superiores ipsi animum adjicientes, ac tempus in illis infuentes, inutiles facti sunt iis quibus prærant.

Non ignoratis Fratres, ita Superiores debere esse dispositos, ut quatuor præcipue modis suo muneri satisficiant, nempe sollicitudine, instructione, exemplo, & oratione. Quam porro sollicitudinem custodiendo Gregi contulerint ii Superiores, qui se utilius & præclarior Ecclesiæ prodesse atque servire putabant scribendis libris? Quodnam illi exemplum dederint, qui se æquis de causis a communibus regularibusque officiis eximendos esse judicabant? Quomodo potuerunt subditos suos instructione juvare ii, quibus persuasum erat majus aliquid ab ipsis peragi, Opera in publicum edendo, quæ ire debebant in posteros, quæque continebant graviora atque altiora, quam quæ ad gubernandum exiguum Monachorum numerum aliquid conferre poterant? Denique ex illo ne Superiore utilem & Deo acceptam orationem expectari, qui vitæ suæ tempus Studiis exigit? qui arescenti, vago, minime attento, ac languidiori spiritu ad Deum accedit; quem non puritas, non mentis vigor, non attentio necessaria paratum satis reddunt ad offerendum Deo sacrificium, quod ipsi placere possit? uno verbo qui humilitate caret, omnium præparationum maxime necessaria: fere enim solet elatos reddere scientia, raroque humilitatis virtus in iis reperitur, qui multum Studio tribuunt, nisi ad illud ex instituti sui officio destinentur: Quod de Monachis dici nequit, si quosdam illorum excipias, quos a communi regula Deus eximit, atque a multitudine segregat, eos ad Studia peculiari vocatione compellens.

Dum vero Superiores omnino sunt iis rebus occupati, quos magni momenti esse arbitrantur, quid de illis fiet, qui eorum regimini subsunt? Quid agat Grex sollicitudine Pastoris destitutus, qui nec in ejus oculis, nec sub ejus est manu? Quo tandem recident Monachi sibi metipsis relictæ? Alii fabulas læstitant, atque inepta volumina, ex quorum læstione voluptatem, non doctrinam percipiunt, nec unquam sibi utilia in libris meditantur. Alii tædio confecti, ac defatigati cum fastidio legunt, ideo externa evacamenta, & a proprii dignitate instituti dissona exercitia captant, ut quoquo modo recreentur eorum animi, dum omnem consolationis rationem sibi intra ipsa Claustra præceptam vident.

Quam multi nostra hæc memoria Monachi inexplabili cupiditate laborant noscendi ea, quæ foris accidunt? Quive legendi quæ velint concessam sibi facultatem prætexentes, vix aliud in manibus habent, quam rerum novarum Ephemeridas, librosque, quibus facta recentia, historiæ, varique Sæcularium casus continentur. Qui res hujusmodi, Studiorum suorum & colloquiorum, quodque magis insolens videri debet, regularium quoque conversationum argumentum faciunt.

Rom. 1.
v. 21.Lib. 2.
c. 3.

Alii quidam omnis generis notitias aucupantes, Studiis immoriuntur, totoque pectore in acquisitionem scientiæ incumbunt: Quæ cum non sit scientia Sanctorum, tantum abest, ut inde meliores evadant, quin imo corrumpi eorum cor, atque obtenebrari rationem sæpius contingat: *Obscuratum est insipiens cor eorum*. Sincero itaque puroque, hoc est, veritatis & justitiæ lumine non collustrati, quasi cœci in omnes Dæmonis laqueos incurrunt, in omne abyssi genus præcipientes ruunt. De his loquitur Auctor libri de Imitatione JESU CHRISTI, his verbis: „ Quia vero plures magis student „ scire, quam bene vivere, ideo sæpe errant: & pene nullum vel „ modicum fructum ferunt. Et si tantam adhiberent diligentiam „ ad extirpanda vitia, & virtutes inferendas, sicuti ad movendas „ quæstiones; non fierent tanta mala, & scandala in populo: nec tanta dissolutio in cœnobiis!

Denique hodie, Fratres, nulli Monacho studere non licet, nil illos a Studio remoratur; prostant cuique libri. Cur ergo disciplinæ & regularitatis adeo parum vigere intra Claustra cernitur? Cur rara adeo ibi est solida pietas? Cur ibi prisca illa simplicitas vix amplius apparet? Quo prorsus divina illa virtus abiit, propter quam olim mortales homines angelicam induisse naturam pene credebantur? Multa concurratione ac vario tumultu res agitur in Monasteriis; negotia sibi quisque molitur, sua quilibet animo consilia agitat, anxie de illis est sollicitus; eunt, redeunt; sermones conferunt, coitiones faciunt; de variis scientiis sæpe disputant, de utilibus atque ad salutem pertinentibus numquam. Ne multa, sæcularem strepitum, & mundanas curas, a quibus perpetuo expediti esse deberent, excitare in Monasteriis sciunt. Vita illa perfecta, sancta illa pax, quæ præ oculis jugiter esse debent illorum qui in solitudinem se recipiunt, ibi amplius non reperiuntur. In universum hæc dico; rem alioquin cognitam satis habens ad singularia transferre nolim.

Toto hoc Capite, Fratres mei, nihil aliud probat Auctor, nisi quod alias sæpe dixi, quodque hic iterum repetam: Monachos scilicet olim Studiis operam navasse, hodieque etiam magis magisque Studiis innutriti; sed non inde sibi vitæ majorem sanctimoniam comparasse. Quod si quatenus fas illis erat, religiosi fuissent, si ad Regularum præscriptum, & juxta Patrum documenta atque exempla vivere studuissent, sola profecto divinarum Scripturarum meditatione, atque Operum Sanctorum Patrum ad eas planius intelligendas lectione fuissent contenti, atque ita in professionis suæ cognitione, æstimatione atque amore mansissent.

CAPUT XIII.

Perpenduntur incommoda. & absurda, quæ in Monasticis scientiarum Studiis occurrere possunt. Pag. 74.

CUM multis magnisque incommodis scientiarum Studia obnoxia esse diffiteri non possit Auctor Tractatus, multos inveniri ait, qui cum sint indocti, non minus quam docti, superbia efferuntur. Sed in expedito est responsio. Quando enim Monachi in omnimodam ignorantiam se projicere, nullum est, fateor, peccati genus, in quod prout non sint, nec superbiæ magis, quam reliquis vitiis facile cedunt. At si ea tantummodo ignorant, quæ scire non debent, quæ nec ad eorum institutum pertinent, nec ad eorum sanctificationem sunt necessaria, ex hujusmodi ignorantia nihil profecto incommodi aut damni percipiunt. Satis illis est officiorum suorum latitudinem accurate dignoscere, Sacræ Paginæ lectioni vacare, ac Patrum scripta evolvere, quibus instrui, illustrari, ad sanctarum veritatum praxin accendi, & præcipuis suæ professionis institutis optime imbui possunt, quæ hac nostra memoria tanta delevit oblivio, ut nulli unquam nota fuisse videantur: Quæ si Trithemius sub ignorantie vocabulo inclusit, eum errasse non dubito; omnis quippe veterum Solitatorum doctrina, omnis eruditio his institutis ac Præceptis terminabatur; illi vero ignorantie argui nisi temere non possunt.

Retrahendos esse a Studiis, inquit Auctor, qui haud recte illis utuntur. Pag. 75.

Duo in hanc rem animadverti possunt, Fratres. Unum est, scientiæ abusum vix aliquando sentiri, nec in oculos facile incurrere; nam sæpe jam corruptum & lethali faucium plaga cor aliquis habet, antequam adesse malum agnoscat.

Alterum vero est, excitatum iri in Claustris tumultum, quem nulla Superiorum sollicitudo sedare possit. Cum enim magnus sit illorum numerus, qui propter Studia iisdem se alligant criminibus, atque in eadem morum depravatione versantur, Studiorum interdictio ad plures, quam quispiam putet, erit extendenda. Profecto, quidquid contra obtrudas, nihil magis infrequens est, quam humiles deprehendi eos, qui animum ad scientias adjiunt, ad eas non vocati. Hinc vero non sequitur, ab omnibus scientiam esse fugiendam, quod in superbiam homines adducat, quodque teneatur quilibet Christi fidelis ab impendenti periculo diligenter cavere. Nam periculum hujusmodi eos peculiariter respicit, quos vitæ suæ ratio

Studiis nequaquam destinat; hos quippe Deus non æque protegit ac illos, qui non nisi ex peculiari designatione, propriæ Ordinis præcepto in acquirendis scientiis operam ponunt; hi quidem divinæ voluntati obsecundant, illi vero ab eadem devii sunt.

Fig. 66. Locus ex libro Speciminum Moralium, quem Auctor allegat, nostram sententiam verius patrocinator, quam oppugnat. Scite admodum atque apertis perspicuisque verbis, quatenus huc faciunt, pronunciat libri hujus Scriptor: „Homo christianus beatiorum se credere debet, quod præclaris ingenii dotibus careat, quam quod iisdem præditus sit: & si sibi daretur optio, potius eligendum sibi esset nihil habere quod sibi in mundo gloriam pariat, quam splendidis dotibus nitescere, quæ hominum animos oculosque percellant. Sane hæc apposite omnino se habent ad docendum Monachos, quæ sit Professionis suæ prærogativa, quæve felicitas, cum ipsi ex proprii instituti ratione ad scientias non deputentur. Nam si congruenter huic sententiæ præstat facultatibus ingenii carere, quam iisdem abundare, atque illud præ hoc eligendum est; quid est quod magis Monachum deceat, quam totum in sui status officiis versari, nec conquirendis alienis ornamentis, virtutibusque insudare, quibus facile extollatur, nomenque & existimationem sibi conciliet. Cur ei non succurrat quod toties ante ejus oculos propositum fuit? Nempe *non doctoris, sed plangens habere se officium*. Cur ultro se objiciat periculis, in quæ non externa, sed ipsa sua voluntate inducitur? Cur de portu, tutaque statione exeat, ut in altum sese committat?

Hieron. adu. Vi-
gih. c. 66. Pergit Auctor, quem allegavimus, & sic ait: „De se quidem tutius est non immisceri negotiis, quibus sustinendis arte & peritia opus est. Nonnullos tamen juvat magis, artem & facultatem adipisci, ut his muneribus & negotiis sint apti, quam otiosam quadatenus vitam agere, quæ cum multis vitiis solet esse conjuncta. Sane hoc verum est, satius esse, in acquirendis scientiis tempus exigere, quam in otio & inertia torpere. Sed cum carere possint Monachi scientia, quin adsit periculum ne ad otium devolvantur; neque ea necessaria sit, ut illi huic laqueo eximantur, in quem innumeri cæteroquin incidunt; nihil est cur ad colenda scientiarum studia impellantur. Nunquid non scientiæ satis Monachus habet, si Scripturas intelligat, quæ doctrinæ ipsis convenientis unicus fons & origo sunt, ut sapius diximus? De libro illo loquor profunditatis, in quo axiomata, veritates, præcepta & documenta semper subcrescunt, prout quis illum legit, relegitque, prout illius sensa degustat, & meditatur. Quid? Non illi satis erit ad lectionem Scripturarum illa adicere, quæ a Patribus scripta suere, ut Scripturæ facilius intelligerentur? Quid? piissimæ illæ & prudentissimæ regulæ Sancti Basilii, saluberrima S. Epiphani documenta, Sancti Jo: Chrysostomi homiliæ, Sancti Hieronymi Explanations, Sancti Augustini Sermones & Enarrationes in

Psal.

Psalms, Sancti Gregorii Moralia; Tot denique libri solida referti pierate, quos divina Providentia Ecclesiæ largita est ad consolationem illorum qui Deo serviunt in spiritu & veritate, idonei non erunt ad docendum & roborandum solitarie viventem; præsertim si spiritualibus exercitiis laborem & manualet occupationem a tota Traditione Monastica commendatam intermiscat? Quid? nisi sit doctus, aut doctor, nisi ut talis evadat omne studium, omnem operam impendat, sibi ille non satisfaciât? Quid miserabilius hac re? quid indignius?

Non est mihi, Fratres, de illis Regularibus sermo, quos adhibere solita est Ecclesia in Ecclesiasticis muneribus; sed de iis tantummodo, qui solitariam vitam professi sunt; ex quibus etiam quosdam excipio, quos Deus particulari providentia ad scientias eorum instituto majores dirigit: Atque in his ego non solum Dei dona, sed & ipsorum personam revereor.

Nihilum facit ad quætionem locus Epistolæ S. Augustini ad Abbatem Eudoxum, ejusque Monachos; sed potius nostram firmat sententiam. Superiorem & ipsius Fratres monet hortaturque sanctus vir, ut conversationis suæ institutis exercitationibusque enixe adhæreant: unde colligitur mens illi esse, ut ne ullo obtentu ex suæ professionis finibus exeant: hæc vero est certa sententia, & constans præceptio. Ibidem porro illos docet, Ecclesiastica munia non appetere, libenter tamen ea accipere debere, si divinitus ad ea vocentur, vel si ipsorum subsidio indigeat Ecclesia. Cui nos difficultati superius obviam ivimus. Quandocumque Ecclesia vocarit, aut jusserit, parendum erit. Quod si antea comparari nos studio oportere dicas, ut obeundis hisce muneribus apti simus; duo reponam. Unum, ex Sacra Scriptura, librisque Patrum quos innuimus, omnem eruditionem cognitionemque necessariam comparari posse; alterum, Monachos in superbiz & nimiz sui confidentiz vituperationem venire, si in hunc finem lectiones sibi permittas aut imperatas peragant. Pag. 77.

Optimum esse, inquit Auctor, curiositates, concertationes, & dissipationem a Claustreis penitus ablegari. Pag. 78.

Equidem fatemur, Fratres, nil hac re melius aut rationi convenientius esse: sed illud quoque constat, nil difficilius, quam id in iis locis obtinere, in quibus Studia constituta sunt. Quod autem hic dico, certum exploratumque esse ex eo demonstratur, quod isthæc moderatio & verecundia nusquam appareat. Prisca illa simplicitas à Claustreis evanuit; suam quisque opinionem sibi sumit, mordicus defendendam quoties oppugnatur; contradicenti quilibet irascitur: *Ex altercatione bilis nascitur*, ut ait Tertullianus. Opinionum varietas rixas, emulationem, acerbiteratem, invidiam gignit, quo

quo quid magis contrarium paci, sanctoque foederi, quod in domibus Jesu Christo, qui Deus pacis est, consecratis, regnare debet. Aequo itaque jure hoc præceptum Auctoris unice in speculatione positum reputabitur, nec ulla Superiorum auctoritas illud in usum deducere valebit; quod nimium magistra experientia discimus.

Page 79. Posse Monachis argumenta, quæstiones, ac præcipuas difficultates proponi, & sine ulla cavillatione ab ipsis enodari, affirmat Auctor.

Facile est optare, ut hæc Methodus servetur, sed ut reipsa ad usum trahatur vix est possibile. Prompta nimis ac vivida sunt ingenia, præsertim cum ab opinionum discordia concitantur; & simul, ac machinæ motum impresseris, cohibere amplius non vales. Pronum est admonere, hunc esse debere studiorum finem, proprii scilicet instituti perfectionem, & suorum officiorum executionem: Sed ad propositam metam deducendi homines quæ ratio, quis modus est? dum viæ iniri solitæ ab hac meta potius removent; eaque est natura studiorum, ut in absurda conjiciant recto finem omnino adversa, prout diximus. Uno verbo, postquam de scientiis agi alibi occæpit, perturbate ac indistincte quilibet loquitur, & quod magis lubet, omnimoda cum libertate pronunciat, eoque ut putet quidem, ingenium ab omni coactione liberum esse, nec ulli subijci oportere, quo ad faciendum in studiis progressum aptum factis, ac perspicax reddatur.

Page 80. Exemplum Bedæ, quod allegant, singulare est, nihilque ab eo consequitur. Unus quispiam accuratus & diligens Monachus, qui cum asceticæ disciplinæ observatione studia conjunxit, in medium adducitur ex millibus qui hac diligentia & fidelitate caruerunt, & qui adhuc ea carent; qui se eximunt disciplinæ, quique putant se Deo magis servire studendo, quam si in exequendis communibus regularibusque exercitiis officiisque assidui, & diligentes essent.

Page 79. Studia Monachorum ad extremam usque vitæ periodum non protrahi, inquit Tractatus Auctor, sed certo denique tempore absolvi; studiis vero absolutis, in solitudine, silentio, Scripturarum & Patrum lectione, illorum fructus a Monachis colligi posse.

Nihil impedit, quominus id contingat in illis, qui ad scientiarum studia a Deo vocati, Dei ipsius præsidio sustentur, cum hi ad studia colenda solo divini Spiritus impulsu, atque ut divinæ voluntati obsecundarent, animum induxerint. In aliis vero, hoc est in plerisque Monachorum id nunquam videre contigit, nec

nec posthac videbitur; quoniam illis proposita studia vix aliud sunt, quam indulgendi genio, remittendique ac distrahendi ab intentione rectæ cogitationis animum occasio multiplex: Studere autem hoc pacto est cordi noxium semen immittere; unde exurgent dispositiones plane contrariæ iis fructibus ac bonis, quæ a studiis profectura creduntur, quæque unice parit lectio pura, simplex & sancta, cuiusmodi debere esse solitariorum lectionem toties ducimus.

Locus adducitur ex libro, cui titulus est de Oratione continua, in Pag. 81.
quo hæc insunt: *Veteres Christianos non studio aut scientia, sed labore & oratione eruditionem pietatis fuisse consecutos; mentis illorum lumen prius & abundantius nostro fuisse, quod illud ex Evangelii usu practico haurirent; delectationi illis fuisse non docere, sed audire; non imperare, sed parere; non hic illuc discursare, aut nibil agere, sed solitarios domi vivere. Eorum Theologia in vita simplicitate, non in sermonibus studiose elaboratis sita erat.*

Hæc prorsus vitæ ratio est, quam Solitarii sequi debent; paucis his verbis affabre pingitur hujus sanctæ professionis veritas ac simplicitas, & perspicue ostenditur, omnes illas scientias, sublimæque & diffusas cognitiones illi esse interdixtas, utpote quæ illius puritatem insulficare valent, omnemque ab illa pulchritudinem, omne decus tollere, quod Institutorum & Patrum divinitus sibi datorum manu accepit. In hanc rem succurrunt animo quæ scripsit S. Jo: Chrysostomus de iis loquens qui cum Sanctos laudibus ornent, non perinde agunt ac Sancti: „Vel eorum quos „laudatis imitatores estote; vel laudare definite quos imitari non „delectat,,. Eadem & ego ratione dicam: Præcepta & veritates quas approbas, in usu habeto; vel si ea quæ probas facilitate non vis, ne probes quidem. Ut breviter dicam, auctoritas hic allata sententiam, quæ studiis patrocinatur, perspicue omnino ac evidenter damnat.

Non eo inficias (inquit Auctor) si semper nobis præessent Superiores pietatis zelo non minus quam doctrina fulgentes non admodum sane necessarium esset subditos Monachos tam serio ad studia incumbere; sed hoc opus hic labor; non enim infrequens est parum idoneos Superiores inveniri: Studiis ergo cavere non possumus, alioquin fiet ut sæpe integra Monachorum Sodalitas in omnimoda infiscia demersa jaceat, ideoque omnia ibi inordinate agantur. Pag. 82. & 83.

Bifariam ad id respondebimus, Fratres. Et primo quidem dum Monasticæ Congregationes a sui Instituti veritate minime discedunt;

dent, dum eum retinebunt disciplinæ vigorem, in quo Institutionis initio fuisse; dum omnes illæ virtutes, quæ circa ipsarum exordia splendescere visæ sunt, denuo apud se nasci conspiciuntur; dum vitæ ratio quam servabunt, testatum apud omnes faciet, Deum unice illis esse propositum, nec præter eum quidquam ante oculos versari, certatim & magno concursu ad eas venient externi homines, ut olim. Nec vero est ambigendum, inter eos qui tutos recessus quærunt, haud paucos futuros eruditione & doctrina præstantes, qui studiis jam peractis scientias in numerato habuerint, quod nos ipsa experientia duce triginta abhinc annis didicimus, postquam Deo placitum est in hoc Monasterio exactioris disciplinæ rationem revocare, quam anteaquo tempore in eodem obtinuerit.

Idem pariter absolute enunciatur in Concilio Augustodunensi anni 670. his verbis: *De Abbatibus vero & Monachis ita observare convenit, ut quidquid Canonicus Ordo, vel Regula S. Benedicti edocet, & implere, & custodire in omnibus debeant. Si enim hæc omnia fuerint legitima apud Abbates vel Monasteria conservata; & numerus Monachorum Deo propitio augebitur, & mundus omnis, per eorum orationes assiduas malis carebit contagiis.*

Deinde idoneos Præpositos informari posse dicimus, quin per Studiorum curriculum traducantur, quæ studia illis neque utilia neque necessaria esse judicamus. Cur non de Fratrum numero quoddam deligimus, in quibus præstantiores ingenii dotes, majorem pietatem, majoremque sermonis facilitatem, ac in reliquis, agnoscimus? Cur non illud apprime curamus, ut hi sufficienti doctrina & eruditione imbuantur, atque ad Prioratus onus rite sustinendum apti reddantur?

Quod ad Dogmatum ac præceptorum Religionis Capitum scientiam spectat, eatenus ut data occasione de iis prudenter & sine errore institui sermo possit, non longo tempore, & sine profundissimo accuratissimoque studio hujusmodi scientia comparari potest. Quod vero pertinet ad pietatis principia, altiorumque veritatum intelligentiam, multum ac satis contulerint ipsæ Sacræ Paginæ, omnes, quos jam enumeravimus, Patrum libri, Scripta etiam Neotericorum, in quibus de officiis institutisque Monachorum agitur. Regulas tandem dirimendis enodandisque Conscientiæ casibus inservientes in iis quæ Monasterii regimen attingunt, suppedita-bunt complures libri, qui in omnium fere manibus sunt, unde illustrationes & explicationes quibus opus erit, haurire poterunt; cujusmodi e. g. sunt Collationes Gratianopolitanæ, Lucionenses, Petrocoricenses, atque alia similis argumenti.

Certus equidem sum, optimos in Ecclesia Præfules olim extitisse, egregie de illa meritis & usquequaque illustres, quibus universa hæc præsidia defuere. Dummodo ergo Regularis Præpositus ad cognitiones, quas in lectionum suarum cursu adipisci potuit, adiciat

adjiciat intentionem animi, vigilantiam, sermonem, maxime vero omnium orationem; non est ambigendum, quin ille Fratrum suorum amorem atque existimationem sibi conciliet, eosque dociles & confidentes deprehendat, quatenus necesse est, ut suo regimini benevertat. Librorum, de quibus jam locutus sum, numerus, iis quidem exiguis videbitur, qui Monachos debere esse Doctores, sibi cogitatione fingunt; non ita vero illis, qui Monachorum, prout in sui status veritate considerandi sunt, destinationem æqualiter pensitabunt.

Communitas aliqua (subdit Auctor versus finem Capituli) suæ institutionis initio, cum regularis disciplina fervor tunc maxime vigeat, sustineri aliquandiu potest sine studiorum adminiculo. At felix hic rerum status diuturnus non erit. Pag. 83.

Quod Monasticæ cujuspiam Sodalitatis ruinam apportat, quod impedit ne quam initio diligentiam præfererebat, eandem procedente tempore caute custodiat, nihil aliud sane est, quam fluitans & deficiens in Regulæ observatione fides, & Monasticorum officiorum neglectus. Superiores quidem vigilantiam intermittunt, increpatione, instructione, & exemplo Fratres juvare jam cessant. Ipsi vero Fratres quodammodo defatigati, jugum quod sua sibi Professio injicit valde fastidiunt; & cum se in antiquo fervore retinere non curent, ipsum hoc jugum, quod non nisi admodum suave a principio repererant, fit ipsis intolerabile.

Denique vera hujus mutationis causa in fragili hominis corde nutantique ingenio quærenda est. Nisi enim homines naturalibus propensionibus jugiter vim adhibeant, cupiditatisque impetum facienti resistent, cum hæc ceu captiva subesse deberet, mutata vice, ipsa dominatum exercet, & imperat. Hoc est, nisi continenter strictis armis adversus carnis desideria, contraque omnes animi perturbationes Regularum sanctitati oppositas foriter pugnetur, Regulæ ipsæ cedunt, abit spiritus Dei; sibi que homo relictus (sic juste permittente Deo) omnifariam erroribus & morum dissolutionibus se sinit abripi.

Sed Monasticas Institutiones studiorum præsidio minime sustineri, inde manifestissime patet, quod illæ, in quibus Monachi doctrinam palam profitentur, omnemque lapidem movent, ut latissimas amplissimasque cognitiones adipiscantur; in quibus omnes Theologicæ quæstiones penitus expenduntur; in quibus denique ad lectionem Patrum, Conciliorum, Canonum, Ecclesiasticæ historiæ animus adjungitur, non secus ac aliæ, re ipsa deciderint; quod earum lapsus neque late, neque graviter minus eruperit; Studiumque, quo non defensæ sunt, eas ne exererit quidem. Durant adhuc earum ruinæ, nec unquam damnum illatum sarcire quis poterit,

terit, nisi exactam disciplinæ observationem, regularitatem, pietatem, ac priscam simplicitatem revocaverit.

Cæterum non sola pietas, ut putatur, sumpta pro interna & occulta animi dispositione, Ecclesiam in suis exordiis sustinuit, roboravitque; ad pietatem accedere signorum virtus, Martyrii gratia, Jesu Christi doctrina in ejus Evangelio comprehensa, denique vocis & Verbi Dei mira efficacia, quod verbum cum per os Prophetarum in Veteri Testamento exauditum fuisset, postea in Novo adamussim completum perfectumque est.

C A P U T XIV.

Quæritur, an Studium substitui queat loco operis manualis, cui ut quis se eximat, an suppetant rationes.

MANUALIS laboris necessitatem in hoc Capite adductis veterum Scriptorum locis satis quidem confirmat Tractatus Auctor, ita ut inde colligi possit non æqua aut idonea ratione factum, quod usum manualis laboris Monachi deposuerint. Sed & nos aperte dicimus, facile demonstrari posse ex omnibus Monachorum Regulis, & doctorum Ecclesiasticorum sententia, quod nullum in Ordine Monastico exercitium, nulla regularis functio validius fuerit constituta, aut potiori auctoritate firmata, quam Opus Manuale.

Id nos docent in suis Constitutionibus Monasticis S. Gregorius Nazianzenus, & S. Basilus, qui rursus in suis Regulis fusius explicatis manualis laboris officium, Jesu Christi verbo & Apostolorum exemplo astruit, ac probat.

Eandem tuetur veritatem S. Jo: Chrysostomus compluribus homiliarum suarum locis. Ubique eam tradit S. Hieronymus; in suo de Opere Monachorum S. Augustinus; in suis sermonibus asceticis S. Ephræm. Auctor est Cassianus, Ægypti Solitarios ad præscriptorum S. Pauli normam agentes, minime tulisse quod Fratres non operarentur manibus, & eorum quemlibet non modo sibi ex labore manuum victum quævisse, sed & inde suis Fratribus alimenta suppeditasse, atque ingentem pecuniæ summam in remotiora Lybiæ loca misisse. Eandem rem confirmat Rufinus.

In. inf. S. Euthymius dicere solitus erat, eos qui mundo valedixerant, in opere manuum jugiter se exercere debere, ut domitas habeant carnis libidines, & S. Pauli exemplum imitentur.

S. Bernardus nihil acrius insectatur, quam Monachorum sui temporis inertiam; & in præcipuis Monachorum officiis Manualem laborem semper numeravit: *Labor, latebra, voluntaria paupertas, hæc sunt Monachorum insignia, hæc solent vitam nobilitare Monasticam.*

In Con-

In Concilio Augustodunensi legere est Decretum quoddam pro statu Monastici conſervatione, ſive reſtauratione, in quo neceſſariis Monachorum officiis opus manuum accenſetur, nec de ſtudiis quippiam dicitur: *Sint Monachi* (ait doctorum virorum conſeſſus) *omnes omnino obediētes, ſint frugalitatis decore pollentes, in opere Dei ſerventes, orationi inſtantes, in caritate perſeverantes: ne propter negligentiam, aut inobediētiā, hoſte circumēunte ac rugiente, & quarente quem devoret, cibis efficiantur. Sit eis cor unum & anima una. Nemo ſuum aliquid eſſe dicat, ſed ſint eis omnia communia. In commune laborent, hoſpitalitatis ſint omnino receptores. Atque ut huic Decreto majorem auctoritatem aſſerat, hæc addit Synodus: Quisquis autem hæc a nobis Deo præcipiente dictata in confirmationem regularem Monachorum, tentaverit aliqua transgreſſione ceſſare, ſi Abbas eſt, anno uno ei communionis poteſtas ſuſpēdatur; ſi præpoſitus eſt, annos duos; ſi Monachus, aut ſuſciſtus verberetur, aut a communionē & Miſſa, & caritate annos tres ſuſpēdatur.*

Ex hoc decreto, & regularium exercitationum inſtituta enumeratione, iſtis oculis videtis, Fratres, manuaſem laborem ibi præſcriptum inveniri, & de Studiis ne verbum quidem occurrere.

Quoad hoc diſciplinæ Monasticæ caput unus omnium ſanctorum Solitiorum conſenſus fuit. Cujus rei nullum magis idoneum aut magis certum ſuppetit teſtimonium, quam ipſa veterum Regularum conſonantia, quarum ne una quidem Laborem manuum injungere prætermiſit. Inutile & nimis etiam longum foret per omnes diſcurrere, & ſingularum auctoritates producere, cum omnes ceteroquin id fateantur. Hujus præterea officii exactiſſimas Regulas ſibi condidere Monachi, quibus ſolitudo in primis eſt propoſita, ut Carthuſiani, Camaldulentes, Valliſumbroſani. Denique nihil inter Occidentis atque Orientis Monachos firmius eſt conſtitutum, quam Opus Manuale; atque ita in hac materia S. Bernardi auctoritas omnem dirimit controverſiam, ut ad illorum os occludendum, qui indubitate veritati aſſentire fortalle nolint, ſola ſufficiat.

Cum adeo conſtans & præcipuum diſciplinæ caput directo argu- Pag. 87.
mento impugnari non poſſit, tentat Auctor illud convellere, quærens utrum ab illius uſu ceſſare liceat, & in ejus locum aliud exercitium æque utile ſubſtituere, puta, ſcientiarum.

Ut ad omnia, quæ in hac materia proponuntur, respondeam; breviter dicam, Fratres, Studia in hac quidem parte, quatenus ab otio & ſegnitiæ Monachos defendunt, poſſe Manualis laboris vicem ſupplere; ſed aliis præterea commodis atque utilitatibus, quæ a manuali labore deſcendunt, comparandis apta non eſſe. Atque ut hac de re nulla ſuperſit dubitatio, horum commodorum quædam præcipua in medium prolaturi ſumus.

Manualis laboris beneficio Solitarii ærumnas & labores expriment, quibus Jeſus Chriſtus ſeſe objecit, juxta Prophetæ verba:

Ego,

Psal. 87. *Ego in laboribus a juventute mea.* Imitantur Apostolos, ac Sanctos
u. 16. Patres, qui ante se fuerunt, prout in Regula habetur: *Tunc vere*
Reg. c. 6. *Monachi sunt, si labore manuum suarum vivunt, sicut & Patres nostri,*
48. *& Apostoli.* Necessitatem cuilibet homini injectam in persona Proto-

Gen. 3. parentis pro admittenda culpæ animadversione strictè in seipsis persi-
v. 19. ciant: *In sudore vultus tui vesceris pane.* Exemplo sunt iis, qui in sæ-
culo otiose & molliter vivunt; eosque officii sui commonesciant,
ne Domini mandatum, quod operosa & poenitenti vita peccata de-
leantur, imposterum negligant. Denique manualis labor exteriorem
hominem mortificat, subigit, atque obstat, ne lex carnis contra le-
gem mentis insurgat. Cordis ejus superbiam frangit, atque omnem
ambitionis sensum extinguit, dum eum innumeris hominibus adæ-
quat, quos egestas ad vilia ministeria se abjicere, vitamque in con-
temptibili obscuroque labore agere compellit.

Instit. 1.2. Neceffe est, ait Cassianus, ut Solitarii *fastum vite præteritæ, &*
c. 3. *delitias oblivisci possint;* atque humilitatem cordis per abjectionem &
manualis laboris onus acquirant.

Instit. 2. de *humil.* S. Dorotheus idem sentit, cum ait, a labore corpus deprimi, atque
ab externa corporis demissione spiritus humilitatem gigni; corda tan-
dem diversimode affici, prout in diverso statu, variisque circumstan-
tiis inveniuntur.

Bona hæc, Fratres, quæ enumeravimus, parari nobis ab usu stu-
diorum non possunt; studia quippe animos tollunt, ambitionem ex-
tremulant, ut præclare nimis de nobis metipsis judicemus efficiunt; ut-
que eos despectui habeamus, quos doctrina & eruditione infra nos ef-
se credimus, vel obrectemus invidemusque illis, quos nobis ante-
cellere suspicamur. Itaque nihil magis aptum est fructum avertere,
quem sibi proponunt contemptores mundi, ac solitarie vivendi insti-
tutum amplexi; nihil enim magis quam studia humilitatem, quæ hu-
jus instituti firmamentum est, oppugnat ac destruit. Longe propterea
fallitur quicumque manuali labori studia substituit; & quidquid hujus
laboris intermissione perditum est, Studiorum beneficio sarciri posse
putat.

Si quis me peteret, utrum fas sit lectionem a Regula præscriptam
intermittere, atque in ejus locum manuale opus sufficere; sane id fas
esse pernegarem, eo quod lectio Sacræ Paginæ sit cibus animarum;
& quemadmodum vita corporis sine esca sustineri diutius non potest,
ita neque animæ vita sine lectione. Sed si quis peteret, utrum ma-
nuale opus scientiarum studiis substitui possit; profecto affirmarem,
optimum id factu esse, eo quod scientiæ pabulum a Monachorum con-
ditione distet omnino, neque possit nisi eis nocere, eorum corda cor-
rumpere, eos lethaliter afficere, pietatisque & simplicitatis funda-
menta, a quibus eorum sanctificatio pendet, evertere.

Fatetur Auctor, omnes Regularum Codices Monachos ad laborem ad-
stringere, a quo illi se eximere non possunt, nisi iustis de causis,
quæ quidem ab iisdem Regulis fuerint approbatæ, vel ab eorum exem-
plo, qui sanctæ hujus professionis habiti sunt velut Coriphei.

Prima hujus propositionis pars certa est atque indubitata; ac propterea quicumque S. Benedicti Regulam professi sunt, obeundi operis manualis officio tenentur. Et immerito affirmatur, Studia illos ab hoc officio immunes facere; cum hæc vacationis a labore causa neque innotuerit S. Benedicto, neque ipsius auctoritate aut Regula probetur, sed cogitatione dumtaxat fingatur ab iis, qui hanc Regulam amplexi sunt. Satis est meminisse, sanctum hunc Institutorem nonnisi binas lectionis horas suis discipulis assignasse, ut omnibus perspicuum fiat, nullam eum Studii rationem habuisse. Quod autem de S. Benedicti Regula ponimus, æque verum est de omnibus Orientalibus Regulis.

Secunda ejusdem propositionis pars concertationibus magna ex parte viam sternit. Si enim necesse fuerit invenire Monachum, qui aliorum sit quasi exemplar, & ad cujus normam reliqui sese componere debeant, difficile in hoc omnes consentient. De quibusdam sane non nisi idem sentire omnes possunt, de illis nempe, quos Deus Monasteriis initio præfecit, quos elegit, & quorum opera ad ea fundanda uti voluit, veluti de SS. Antonio, Pachomio, Hilarione, Basilio in Oriente; in Occidente vero de SS. Benedicto, Bernardo, Romualdo, Stephano Grandimontensi, Columbano &c. Quod enim absolute dicitur, Sancti Studiis operam dedere, & ad scientias animum applicuerunt; imitari ergo illos debemus, & ad studia (quod ii fecerunt) incumbere: falso id colligitur. Nempe viros illos Deus quodammodo segregavit, & a communibus exemit Regulis, singularibus officiis ac functionibus admoventes, ut populis documento & exemplo, Ecclesiæ utilitati atque incremento essent.

Falso item colligitur, aliquid sancte & legitime usurpari, ex eo quod in quibusdam Sodalitatibus, ubi vixerunt Sancti, nunc sit, aut olim fuerit usurpatum: Novimus enim, Sanctos non sibi sumpsisse ut omnes pravas consuetudines extirparent; sive quod non crediderint rem ex sententia successuram; sive quod Deus, propter causas quæ nos latent, permiserit ut abusus diutius perseverarent. S. Petrus Cluniacensis in ea vivebat Congregatione, ubi disciplina collapsa fuerat, quæ abusus & depravationibus scatebat; at non est propterea judicandum, has recti ordinis perversiones jus aliquod obrinuisse, quod sanctus vir eas toleraverit, aut non reprehenderit. Ipsa denique Ecclesia quædam mala patienter sustinet, neque, ut illa reprimat, auctoritate sibi a Deo collata utitur, (ut sane credimus) sapientique consilio.

Pag. 88. Affirmat Auctor Tractatus (quod dignum est peculiari animadversione) *non magis Orationi officere si quis dixerit, numquam esse orandum, quam si de medio tollatur poenitentiae labor, qui veluti basis orationis est, in qua solidatur, & tamquam panis, unde nutritur.*

Si verum est hoc principium, Fratres, de quo non ambigimus, jam non est amplius inter Solitarios Oratio, neque orationis spiritus; nuspiam enim apud illos apparet labor hic operosus & difficilis, cui nomen poenitentiae conveniat.

Quoties omnes Monasticas Congregationes & Sodalitates ad memoriam revoco, atque aliam ex alia singillatim dispicio atque perpendo, vix duas tresve illarum reperio, ubi manualis laboris usus adhuc obtineat. Interea fatendum est, cladem nullis satis dignam lacrymis hanc esse, quod hi loci, qui totidem Orationis & Poenitentiae Domus, tristitiae & gemitibus dicatur, olim fuere; in tantum sint ab illis mutati, ut veteris status nullum fere monumentum aut vestigium superfit. Nam si Oratio sublato Manuali labore aequè certe disperditur & labefactatur, ac sublata orandi consuetudine; qui erunt loci in quibus vigeat orationis fervor, cum nulli sint, in quibus Monachi manibus operantur? Quid validius afferri poterat ad eorum sententiam convellendam, qui manualementem laborem deseruerunt; vel quid aperte magis plagam, quam illi Monastico Ordini inflixere laborem abolentes, designat, quam hæc illorum confessio? „ Si enim laboris intermissio Orationem destruit, si mentis „ distractiones inducit, ut fatentur, si ansam præbet curiositati; „ quæ singula omnino sunt Orationi adversa simulque manualis laboris „ oloribus inevitabilia; qui labor nimirum est velut ancora „ immota, quæ fluctuans cor hominum & leves cogitationes sistit: Sane manualementem laborem tollere perinde est ac Ordinem Monasticum a fundamentis evertere; cum sit Oratio, ut omnes assentiri debent, proprium & insitum illius exercitium, sine quo nequit consistere. Unde satis manifeste convincuntur erroris qui Studia in locum & vicem Operis manualis succedere posse autumant.

Pag. 88.
& 89.

Pag. 89. Asseritur, *aliquando contingere, ut nonnulli ab hoc onere licire queant eximi.*

Nulli umquam, Fratres mei, in mentem venit, ut justas quandoque causas adesse negaret, propter quas quidam Religiosi ab opere manuali immunes fieri possunt. In his causis ægrotatio numeratur, quæ quidem sit gravis & periculosa; nam si qui levibus morbis detinetur, non desunt occupationes imbecillitati eorum accommodatae, quemadmodum perhibent Regulæ. Altera vacationis a labore causa est temporis penuria, nempe cum aliquis ex Superioris jussu necessariis atque inevitabilibus muneribus occupatur.

Hujus.

Hujusmodi causis imbecillio rem corporis habitum personarumque conditionem aut gradum quem in sæculo obtinuerunt, minime annumeramus; nam illorum quidem temperationi conveniens laboris genus injungitur; hos vero propter generis nobilitatem a labore eximere æquum non esset, eo quod nihil aptum magis sit ad delendam præteriti in sæculo status memoriam, imbuendosque eorum animos sensus humilitatis, cujus solius beneficio elationis, superbiæ, desidiæ ac mollietiei pravi habitus excident, quibus ut plurimum obnoxii reperiuntur qui generis splendore cæteris præstant. Deinde valde consentaneum est, ut iis qui conditione & natalibus sibi longe cedunt, exemplum præbeant.

Allegatur, quod S. Bernardus propter infirmum corporis habitum laborandi lege fuerit solutus. Pag. 90.

A manuali labore Sanctum Bernardum immunitatem obtinuisse non diffitemur: id vero tunc factum affirmamus, cum ægrotudines & morbi eum prorsus ineptum exercendis manualiis operis reddiderent. At tantum abest, eum propter infirmum corporis habitum, propter sublimiorem locum, quo Fratribus suis antestabat, vel denique propter obligationem diutius, quam ceteri, lectioni vacandi, ab hoc onere se eximere voluisse, ut contra omnibus notum sit, cum frumentis secandis a natura minus aptus esset, quo id facile exequeretur, a Deo orationibus impetrasse. Præpositus, Fratrum suorum exemplar & regula in omnibus esse debet; a communibus officiis vacationem non habet, nisi ea obire revera non possit: Et in historia vitæ hujus Sancti quoties Fratres laboribus exercebantur, quibus ipse suis viribus par non erat, levioribus operibus, veluti fodiendo, aut ligna ferendo, huic defectui supplere solitus fuisse narratur.

Capitis XIV. Continuatio.

Reg. 96. Proponuntur difficultates, quæ possunt objici super Monachorum ad manuum laborem obligatione.

QUamquam validissimis atque urgentissimis rationibus laboris manualis necessitatem hucusque probatum iverit Auctor, minimum tamen de hujusmodi rationibus ipse laborat, sed eas declinat ut ut manifestissimas. Sunt ei pro nihilo traditio, & Sanctorum, Doctorumque Ecclesiæ sententia; nihil aliud denique ipse aucupatur, quam speciosos obtentus ad illius exercitii praxin extenuandam, quod omnium auctoritate & consensu nititur. Illud in omnibus Regulis Monachis præcipi, in nulla vetari constat; nec sane usquam apparet, hanc laboris legem fuisse abrogatam, ex quo inter Monachos universum obtinuit.

Reg. 96. Vere Studia (inquit Auctor) quæ quis sponte sua ad propriam eruditionem atque adificationem suscipit, Monachus allegare non potest, ut iuste labori se eximat.

*Bernard.
Reg. cap.
33.*

In bene moratis ordinatissime Communitatibus, Fratres mei, plane ignoratur quid sit exercitia ex proprio arbitrio suæque voluntate sibi deligere, qualiacunque ea sint; ibi enim Religiosi in omnimoda a Superiore dependentia vivunt, neque suæ voluntati amplius litant. Quod Sanctus Benedictus perspicue innuit, ubi de Religiosis qui ejus Regulæ sese addixerunt, ait: *Quibus nec corpora sua, nec voluntates licet habere in propria potestate*: nimirum utraque in ipsa professione quodammodo exstinguuntur.

Itaque parum, aut nihil labori tribuitur dicendo, Monachum ab eo eximere seipsum non posse specie incumbendi ad Studia, quæ proprio nutu aggressus est; neque enim id uspiam contigerit, nisi forte in Monasteriis, in quibus inordinate & sine disciplina vivitur.

Quod attinet ad Studia proluxa atque ordinata, quibus ex jussu Superioris animus adjicitur, non est ambigendum quin ipsis Superioribus liceat nonnunquam peculiaribus justis de causis quosdam suorum Fratrum ad hæc Studia dirigere atque illos ab opere communi eximere. Nam Ecclesiæ aut ipsi Monasterio tam magnam utilitatem fortasse allatura sunt eorum Studia & litterarum profectus, ut æquissima ratio suadeat cum illis circa laborem dispensari, ne scilicet Ecclesia aut Monasterium utili opera fraudentur, quam horum Fratrum doctrina præstare olim poterit. Sed hi casus cum sint

sint infrequentiores, laboris Monastici rationem non modo non imminuunt, sed & prorsus confirmant.

Quod si Studia considerantur, ut iustæ causæ eximendi a labore manuum sive eis qui erudiant, sive tirones quorum eruditioni servitur; id nihil aliud est, quam ipsum laborem prorsus velle sublatum. Cum enim infideat animo Auctoris hæc sententia, ut Religiosi alumni Philosophicum & Theologicum cursum emetiantur in ea latitudine quam vidimus superioribus Articulis; & ut ad hæc accedat Ecclesiastica scientia; nimirum Ecclesiæ historia, Concilia, Canones, denique Patrum & Scriptorum Ecclesiasticorum accurata lectio; non modo futurum est ut Religiosi alumni suorum Studiorum tempore a manuali labore reddantur immunes; sed insuper nullum dubium est, quin omenso quoque Studiorum curriculo, eandem immunitatem sint habituri, Cupido illis incesset excitandi & superstruendi ædificii iis fundamentis quæ ipsi jecerint. Postquam semel degustaverint scientiam, eandem amare pergent, & a jucunda exercitatione, cui in adolescentia assueverunt, abstinere non poterunt. Cognitiones quas acquisiverint, excolere atque augere volent; facile intumescet eorum cor, cum de suæ eruditionis merito præclare senserint. Denique opus manuale grave nimis & incommodum; ac seipsum prorsus indignum existimabunt.

Alii vero per speciem vacandi Studiis velamenta sibi & prætextus relaxationis quærent, ac dummodo a gravi & molesta laboris assiduitate se eximant, vano & inutili Studio tempus perdent, ideoque in otium & segnitiam omnino recident; intellectum & cor facile corrumpent, & suæ professionis tædio, ut monuimus, affecti invenientur, atque omnibus malis & incomodis, quæ a tam lugendo statu consequi possunt, obnoxii.

Auctor ait, *dandæ immunitatis causas ad singulos privatim Monachos referri, non ad universam Sodalitatem, quæ in opere manuali exercendo de more perseverare debet.*

Si Tractatus Auctor in hac revera opinione versatur, sublata est omnis difficultas. Quippe cum vix decem, e millibus, Monachi hujus Studii de quo agitur, capaces inveniantur, integræ Communitates in manualis operis exercitio, prout jubent Regulæ, adhuc permanerent; & exemptionibus raro datis nulla legis infractio sequeretur; nec quidquam obesset, quominus hæc lex in suo rigore consisteret. Sed aliam vulgo & apud ipsum Auctorem obtinere sententiam ex Operis decursu, atque ex methodo agendi, quæ in Monasticis Congregationibus servatur, facile apparet.

Frustra subdit idem Auctor, quod Monachi, quibus ad sustinendum operis manualis onus satis virium non est, hunc defectum

supplere debent; ipsum laborem non contemnendo, sed vere laudando, atque humilitatem sectando. Hanc enim præceptionem in usum deducere, hoc opus, hic labor; perraro id fieri cernimus. Manualis labor intantum viluit, & de eo tam inique judicant omnes Monachi, ut facile putent dedecoris notam sibi inurendam, aut de gradu aliquatenus se dejiciendos, si labori sese dederint. Et eorum plerique in otio & negligentia, in languore & desidia malunt vivere, quam ipsum otium operantes manibus vitare, quippe hoc exercitium vile admodum & contemnendum in eorum oculis est.

Æquius & prudentius foret, laboribus eos exercere ipsorum imbecillitati convenientibus, quod fassus est Tractatus Auctor pluribus locis; ad cavendum (ut ipse ait) ne segnitia torpeant, dum ab omni manu labore cessant, vel ne deficient, dum gravi nimis & importuno labore premuntur. Hoc sane pacto antiquus disciplinæ vigor, & priscæ consuetudines in Monasteriis reviviscerent, & ad praxin revocarentur. Ii, quibus a Deo peculiare aliquæ dotes, & ingenii facultates collatæ sunt, quive ceteros eximiis quibusdam dispositionibus antecellere videntur, juxta divinæ Providentiæ cursum a communibus exercitiis, nempe a manuali labore eximi possent; cæteri vero pro uniuscujusque viribus aut imbecillitate eidem labori vacare; Superiorum denique esset totum hoc negotium sapienter, juste, & cum charitate perficere.

Pag. 97. *Immunitatis a labore justam causam esse, inquit Auctor, si quis crebrius ad populum sacras conciones habere debeat.*

Fateor quidem, ubi Episcopi aliquem Monachum ad Concionatoris munus obeundum vocent, in hoc legitimam subesse causam concedendæ vacationis ab opere Manuali. Sed raro id contingit, his præsertim temporibus, quibus Ecclesia idoneis Ministris abundat, quibus doctorum Ecclesiasticorum magnus est numerus, quin & Regularium, qui ex instituto Solitarii non sunt, quive his muneribus obeundis ab Ecclesia adhibentur. Quæ munera non aucupari, sed caute declinare Monachi debent. Meminerint, Conciliaribus & Pontificiis decretis mansionem in solitudine, quam professi sunt, sibi esse præceptam. Monachi, ait Concilium Chalcedonense, quietem amplectantur; Orationi & jejuniis vacent, in quibus ordinati sunt locis fortiter perseverantes; nec Ecclesiasticis, nec secularibus negotiis se ingerant, vel communicent propria relinquentes Monasteria.

Congruenter his Eugenius III. ad Cistercienses Monachos scribens ait: *Respicite, quæso, ad veteres Patres, qui nostrum sacrum Ordinem struxerunt, & considerate qualiter relicto mundo & contemptis omnibus, mortuis mortuos suos sepelire dimissis, ad solitudinem volaverunt, unde*
alii

Innoc. 5.

An. 451.
Act. 15.
c. 4.

Eug. 3.
inter Op.
Bern. Ep.
384.

aliis circa frequens ministerium satagentibus, ipsi ad pedes Jesu cum Maria sederunt, ut tanto uberius celeste mamma perciperent, quanto longius ab Aegypto discessissent. Et quoniam filii sæculi hujus, vos remittentes etiam ad regimen sui trahere moluntur, & de quiete contemplationis & deserti silentio, volunt vos aliquoties ad occupationes & negotia revocare; Ad mentis oculum Patrum vestrorum Instituta reducite, & Propheticum habentes exemplum, eligite magis abjecti esse in domo Dei, quam habitare in tentoriis peccatorum.

In Gratiani quoque Decreto hæc verba notatu digna legimus: *Sedeat Solitarius & taceat, quia mortuus est mundo, Deo autem vivit.* Grat. decret. 2. p. cons. 16, c. 8. Placuit quæst. 1.

Pontifex Alexander II. convenienter Regulæ S. Benedicti, & Concilii Chalcedonenfis decreto, vetat Monachis, ne de Monasterio exeant, neu per Civitates, per oppida & villas discurrant; vult etiam eos a populorum predicatione omnino cessare, nisi forte (ut expresse ait) quis de sue anime salute sollicitus, ut eorum habitum assumat, eos intra Claustrum consulere voluerit. Ibid. c. 21, in 10.

Dum Monachi proprii status bonum & felicitatem magni, prout debent, facient; dum commoda, quæ a vita in solitudine jugiter & diligenter acta ducuntur, agnoscent, longe aberunt ut catenas, quas fregerunt, denuo connectere, & sæculo, cujus amplius non sunt, rursus se implicare velint; illud unice studebunt, ut discessionem ab eo perennem reddant; quasi laqueos, exeundi de Monasterio occasiones vitabunt. Quod si Superiorum auctoritate urgeantur, ut in publicum rursus prodeant, excusare se pro virili parte debent, vota, officia, professionem, promissa suæ causari; atque a sola obedientia, solitudinis ac silentii amorem & custodiam vinci patiantur.

Fatetur Auctor, difficile esse manuarium laborem cum Studiis, aliisque religiosis officiis exercitationibusque conjungere; sibi que satisfacit dicendo, Monachum rem Deo gratam facturum, si quoad fieri possit ad laborem aliquando sese compulerit, ut sit reliquis exemplo. Pag. 97.

Qui vero, Fratres mei, erunt hi quibus præbeatur exemplum; quandoquidem, ut diximus, Studiis omnes vacant, sive ad certum illud tempus, quod Studiorum cursum indigitant, sive ad illud, quod expleto studiorum curriculo subsequitur, animo attendatis? Itaque solum sibi facit Auctor, cum ait, ipsum Corpus Monasticæ Sodalitatis in labore perseverare debere; interim dum quidam privati concessis immunitatibus fruuntur; nam ii qui assidue lectioni sustinendæ pares sunt, nolent eam intermittere, ut operi manuum vacent; multoque minus ii quibus lectio obtentur futura est, ut officium detrectent, ad quod exequendum parati esse non possunt, aut nolunt.

Frustra vero inculcatur Monachis, fore ut rem Deo gratam agant, si labori manuum aliquantulum temporis impendant; id illis numquam persuasum fiet: Qui nihil deferunt majorum præceptis,

mandatis, aut exemplis, quam denique rationem habebunt ad monitionum illorum, qui pari cum Antiquis auctoritate & merito minime valent?

Page 98. *Monachi, inquit Auctor, qui laboris immunitatem habent, sateri debent cum Augustino, se multo malle ad maiorem sui spirituales profectum per singulos dies stasis horis aliquid manibus operari. Orationi ac lectioni vacare, ut bona nosc Monachis familiare est, quam teneri hoc Studiorum genus colere: Et quod, si possent sine Dei Superiorum imperii transgressione, ea studia absolute omittere, libentius sortem illorum eligerent, qui tempus partim operando, partim alia pietatis opera exercendo distribuunt, quam iis rebus occupari, quæ ut plurimum ariditatem quamdam ingerunt animæ, eamque ad orandum ut oportet ineptam, quodammodo reddunt.*

August.
de opere
manuum
Monach.
n. 37.

Hæc satis superque sunt, Fratres mei, ut lata illa & diffusa studia, quæ constituere aliquibus lubet, penitus contendant, nam ea sincera hæc sententiæ Sancti Augustini expositio abolere videtur. Ac primo quidem ex verbis Sancti Augustini perspicuum fit, Monachos sui temporis nonnisi manuum labori, orationi & lectioni dedere se consuevisse; illorum autem lectio non Studium vere dici poterat, sed lectio religiosa, ad ipsorum sanctificationem usurpata, non ut doctiores aut præstantiores redderentur, quod exprimunt hæc verba: „Multo mallent per singulos dies (quantum attinet ad suum commodum) certis horis, quantum in bene moderatis Monasteriis constitutum est, aliquid manibus operari, & ceteras horas habere ad legendum & orandum, aut aliquid de divinis litteris agendum liberas, quam hisce studiis vacare &c.“ Hinc apparet quæ fuerint Monachorum occupationes, omniaque illorum exercitia, ut sæpe diximus, extitisse manuum laborem, Orationem & asceticam lectionem, hoc est, Scripturarum atque Operum Sanctorum Patrum, quæ ascendunt ad cor, quæ ingenuam eruditionem & spiritalem illustrationem conferunt.

Deinde hæc studia, quæ Monachis & Solitariis non convenire putamus, perspicuum est, juxta Sancti Augustini sententiam, animæ ariditatem inferre, eamque ad exercitia Orationis ineptam reddere, hoc est in Solitariis id quod est præcipuum maximeque ipsorum professionis proprium & innatum corrumpere, & spiritui illi interiori, in quo ejusdem professionis felicitas, quies atque omne meritum sita sunt, penitus adversari.

Quid, amabo, Fratres mei, de illa occupatione, quæ animabus ariditatem ingerit, easque ad Orationem minus paratas exhibet, censuissent præci Solitarii, quibus vel uno momento a Dei cogitatione divelli quasi fornicatio erat? Quid? Monasticum amplexus es infirmitatem, ut de Deo cogitares, ut illi adhereres, ut te ille

int-

iatima connexione, arctoque vinculo conjungeres; nunc autem exercitia quæ ab eo distrahunt & separant, sponte tua eligis? Quomodo id patrare audeas, vix intellectus consequor.

Quod si (pergit Tractatus Auctor) inclutus hic Præsul, qui tam seriis Ecclesie negotiis, populoque a Deo sibi tradito utilibus jugiter vacabat, sic de se ipso sentiebat; quid de simplicibus Monachis dicendum est, qui peculiari Superiorum dispensatione a communi ad laborem onere declarantur immunes?

Hujusmodi Monachi, dum se in incerto & malefido statu, qui suæ professionis officiis prorsus opponitur, collocatos vident, contremiscere debent. Qui ex rationabili legitimoque jussu laboris vacationem habent, & ipsi aliquatenus commiseratione sunt digni; sed in Obedientiæ tamen merito quieti esse possunt. At illi, qui occupationes & Magisteria aucupantur, amant, ultro quærunt, atque iisdem delectantur, qua sibi ratione adulari & quieta conscientia vel minimi temporis intervallo vivere queant, non video. Ipsi etiam Superiores, qui ab officio, quod eorum professio (ut conceditur) adimpleri postulat, sibi subjectos eximunt, vix ullam excusationem prætexere posse videntur, quo apud Judicem Jesum Christum suam agendi rationem probent.

Duo esse lectionis genera animadvertite, Fratres, & ex ipsa Sancti Augustini sententia elicite. Unum lectionis, quæ sanctos efficit, quæ Monachis conveniens est, & ad quam se peculiariter adstringi crediderunt Sancti: Alterum lectionis, quæ labem cordi atque ariditatem affert, quæ impedimenta atque obices interjicit, quominus instituti Monastici finis & meta teneatur, quæ est in mentis collectione, in Legis Dei meditatione, atque in oratione vivere. Ad primum lectionis genus vos ego hortatus sum omni tempore, tanquam ad exercitium Monachis necessarium. De secundo olim apud vos loquutus sum, & adhuc loquor tamquam de exercitio, quod magnæ utilitatis, multique meriti, Ecclesiasticis ad hoc lectionis genus legitime vocatis esse potest; sed quod laqueos & offendicula Monachis undequaque parat.

Guillelmus S. Theodoricus scripsisse traditur, inter varia laborum Monasticorum genera eos præ aliis eligendos esse, qui ad spiritualia exercitia propius accedunt, cujusmodi erat Libros exarare: hanc porro exercitationem valde fuisse antiquitus usurpatam in Cisterciensi Ordine, & manualis laboris locum obtinuisse, inquit Auctor.

Qui sic loquitur, manulem laborem a Sancti Benedicti Regula imperatum ad scribendorum librorum exercitium redigere velle vide-

Bernard.
Epist. 1.
no. 4.

videtur, simulque persuadere, Cistercienses Monachos in suæ Institutionis primordiis scribendo occupatos quotidie fere fuisse. Plane oppositum tamen elicitur ex testimoniis, & monumentis, quæ adhuc supersunt, austeritatis quæ apud egregios illos Solitarios obtinuit. Quod si eorum exercitia gravia, laboriosa, & dura neutiquam fuissent, nemo eos traduxisset quasi homines, quorum poenitentia nimia erat, & supra communem modum vehemens & aspera. Et nulla sane causa fuisset, cur illis (quod jam a nobis adnotatum est) exprobrandi causa diceretur: *Quomodo delectatur Deus cruciatibus nostris?*

Quam rem Sanctus Bernardus in eadem Epistola, quam ad Nepotem suum scribit, aperte confirmat, cum ait: *Scio quia delicatus es, & quod his assuetus modo, duriora non possis. Sed quid, si potes facere ut possis? quæris quomodo? Surge, præcingere, tolle otium, exere vires, move brachia, complosas explica manus... reddet quippe saporis rebus exercitium, quos tulit inertia. Quod nisi de exercitiis laboriosis intelligi non potest.*

Bernard.
Reg. c.
40.

In Præfatione in Psalmum *Qui habitat* ad Fratres suos hunc sermonem habet: „Considero labores vestros, Fratres, non sine magno „miserationis affectu. Quæro consolationem quam exhibere possim... „at si poenitentia vestra minuatur miseratione crudeli, paulatim „gemmis corona vestra privatur mortificamini tota die, in „jeuniis multis, in laboribus frequenter, in vigiliis supra modum. „Certissima hæc veritas in Regula Sancti Benedicti aperte declaratur, cum ait Cap. 40. portionem Fratrum augeri posse, *si aut loci necessitas, vel labor, aut ardor æstatis amplius poposcerit.* Et Cap. sequenti, ubi Quartæ & Sextæ Feriæ post Pentecosten jejunia indicit; apposita hac conditione: *si labores agrorum non habent Monachi, aut nimietas æstatis non perturbat.*

Cujus rei dignum animadversione monumentum apparet in vita Sancti Juniani. Cum Clotharius ab eo petisset, utrum aliqua re indigeret, & num a se aliquid cuperet, respondit se in Monastica Professione vivere, Monachorum Præpositum esse, & pro virili sua parte Sancti Benedicti Regulam servare; at eam integre & per omnia custodire non posse, eo quod angustum nimis locum incolens vix haberet, in quo Manuale opus exerceret, ad quod a Regula astringebatur. His auditis, Rex agrum illi permisit satis latum, ut operis manuarii Monachorum Juniani sufficeret, in quo sanctus vir Monasterium ædificavit.

Ex his omnibus patet, Fratres mei, laborem Monachorum qui Sancti Benedicti Regulam profitentur, non in agitandis dexteræ manus digitis stetisse, ut putatur; sed operosum, molestum, & defatigantem fuisse; eos autem qui hunc laborem prompte subire, fideliterque absolvere volebant, haud raro sudoribus disfluere, humore ac frigore pervadi, & solis ardore torreri visos fuisse. Sed

Codi-

Codices exarandi labor infirmis atque imbecillis solum dabatur, ferendo imparibus oneri, quod firmam valetudinem, viresque corporis egregias exposcebat.

Maxime quidem vellet Auctor, ut regularis & manualis operis vices Pag. 99.
scribendi labor, vel ab aliis jam conscripta recognoscendi, emendandi
& conferendi cura supplere posset.

Admitti, aut probari, Fratres, hæc sententia non potest. Præterquam quod enim exercitationi huiusmodi adjuncta est delectatio, siue propter consuetudinem & societatem cum viris litteratis, siue propter existimationem, quæ opera in publicum edenda scribentibus conciliatur, seu denique quod in ea occupatione sibi ingenium blande satisfaciatur; certo affirmare possumus, eam Sancto Benedicto ignotam plane fuisse, nec esse cum labore manuum, quem ipse suis discipulis in Regula injunxit, hanc scribendi exercitationem ullatenus conferendam.

Quapropter planius & verius dixerimus, si qui ad huiusmodi exercitationem Dei jussu vocentur, in eaque feliciter & cum fructu ex obedientiæ titulo detineantur, eos ab opere manuali legitime eximi posse. Adeo vero paucos est invenire, qui ad scribendum eruditionis, iudicii, ac perspicaciæ satis, & reliquas necessarias dotes possideant, ut nihil inde consequatur. Ut rem verbo absolvam, Deus Regularum auctor & Dominus, quos vult, ab iisdem Regulis eximit.

Nihil, quod non cogamur fateri, in Tractatu de Studiis Monasticis legitur à pagina 100. in qua versamur, usque ad pag. 110. Omnes sententias ibi comprehensas & nos in libris de Vita Monastica adnixa sumus constabilire, atque iisdem auctoritatibus quæ hic afferuntur eas defendimus, nec non & aliis quamplurimis; quibus quæ Monachorum ad laborem obligatio fuerit liquido demonstratur. Auctor libri, quem præ manibus habemus, in hac se opinione esse testatur; contraria quæque argumenta refellit, objecta singillatim expendit, & summa perspicuitate ac soliditate diluit. „Con-
„gruenter iis, quæ scripsit Sanctus Augustinus, ostendit clericalem Pag. 101.
„statum eximendi a labore idoneam causam non esse; frustra quæ a
„quibusdam dici, quod Monachis in primæva quidem eorum origi-
„nine necesse fuerit ut manibus operarentur, ne ipsis deesset unde
„viverent; nunc autem cum ditiora facta sunt Monasteria, & ma-
„gnis redditibus aucta, hæc obligatio defuisset. Neque jure alle- Pag. 102.
„gari posse divinorum Officiorum prolixitatem; inaniter quoque
„dici, Sanctum Benedictum opus manuale præscripsisse, ut otium
„& desidia tollerentur, & ad id lectionem sufficere, & laboris
„loco esse posse; utraque enim ille imperavit, voluitque ut Fratres
„legendo & operando tempus exigent.

Post-

Postquam vero Auctor manualis laboris necessitatem invictis rationibus astruit; postquam difficultatibus, quæ obijci solent ab iis qui hunc laborem Solitariis jam nunc minime convenire contendunt, obviam ivit: cum inde colligere debuisset, operis manualis officium adhuc subsistere, nec illius vacationem nisi æquis iustisque de causis accipiendam esse; illud ad nihilum ferme redigit, dum ait: „Veteres exarandis Codicibus operam navasse; ad operandum in „agris procedi nunc non posse propter dissipationis periculum; & „cum Horæ Canonice reapse nunc prolixiores sint, manuali labori „tempus a Regula assignatum tribui non posse: eumque in Congregatione N. ad unam quotidie horam redactum fuisse.

Id mihi perinde esse videtur, Fratres, ac opus manuale peritus de medio tollere. Primo, quia postquam libri typis vulgari cæperunt, nemo de iis transcribendis amplius cogitat; Deinde quia eum in defuetudinem abierint rustica opera, quorum causa olim agros petebant Monachi; laboris ratio collocata est in quibusdam exercitiis & occupationibus regularibus, quæ laboris nomen nequaquam merentur, quæve, si accurate loqui velimus, nihil aliud sunt quam otiosa oblectamenta. Tertio, quia dum unius horæ spatium se labori vacare dicunt, sibi & aliis prorsus illudunt. Quid hoc rei denique est? Monachi conveniunt; de opere manuali mentionem habent; (quod de iis Monasteriis dico, ubi id in usu adhuc obtinet, quæ pauca admodum sunt) quartam horæ partem sic elabi sinunt; deinde alii ab aliis dirimuntur, & singuli huc illuc euntes quod cuique lubet faciunt. Ita hæc hora quæ labori assignatur, nihil aliud esse videtur, quam monumentum quoddam Traditionis, ne omnis scilicet regularis laboris memoria deleatur.

Si eo quo deberent zelo hujus exercitii flagrarent Monachi; si vere eos tangeret antiqui sanctique moris retinendi in hac necessaria parte sollicitudo; an non de horarum numero, quem labori Regula assignat, nonnihil detrahendo propter hodierni divini officii prolixitatem, satis adhuc temporis impendere possent, quo huic disciplinæ Monasticæ officio satisfacerent? Quod si pro sex horis a Regula præfinitis, tres tantummodo infumerentur, partitis inter ante & post meridianum tempus operis, quatuor amplius horæ peragendæ lectioni adhuc superessent.

Pag. 105. Plerique ex Sanctis Patribus, inquit Auctor, autumarunt, opera quæ sunt extra Cænobiorum Claustra non omnino Monachis congruere; ex ipsis enim oriur nimia mentis evagatio, & periculosi cum Sæcularibus commercii frequens occasio.

Cohibere me non possum quin animadvertam, Fratres mei, plerisque Monachorum nequaquam religioni esse quominus a Monaste-

nafteriis procul deambulationis causa in agros eant, & in propinquorum suorum domibus multum sæpe temporis agant, amicolque convenient; quippe Superiores id illis facile permittunt, licet obfistent Regulæ Decreta, & omnimodæ folitudinis habenda fit ratio. Ita illi inevitabilibus in mundi converfatione Diaboli laqueis obijciuntur, dum ea audire, loqui, videre coguntur, quorum ipfa recordatio ipsis interdicitur, quæve eorum pietatem tantum non labefactant, imo sæpius omnino difperdunt, & vocationis fpiritum nulla revivifcendi fpe reliqua in ipsis extinguunt.

Si Sæcularium occurfus nullam ipsis follicitudinem injicit in tam irregulari circumftantia, ubi non agitur nifi de oblectatione lufuque capiendis; minorem fane moleftiam facere illis deberet in actione regulari atque ad difciplinam pertinente. Sed huic qualicumque periculo obvium eft tutiffimum & ineluctabile remedium; nempe fi intra Monafteria Monachi exerceantur, colendis hortis, aliaque manibus operando quæ artificibus aut operariis diurnis non nifi magnis fumptibus perficienda committuntur.

Ad elevandam laboris obligationem & hoc addit Tractatus Auctor, Pag. 111.
nempe *opus manuale minoris effe faciendum, quam cetera pietatis exercitia.*

Quin res ita fe habeat, dubitat nemo, Fratres mei; fed hic non quæritur ex duobus utrum eligendum fit, labor, an lectio, cum ambobus fua fint tempora fingillatim dicata. Oratio fomno anteferenda eft, interim & dormiendi & orandi non defunt propria tempora.

S. Jo: Chryfoftomi auctoritas in fine Capitis allata nihil probat. Sermonem habet Sanctus Doctor ad quemdam, qui culturæ viridarii fui unice intentus, lectionem omittebat, quæ agendi ratio reprehenfione digna eft. Huic vero malo obviam ire non eft difficile, fi diei horæ eo pacto diftribuantur, prout paulo fuperius in-
quimus.

De Traditione Studiorum in Monasteriis Orientis.

Quod scientiarum Studia in Monasteriis omni tempore obtinuerint, idoneis argumentis se demonstrasse ponit in hujus Capituli initio Tractatus Auctor; eaque Studia in Monasteriis Orientis cepisse autumat. Nos vero oppositum hactenus vobis ostendimus, inuictis rationibus defendentes, Studiorum exercitium inter Orientales Monachos minime viguisse. Neque est quod repetam jam dicta, ut pateat quæ fuerit circa Studia veterum Monachorum sententia; ex Regulis judicium peti potest quas ii reliquerunt, sententiam enim illorum hæc Regulæ expriment, testantur; atque declarant. Quandoquidem vero harum Regularum ne una quidem de Studiis meminit, nec habet quidquam unde colligi possit ea, inter exercitia a Monachis exculsa, fuisse; sine erroris metu affirmandum est, studiorum exercitium illis ignotum fuisse: extraordinario autem consilio factum esse, ut eorum nonnulli scientia commendabiles redderentur; & in hac re illos a trita & communi via recessisse, aut spiritu Dei actos, aut proprio, quem sequi voluerunt: Quod dignosci potuit ex consequentiis; ex bono nimirum, aut malo, quod in Ecclesiam hac singulari agendi methodo contulerunt. Quemadmodum enim ex Monachis doctrinâ præstantibus quidam Ecclesiæ egregio fuerant exemplo; ita alii magno numero confusione & scandalo eam impleverunt scientia abutentes.

Itaque, Fratres mei, exempla quæ paginis 114. 115. 116. & 117. afferuntur, nihil aliud probant, nisi quod nonnulli docti Solitarii olim extiterint, doctrinæ nomine bene de Ecclesia meriti, uti S. Lucianus Monachus & Martyr, cujus Auctor mentionem habet. Sed unus quispiam illorum supra candelabrum positus nihil est, si cum decem millibus comparetur, qui sub modio latuerunt, hoc est in Claustris conclusi tamquam in Dei sinu, unde in quiete ac silentio scientiam Solitarii convenientem hauserunt, nempe illam, qua discitur Jesus Christus crucifixus, quæque ipsum imitandi & sequendi præcepta atque usum continet. Ab hac innumera divinorum virorum multitudo de statu & officio Monachorum judicandum est, non ab exiguo quorundam numero, quos eligere & a ceteris segregare placitum est Deo, cui semper id familiare fuit, licet hodie rarius, quam primis Ecclesiæ sæculis.

Cap. 111. Primum quod offertur exemplum, S. Luciani est. Nulla ille scientia præditus fuisse traditur tunc cum mundo valedixit. In solitudine aliquantum temporis egit, moratusque est Edessæ in Me-
sopotamia.

sopotamia, ubi Macarium divinas Scripturas sibi diligenter explicantem audivit; in quo Studio adeo magnum progressum fecit, ut Ecclesiæ Antiochenæ Presbyter fuerit ordinatus. Docuit sacras litteras, in quibus sita erat omnis ejus scientia. Hoc exemplo nostra sententia confirmatur; semper enim nobis est visum, Monachos Sacram Paginam legendo & meditando præcipue occupatos esse debere.

Post hunc in medium adducitur S. Serapion, quem sane egregie litteratum fuisse, dubitare non possumus, cum ei Scholastici nomen fuerit adjectum, quo pacto indigitabantur ii qui litteris excellebant. Valde mihi sit probabile, has eum didicisse antequam in solitudinem se reciperet.

Deinceps commemoratur Flavianus, & Diodorus, Monachi Antiocheni, quorum uterque ad Episcopatum evehi fuisse. Horum postremus Athenis studuerat, ibique scientias humanas didicerat.

S. Pachomius ex ordine in medium prodit. Nihil mirum, quod Pag. 114. in græco sermone edoceri voluerit; id quippe necesse ei fuit; nam cum variarum regionum & nationum homines, Græcos pariter ac alios populos in Monasterium suum admitteret, oportebat se ab illis intelligi, eosque vicissim intelligere ut eos institueret.

Ex iis, quæ de Ammonio referuntur, colligitur, eum Episcopum Ibid. extitisse, & a Præceptore, cui erudiendus Tabennis fuerat traditus, nihil aliud didicisse, quam Sacrarum Scripturarum scientiam. Id autem Auctoris scopo potius adversatur.

Orsielius item S. Pachomii discipulus solam Scripturarum scientiam Ibid. callebat, in qua impense eruditus agnoscitur fuisse ex quibusdam illius sententiis, quas in Codice Regularum legimus. Hinc vero nostra roboratur opinio potius, quam infirmetur. Neque enim aliquid horum ad Studium scientiarum refertur, ad quas ut animum Solitarii adjiciant quovis pretio contendit Tractatus Auctor.

S. Basilii & S. Gregorius Nazianzenus Monachatum haudquaquam professi sunt, licet in solitudinem secesserint; adeoque eorum exempla ad hanc quæstionem non pertinent. Animadvertit Auctor, noluisse S. Basilium ut in puerorum institutione fabulæ aut prophanz narrationes adhiberentur, sed ut Præceptores verbis ex historia & Scriptura Sacra petitis uterentur, præcepisse. Eundem S. Basilium Scripturarum Studio intentum fuisse, & scribendis in Ecclesiæ ac Discipulorum suorum utilitatem Tractatibus operam dedisse dicit. Nihil in his est, quod nostræ sententiæ non faveat; apparet enim totum ejus Studium circa Sacras Scripturas fuisse.

Aliquid se consequi putat Auctor dum memorat, S. Basilium præcipere, ut juniores alumni a Monachis provectis segregentur; ne scilicet isti (ut conjicitur) fragore, quem in puerorum quotidiana ad addiscendas scientias exercitatione exaudiri necesse est, excitentur aut disturbentur. S. Basilii textus hæc habet tantummodo:

modo: *Adolescentes segregentur*; idque in eum finem, nestrepitus, qui in puerorum gymnasiis vitari non potest. Monachorum quietem conturbet. Ibi porro de scientiis ne verbum quidem; sed de institutione juventutis unice sermo habetur, quatenus Religionis principia aut prima litterarum elementa iis tradi debuerint, quod ex verborum sententia, quibus utitur S. Basilius, perspicue cognoscimus: *ἡ τῶν μαθητῶν πρὸς διδασκαλίαν ἀποκαταστήσεται πρὸς τοὺς νόμους.*

Pag. 115. Solitarii *Ægypti* (inquit Auctor) *varias persecutiones ob Catholicam fidem contra Arianos propugnandam sustinuerunt, cum imperium teneret Valens: Sanctus vero Jo: Chrysostomus & innumeri alii doctrina excellere.*

Obstentia Monachorum *Ægyptiorum* adversus Arianas persecutiones a stabili vivaque fide, quæ longe superat omnem scientiam omniaque argumenta, vires sumebat. Victos quandoque & inermes reddidere Tyrannos tria hæc verba: *Ego sum Christianus*; & Martyres qui longa oratione fidem defenderint, pauci memorantur. Quod a nobis superius est demonstratum exemplis S. Macarii *Ægyptii*, S. Macarii Alexandrini, & S. Theodosii, quibus innumeri præterea addi possent.

S. Jo: Chrysostomus, quem citat, ex albo Monachorum expungendus est, æque ac S. Gregorius Nazianzenus, & S. Basilius. Auctor est Palladius, S. Jo: Chrysostomum pene insomnem biennium exegisse, totum Novum Testamentum memoriter didicisse, & vitæ Monasticæ Apologiam, ac librum de Compunctione ad Demetrium exarasse: Quid in his est non dignum Solitario, aut homine qui Solitarii vitam agat? Studia hujusmodi Monachis convenientia sunt; neque hic quidpiam perhibetur, quod ejus scientiæ vanitatem sapiat, a qua illos abstinere maxime fas esse putamus.

Pag. 116. Quod spectat ad S. Epiphanium, vir ipse fuit plane mirabilis, & supra communem conditionem evectus, adeoque ex ejus inductione nihil sequitur.

Ibid. Quoad Nitriæ Solitarios, nemo est quin sciat, Origenis dogmata tunc fuisse vulgatoria; ejusque sectatores curæ habuisse, ut per totam Eremum disseminarentur. Origenis nomen in ore omnium erat, doctorum pariter ac indoctorum, Laicorum, & Monachorum; & in Monachorum sodalitiis vel unus Monachus omnibus permovendis satis erat. Ac sane dici potest illos adeo fervido & impotenti animo in hac occasione fuisse, ut longius a moderatione absteruerint, quam viri hujus professionis maxime servare debent.

De Origenis erroribus quid dicemus, Fratres? Omnibus notum est quam obstinata & inflexibilis quoad hoc Monachorum voluntas fuerit, quam illi nimiam de Origeniana doctrina existimationem foverint: Quasi instigatione quadam impelli, visi sunt, cui magna

magna pars succubuit. Non est profecto dubitandum quin satius facturi fuissent, si Episcopis negotium, cujus Monachos nihil intererat, excutiendum ac dirimendum reliquissent. Quis nescit, Monachos in Ecclesia non in hunc finem esse constitutos, ut dogmaticas controversias dirimant, sed ut aliis, quos Deus dedit iudices & dispensatores Domus suæ, se humiliter subjiciant? Ne multa, quidquid in hoc negotio peractum est, enormi ac perturbatæ agendi rationi tribuimus, ex qua nulla fieri potest illatio.

Laudatur S. Isidorus Hospitalarius, quod fuerit in Scripturis Sacris versatissimus, & laus eadem Ammonio datur; nimirum uterque in ea scientia egregie fuit eruditus, quæ Monachis per familiaris esse debet.

Palladii exemplum minime dignum erat ut proponeretur. Nempe fuit Palladius fluctuantis animi Monachus, qui locum & statum nem crebro mutabat. S. Macarium novit, ex illius tamen admonitionibus nequaquam profecit; sed cum se Evagrio Pontico adjunxisset, una cum illo Origenianos errores propugnavit, & Pelagianis etiam subscripsit. Lausiaca, quam scripsit historia, haud sane eruditionis ejus eximium esse testimonium videtur; ea quæ sibi fuerant relata, vel quæ ipse viderat, tantummodo refert. Evagrius Ponticus haud multum ab illo moribus & ingenio abluit, si ab Opere saltem, quod illi vulgo tribuitur, judicium capere velimus. Quidquid sit, si aliqua in hoc Monacho scientia fuit, sane illa abuti visus est, cum Origenianis erroribus patrocinaretur.

Nihil erat cur in medium adduceretur S. Ephræm Syrus, nam ex ejus quæ extant Operibus liquet omnino, cum scientiam Sanctorum unice calluisse, in Sacris nimirum Scripturis doctum, & morum puritate ac vitæ sanctimonia commendabilem fuisse. Quid mirum, Opera hujus Solitarii, qui sanctarum rerum doctrina maxime enituit, & cujus fuit absolutissima pietas, in quibusdam Ecclesiis publice fuisse lecta? De illo memoriæ proditum est, quamvis humanas non didicisset litteras, eum divinas in tantum calluisse, & sacra Dei eloquia adeo intellexisse, ut in illis, Spiritus Sancti opitulante præsidio, facile reperiret quomodo doctorem sæculi scientiam confunderet, & vanas hæreticorum argutias subverteret. Ex his omnibus patet, eum scivisse quæ Monachum scire fas est; & curæ illi fuisse, ut iis cognitionibus, quæ ad sui status officia pertinent, eruditionem suam terminaret.

Tres deinde Auctor insignes Episcopos commemorat, S. Porphyrium Gazæ, S. Petrum Sebastæ, & S. Ascolum Thessalonicæ. Quorum primus litteris quidem fuit eruditus, sed hanc eruditionem antequam de sæculo in Ereum se reciperet, acquisiverat; Sæculo autem valedixit quinque & viginti natus annos, & post longum vitæ tempus in solitario antri recessu juxta Jordanem exactæ renunciatus fuit Gazæ Episcopus. Eximia porro quæ in

Volumen tertium.

G

Eccle-

Ibid.

pag. 118.

Ecclesiam contulit beneficia, & felix Idololatrarum ad fidem conversio, ejus in officio perseverantiæ & morum sanctitati potiusquam doctrinæ accepta referenda sunt.

S. Petrum Sebastæ humanas litteras nullatenus calluisse, affirmari potest; nam ejus Soror S. Macrina, quæ erat ei matris & ducis loco, obstitit quominus litterarum studiis sese daret, quippe verebatur, ne fratris puritas hoc studii genere læderetur, ejusque animus affectus induerit plane contrarios iis, qui esse debent in homine ad summam pietatem tendente: Quod S. Basilio accidisse animadvertit sancta hæc ac prudens foemina; nempe illum in tantam extulerant superbiam humanæ scientiæ, ut dignitates, munera atque Officia contemneret, & se illa possidentibus majorem existimaret. Nihilo tamen minus S. Petrus Sebastæ Episcopus Concilio Constantinopolitano summa cum laude interfuit, ac in eo præcipuus ipsi propter virtutem & sanctitatem honos est habitus; consiliumque ab illo licet inerudito ipsius Fratres sæpe exquirebant; eatenus, ut S. Gregorius Nyssenus Opus a se ad quorundam hæreticorum confutationem, ac proprii fratris (cujus fama inique impetebatur) defensionem compositum edere in publicum noluerit prius, quam ipse S. Petrus illud recognosceret, & ad illud vulgandum hortaretur. Unde profecto compertum sit, iis temporibus magnum continuo extitisse Episcopum quicumque Scripturarum intelligens esset, perfectamque sanctitatem cum naturali perspicacia conjungeret.

S. Ascolus, cujus elogium in duabus Epistolis, quarum una ad Ecclesiam Thessalonicensem, altera ad S. Anycium mittitur, a S. Ambrosio confectum est, nihilo sane eruditione præstantior fuit, quam S. Petrus Sebastæ. De hoc sanctissimo Præsule quamvis ex animo loquatur D. Ambrosius, nec aliquid prætermittat, unde illius memoria commendaretur; quamvis denique varias dotes, quæ illi a Deo collatæ fuerant, distincte prorsus ac in nativo lumine collocet; nihil tamen de ejus doctrina, aut de ejus scientia commemorat.

Subdit Auctor, *unum S. Hieronymum, si in exemplum proponatur, satis esse ad probandum, licere Monachis Studio operam dare.*

Propositum nobis, Fratres, hic non est, ut sciamus, utrum Monachis studere liceat; eorum enim nonnullos fuisse olim qui ad scientias animum adplicuerunt, nihilque ob stare quominus aliqui hodieum illis sese dare possint, in dubium a nemine vocatur. Sed difficultas in hoc posita est, an Studium scientiarum ipsorum propria, ac statui Monastico conveniens exercitatio sit. Sancti vero Hieronymi exemplo, quatenus ad rem nostram, haud quidquam confi-

conficitur. Hic Ecclesiæ Doctor in solitudinem secessit quidem, haud tamen Monachus fuit, ut multi sentiunt, atque in ea sanctorum litterarum studio sese exercitavit, Deo illum ad illustrandam erudiendamque Ecclesiam doctrinæ suæ magnitudine, dirigente. Animadvertendum quoque est, fuisse eum Studiis accuratissime ex-cultum antequam Sæculo se abdicaret; legendæ vero Sacræ Scripturæ in Eremitio dumtaxat incubuisse.

Duo afferuntur tamquam maximi momenti objecta, nempe quod *pag. 119.*

S. Hieronymus transcribendorum Codicum artem inter Solitariorum officia & labores numeret; & ipsiusmet exemplum majus apud Monachos pondus habeat, quam ejus verba.

Ex primo objecto, Fratres, nihil sequitur, cum per familiare & vulgatum maxime sit ab indoctis amanuensibus doctorum virorum Opera transcribi; cumque ad id sufficiat recta scriptura uti, apteque & concinne ducendis litterarum figuris manum factam ac dispositam habere, ut ad hoc laboris genus quis assumatur. Præterea nonne cuique obvium ac notum est, plerisque Typographos Latinos, Græcos, Hebræos, Arabicos libros imprimere, licet omnes has linguas omnino ignorent?

Quod secundo loco objicitur, nihilo accuratius est; si enim quid S. Bernardus de necessitate recessus & solitudinis Monachorum sentiret, ab ejus exemplo atque agendi ratione judicare velimus, continuo dixerimus Monachis vivendum esse in hominum commercio & societate potius, quam in separatione, & ab iisdem hominibus perpetua discessione. At ex iis quæ de solitudine scripsit, omnino illum aliter sensit, & contrarium probasse, satis novimus. Idem, quatenus ad scientiam spectat, de S. Hieronymo dicendum est.

Utitur Auctor Nestorii homiliis, Cassiani Operibus, Sanctorum Isidori *pag. 120.*

Pelusiota & Nili scriptis, ad probandum, licere Monachis Studia colere.

Quæ de Nestorii homiliis dicuntur, Fratres mei, nihil omnino probant. An doctos esse Monachos oportuit, ut scirent enormem esse blasphemiam, si quis Sanctam Virginem non esse Dei Matrem credat aut affirmet? Econtra vero Solitudinis incolæ in crassa nimis atque adeo damnanda rerum omnium ignoratione versati fuissent, si eos tam apertus & cuique facile conspicuus error haudquaquam perculisset, neque ad noxiam fraudem repellendam excitasset.

De Cassiano alibi multa diximus, quæ, si lubet, denuo consu- *Mid.*
G 2 lere,

lere vobis, Fratres, integrum est. Sancti vero Isidorus & Nilus Monachi, peculiaries atque ab aliis non tritas calcavere vias. Horum postremus cum de materiis Asceticis tantummodo scripserit, & discipulos suos ad legendum Novum Testamentum, Martyrum Acta, veterum Solitiorum sententias hortetur, proprii status fines egressus non est. Hæc sunt videlicet quæ & nos quotidie vobis inculcamus, quæque nihil cum amplis illis diffusisque scientiarum Studiis, quæ ab Auctore proponuntur, commune habent.

Pag. 122. *Marcum etiam Solitiorum, S. Jo: Chrysostomi discipulum commemorat Auctor.*

Præter Tractatus Asceticos hujus Auctoris mihi quidem nihil aliud videre contigit; est vero valde credibile, quæ illi tribuuntur diversi argumenti Opera ipsius non esse.

Ibid. Sufficit, quin ulterius per singula eam, adnotare (inquit Tractatus Auctor) Orientales Episcopos illorum temporum vitam Monasticam ut plurimum professos fuisse.

Fig. ipsius.

Solitios magno numero e Monasteriis Orientis evocatos, ut ad Episcopatum eveherentur, fuisse, negare non possumus; sed & illud indubitatum est, omnem illorum scientiam in divinarum Scripturarum libris fuisse comprehensam, quos illi diligenter commentabantur, & quorum mysteria rimari solebant; ad veritates autem Scripturarum quibus animum imbuebant Traditiones sui temporis adicientes, non nisi his armis, ut adversus hostes Fidei pugnarent, utebantur. Et divini præterea verbi ministerio, ac vitæ sanctitate peccatores ad meliorem frugem convertere, hæreticos prosternere, omnesque inferorum potestates superare visi sunt. Cujus rei certissima nobis testimonia præbet S. Theodosii Cœnobiarchæ vita: Qui cum humanas litteras, solitariam vitam amplexus, contempsisset, atque omnes Oratorum ac Philosophorum scientias, utpote illis indignas, quibus Jesum Christum sequi & amare propositum est, rejecisset; cum denique ex sola divinarum librorum lætione pabulum & delicias sibi comparare solitus esset; tanto decore in Orientali Ecclesia fulsit, & in tanta apud omnes existimatione fuit, ut postquam magnum Solitiorum numerum, qui se illi regendos tradiderant, coegisset, Monasteriorum Palæstinæ generalis Præpositus una cum S. Saba fuerit constitutus. Illud porro notatu maxime dignum est, plures ab eo discipulos doctrina imbutos, & egregie informatos fuisse, quo Episco-

Episcopatu dignos Ecclesia postmodum judicavit, & ad primas sedes assumptos Ecclesiastica testatur historia.

Sed quam denique scientiam in his viris, qui ad tam sublimem dignitatem eligebantur, fuisse constat, nisi quam a proprio Doctore ac Patre hauerant atque didicerant? Quæ vero in illo scientia eminuit, nisi quæ Sanctos apta est informare? scientia videlicet Scripturarum, ex quarum penu omnem ille vigorem, omne lumen, atque omne vitæ consilium sumebat.

S. Alexander Carbonarius, qui ad Episcopatum evocatus fuit, quique omni a se rejecta varietate scientiarum quibus erat fortasse imbutus, sub vili abjectaque professione abditus, ab oculis hominum se subduxerat, quandiu in solitudine vixit non multum sane doctrinæ sibi comparavit. Aspebæth quoque, Saracenorum Episcopus renunciatus, nullam possidebat scientiam.

Parthenius Episcopus Lampfacenus, filius fuerat cujusdam Diaconi, a quo cum prohibitus fuisset quominus humanis litteris studeret, ad sanctorum vero Librorum commentationem admove-
tur, magnam eorum partem memoriter didicit.

Igitur pro certo, Fratres, velim habeatis, fucum sibi facere quisquis putat, cum de priscorum temporum Episcopo sermo fuit, agi de viro omni scientiarum genere exulto; dummodo enim illi Ecclesiæ Antistites divinas litteras callerent, necessaria ipsis scientia jam aderat: omnibus denique numeris absoluti habebantur, quoties Dei eloquia apte enunciare, opportune adhibere atque accommodare divino munere noverant; hujusve aptitudinis firmamentum in eorum sanctitate quasi in soliditate petre positum erat.

Magnus ille Solitarius, Theodosius scilicet, Catholicam Fidem adversus Eutychianam impietatem propugnavit: Apostolica constan-
tia resistit Imperatori, qui omnem lapidem moverat, & quolibet artificio usus erat, quo illum in suas partes traheret: in medio populi in Ecclesia Hierosolymitana protulit Anathema adversus illos, qui quatuor Œcumenicis Conciliis æque ac quatuor Evangeliiis hono-
rem ac reverentiam non haberent: omnes denique Eremitas religiosos incolas in suam sententiam pertraxit: Tantus nihilominus vir, opere ac verbis adeo potens, nulla alia scientia præditus unquam fuit, nisi quam ex Sanctorum Voluminum lectione deprompserat.

S. Macarius Ægyptius, qui nullam Studiorum partem exegerat, Scetes Presbyter fuit constitutus, cum boum pastor ab adolescen-
tia exitisset, & vix aliud sciret intelligeretque præter Sacram Scrip-
turam. Fidem, ut ex historia discimus, non doctrina, sed sanctitate & orationum vi, invictè propemodum defendit.

S. Macedonius a S. Flaviano, qui cum non modo regendis Ere-
mi Monasteriis, sed ut Ecclesiæ in Antiochiæ urbe serviret, jam destinaverat, Presbyter fuit ordinatus. Dicit tamen non potest, ul-
lam in eo eruditionem fuisse; postquam enim invitatus ad Presbyte-
ratus

Baron.
an. 233.Vit. S.
Euth.
Niceph.
l. 8. c. 42.

In Vit.

ratum fuerat assumptus, ne sibi manus denuo imponerentur metuebat. Quapropter affirmare possumus, hanc illationem nequaquam esse accuratam, si quis dicat: *Solitarii ad Presbyteratum & Episcopatum eligebantur, ergo viri fuerunt impense eruditi.*

*Pag. 123. Refert Auctor, S. Nilum Calabriae Solitarium privato colloquio cum
 & 124. docto quodam sapientique Monacho de Scripturis disputare solitum;
 atque hujus Monasterii Abbatem lectioni S. Gregorii Nazianzeni
 valde intentum fuisse, haud secus quam ipsum S. Nilum.*

Hujusmodi exempla sententiam nostram, Fratres; potius confirmant, quam oppugnant. Neque enim aliud a nobis dicitur, nisi quod Sacrae Paginae Vet. & Novi Testamenti Monachorum lectioni, meditationi & colloquiis materiam præbere debent.

Nihil autem mirari subest, Operum S. Gregorii Nazianzeni lectioni Sanctum Nilum operam dedisse, convenientissime enim Monachi scripta legunt illius Ecclesiae Doctoris, qui Monasticam professionem amavit, ac de ea passim honorifice & cum laude loquitur.

Totus porro hic Articulus, in quo de S. Nilo sermo habetur pag. 124. & peculiaris ac distincta exercitationum atque occupationum, quibus dies Monastici exigebantur, enumeratio, ad præsentem questionem nihil facere videntur.

Mentio hic quoque fit de exercitatione & studio Exscribendi Codices, ut hinc inferamus, Solitarios ad scientiarum Studium animum adplicuisse. Cui argumento antea satisfacimus.

Sed & illud addam hoc loco, nostram sententiam hujus exercitationis consideratione roborari: apparet enim ex formula Orationis, qua utebantur Monachi, antequam ad scribendum se conferrent, nonnisi divina Volumina, ac Sacras Scripturas ab iis transcribi consuevisse. En ipsa formulæ verba, prout a R. P. D. Luca Dacherio in suis ad Abbatis Guiberti Opera annotationibus describuntur: *Benedicere digneris, Domine, hoc Scriptorium famulorum tuorum, & omnes inhabitantes in eo; Ut quidquid divinarum Scripturarum ab eis Lectum vel Scriptum fuerit, sensu capiant, opere perficiant, per Dominum nostrum, &c.* Vox *Lectum* ad Monachum legentem, sive dictantem; *Scriptum* vero ad scribentes refertur.

Ad vindicanda Monastica Studia subdit præterea Auctor, *Proclum* Pag. 124. *elegisse Monachum quemdam humanioribus litteris valde eruditum, ut Solitiorum regimen a se in illum deponeret.*

Humaniorum litterarum scientia non impedit, quominus aliquis Monasticam vitam profiteatur, aut Monasterii Rector creetur. Valde credibile est, hunc Monachum, quem Proclus elegerat, has litteras didicisse antequam in Solitudinem secederet; atque affirmari potest non multum eas ad ipsius & Fratrum suorum sanctificationem contulisse. Denique ex hoc singulari exemplo regula haudquaquam surgit.

Tandem, Fratres, postquam ad omnes, quæ in medium allatæ sunt, difficultates, seu potius argumenta ad Studiorum necessitatem in Monasteriis Orientis demonstrandam adhibita singillatim respondi; dicam iterum quod superius attigi, si aliunde certo indicari potest quid in hac materia probandum sit, præcipue ex veteribus Regulis, atque ex iis quæ Scriptores vitæ Monachorum Orientis memoriæ prodiderunt circa diversas consuetudines, varique exercitia, quibus status & professio veterum Monachorum constabant, potissima argumenta eruenda esse.

Quod ad Regulas attinet, ne una quidem illarum de scientiis loquitur, aut aliquid meminit, unde colligi possit Solitarios animum ad scientias adjecisse. Læctionis quidem officium perspicue inibi continetur; sed hæc Læctio nonnisi Sacrorum librorum erat: Quod ex sola Orientalium Regularum inspectione facile demonstrari potest, ut in progressu patebit. Læctioni & meditationi Monachorum præcipue Novum Testamentum ac Psalmi Davidis materiam subministrabant: exinde illi lumen, exinde scientiam & sanctitatem petebant; Deus illis sese communicabat per Sacrarum Scripturarum canales; humiles vero atque innoxii eorum animi, ab omni fastu atque ab omni humana gloria abhorrentes, existimationis & dignitatis minime cupidi, intra professionis suæ fines sese continentes, si quid ab ipsorum status sanctitate dissonum esset, ab eo prorsus abstinebant.

Nihil est autem facilius quam ut noscatur, utrum verum sit necne quod de his Regulis affirmamus: Licet Codices ipsos, qui in omnium manibus sunt, perlegere & assertum nostrum ipsis oculis comprobare.

S. Antonius Fratribus suis hæc præcipit: *Contristare noctu diuque pro peccato tuo. Accende lampadem tuam oleo oculorum tuorum, nempe lacrymis. . . . sollicitus esto de tribus hisce rebus perpetuo, nimirum de Opere manuum tuarum, de Meditatione tuorum Psalmorum, & de Oratione tua.*

Reg. ant.
25.
Reg. ant.
24.
Art. 16.
Cap. 11.
13. 17.

S. Isaias eodem disciplinæ spiritu agebatur, cum suaderet Fratribus suis, ut *seipsos cogerent ad fletum in orationibus.* Et alibi ait:

perpetuo tristis esto. Nullam vero aliam iis lectionem mandat, nisi libri Psalmorum.

Cap. 13. In Regula Sanctorum Patrum, Serapionis, utriusque Macarii, & Paphnucii, non nisi de Scriptura colloquia misceri in collationibus Monasticis permittitur: Ex quo liquet, eorum lectionem Voluminibus sacris fuisse conclusam.

Cap. 6. In alia Sanctorum Patrum ad Monachos Regula expresse jubetur: „Cum ad Lectionem devenerint Fratres, sileant, & Sacras Scripturas intelligere in primis curent.

Cap. 5. „Rursus in alia ad Monachos Regula: A mane usque ad secundam diei horam Fratres lectioni vacent; nulla vero ibi Studiorum mentio habetur.

Cap. 15. In Regula Sancti Macarii legitur, quod Monachi lectionis tempore in silentio maneant; & audiant attente Sacras Scripturas.

Epistol. Mac. ad Mon. In quadam ejusdem Sancti Macarii Epistola habetur hæc sententia: „Monachus qui rerum hujus mundi haud quicquam possidet, post moderatum laborem, Orationi, & Lectioni vacare debet.

Cap. 28. Regula Sancti Pachomii nullam aliam Lectionem præcipit, quam Sacrorum librorum, quorum studium & S. Orsilius unice commendat.

Cap. 40. In Regula Orientali Orationem Dominicam, & quosdam Psalmos, nulla Studii facta commemoratione, legi jubetur.

Cap. 51. Atque ut in Occidentem transeamus, Regula S. Pauli & S. Stephani de Studio litterarum ne verbum quidem habet: & a Regula Ferreoli divinarum Scripturarum lectio unice inculcatur: quemadmodum & S. Isidori, qui Fratribus suis permittit, ut de nonnullis questionibus Sacre Scripturæ invicem conferendo, disputent.

Cap. 38. Regula Solitiorum ad divinorum librorum lectionem hortatur, ac expresse, ut alias adnotavimus, gentilium scripta legi vetat, ne forte voluptate ac delectatione quæ legendis fabulis ac figmentis Poetarum percipitur, malæ perturbationes in animo cieantur.

Reg. Cap. 75. Sanctus Benedictus suam hac de re voluntatem apertissime declarat, indicat enim nominatim & distincte quid legendo occupati esse debeant ipsius discipuli: nempe Sacras Scripturas, Vitas & Collationes Solitiorum, Ascetica Sancti Basilii, Tractatus Sanctorum Patrum super Scripturas. Quid porro sunt lectiones hujusmodi ad latissima illa & prophana litterarum Studia postea introducta, quæ illi nunquam aut probata, aut cognita fuisse, affirmare indubie possumus.

Regulæ S. Columbani, S. Stephani Grandimontensis, Vallis Umbrosæ, Carthusianorum, S. Victoris, Cisterciensium, Cælestinorum, cum S. Benedicti Regula consentiunt. Atque hæc hæctenus, ut Fundatorum sententia hac super re prorsus dignosceretur.

Quid vero senserint alii Sancti Patres, vobis innoscere potest, Fratres, ex iis quæ supra capite undecimo, de humanorum litterarum

terarum studio differentes attulimus. Illic videre est, quo pacto Sancti Basilii, Hieronymus, Isidorus Pelusiota, Augustinus, Nilus, & Cassianus opinionem suam aperuerint; & quam longe abfuerint, ut prophanarum litterarum Studium Monachis convenire arbitrarentur. Quæ cum ita se habeant, cui non persuasum erit, sententiam, quæ hisce studiis patrocinator, omnino rejiciendam, neque illi esse usquequaque fidendum?

Sancti Pachomii exemplum, in quo magnam argumentationis vim collocat Auctor, perinde ac si quam Sanctus iste Solitarius personam gessit, prima ac præcipua in Ecclesia fuisset, & suprema illi munera fuissent demandata, haud mihi quidquam probare videtur eorum, quæ ab Auctore proponuntur; quandoquidem maximum ejus officium in hoc denique positum erat, ut Religionis Christianæ elementa doceret Idololatrias, sive quosdam accolas sui Monasterii, harum veritatum prorsus ignaros, sine quarum notitia æternam salutem consequi non poterant. Nempe id nihil aliud est, quam Catecheses agere, & documenta pietatis rudibus præbere.

Sanctus Theodorus illius discipulus, quem Græci *Sanctificatum* antonomastice nuncuparunt, se a mundi commercio segregavit antequam in Tabennarum Monasterio profiteretur, & se his Solitariis adjungeret; quorum moris erat de divinis Scripturis quotidie sub vespere collationes habere.

*Refoveri-
de vit.
Petr. p.
125.*

Eorum, qui de Monastico instituto verba fecere, nemo est, qui Studium in regularibus exercitiis, quibus solitarii occupari debent, aliquando numeraverit.

Sanctus Basilius ad Sanctum Gregorium Nazianzenum quibus rebus Solitarii exercerentur perscribens, Orationem, manuum laborem, divinarum Scripturarum meditationem unice commemorat; & de Studiis ne verbum quidem habet. Idem sanctus Pater in quodam Tractatu, cui titulus *de Institutione Monachorum*, in quo Solitario recta disciplina imbuendo præcipue intentus Regulas, juxta quas illi sit agendum describit, de Sacræ Paginæ lectione, de Oratione, de Opere manuali, & de officiis erga Fratres suos tantummodo verba facit. Vult, eum delectari audiendis asceticis sermonibus, atque abhorre omnia colloquia, quibus res hujus mundi argumentum præbent. De scientiis ne verbum quidem in eo Tractatu legitur. In Epistola ad Chilonem ordinat atque disponit ejus officia; ac tantum abest, ut illi scientiarum Studia permittat, ut ne omnes quidem Scripturæ libros ab eo legi velit. In Epistola 411. qua universa Monachorum officia continentur nihil animadvertimus quod ad studia referatur.

Nihil in omnibus Sancti Gregorii Nazianzeni Operibus scriptum intuemur, unde nobis quadatenus significetur, optimum visum illi fuisse, ut Monachi ad Studia intenti essent; quamvis ceteroquin ille de officiis, & regularibus exercitationibus Monachorum sæpius disputaverit.

S. Hie.

S. Hieronymus nullum Studii genus Solitariis præcipit, sed unice statuit, ut Sacrorum Voluminum lectioni vacent, atque ex iis omne solatium ducant. Eorum exercitia labore manuum & oratione circumscribit, Studium vero silentio præterit. De Sancto Hilarione in ejus vita talia refert. *Scripturas Sacras memoriter tenens, post Orationes & Psalmos, quasi Deo præsentē recitabat.*

Sanctus Jo: Chrysostomus, qui sexcentis locis de solitiorum officiiis loquitur, de eorum exercitationibus, & de vitæ illorum ratione, ne verbum quidem habet, ex quo aliquis suspicari possit, vel minimum temporis superfuisse illis ad Studia: quam vero ille animo sibi effinxit asceticæ vitæ rationem, nullatenus ad Studia refertur. De disciplina Ascetarum sui temporis mentionem habens, post matutinas preces & absolutum officium, ad legendas Sacras Scripturas denuo se conferre solitos ait: *Ἐπειτα δὲ πάλιν δι' αὐτῶν ἱερδὶ καὶ ἐπιστάταις καὶ ὁμοῦς, πρὸς τὰς τῶν γραφῶν ἀνάγνωσιν στίβονται.*

Hom. 14.
in Cap. 5.
1. ad Tim.
not.

Cassianus, qui satis diffuse de Solitiorum vita, & eorum occupationibus verba fecit, nunquam inter eorum officia Studium litterarum numeravit; sed divinæ legis tantummodo meditationem, Sacræ Paginæ lectionem, Opus manuale atque Orationem.

Ruffinus in iis quæ reliquit vitæ Monachorum descriptionibus, Studii litterarum nullam facit mentionem, sed de silentio duntaxat, de Oratione, de meditatione, de manuali labore, & de Scripturæ Sacræ lectione loquitur.

In Vita.

S. Euthimius cum mortis proximus extrema Fratribus suis monita ad eorum vitæ rationem pertinentia dictaret, singula distincte officia, quæ ab ipsis peragi volebat, edisseruit, omnia prorsus Studii atque scientiarum commemoratione. In hac tamen circumstantia de Studiorum ratione dicendum ipsi erat, si studendi exercitium inter eorum officia numerasset, aut ad illorum sanctificationem necessarium fore credidisset.

S. Epiphanius ait, Monachos suorum temporum oratione, Psalmodya, manuali labore, sanctarum litterarum lectione occupari solitos: *Ἐργασίας ἐργάζονται κατὰ τὴν ἐκάστην στήλην, καὶ οὐκ αὐτοὶ δὲ χεῖρας τῶν δόκτων γραφῶν ἀναγιγνωσκουσιν.*

Epiph.
haer. 80.

S. Joannes Climacus, qui sanctitatis Scalam consecit, hoc est qui regulas & præcepta Solitariis dedit, quorum beneficium quasi per totidem gradus, ad omnimodam perfectionem evehi possent, de Studiis omnino silet: quæ res argumento est, illum ab ea sententia longius abfuisse, ut putaret Studia Solitariis prodesse. In sexto & vigesimo gradu hoc illis documentum præbet. „Sed & nostro sudore & labore, „non solo verbo divina mandata addiscere curemus. Non enim „verba, sed opera exitus nostri tempore ostendenda erunt.

Grad. 26.
art. 36.

In descriptione vero celeberrimi Monasterii prope Alexandriam sitæ, licet illud oculis subjiciat quasi typum absolutissimæ perfectionis, & nihil eorum prætermittat, quæ eximiam virtutis apud illos Mona-

Monachos ideam nobis ingerere poterant, de Studiorum ratione omnino filet.

Procopius describens Solitarios Montis Sinai, de Studio litterarum ne verbum quidem habet, cum quo S. Joannes Damascenus in egressa illa, excellenti ac pia instituti atque exercitationum Monasticarum hypotyposi plane consentit.

S. Augustinus, qui solitariorum sanctimoniam, ad confundendam Paganorum incredulitatem, atque hæreticorum perfidiam, tanquam argumentum quoddam adhibuit, nulla illis attribuit exercitia, præter manualementem laborem, Orationem, Meditationem, & Scripture Sacre lectionem.

In accurata illa & unctionis plena exercitationum veterum Solitariorum descriptione, quæ in Libro Imitationis JESU CHRISTI legitur, ne minimum quidem verbum occurrit circa Studia; e contra pluribus locis scientiarum vanitas ibi vituperatur.

Quod in Sozomeni historia legimus, notatu maxime dignum est: „ Per id temporis qui Monasticum vitæ genus excolebant, cum Ecclesiam maxime omnium illustrare, tum religionem Christianam suis piis vivendi institutis magnopere dilatare visi sunt. Nam talis & tam sapiens vitæ ratio, ad homines a Deo tanquam res plane utilissima delata, multiplicem scientiarum cognitionem, & argutam disserendi subtilitatem, veluti rem supervacaneam, & otium quod in præstantioribus Studiis ponendum est, sibi superfluum, & ad vitam recte instituendam nihil afferentem adjuvanti, penitus contemnit: Solaque hæc naturali quodam & minime curioso prudentiæ genere docet ea quæ vel vitiositatem omnino tollunt, vel vehementer diminuunt. Denique, &c.

Denique, Fratres, si Studia scientiarum, propria & nativa Monachorum exercitatio fuissent; si multarum rerum ad suum statum minime pertinentium scientiam adipisci, & curiosæ lectioni vacare, aliquam illis utilitatem attulisset; fieri ne posset, ut S. Basilii, S. Gregorius Nazianzenus, S. Ephræm, S. Jo: Chrysostomus, S. Augustinus, S. Hieronymus, Cassianus, S. Nilus, S. Isidorus Pelusiota, totque alii Auctores, qui de vita, de exercitationibus, & de opere Monachorum scripsere, ea de re nihil meminerint; & quodammodo capita conferentes, ac penitus invicem consentientes, disciplinæ eam partem silentio præterierint, quæ adeo necessaria, tantique momenti esse hodie existimatur?

Hæc sunt satis, ut reor, ad probandum, scientiarum studia Solitariis Orientis tanquam ipsorum propria nequaquam visa fuisse; qui vero inter illos Studiis operam navarunt, a communi via aberrasse, & generali disciplinæ adversos in hac re fuisse. Superest jam, ut quæ ad Monachos Occidentis spectant deinceps expendamus.

CAPUT XVI.

Sequitur de Traditione apud Latinos.

Page 115. Affirmat Tractatus Auctor, *Ecclesia Latina Monasteria vestigiis Orientalium insitisse.*

Constat quidem, Fratres, Institutionum Monasticarum in Ecclesia Latina maximam partem usui & præceptis Orientalium adhæsisse; atque illarum Auctores eodem loco habuisse sanctos Monachos qui ipsis præcesserant, quò Filii Parentes, discipuli Magistratos habere solent. Ex quo fit, ut de Studio & scientiis non minus in Latine Ecclesie, quam in Græcæ Regulis mentio vix habeatur. Nempe quod a maximis illis viris, quos Deus ad constituendum in Ecclesia sua Ordinem Monasticum suscitavit, usurpatum olim fuerat, accommode imitati sunt; ac propterea quas illi scientias nihil fecerant, ipsi aliquo in pretio ducere noluerunt, neque earum usum apud eos laudarunt, quibus obscuram sanctamque vitam proponere debebant.

Exercitationum, quarum usu obtineri sanctitas posset, præcepta illis dedere; doctrinam vero prorsus negligentes, eas tantummodo cognitiones retinuerunt, quæ ad ipsorum institutum & professionem proprie referebantur, nimirum Sacras Scripturas, atque Opera Patrum, de quibus jam meminimus.

Quod si quis hæc explorata satis esse non putat, Regulas Latinas legat, ac suis ipse oculis deprehendet quæ mihi narranti credere recusat. Neque enim reor aliquem futurum, qui his verbis *Litteras discere* prout in nonnullis harum Regularum occurrunt, aliud significari velit, quam tirocinium puerorum, & prima sermonis Latini elementa. Quod si nonnulli, quod sæpe nobis obtruditur, Monachi inventi sunt, qui doctrinæ nomine inclaruerunt; ii (reperam enim quod alias dixi) regulas suæ professionis, ac fines proprii status egressi sunt. Haud porro æquum esset de officiis Monachorum aliquid statuere aut pronunciare, inspecto potius exiguo quorundam numero, qui novas secuti sunt vias, quam aliorum innumera multitudine, qui intra sui status fines sese continuerunt. Quid prodest doctos viros undequaque colligere, & coacervare, in eum scilicet finem, ut eorum quasi quoddam corpus surgat magnæ molis, quod oculis seriat, ac persuadeat? Omnem operam Auctor abutitur, quandoquidem Solitarii doctrina & eruditione celebres si cum iis conferantur qui in obscuritate & oblivione vixerunt, perinde sunt ac rivuli ad Oceanum immensæ altitudinis atque extensionis.

Argu-

Argumento esse, ait Tractatus Auctor, Monachos Adrumetinos animum ad scientias omnino adiunxisse, quod S. Augustinus Opera quædam Dogmatica ad illos miserit.

Id mihi quidem, Fratres, haud recte colligi videtur. Sane verum est, S. Augustinum Libros suos de Gratia & libero Arbitrio ad Monachos Adrumetinos dirigere: sed Quæstiones de hac materia constare eatenus vulgo percubuerant; atque incendium, ut ita dicam, in Domo Dei excitatum, tam late patebat, ut a nemine ignoraretur. Irrequieta erat omnis Africæ regio; adeoque in hac circumstantia S. Augustinus id solum egit quod ab eo requirebatur, ut imperitos Monachos ab illusione defenderet, qui jam crassius erroribus manus dederant; quique falso opinati erant, transgressores mandatorum Dei non esse redarguendos; sed pro iis tantummodo orandum, ut eorum servandorum gratiam a Deo obtinerent: Itaque sanctus Hipponensis Antistes omnino suo muneri satisfacit, veritatem eos docens, cujus notitia ipsis necessaria erat.

Eodem hic pacto se gessit S. Augustinus, quo S. Cyrillus Alexandriæ Patriarcha, tunc cum Nestorius in Ægypti Solitudines impia Dogmata, quæ ipse procuderat, disseminare studeret. Postquam enim cæperat falsa hæc doctrina Solitarios vincere, Sanctum hunc virum vehementer commotum fuisse narrat Scriptor ejus Vitæ, *Vita Cy-
rilli.* propterea quod homines qui se Orationi dicaverant, quique simplicitatem profitebantur, hoc quæstionum genere jactari se paterentur, quæ nonnisi offendiculo infirmis animis esse poterant. Et se optare cum primis significavit, ut, si fieri posset, impediretur, quominus hi Solitarii his controversiis ullatenus sese immiscerent. Sed cum nimis jam res processisset, vulgataque esset, omnino necessarium esse putavit illos instructione munire: quod scripta ad eos Epistola perfecit, quæ & aliis quamplurimis usui postea fuit.

Licet hic animadvertere Sanctum Cyrillum scribentem ad Solitarios, simplices viros, Orationi dicatos, qui se hisce quæstionibus nequaquam immiscere debebant: Tales fuisse Monachos Adrumetinos omnino credendum est.

Idem Historicus auctor est, Sanctum Cyrillum, Episcopos & Monachos sapientia & virtute perfectos Nestorio opponere decrevisse, ut communem Ecclesiæ causam cum iis tutaretur. De scientia Monachorum nullum verbum faciens, de eorum sapientia & sanctitate tantummodo loquitur; in his enim omnis eorum scientia posita erat, & his solis armis uti consueverant, quoties ad patrocinandas Ecclesiæ partes vocabantur.

Quod de Juliano Pomerio allegatur ad quæstionem non facit. Nempe ille scripsit in solitudine, in quam se receperat cum Episcopatum dimisisset. *Pag. 126.
L. 1. vit.
contemp.
c. 21.*

Pag. 127. Vult Auctor, ex Monasteriis S. Martini apud Turonas & Lerinensibus, unde pii pariter ac docti viri prodierunt, evidenter demonstrare Studiorum necessitatem.

Quod ad primam harum Congregationum spectat, facile respondemus, numquam inter exercitia, quorum usus ibi obtinebat, scientiarum Studium numeratum fuisse. Et S. Sulpitius, qui ea singillatim descripsit, duo precipua tantummodo innuit, videlicet Laborem manulem, atque Orationem.

Quoad Monasterium vero Lerinense, S. Eucherius, qui de disciplina ibi servata accurate disseruit, nihil de scientia dixit; & in S. Honorati vita, quæ illustis hujus Sodalitii exercitia studiose commemorat, aperte adnotatur, Sanctum hunc virum aliud nihil habuisse in quo acquiesceret, præter Orationem & Psalmodiam. Docti quidem Monachi procul dubio in hac Sodalitate fuerunt; sed illud potissimum hic agitur ut sciamus primo, quo in loco operam Studiis dederint; deinde in quo sita esset eorum doctrina, ex qua adeo inclauerunt. Ego enim reor, multum doctrinæ in eo Monacho, atque adeo in Ecclesiastico viro, quemcumque in Ecclesia gradum teneat, futurum, qui divinas Scripturas penitus intellexerit, atque ex Sanctorum Patrum, de quibus toties locuti sumus, Operibus, alia plura & gravia didicerit. Quod si aliqui eruditionem suam longius protulere, amplioremque scientiam consecuti sunt; nullum dubium est, quin illi proprii status fines quoad hoc transilierint: Inde vero nihil colligi recte potest.

Pag. 129. Devenit Auctor ad Regulam S. Benedicti, atque ait, cum quæ ab Antiquis Patribus in Oriente ac Occidente usurpata fuerant revocasse, a Regula vero, quam ipse constituit, Studiorum necessitatem omnino subintelligi.

Luce clarius est, Fratres mei, S. Benedictum numquam sibi aut discipulis suis scientiarum Studium proposuisse; quod cuilibet ejus Regulam legenti ad oculum patet. Vitæ vero ejus historia, quomodo erga scientias & Studia litterarum affectus esset, his verbis declarat: *Despectis litterarum Studiis, relicta domo, rebusque patris, soli Deo placere desiderans, sanctæ conversationis habitum quaerit..... Recessit igitur scienter nescius, & sapienter indoctus.*

Enp.
Prol. l. 2.
Dialog.

Illud sane indubitatum est, (repetam enim quod alias dixi) ut Studiis quis vacet, tempore opus esse: cum vero ad hoc discipulis suis S. Benedictus nullum tempus assignet, omnino affirmare debemus, eum nolle finem, quippe qui media non præstat.

Pag. 40. Tractatus Auctor neutiquam inficiatur, S. Benedictum binas tantummodo horas lectioni dicatas statuisse: quam quidem lectionem non respexisse Studia scientiarum fatendum insuper est; ne lectionem

nem spiritualem, quam Regulæ omnes præcipiunt, & sine qua christianæ mentis vita sustineri ac foveri non potest, tunc deluisse dicamus. Duas hæc horas inter scientiam & pietatem partiri, perinde est ac neutram consequi velle; neque id in mentem venire unquam potuit illius hominis quem sapientia & Dei lumine plenum fuisse constat.

Cujus rei certissimam probationem in ejus Regula habetis, Fratres, quemadmodum de Monachorum lectione loquentes Capite decimo observavimus, atque ostendimus, omnes lectiones trifariam dispersitas, & earum nullam non spiritualem fuisse: quibus tamen Hæphtenus quartam addidit, nempe lectionem ipsius Regulæ; quæ fit in Capitulo post Primam. Itaque mera est animi aberrantis fictio, quod quis ex vera Sancti Benedicti sententia argumenta petat ad conciliandam Studiis auctoritatem.

*Disquis.
Monast.
p. 248.*

Superioribus Capitulis affirmatum est, Sancti Benedicti ævo gymnasia in Monasteriis fuisse. *Pag. 129.*

Ad quod respondemus primo, Sanctum Benedictum tunc cum Studiis scientiarum & sæculo nuntium remisit, juvenilis adhuc ætatis fuisse: In solitudinem mox secessit; procedente tempore cuiusdam Monasterio præfuit, quo haud multo post relicto, duodecim Monasteria insuper ædificavit: Sed in iis Studia cum constituisse, nusquam traditur.

Secundo in gymnasiis, de quibus Auctor mentionem habet, pueros legendi atque scribendi rudimenta tantummodo posuisse. Aliqua etiam Linguae latinæ cognitione imbui illos consuevisse nil vetat, nempe ut Divinum Officium recitare atque intelligere possent; quin & Religionis Christianæ principia iis tradi debuerunt, quæ plerique eorum, qui in Monasteria recipiebantur, ignorabant.

Tertio, sicubi hæc docendi facultas ad studia scientiarum nonnumquam producta est, id argumento esse, Sancti Benedicti Regulam non diu fuisse quoad omnia ubique servatam. Et revera S. Maurus, unus ex primis ac præcipuis ejus discipulis, statim ac in Gallias pervenit, hujus Regulæ disciplinam quoad multa eaque graviora capita immutavit, æquis procul dubio permotus rationibus, quemadmodum refert Petrus Venerabilis Cluniacensis. Alii eum imitari voluerunt. Porro ex his mutationibus & variationibus disciplinæ illud sequutum est; quod nempe relicta Regulæ littera, quæ quasi agger, & munimentum quoddam abusus & relaxationes arcere debebat, hac ope destituta pietas diutius stare non potuit; ac cito Religio in Claustris concidit.

*Ep. 229.
quæ est
inter Ep.
S. Bern.*

Ceterum quod ansam dedit erectioni harum Scholarum in Monasteriis ad populorum instructionem, fuit Collegiorum & Academicarum magnus illa ætate defectus; ita ut erudiendæ juventutis cura

cura Monachis S. Benedicti demandari cæperit, quamquam ea nihil haberet cum eorum professione commune. Sola necessitas in causa fuit ut hæc illis provincia committeretur. At Monasticis Sodalitibus tantum abfuit ut ex hoc incæpto beneverteret, ut propterea in dissolutionem, disciplinæ remissionem, in magnam etiam inficitiam prolapsa sint, prout fidem facit omnimoda & generalis Monastici Ordinis defectio.

Sæculis quidem octavo, nono, & decimo, viri nonnulli in Monasteriis merito litterarum præ ceteris enituerunt, ut alias diximus; Vultus autem Monachorum qui hanc exercitationem amplecti facile nequiverunt, & quibus manualis labor, (Studiorum enim obtentu abrogatus fuerat) quo se occuparent, jam deerat, immanes temporis lacunas offendit. Quapropter in otium atque omnes desidiosæ vitæ confectaneas labeis projecti, sæcularium virorum, cum quibus communicare cæperunt, mores & habitus induere.

Denique Monachi in universum Sæculo octavo Latine scripta vix legere norant: ac proxime in sequenti Sæculo profligata pæssim hujus sanctæ professionis conditio visa est, uti alias animadvertimus. Studia itaque exiguum virorum numerum commendaverunt, & nomen illis atque existimationem conciliarunt; non obstituerunt tamen huic tam profundæ & omnimodæ ruinæ, quæ totam Ecclesiam confusione & scandalo replevit.

Desiderius Montis-Cassini Abbas, postea sub Victoris III. nomine Romanus Pontifex, omnino perpexerat, quatenus Scholæ Claustrorum pietati ac disciplinæ detrimento essent, cum Monasterium Montis-Cassini in rectum ordinem adducere volens, eas abrogavit ac penitus sustulit. Cujus consilium approbavit & laudibus extulit S. Petrus Damiani, quemadmodum ex iis quæ ad Desiderium super hanc rem scripsit, apparet: *Inter ceteros (ait) virtutum flores, quos in illo agro pleno, cui benedixit Dominus in Cassino-Monte, reperi, fateor hoc mihi non mediocriter placuit, quod ibi Scholæ puerorum, qui sæpe rigorem sanctitatis enervant, non inveni.*

Petr.
Dam. in
lib. ad
Desid.

Cluniacensis Ordo, in quo educationis puerorum tam sedula cura habebatur, ut illorum minimus liberalius ac diligentius institui vulgo diceretur, quam Regum filii in eorum Palatiis, educationem puerorum abdicavit sub Petro Venerabili Abbate, edito de industria in hanc rem Statuto trigesimo sexto, quod Hugo postea confirmavit, idque dubio procul easdem ob rationes, quas animadverterat S. Petrus Damiani.

Nihilo validiori argumento, quam præcedens fuerit, utitur Auctor, *Page 19.*
hæc inquit: Procul dubio Romanæ urbis Patris & Senatores pro-
prios natos ne cogitassent quidem Deo Benedicto offerre, nisi scientiis
eos imbutum iri certo autumassent.

Econtra Fratres, Sancti Benedicti in Eremum secessus adeo omnium sermonibus percrobuerat, nota adeo universæ terræ erat illius strenua & Christiano viro digna rerum omnium abdicatio, omnium fortunarum atque humanarum scientiarum contemptus, scientiæ Sanctorum vacandi unice causa; ut in dubium vocari nequeat, quin felices se existimaverint vel nobilissimi Patres, cum proprios natos ad eum mitterent, ut eodem spiritu, iisdemque institutis imbuerentur, virtute potius quam scientia informarentur, denique ut Sancti verius quam Doctores evadereint. Et sane quomodo pueri doctrina & scientiis instituendi tradi potuerunt illi viro, qui religionis ac pietatis causa scientiam pedibus, ut ita dicam, protriverat, quive publice ignorantiam quasi profitebatur.

Nec ulli pariter dubium suboriri debet (inquit Tractatus Auctor) num *Page 128.*
florere Litteræ in Cœnobio Insulæ Barbaræ, cum Archiepiscopi Lug-
dunenses, ejus loci Abbates in Pœnitentiarios, & totius Diœceseos ge-
nerales Vicarios sibi deligerent.

Quemadmodum doctos Monachos, quive muneribus hisce Ecclesiasticis præficerentur, alicubi olim fuisse non dubitamus; ita in hac re illos proprium statum & Regulam prætergressos esse, propemodum certi sumus. Et si ad causas & initia, quibus harum dignitatum collatio accepta referri debet, propius attenderemus, facite innotesceret, iis, quibus collatæ sunt, magis ignorantiæ & pudori, quam utilitati & laudi fuisse. De hisce Juribus, Privilegiis, Præcedentiis idem judicium ferendum est, ac de Mitris, Annulis, aliisque Pontificalis cultus indumentis, quibus Abbates indui atque ornari consueverunt, quæ ab ambitione & libidine ceteris antecellendi, & altiore sua professione gradum per alienæ signa dignitatis sibi vindicandi, ortum habuere. Quam agendi rationem S. Bernardus vituperatione dignam existimavit, improbavitque, cum ait, de suorum temporum Monachis loquens: *Utentes & ipsi more Pontificum Mitra, Annulo* *Bern. de*
atque Sædalis. Quibus & illa subjungit: *Sane si attenditur rerum di-* *Offic. E-*
gnitas, hanc Monachi abhorret professio; si ministerium, solis liquet *pisc. c. 19.*
congrue Pontificibus.

Præterire silentio non possum ea quæ scripsit Petrus Cantor Ecclesiæ Parisiensis, virtute & eruditione illustris, testimonium perhibens, quam fuerit S. Bernardus hujusmodi Privilegiis adversus. *Re-*
fertur & legitur, ait ille, Sanctus Bernardus, in zelum hujus enormi-
tatis Privilegiorum & Exemptionis ab Ecclesia eradicandæ, multum affe-
Volumen tertium. H *classe*

stasse sedere in Sede Papatus per Triennium, propter tria maxime, scilicet propter revocandos Episcopos ad Metropolitanum suum, ut sub ejus jurisdictione militarent. Secundum erat, ne aliquis haberet in Ecclesia duas dignitates. Tertium, ne Monachus in Cella, vel alibi extra Conventum degeret. Hæc inordinationes S. Bernardo enormes & magnas visas fuisse sane oportuit, quandoquidem Pontificatum per Triennium tenere adeo vehementer cupiebat, ut tria hæc, quæ Petrus memorat, ab agro Ecclesiæ evelleret.

Nihil quod summopere verum non sit, ad vos, Fratres, affero, dum pro re comperta affirmo, a suis primordiis Monachos ad Ecclesiastica munera vocatos haudquaquam fuisse, quod ex quadam Traditione innotescit, ab illo usque tempore, postquam Patres de Solitiorum professione loqui cæperunt.

Epist. 8. Eorum statum inter Clerum & Populum medium obtinere docet Sanctus Dionysius. Et in libro de Hierarchia Ecclesiastica, Monachorum non esse, inquit, ut alios in Ecclesiam adducant; sed manendum illis esse intra semetipsos in sancto & solitario statu

Hierarch. Eccl. c. 6. τοὺς μοναχικοὺς ταῖς ἐκ αὐτῶν προσαγωγικαῖς ἐνέροις, ἀλλ' ἐν ἑαυτοῖς ἐπέστω ἐν μοναχικῇ καὶ ἱερῇ εὐνομίᾳ.

C. 24. in S. Pachomius Monachos suos Sacerdotali gradu insigniri noluit: atque in Laura Sancti Sabæ nullos fuisse Presbyteros certum est.

Sanctus Antonius quæ sua esset super hanc rem sententia, perspicue declaravit, cum Fratribus suis in Regula interdixit, ne Sæcularibus ullo modo commiscerentur, & ne peterent Ecclesiam ad quam congregantur homines, quod proprie facit Monachus cum catechizat, cum concionatur, cum populos docet.

Apparet ex Cassiani verbis, antiquos Patres tanquam de re gravissima Monachos admonuisse, ut Episcoporum æque ac mulierum consuetudinem evitarent; neuter enim, aiebant, finis Monachum, quem Instit. 1. 11. c. 19. semel suæ familiaritati devinxerit, vel quieti cellula ulterius operam dare, vel divinæ Theoriæ per sanctarum rerum institutum purissimis oculis inherere. Hæc innuunt, Monacho fugiendas esse mulieres quidem, non forte sollicitudinibus & curis implicetur, quæ viris silentio & solitudini dicatis minime conveniunt; Episcopos vero, ne forte ab his ad ministerium Ecclesiæ vocetur, & ne de suo statu extrahatur.

Tam multa de Sancti Hieronymi super hanc rem sententia dicta sunt, Fratres mei, ut jam memorata denuo inculcare inutile foret; nihilominus tamen quædam addemus loca, in quibus sanctus Doctor propriam opinionem confirmat Heliodoro, ut eum ad solitudinem quam reliquerat, regustandam provocet, ait: Interpretare vocabulum Monachi, hoc est nomen tuum. Quid facis in turba qui solus es?..... Alia Monachorum est causa, alia Clericorum. Clerici pascunt oves; Ego pascor. Illi de altari vivunt: mihi quasi infructuosæ arbori, securis ponitur ad radicem, si munus ad altare non deferro.... Mihi ante Presbyterum sedere non licet. Et in quadam ad Rusticum episto-

la in.

Epist. ad Heliod.

la inquit: Mibi oppidum carcer, & solitudo Paradisus est. Quid desiramus urbium frequentiam, qui de singularitate censetur? Epist. ad Rust. Epist. ad Paulin.

Ad Paulinum quoque scribens ait: Si officium vis exercere Presbyteri, si Episcopatus te, vel opus, vel honor forte delectat, vive in Urbibus & Castellis, & aliorum salutem fac lucram animæ tuæ. Sin autem cupis esse, quod diceris, Monachus, ideo, solus: Quid facis in Urbibus, quæ utique non sunt solorum habitacula, sed multorum? Habet unumquodque propositum principes suos Episcopi & Presbyteri habeant in exemplum Apostolos & Apostolicos viros; quorum bonorem possidentes, habere nistantur & meritum: Nos autem habeamus propositi nostri principes, Paulos & Antonios, Julianos, Hilarionem, Maccharios.

In quadam Sancti Leonis ad Maximum Archiepiscopum Antiocheni epistola, legitur hæc admonitio: Illud quoque dilectionem tuam convenit præcavere, ut præter eos qui sunt Domini Sacerdotes, nullus sibi jus docendi & prædicandi audeat vindicare, siue sit ille Monachus, siue sit Laicus, qui alicujus scientia nomina gloriatur. Et post pauca subiit: Quia etsi optandum est, ut omnes Ecclesiæ filii, quæ recta & sana sunt, sapiant; non tamen permittendum est, ut quisquam extra sacerdotalem Ordinem constitutus, gradum sibi prædicatoris assumat; cum in Ecclesiæ Dei omnia ordinata esse conveniat, ut in uno Christi Corpore & excellentiora membra suum Officium impleant, & inferiora superiori- Epist. 62. libid.

bus non resurgant. S. Stephanus Grandimontensis Monachos suos vetat Beneficia Curata; si quando ipsis oblata fuerint, accipere, aut Pastoralia munera obiri. Reg. c. 5.

Concilium Claromontanum anni 1095. Monachis Paræciarum administrationem, utpote eorum statui minime convenientem, adimit. In Ecclesiis ubi Monachi habitant, populus per Monachum non regatur.

De Sancto Bernardo vulgatum apud omnes est, Fratres mei, visum illi fuisse, debere Monachos ab eo ministerio, quod ad ipsos non pertinet, & nihil cum eorum professione commune habet, se abstinere. Hæc ad illos verba dirigit: Quæ audacia, o Monachi, præsumitis, seu cursum de vinea quam non plantastis, seu lac de grege quem non pascistis? quo pacto ibi exigitis, ubi nihil exhibetis? Certe si ita vultis; Baptizate nascentes, sepelitis morientes, visitatis jacentes, copulate nubentes, instruite rudes; corripitis delinquentes, excommunicate contemnentes, absolvis resipiscences, reconciliatis poenitentes: Et in medio denique Ecclesiæ aperiat os suum Monachus, cujus officium est sedere & tacere. Bernard. Ep. 387.

Iustus, Ordinis Cisterciensis Abbas, vir pietate, amore & cultu veritatis, sanctimonizque Monasticæ illustris, Ordinis sui declinationem deplorans, causam in illud derivat, quod Monachi ex suæ professionis finibus temere egrederentur: Dicite mihi, exclamat, cui contingat hoc in tempore Episcopari, & secularibus negotiis non implicari? Quod si impossibile vel difficillimum; quare coniungimus Pontificatum cum Monachatu, ideo cum militia Dei? Quis hoc tempore utrumque valeat simul, & ponere manum suam in ambobus? Quis ambulabit en Premier esprit de Cist. 3. p. c. 2.

vobis cum igne devorante? Qui tetigerit picem, ait Salomon, inquinabitur ab ea; & qui dissipat sepem mordebit eum coluber.

Quod si ad has omnes auctoritates accedat, quod de Canone Concilii Chalcedonensis, de Epistola Eugenij III. ad Cistercij Capitulum scripta, supra retulimus, quodque ex Gratiano citavimus, cujus omnino persuasum erit, Monachorum propriam occupationem Studia non esse, sed eorum statui prorsus oppositam; pro exercitio viris in quiete Solitudinis victuris alieno semper habitas litteras fuisse; Quive iis operam dedere, communes Regulas quoad hoc prætergressos fuisse: alios quidem id pro lubito suo & sua voluntate fecisse, alios vero ex legitime jussu auctoritatis. Atque illud nos quoque facile concedimus, fore ut Ecclesia illos communibus hisce Regulis eximat, quoties sibi oportunitate videbitur propter sibi utile ministerium, ac propter exemplum & instructionem populorum; quemadmodum ab ea pluries factitatum fuit, & præsertim in Monasterio Insulæ Barbaræ.

Hujus capitis quæ supersunt examinanda, nihil aliud continent, præter Monachorum Catalogum, qui scientias professi sunt, quive in Europa Litteras sustentant, & factas rectas servarunt:

Enimvero constat, Fratres, neque negari potest, exitisse Monachos, qui Studio operam dederunt, & summam consecuti sunt eruditionem. Sed animadvertendum simul est, illos contra præscarum Regularum præscripta egisse; Toto passim Oriente ignota in Monachatu scientiarum Studia fuisse; Sanctum Benedictum super eadem fundamenta ædificasse; atque in sua illum Regula Discipulis suis no momentum quidem temporis assignare, quo ad Litterarum Studium incumbant; Omnia fere celebriora Instituta, in Ecclesia fundata, Sancti Patris vestigiis instituisse.

S. Columbanus in sua Regula, & S. Stephanus Grandimontensis, de Studiis ne verbum quidem habent.

In Antiquis Carthusianorum Statutis, quorum Auctor est Guigo, non fit mentio nisi de Lectione sancta, sive spirituali.

Sed illud omnem dubitationem tollere videtur, quod Cisterciensis Ordo, sanctitate & amplitudine omnium celeberrimus, quot quot Sancti Benedicti profitentur Regulam, cujus hic Ordo, teste Sancto Bernardo, accuratam & rigorosam observationem continet, Studia scientiarum nec præcepit nec approbaverit. Neque enim in ea, quam proposuerunt ejus Institutores, temporum, exercitiorum atque occupationum distributione, Studia uspiam reperimus. Porro Sanctus Stephanus, Sanctus Bernardus, ac ceteri magni hujus Ordinis Fundatores, a Deo excitati sunt, quemadmodum apud omnes convenit, ut Sancti Benedicti spiritum reducerent, atque ut tam late diffusi, tam sancti olim Instituti, quod tunc omnino conciderat, ruinas sarcirent. Fatendum vero est, cum magni hi viri superno lumine collustrati, Studium litterarum inter Monachorum exercitationes haudquaquam collocaverint,

rint, id propterea factum, quod reipsa collocari non debuerat, neque in censum exercitiorum venire, quæ Sancti Benedicti animo obversata sunt, quæque ipse in Regula instituit.

Refert Gerson, Fratrem quemdam Cælestinum uni ex suis Confratribus dicere solitum, Monasticam Observantiam, in qua debebant, non esse Theologiæ aut Philosophiæ Scholam, sed beatæ & Christianæ disciplinæ Academiam. *Non venisti, aiebat ille, ad doctrinam & secularis scientiæ vanitatem; sed ad disciplinam & humilis vitæ bonitatem. Linque questiones Scholasticis viris, quæ erudiunt intellectum, tibi satis sint regularis nostræ Observantiæ, quæ inflammare sufficiunt nostrum affectum.*

*Apol. si-
ve Resp.
ad quen-
dam Mu-
nach,*

Quod si recentiorum temporum Monasticæ Reformationes, veluti Bursfeldienfis apud Germanos, Sanctæ Justiniæ apud Italos, Sancti Vitioni, & Sancti Mauri apud Gallos, Studia invexerunt; id ab illis factum dicimus, quod ad primitivam simplicitatem evehi non potuerint, neque in animum induxerint manuale opus revocare, quod omnes Regulæ ac præsertim Benedictina tam enixe præceperant. Laboris exercitium vile est per se, humile & contemptibile; pudori & fastidio plerisque esse solet, paucis voluptati & delectationi, quam ingenuus humilitatis amor, abjectio animi, & pœnitentia asferre possunt.

Longa denique Scholarum & Lycæorum series ab Auctore Tractatus digesta, vel si prolixior fuerit, Monachos litteris studuisse quidem probat, studere autem debuisse non probat. Legis ipsius substantiam exempla non lædunt: neve hic quaerimus, quid illi fecerint, sed quid facere debuerint. Exemplo fit manualis labor, qui olim in desuetudinem abiit, & a quo plures Monachos sese exemisse, idoneis Traditionis momentis ostendi potest. An ideo hoc exercitium Regulæ caput præcipuum ac necessarium esse desivisse quis dixerit? Ne multa; *legi communi, & universali singulares persone, vel causæ non præjudicant: nihil valet exemplorum inductio, ubi neque personarum, neque negotiorum similitudo consequitur*, inquit Fulbertus Episcopus Carnutenfis.

Epist. 61.

Magnam argumenti vim Auctor in eo collocat, quod *Monasteria* adiri consueverint, ut inde Monachi extraherentur ad præcipuas dignitates evehendi, & in Ecclesiæ sedibus constituendi, quorum exaltationi ipsorum scientia æque ac virtus occasionem præbuit.

Tria ad id respondere possumus, Fratres: Primum quidem, sanctitati vitæ magis quam scientiæ harum dignitatum collationem acceptam referri debere, quod a nobis jam demonstratum est.

Alterum vero, ad summos Ecclesiæ gradus obtinendos aptum olim fuisse, quisquis divinas Scripturas callebat, eas explicare sufficiens, illarum mysteria rimari, rerum eventis easdem

Volumen tertium.

H 3

accom-

accommodare, earumque documenta & veritates populis tradere.

Tertium denique, ad Episcopatum nonnunquam assumptos, qui modice eruditi erant, ut ex multis exemplis liquet. S. Martinus litterarum valde rudis, sui ævi maximus Episcopus fuit: *Litteras Martinus ignorat; sed hic factus, & imperitus perditas trium mortuorum animas ab Inferis revocat*; inquit S. Petrus Damiani.

De Richardo sancti Germani Monacho memoriz proditum est, virum licet simplicem & scientiæ ignarum, Antiodorenses Episcopum fuisse, & suam nihilo minus plebem instruxisse non doctrina aut eloquentia, sed sanctitate, zelo Religionis, bonæque vitæ exemplo.

Lupus Ferrarius Abbas ad Rotramum scribens, rogat eum, ut apud Hincmarum Remensem Archiepiscopum enixe faciat pro Hilmerado, qui ad Ambiani Episcopatum fuerat nominatus, & de quo sic loquitur: *Esse plane non potest docere instituta divina, poterit tamen facere, unde & ipse, & cum sequentes efficiantur æterna salutis capaces*.

Præful ille, quem Lanfrancus Cantuariensis Archiepiscopus ignominiose deposuit, non multæ quidem eruditionis vir erat, nec pari cum Lanfranco doctrina pollebat; simplicitate tamen & sanctimonia laudabilior fuit. Neque propter suam illum inscitiam Deo minus charum fuisse dicendum est, siquidem miraculo divinitus erectus atque defensus, oppressiorem Antistitem confusione resperpsit. En facti historia.

Sancto Eduardo Angliæ Rege vita functo, Lanfrancus, S. Benedicti Abbas & Monachus, Cantuariæ Archiepiscopus publice in Episcoporum Synodo Wlstandum Præfulem deposuit, idque eo prætextu, quod litteraturæ insufficientia & sermonis imperitia minus eum hoc gradu dignum redderet. Cumque iussisset eum baculum Pastoralem resignare, & ab officio decedere, vir Dei nec vultu mutatus, nec animo statim paruit, & sincere fallus, se quod huic muneris ineptum noverat, facile ejus sententiæ cedere, recta inde petiit ad tumulum S. Eduardi, & stans ante sepulcrum dixit, quasi vivum hominem alloqueretur: *Tu scis Domine mi, quam invidus hoc onus susceperim, quoties subterfugerim, quoties me, cum quæreretur, absenta verim..... Sed tu me coegisti..... Et ecce novus Rex, nova lex, novus Pontifex nova jura condunt, novas sententias promulgant. Te erroris arguunt, qui jussisti: me præsumptionis, qui consensi.... Non igitur illis, qui exigunt quod non dederunt; qui cum sint homines, fallere possunt & falli; sed tibi, qui dedisti, & iam deductus in ipsam veritatem, ignorantia vel erroris tenebras evasisti, tibi resigno baculum, tibi curam eorum quos mihi commendasti, dimitto. Hæc cum dixisset, elevata paululum manu, in lapidem, quo sanctum corpus tegebatur, baculum infixit, dicens: *Accipe Domine mi Rex, & cui libuerit trade illum*.*

illum. Et exutus Pontificalibus, inter Monachos ipse jam Monachus simplex refedit.

Admirabantur omnes, cernentes virgam lapidi immerfam, & quasi radicibus uteretur, non moveri; tunc vero magis, cum unus Episcoporum illius Synodi tentans nullatenus baculum a tumulo avellere potuit, & Lanfrancus ipse manum frustra ad illum eruentum apposuit. Itaque Wlstandus victus precum instantia ab iis, qui se adeo contemperant, virgam manu tetigit, quæ mox ejus manum secuta est, quod omnibus illius sanctitatem persuasit. Posteris vero hinc discendum est, de hominum meritis aliter Deum judicare, aliter homines; & non scientiæ altitudinem, neque litteraturam Episcopos commendatione dignos reddere, sed eorum potius vitæ simplicitatem & Sanctitatem.

Ex hisce argumentis colligere nolim, Fratres, doctrinam Episcopis non convenire (vult enim S. Paulus eos esse Doctores) aut non esse iis laborandum, ut ea cognoscant, quæ ipsorum dignitas & gradus, cujus functiones tam amplæ, tamque sublimes sunt, omnino postulat. Sed ne inferri quidem velim, oportere doctos esse Monachos, eo quod aliqui eorum quandoque extra ordinem ad Episcopatum evehi fuerint.

*Ep. 1. ad
Tim. c.
3. v. 2.*

Denique parum refert, verumne sit, annon, Monachorum ad dignitates elationem deberi eorum scientiæ æque ac eorum virtuti: Nostri quippe temporibus omnes rationes, quibus Monachi ad acquirendas scientias olim duci potuerunt, desivisse; neque amplius locum habere, facile affirmabimus. Nihil hodie jam obstat, quominus Regularum veritatem atque integritatem revocent, exercitationemque deponant, quæ professionis Monasticæ simplicitati nullatenus responder, quæve una potest spiritum & sanctitatem Patrum in ipsis extinguere. Ajo desivisse rationes; quandoquidem prostant ubique Universitates & Academia omnis generis scientiarum: Populi, sive quoad humanas, sive quoad divinas Litteras instructione non carent: Scholæ Theologicæ nunquam celebriores aut floridiores fuerunt. Occurrunt passim docti Ecclesiastici; auctus est Seminariorum numerus; Ecclesiastica scientia imbuendi viros sedula viget cura; Annuntiatur Verbum Dei ab illis, quorum proprium est hoc ministerium, sive summi Pastores per se id faciant, sive alios delegent ad id muneris ex instituto designatos; seu denique Regulares illos vocent, qui cum solitariæ vitæ haudquaquam sint manipati ritu Monachorum, ad hæc munia obeunda aptiores videntur.

Quod ad Ecclesiasticas dignitates attinet, nulla de hoc jam habenda est ratio. Monachi in suis Monasteriis hodie relinquuntur, nec vim illis fieri cernimus, ut inde exeant; vix tres vel quatuor ipsorum unius sæculi decursu ad primas sedes evehi reperiuntur.

Itaque dum Monachi suæ professionis amore, quatenus illis fas est, ducentur; dum simplicitatem cum ea prorsus conjunctam ma-

gni æstimabunt; dum Institutorum spiritum revocare ex animo
volent; dum vanitatem & superbiam, fidas sere doctrinæ & scien-
tiæ comites, horrebunt; dum sacram denique solitudinis quietem,
perturbationi & distractioni, quas litterarum amor parit, antepo-
nent; nihil jam eorum consilio ingrediendi vias Patrum obfister;
integrum ipsis erit Regulis, quas illi tradidere, congruenter age-
re, pias exercitationes post tot sæcula intermissas rursus amplecti.
Tuncque per vivendi modum, qui novus in oculis hominum vi-
debitur, amissam veterem exislimationem recuperabunt; bono, ut
olim, exemplo Ecclesiæ erunt, tam felix denique rerum mutatio
in gloriam & sanctificationem Christiani nominis ceder.



RESPONSIO

AD TRACTATUM DE STUDIIS MONASTICIS.

PARS SECUNDA CAPUT PRIMUM.

Quod eadem quæ Ecclesiasticos Studia Monachos decet.

Fig. 139.



SOLITARIORUM scientiam aliam debere esse a scientia Clericorum, cum utrorumque sit diversa conditio, dubitari non potest. Et quamvis utrique ad eundem finem respiciant, eandemque felicitatem sibi proponant, ad Deum scilicet ire, & illi sese, Mediatore JESU CHRISTO, conjungete; non eadem tamen esse media, quibus ad consequendum hunc finem uti debent, omnibus compertum est.

Verum ut sciamus, quid harum conditionum cuilibet sit proprium & peculiare, eas invicem conferentem audire juvabit Sanctum Ambrosium. *Ista* (nempe Clericorum) ait Sanctus Doctor, *Ep. 82.* *ad comitatem & mortalitatem disciplina, illa* (nempe Monachorum) *ad abstinendam assuescenda atque patientiam.* Hæc velut in quodam theatro, illa in secreto. Spectatur ista, illa absconditur, ... Hæc ergo visa in stadio, illa in spelunca. Hæc adversum confusionem sæculi, illa adversus carnis appetentiam. Hæc subjiciens, illa refugiens corporis voluptates. Hæc gratior, illa tutior. Hæc se ipsam regens, illa semetipsam coercens. Utraque tamen se abnegans, ut fiat Christi, quia perfectis dictum est: Qui vult venire post me, abneget semetipsum sibi, & tollat crucem suam, & sequatur me Hæc ergo dimicat, illa vero se removel. Hæc illecebras vincit, illa refugit. Huic mundus triumphatur, illi exultat. Huic mundus crucifigitur, vel ipsa mando, illi ignoratur. Huic plura tentamenta, & ideo major victoria, illi infrequenter lapsus, facilius custodia.

Nemo est, qui duo hæc vitæ instituta notis adeo peculiaribus, atque.

atque, ut ita dicam, oppositis inter se distincta, propriis & certis notitiis indigere non putet; ita ut quæ uni conveniunt, alteri sint prorsus alienæ. Clericorum officium est loqui, Monachorum tacere. Illis in populorum societate, istis seorsim & secreto vivere obigit. Illi ad Proximi reformationem per instituta ac monita doctrinæ, isti per gemitus & orationes incumbunt. Clerici Verbum Dei in publicis Ecclesiis annunciant, Monachi in Solitudinis abdito meditantur. Illi nonnihil de austeritate vitæ remittunt propter eos, cum quibus ex superna dispositione sociantur; isti eundem poenitentia gradum, jugiter servant, cum nulla ratio suppetat eandem intermittendi, donec in solitudine fideliter manent.

Hoc innixi fundamento audacter pronunciamus, Solitatorum studia ejusmodi esse debere, ut per ea quidquid ab hominibus Votorum nexu sibi obstrictis Deus exigit, discere, in omnibus quæ indicavimus, regularibus exercitiis roborari, & lumen sensumque, quo indigent, accipere, ut monstratas sibi vias firmo ac stabili gressu calcare possint.

Cui vero non liquet, eas tantummodo lectiones, ipsis prodesse posse, quæ de eorum officiis, quatenus ad Christianos seu quatenus ad Monachos pertinet, meminere? Ea porro sunt, in humilitate, in paupertate, in jejunio, in silentio, in recessu, in simplicitate, in obedientia & mortificatione spiritus & carnis vivere. Omnem denique vitæ rationem JESU CHRISTI exemplo componere, ejusdem nexu sibi obstrictis, quæ iis quos vocat & ad omnimodam perfectionem e Claustrorum gremio evehit, ab ipso sunt tradita. Hæc est videlicet propria Solitatorum scientia; Libri vero, quibus ea continetur, in ipsorum manibus jugiter esse debent.

Porro frustra quis dixerit, Studia juxta variam Monasteriorum conditionem, juxtaque singulorum Monachorum capacitatem, ordinanda esse; statui enim Monastico in universum, si ad ejus originem spectes, eadem officia proposita sunt, nempe illa, quæ mox recensuimus, omnibus qui hunc statum amplexi sunt pariter communia.

Hæc officia, quæ generatim ad omnes pertinent, eludere atque infirmare videtur, quisquis autumat, aliquas esse Communitates, quæ propter munera & prærogativas, quibus in Ecclesia gaudent, secernendæ a reliquis sunt. Ac sane præcipua & necessaria disciplinae capita Privilegorum obtentu a quibusdam Monasteriis ablegare, incongruum est: Quid enim vetat munia his Privilegiis annexa obire iis lectionibus eruditos, quas Monasticæ professionis proprias esse judicavimus; quin ea legere aut discere necesse sit, quæ Monachis haudquaquam conveniunt, quæve, si ab iis legantur, omnem simplicitatis, solitudinis, paupertatis, humilitatis & mortificationis sensum gustumque omnino ipsis necessarium abolere valent?

Si vero contingat, quod nobis persuadere nititur Auctor, latiorē scientiam requiri; præstat res in pristinum statum reducere, hæc Prærogativas & Prælationes deponere, & Pastoribus Ecclesiasticis quæ sua sunt, quæve a Monachis nullo jure possessa usurpari credunt, reddere; quam fungi muneribus, ex quibus perennis distractionum origo surgit, tum propter societatem cum secularibus hominibus, tum quod jurgiis, litibus, & negotiis materiam præbeant; unde Monachi ex Solitudine abire, eaque non sine publica offensione discere coguntur, quæ ignorare toto vitæ suæ tempore debebant.

Cognitiones, quas ex libris, quorum lectio Monachis permittitur, haurire licet, illis sufficere posse ajo, qui specie munerum Ecclesiasticorum, de quibus modo meminimus, majorem scientiam postulant. Munera hæc enim cum alia esse non possint, quam prædicare, & confessiones audire; ut horum utrumque rite Monachus exequatur, assatim subsidiorum ex Sacris Scripturis, atque ex Libris Patrum eum sibi comparaturum putamus. Ne multa; quis ambigit, eas lectiones, quas Monachis concedimus, omnem, qua egere poterunt, doctrinam ipsis conferre, nisi de munere agatur Judicis Ecclesiastici; quod adeo singulare atque infrequens est, ut nihil probeat, & nostram sententiam non lædat.

Atque ut vobis omnino compertum sit, quid & quatenus Monachi legere debeant, aut possint, libros nominatim subiciam; nempe Sacram Scripturam, Libellum de Imitatione Jesu-Christi, Opera S. Basilii, Vitas antiquorum Monachorum, Acta Martyrum, Collationes & Institutiones Cassiani, Scripta Sanctorum, Ephræmi, Nili, Isidori Pelusiota, Joannis Climaci, Dorothei, Homilias Sancti Jo: Chrysostomi, Sancti Augustini Enarrationes in Psalmos, Scripta S. Hieronymi, Homilias Sancti Gregorii, Lucubrationes Sanctæ Theresiæ, Sancti Francisci Salesii, eas præsertim quæ de professione religiosa tractant: Omnes Christianæ pietatis & doctrinæ tractatus, qui nostris temporibus conscripti sunt, Rodriguezii, & P. S. Jure, Specimina moralis disciplinæ in Epistolas atque Evangelia totius anni; His accedant in iis quæ ad regimen & ad Casus Conscientiæ spectant, Collationes Ecclesiasticæ, quæ factæ sunt in Diocesisbus Gratianopolitana, Lucicensi, Petrocoricensi &c.

Nunquid cum aliqua veri specie quispiam dixerit, satis id librorum non esse, non modo ut quæ scire debent Monachi percipiant, verum etiam ut ad majorem quam ipsorum status postulet, eruditionem assurgant? Denique ne ipsi quidem Sancti Patres Jo: Chrysostomus, Augustinus tantum subsidiorum habuerunt; qui tamen summo cum fructu, atque omnium laude suo ministerio defuncti sunt.

Agendi autem ratio, qua singulorum ingenia spectantur, & uniuscujusque capacitas expenditur, multa eget circumspectione & cu-

& cura. Quamvis enim, ut diximus, verum sit, nonnunquam naturales dotes excoli posse; cavendum est, ne in hac re proprii fines instituti transeantur; nisi evidenter pateat, Deum propter gloriam suam, & propter Ecclesiæ utilitatem hoc a nobis petere. Ubi hæc Dei voluntas haud clare manifestatur, neque congrua certitudine deprehenditur, licet quandoque aliquem Monachum ita dirigere, ut accuratius cæteris ea, quæ suo instituto conveniunt, edoceatur, modo intra fines suæ professionis subsistat; licet ei librorum majorem copiam, & plura Studiorum subsidia suppeditare, ut deinceps alios, si id necesse esse videatur, aut verbo aut scriptis erudire valeat.

Sed fere usuvenit, has dotes ingenii, & peculiare aptitudines, quibus homines alii aliis præstant, a Deo quibusdam conferri in eum fortasse finem, ut eas abdicent, pedibus proterant, & quasi tentamenta putent, atque obices perfectionis, ad quam contendere debent, ut de iis denique ceu quoddam sacrificium offerant Deo, quemadmodum de fortunæ bonis, quæ cum ipsius Dei servitio per sacram Votorum nuncupationem sese manciparent, perpetuo ablegaverunt. Idipsum Sancti Arsenius, Basilus, Gregorius Nazianzenus, summo cæteroquin ingenio viri, tunc sacrificarunt, cum se in Solitudinem reciperent; idipsum & S. Benedictum, cujus vos Imitatores esse debetis, quemadmodum filii estis, fecisse, omnes norunt.

Haud igitur prorsus tuto quis dixerit, Monachos juxta diversas singulorum capacitates Studiis admovendos esse? & nisi admodum prudenter & caute hæc ratio inearatur, maximis incommodis obnoxii reddentur: Cujus rei sexcenta occurrunt exempla, & nos quoque magnum eorum numerum in medium adducere possemus, eaque non præteriti temporis, sed recentissima.

Page 141. *Omni ævo, inquit Auctor, eadem prorsus Studia Regularibus permissa fuerunt, quæ cuique pio & Ecclesiastico viro possunt congruere.*

Id quidem in Regula Sancti Benedicti nemo deprehendet; nisi forte Sacrarum Scripturarum, & Patrum, quatenus ad earum intelligentiam conducit, lectio, pro Ecclesiasticorum Studio significetur. Nullam præter hanc Sanctus Benedictus lectionem concessit omnibus indistincte Fratribus, sive sint Presbyteri, sive non. Cum vero Auctor Tractatus de Studiis, scientiam Ecclesiasticorum tam arctis finibus nequaquam concludat, sed ampliorem longe velit, Ecclesiasticorum Studia, qualia ipse censet, Solitariis non convenire, affirmandum est. Verbis ex oratione paranetica Sancto Athanasio attributa citatis, oppositum non probatur: Nihil enim aliud *Canonica monumenta* significant, quam Scripturarum Canoniarum Volumina.

Olim

*Olim unicum Ecclesiasticorum Studium ad Sacra Pagina intelligenda Pag. 141.
tiam, Sanctorum Patrum, ac Conciliorum lectionem redigebatur.*

Hoc loco Auctor aliquid addit ad scientiam, quam in Ecclesiasticis requiri initio Operis protestatus est, inquiens: „Effet pro-
fecto quod miraremur, si Scripturarum Sanctorum Studium, in
quo tunc temporis tota consistebat Ecclesiasticorum scientia,
Monachi abdicassent. Si in eadem ille sententia stetisset, ei facile adstipularer, & scientiam Clericorum non aliam, quam Monachorum debere esse cum ipso affirmarem. Sed cum hic ad Conciliorum, immo & Canonum, ut alibi oblitus quæ antea dixerat, atque Historiæ Ecclesiasticæ lectionem transeat; animadvertendum prorsus est, nimium illis, & supra quam eorum ferat conditio, permitti, extra præscriptos a Patribus fines ipsos educi, atque itinera periculose deferri, quæ ignota sibi esse deberent. Ut breviter dicam, vel hic loci Auctor Ecclesiasticis amplius tribuit, quam ad ipsos spectet, vel Operis initio ejus quod debebatur partem aliquam ipsis sustulit. Pag. 70

Quid ego de hac re sentiam, si quis petat; dicam, Fratres, mihi videri, profundam atque exquisitam Conciliorum & Patrum lectionem Ecclesiasticis viris convenire quidem, sed absolute illis necessariam non esse; quovis tempore nonnullos eorum extitisse, qui sine hoc adminiculo, atque hujus Studii expertes, ad magnæ virtutis fastigium eVecti, in sanctitatis viam, quam ipsi inierant, alios perduxerunt; hujusmodi viros nostris quoque temporibus non deesse, nec umquam defuturos.

Ita visum & pio Sacerdoti Avila, qui cum ad quendam Ecclesiasticum de Clericalis vitæ ratione scriberet, lectionem quæ illi magis conveniret, esse inquit divinarum Scripturarum, novi Testamenti, ejus Libri cui titulus *Consempitor mundi*, Cassiani, Sancti Joannis Climaci, meditationum Sancti Augustini & S. Bernardi, Moraliū Sancti Gregorii. Sapiens ille vir officia Clericalis status, cui ipse se addixerat, probe dignoscens, in variarum hujusmodi lectionum numero lectionem Conciliorum, Canonum, & Historiæ Ecclesiasticæ recensere haudquaquam prætermisisset, si necessariam hanc putasset. Et quamvis adsint, qui earum rerum Studium ut necessarium existiment, omnibus tamen in universum id præcipere error esset. Tom. p.
Ep. 62.

Quod ad Solitarios attinet, Conciliorum, Canonum, atque Historiæ Ecclesiasticæ Studium illos non modo non decet; sed nisi Deus, uti diximus, eos ad hoc Studium peculiariter dirigat, operam illi dare omnino non possunt. Si enim eo vel parum delectentur, sciendi cupiditatem, quæ quasi ignis augetur in dies nec amplius extinguitur, facile incendunt, & lectionibus inhiabunt, quibus scientiam accumulent: hac vero cupiditate nunquam expleta, eorum.

eorum pietas languescet, Religio minuetur, & cor ipsorum, cœtellus Solis ardore torrefacta, cito arefcet.

pag. 141. Solitarii, inquit Auctor, scientiis bonisque artibus non ideo operantur dabant, ut doctiores, sed ut magis perfecti evaderent.

Ita est profecto, quemadmodum Auctor ipse fatetur, Monachus non acquisitionem scientiæ, sed virtutis sibi olim studendo proposuisse: Nimirum voluntas Dei, qui eos in Ecclesia constituit, hæc fuit, ut tales fierent, qui humilitatis exemplo potius quam doctrina alios juvare possent. Quid ergo illos a Dei ordinatione divelli patimur, & contra ejus æterna consilia ad quærendas vanas scientias deducimus, quæ simplicitatem, Monastici status summam, vel obtinendam impediunt, vel obtentam destruunt? Qui ita se gerunt, ab Institutorum suorum consilio & exemplo discedunt; & si quæ forte olim fuerunt Monasticæ Observantiæ, apud quas Studia quasi regularia exercitia haberentur, & mandarentur; contra Sancti Benedicti mentem, & Regulæ ejusdem præcepta egisse illas dicimus. Uno verbo (repetam enim) binæ lectionis horæ, quas assignat Regula, & amplissima illa scientia, de qua hic agitur, res sunt plane dissociabiles.

pag. 142. Superiores (inquit Auctor) prout magis in Opus manuale, vel ad scientias, sive ad Orationem propensi suapte natura erant, ita Fratrum suorum exercitia diversimode temperabant.

Hinc sequitur, Fratres, in Superiorum manu Regulas fuisse, & pro libito earum exercitia ab ipsis subinde mutata, prout congruebat ipsorum moribus & propensionibus, vel per animi levitatem atque inconstantiam, cum debuissent consuetudines ab Institutibus præfixas firmiter retinere. At Sanctus Benedictus expresse jubet, ut Superiores, æque ac reliqui Fratrum, magistrum omnes sequantur Regulam, neque ab ea temere devierint a quoquam; nisi forte alicui adsint legitimæ exemptionis causæ: quæ ceteroquin non ex mero Superioris arbitrio, sed ex Fratrum iusta exigentia ducuntur.

Brev.
Reg. c. 3.

Quocirca si quis a lectione Frater eximatur, & ad manualementem laborem mancipetur, in causa non est Superior labori deditus, sed ipsum Fratris ingenium lectionis minime capax, quod evenire quandoque solet. Non ideo quod Superior aliquis orandi aut legendi studiosior sit, quam manibus operandi, Fratres suos ad orationem aut lectionem admoveret potius quam ad manuale exercitium; sed quod propter veram impotentiam aut ineptitudinem laboribus exerceri, æque ac ceteri, non valent. Fac enim quæso, Superiorem Arithmeticæ & Geometriæ studiosum, veluti Strabus, Ful-

Fuldensis Coenobii Monachus, sive notitiæ artium Liberalium, veluti Salomon in eodem Coenobio, Michon Sancti Richerii, qui Enigmatum & Florum Poeticorum libros composuit, Floribertus Sancti Matthiæ prope Treviros, qui de constructione Monocordi, ac nonnulla ligata oratione scripsit; velut alii denique plures, quos supra recensuimus; fac, inquam, hujuscemodi Superiorem Fratribus suis necessitatem injicere velle eandem artes aut scientias excolendi: quis neget eum turpiter falli, atque in eo reprehensionem mereri, quod Fratres juxta animi sui propensionem, & ex arbitrio potius moderetur, quam ad Regulæ amissim, & ex notitia capacitatis & affectionis singulorum. Si quis secus opinetur, omnem regularem disciplinam subvertit.

Exemplum Bedæ, quod allegant, singulare est, & nihil ab eo consequitur. Vir ille erat a Deo ad majora destinatus, quam illius ferret conditio, quique ad sua exequenda consilia inusitatas inivit vias, & media adhibuit, quæ aliis, non itidem missis, haudquam conveniunt. Eorum infinitus est numerus, qui dum Sanctorum quorundam ad instar agere voluerunt, a recto itinere aberrarunt. Non est errori locus, si quis eorum charitatem, simplicitatem, & humilitatem sibi ad imitandum proponat: at si eadem via, quam illis destinatione præcipua Deus monstravit, ire contendat, nulli non obnoxius erit errori, & in omnes laqueos decidet.

CAPUT II.

Expenditur, utrum Monachis permitti indiscriminatim debeat lectio *Ps. 141.*
quorumvis librorum Sacre Pagina.

OMnibus compertum est, Fratres mei, Monachos olim in divinarum Scripturarum lectione & meditatione maximum ac præcipuum invenisse solatium. Hanc viri Sancti sæpius inculcarunt, rati nulla exercitatione facilius ad omnimodam perfectionem quempiam assurgere posse, dummodo omnem animi vim in eam conferat, & veritates scrutetur non in doctrinæ aut eruditionis cumulum, sed ad regendæ moderandæque spiritualis vitæ normam, & viarum suarum lumen, juxta hæc Prophetæ verba: *Præceptum Domini lucidum* *Ps. 118.*
illuminans oculos.

Fatendum tamen est, plerosque Monachorum sola Novi Foederis lectione ad vitæ sanctitatem contendisse: tum quod priscis illis temporibus, in parvo amanuensium numero, libri Veteris Testamenti perrari essent, tum quod innocentie & simplicitati, quas Monachi profitebantur, minus convenirent. In JESU CHRISTI Verbo instituta, quibus sese regerent, inveniebant, omnes veritates, quas

quas advertere ipsis necessarium erat, inde hauriebant; Sanctumque illius Spiritum, quo quidquid ex ore suo protulit tanta effusione replevit, sibi adesse in illo Verbo norant, eoque ceu quodam inspirationis principio omnes actiones suas informare poterant. Licet enim Veteris Testamenti lectione interdictum illis non fuerit, nihilominus Sancti viri existimant, cautius in ea procedendum, prout discimus ex Epistola S. Basilii ad Chilonem, ex ejusdem praxi in Regulis compendio explicatis, ex Sancti Nili scriptis, & ex ipsa Sancti Benedicti auctoritate, quippe in Regula sua notat, primos septem Veteris Testamenti libros cum periculo legi posse in quibusdam temporis circumstantiis, propter animorum imbecillitatem.

Cum autem hæc ineptitudo & imbecillitas in multis reperiri possit, præsertim hoc tempore, quo scientia in majorem Monasticarum Sodalitatum partem irrepsit; non debet ejusdem lætione permitti, nisi cum aliqua discretione cordium & spirituum, ne forte pro utilitate, quæ inde speratur, damnum & abusus erumpant.

Psalmodum quidem lectio inculcata, seu potius mandata nullo non tempore Solitariis fuit: eaque maximum ad perseverandum in via quam inierant adjumentum contulit, quo adversus nefarii spiritus impetus fidelitatem & constantiam illorum sæpe invadentis, firmiores essent. Quodnam fuerit Sancti Athanasii, & Sancti Augustini de hac lectione judicium, vulgo notum est; nec est cur modum, quo super hac re locuti sunt, admodum miremur. Psalmos enim si legas tantummodo, nimium de iis dici non posse, nec dari in hoc argumento excessum, ipsis oculis pervidebis. Ac si vel paulo attendas, solos Psalmos ad mundi totius sanctificationem sufficere fateberis. Quid illi aliud sunt, quam suspiria, ardores, desideria, aspirationes, gemitus, orationes, actus amoris, confidentiæ, grati animi, humilitatis, doloris, & compunctionis? Quid nisi querelæ, mœrores, teneri amoris signa, effusiones? Quod si facta quædam ibi sint obvia, quæ delicatioribus animis aliquid molestiæ facessere possunt, sanctitate verborum & locutionum ita velantur atque teguntur, ut jam nihil inde timeri possit. Passim denique Psalmi illuminant, inflammant, rapiunt, lætitia & admiratione efferunt: singuli versus, singula verba ascendunt ad cor: Deus illos nobis per inefabilem Providentiam, ceu quendam immensarum divitiarum thesaurum, ceu fontem cunctarum benedictionum inexhaustum præbuit, unde nos remedia, auxilia, consolationes, quibus in malis, in necessitatibus, in tentationibus sustineamur, affatim & continenter depromimus. Divinis hæc Canticis specialem hanc gratiam contulit Deus, hoc illa caractere, hac nota ipsorum propria discrevit; sanctique Patres ea omnium veritatum, institutorum, & documentorum, quæ a Sancto Spiritu per omnes Scripturas diffusa sunt, quasi compendium semper habuerunt.

Qui

Qui huic se lectioni dabunt, omneque in illa Studium, & præcipuam animi attentionem locabunt, qui id assequuntur ut ament, gustent, & in imo corde figant affectus, sententias, eloquia permovendis animis apta, quive hæc omnia in operibus & in omni viæ ratione reddere curabunt, in promptu habebunt quidquid utilis, illustrius, aut efficiendæ Sanctitatis magis capax in Veteri Testamento reperitur. Verum in quanto apud antiquos Patres & sanctos viros Psalmorum liber pretio fuerit, inde elucet, quod Carthusiani & Cistercienses Monachi iis, quos in sua Monasteria recipiebant, ineluctabili præcepto mandarunt, ut Psalmos memoria teneant. Qui usus cum aliis innumeris in depravatione disciplinæ apud Cistercienses obsolevit, apud Chartusianos vero usque ad id tempus servatur.

De hac porro quæstione: utrum Veteris Testamenti lectio Monachis permitti debeat, an non? Ego quidem, Fratres, nihil in universon statui posse, & quemadmodum interdicendam per omnia illis non esse, ita neque per omnia atque indiscriminatim concedendam, sentio. Cujus sententiæ ea mihi ratio est, quod si veteres Patres, qui hanc lectionem permiserunt, usque ad futura tempora animo pervasissent, & Monasticæ disciplinæ fervorem remissurum vidissent, quamque pauci futuri erant ita dispositi, ut hanc lectionem cum fructu peragere possent; profecto nonnisi parcius & cautius eam permisissent, & Monachorum dissolutio, si illis perspecta & cognita fuisset, in hoc satis causæ habuissent, ut casti eloquii veritates non exponerent illiberalibus jocos, intempestivis verborum argutiis, improbis narrationibus, liberioribus explanationibus, allusionibus impiis, malignis, & sanctitate Spiritus, qui Scripturas dictavit, prorsus indignis. Noluissent procul dubio corruptorum hominum innumera fere multitudini locum dare, ut effrænata morum licentiam tam specioso obtentu alere ac tueri possent.

De methodo a Monachis servanda in lectione Sacrae Paginae.

HAud sane huic articulo, Fratres mei, immorari vellem, nisi firmissimæ & maximi momenti rationes me cogerent. Porrus enim ab hoc alienus sum, ut censoris animum sumam, qui minutius & scrupulosius omnia scrutando, reprehendendi causas aut querit, aut fingit.

Prima quæ me movet ratio in hoc sita est: ægre fieri posse ut Solitarii animus non distrahatur, aut ejus cor non arescat, propter multiplices lectiones, ad quas eum vocat Tractatus Auctor, ut Scripturarum sanctarum intelligentiam acquirat: periculum esse, ne hoc Studio magis eruditionem & doctrinam quam pietatem augere sataget; & ne, cum humilis & demissus ex meditatione & lectione Verbi Dei fieri deberet, superbia potius efficeretur.

Secunda ratio eo spectat, vix fieri posse, ut dum utilitates & commoda, quæ ex Librorum Sacrorum lectione derivant, anxie quærit, tot Auctorum varia commentatione legentis animus non perturbetur, tempusque & operam non perdat: ita ut quod sibi proposuit, intricata & confusa methodo utens, minus assequatur.

Denique facile continget, ut ii, quibus tot variorum Auctorum Volumina non suppetunt, neque ulla subest ratio, quomodo sibi illorum copia fiat, Scripturarum scientiam consequi desperent, & lectionem negligant; rati videlicet, inutilem sibi eam fore, utpote iis destituti prædiis, quæ ad intelligentiam & profectum necessaria esse, ipsis inculcatur.

Nullum ex his incommodis vestrum iter impedit, Fratres mei, si vobis, ut par est, persuasum erit, in omnibus, quæ ad Monachi officium proprie pertinent, prudenter gerendis, methodo, quam proprio exemplo docuerunt Sancti, insistendum esse. Eos imitari deberis, & post vestigia illorum ire. At ignotæ illi fuere neoteri-corum methodi, ac studendi leges; Scripturarum Codicibus stabili fide unice adhæserunt, ejus auxilio freti, cujus est tenebras dissipare, atque oculis lumen præbere; assidua denique & repetita lectione ac meditatione ad earum intelligentiam pervenerunt.

Quosnam quæso Commentarios legerat S. Antonius, magnus ille vir, qui uberrimos fructus ex Scriptura sibi comparabat? Quosnam Interpretes habuere S. Hilarion, S. Pachomius, S. Ephræm, uterque Macharius, Sancti Patres, quorum Collationes nobis retulit Cassianus, innumera denique Sanctorum Monachorum multitudo, qui in his Libris instructionem simul & consolationem inveniebant?

Sed dixerit fortasse quispiam: ideo hos Patres Interpretationibus & Commentariis usos non esse, quod tunc vel nullæ vel paucæ

admo-

admodum extarent. Scimus, & fatemur; sed ne inficiandum quidem est, si forte hi Commentarii ad Scripturas intelligendas necessarij fuissent. Deum nequaquam permisurum fuisse, ut hisce præfidijs Ecclesia destitueretur, eo præsertim tempore, quo divini eloquii accurata notitia carere omnino non poterat, ad Catholicam Fidem adversus impios & crudeles hæreticos fortiter propugnandam.

Sed Solitarios mittamus. Quæro, an Sancti, Basilii, Gregorius Nazianzenus, Jo: Chrysostomus, Augustinus, atque alij plerique magnas illas veritates, & præclara documenta, quæ in eorum Scriptis occurrunt, aliunde quam ex ipso Scripturæ textu deprompserint? Inde profecto eas hauserunt; ex hoc fonte hæc omnia in eorum mentes & corda fluxere, & in omnes fluent quotquot ibi Dei voluntatem, Sanctæ Legis notitiam, ejusque servandæ rationes exquisierint. Haud, puto, dicetur, eos præ manibus habuisse quæ Theophilus Antiochenus in Evangelia fuerat commentatus, quæ Clementi Alexandrino tribuuntur in Epistolas Canonicas, Zenonis & Sancti Victorini Opera; hæc enim Tractatus Auctor in numero Commentariorum, quæ utiliter ad Scripturas intelligendas legi possunt, minime collocat.

Ex Origenis Operibus Sanctum Basilium sumpsisse quæ de Morali disciplina & super Psalmos scriptæ, nullatenus est credibile. Neque vero ex eodem penu S. Jo: Chrysostomus disertos illos, sanctosque in Evangelia & Epistolas D. Pauli Sermones congeffit. Idem pronuntiandum nobis esset de S. Augustini Enarrationibus in Psalmos, de ejus in Apostoli verba Sermonibus, de Tractatibus in S. Joannem, & de aliorum Patrum, qui iidem temporibus scripsere, variis lucubrationibus.

Non mei solius propria est hæc sententia; apud Cassianum quippe legimus, Abbatem Theodorum, sublimi sanctitate & doctrina virum, captum divinarum Scripturarum obtinuisse non variis exquisitisque lectionibus, neque humanarum litterarum adminiculis, sed tantummodo cordis innocentia & puritate. Magnus ille vir, Monachum, aiebat, qui sensum Scripturarum cuperet investigare, fatigari non debere legendis Commentariis, sed omnem operam adhibere, ut cor a vitiiis emundaret: *Quibus expulsis, confestim cordis oculi, sublata velamine passionum, Sacramenta Scripturarum velut naturaliter incipiant contemplari.*

Cass. In-
str. l. 5.
c. 34. &
35.

„ Siquidem nobis, pergit sapientissimus Abbas, non ut essent
„ incognita vel obscura, Sancti Spiritus gratia promulgata sunt:
„ sed nostro visio velamine peccatorum cordis oculos obnubente
„ redduntur obscura; quibus rursus naturali redditus sanitati, ipsa
„ Scripturarum Sanctarum lectio ad contemplationem veræ scien-
„ tiæ abunde etiam sola sufficiat, nec eos commentatorum insti-
„ tutione indigere: sicut oculi isti carnales ad videndum nullius

„egent doctrina, si modo fuerint a suffusione, vel caligine cœcitatibus immunes.

Idem Cassianus in quartadecima suarum Collationum refert, sanctum Abbatem, cuius sententias exponit, veram Scripturarum scientiam sibi comparare volentibus solitum dicere, in perfecta cordis humilitate prius esse firmandos, hæc enim ad scientiam ducit non instantem sed illuminantem, & per hanc a Deo charitas perfecta descendit. Impossibile namque est, immundam Animam adipisci scientiam spiritalem. Satagite ergo, aiebat, ne studiosa lectio ingerat vobis vanitatem & præsumptionem, quæ lapsus extremi vobis erunt instrumenta; sed ut lumen scientiæ vobis largiatur & gloriam, quæ spiritali puræque doctrinæ reservatur. Cunctis conatibus elaborate, ut carnalium passionum affectus de corde eradicetis, & turbas cogitationum Sæculi procul amoveatis; ita fiet, ut assidua sanctorum Librorum lectione & meditatione suscipere mereamini scientiæ plenitudinem, & mens vestra in spiritalem scientiam quodammodo transformetur.

Duo adhuc vobis animadvertenda sunt, Fratres: Unum est, divinæ Scripturæ notitiam, quam per vos ipsos consequi posse mihi videmini sola lectione atque animi attentione, ad ea documenta pertinere, easque regulas, quæ vitæ moderationem & morum institutionem continent. Dogmatum enim notitiam a Superioribus vestris, quibus non deest auctoritas & Missio, discetis: Quam si quis ex sanctorum Librorum lectione Marte suo, suæque inquisitione sibi comparare præsumpserit, sese magnis incommodis obnoxium reddet. Interea tamen dubitandum non est, quin veris confirmati principis, & assidua Verbi Dei meditatione, argumenta, vires, & lumen invenire possitis, ad Fidei veritates, si quando oppugnentur, vindicandas; quod olim Antonii, Macarii, Symeones, Teodosii, alique innumeri fecere.

Alterum est, me nolle quidem quodlibet in Sacras Paginas Commentarium Monachis interdicerem, cum multa in illis utilia & scitu digna reperiri posse non ignorem. Sed quid opus habent Monachi tot Interpretibus, tot Paraphrastis, tot Commentatoribus? Variarum hujusmodi ac multiplex lectio eos in absurda conjiciet, de quibus ad vos toties locuti sumus.

Nunquid Commentario eget, ut Dei Omnipotentiam, & supremum in omnes creaturas dominium quis animo comprehendat? An non scire sat est, illum hæc de nihilo solo suo verbo duxisse, neque ad id externa molimina, aut humanam operam adhibuisse?

Pf. 32.
u. o. &
148. u. 3.

Dixit, & facta sunt.

Quid egemus, Commentario, ut discamus, quatenus homo peccator de sua infirmitate diffidere in mundi medio debeat, postquam innocens homo in Paradisi medio lapsus est?

Nunquid Commentario opus habes, ut generalem hominum obligationem in penitentia vitam agendi ex divinis Libris eruas, cum
ibi

ibi Deus post culpam primi Parentis edixisse legatur, fore ut pane suo in sudore vultus sui vinceretur, ac terra illis nonnisi spinas & tribulos germinaret?

Quibus egemus commentariis, ut noscamus, quanta solitudine nostrum a vanis scientiis animum repellere, & a sciendi quæ non decent nec profunt cupiditate servare debemus? Cum Sacra Scriptura aperte dicat, a curiositate dirutam esse justitiam, & per eam irrepsisse iniquitatem, quæ usque ad Sæculi consumationem in hoc mundo subsistet.

Nunquid Commentario egemus ad discendum, ab excusatione culparum alienos nos esse debere; cum primam nocentis hominis cogitationem hanc fuisse videamus, cordis corruptionem abscondere?

An Commentario indigemus, ut Deo large & liberaliter donandum esse discamus, cum ruinam Cain inde ortum habuisse constet, quod perparce nimium ac restricte erga Deum in sua oblatione & sacrificio se gesserit?

Quid Commentario opus est, ut noverimus, primos invidiæ motus summa ope esse cohibendos; postquam hac passione constat, Cain ad manus in fratrem conjiciendas abreptum esse?

An Commentario opus habes, ut in Scriptura invenias, puros & innoxios animos Deo placere? Cum discrimen videas inter Abel atque ejus Fratrem a Deo constitutum, & hunc quidem reproborum caput esse, illum vero eorum, quos Deus suo Regno donavit.

An Commentario indigemus, ut peccati malitiam noscamus, utque ejus horrorem & odium nobis ingeramus? Siquidem in divinis libris horrenda clades ab eo in universum immissa legitur, & malorum innumera multitudo, quæ totius terræ faciem deformarunt & corruerunt eoque, ut Deus, cujus immensa est misericordia, universali diluvio ejus crimina puhire coactus sit; & de magno hominum numero qui illam replebant, non nisi octo gratiam in oculis Domini invenire meruerint?

Quid Commentario opus est, ut Arcam consideremus non modo ut Ecclesiæ universalis, sed etiam ut tot Sanctarum Habitationum typum, in quibus Deus quos diligit, & a sæculo quasi a naufragio submovet, dextera sua ad salutem perducit?

Quibus Commentariis indiges, ut advertas in Scripturis divinam illam Bonitatem, quæ inducit animum Noe ad ædificandam Arcam, eoque convehendos quos Deus ab omnimoda mundi desolatione incolumes servare volebat; quæ terræ animalia, & cæli volucres ibi concludendos suggerit; per quam Deus post dies quinquaginta hujus Patriarchæ memor, vias dirigit, omnia parat, ut ab illa benedictionis Arca educat omne genus Creaturarum, quas ibi, terram rursus frequentandi animo, concluderat?

Quos commentarios postulas, ut infinitam Dei misericordiam adorandi causas intuearis, cum illi acceptum referendum sit sœdus

æternum cum Noe ejusque filiis; & per eam Deus totam hominum posteritatem confirmaverit a probabili metu, ne ille eodem supplicio posthac uteretur in se, quo Patrum suorum iniquitatem punierat?

Quibus indiges Commentariis, ut inemendabile ac demens hominum ingenium deploret, qui perinde ac si obliiti omnino fuissent Dei Omnipotentiz, quæ nuper fuerat in exterminatione totius humani generis conspicua, turrim ædificant, & in cælum quasi aggerem extollunt, ut illius indignationem & vindictam eludant?

Nunquid egemus Commentariis, ut ex eodem Scripturæ loco discamus, quomodo Deus vanitati hominum illudat, eorum consilia disperdat, cunctaque molimina, ac temeraria eorum incepta difflet & in fumum redigat?

Quid opus est Commentario, ut Abrahami exemplo, qui Dei imperio obtemperans, natale solum linquit, & de paterna domo in alienam sibi ignotam terram pergit, de officio moneamur divinæ voluntati cum silentio, continuo & submisso parendi?

Nunquid Commentario indigemus, ut in hac circumstantia Dei electionem detegamus, qui magnum hunc virum de medio gentis suæ eduxit & segregavit, & de ipso Patris gremio abstraxit, ut eum principem constitueret illius populi, a quo purius quam a reliquis hominum coli volebat?

Quid Commentariis opus est, ut in separatione Loth & Abraham, atque in tota insequentium eventuum serie animadvertas, numquam a Dei ordinatione recedendum, nec societates aut fœdera ejus voluntate inita umquam esse disjicienda?

Denique si explicandis in universum Veteris Testamenti Mysteriis, & Allegoriis apte accommodandis minus quandoque idonei sumus; & si quæ forte occurrunt difficultates nobis inenodabiles; tunc demittendus est animus; & quæ, Deo sic volente, non intelligimus, adoranda. Sexcenti sunt loci, in quibus apertas veritates, nec ulla nube testas contemplamur; sunt etiam harum quædam, quas nonnisi attentione & oratione discutimus: Quicumque vero ita ut decet paratus Verbum Dei legit, nunquam ea inveniendi, quibus ad sanctificationem suam opus habet, dono frustrabitur.

Apoc. 2.
v. 7.

Ne multa, Fratres mei, illud Mysterium, illa Allegoria, illud verum, quod altius perscrutari non possumus, est *manna absconditum*, quo alimur & roboramur tamquam sensili manna. Vis occulta in eo residet, sese in animos effundens, qui si fideles sint, dictum illud Sapientiz in se ipsis ut verum probant; *Et deserviens uniuscujusque voluntati, ad quod quisque volebas convertebatur*. Hoc imperat a summo Deo auxilia, gratiam, confidentiam cordis, & necessarium his animis præsidium, vivæ scilicet Fidei beneficio, profundæque humilitatis, qua ante sacrum illud Verbum, quod capere nequeunt, humi provolvuntur.

Sup. 16.
21.

At si in Veteri Testamento multæ tenebræ, si ibi Deo per ænigmata

mata loqui placuit, veloque tegere documenta; contra fatendum est, cum convenientius infirmitati hominum in Novo Testamento locutum esse, se intellectu facilem illic præbuisse, & verbum, quod ab ore Filii ejus processit, calorem simul. & lucem attulisse.

Nunquid (ut exemplis agamus) Interpretibus egēs, ut ex obscura vita, quam Jesus. Christus triginta annorum spatio duxit, agnoscas, tutius esse commercia vitare, quæ nobis existimationem parant, & quibus apud homines famam consequimur?

Nunquid egēs Interprete, ut ex Jesu Christi responso ad Virginem, quæ illi dixerat? *Fili quid fecisti nobis sic: ecce Pater tuus* Luc. 2. v. 48.
Et ego dolentes querebamus te: discas servire Deo principem inter humana officia locum obtinere? Nesciebatis quia in his quæ Patris Ibid. v. 49.
mei sunt oportet me esse.

An est ad Interpretes confugiendum, ut ex Diaboli audacia, quam Jesus tentavit in deserto, & ex adjunctis hujus tentationis discamus; Primo nullum esse in hoc mundo locum, quo ab insultu Dæmonis tuti simus? Deinde nihil esse tam sanctum, quod ille petere non audeat? Tertio, solam perseverantiam inermem eum reddere? Quarto, nihil esse fortius Verbo Dei ad illum expugnandum?

An est opus Interprete, ut Christi Circumcisio nos doceat, cum Sanctus Sanctorum ignominiam subjerit hujus legis complemento conjunctam, nihil minus æquum minusque ferendum in peccatore esse, quam quod honorem appetat, & gloriam quærat?

An est opus Interprete, ut fateamur, quemadmodum in hoc summa humilitas enituit, quod Jesus Dei Filius accipiens a Joanne Baptismum sub manu hominis demittere se voluerit; ita in hoc maximam esse superbiam, quod homo sub manu Dei demittere sese nolit?

An Interpretes quæris ut tibi persuadéas, primum Christiani viri officium illud esse, ut in poenitentia vitam agat; quandoquidem prima Jesu Christi verba, quibus Missionis suæ exordium fecit, docent, poenitentia januas Regni ejus aperiri? *Poenitentiam agite*, Matth. 4. v. 17.
appropinquabis enim regnum cælorum.

An egemus Interprete & Commentatore, ut sciamus, nobilitatem & celsitudinem hujus mundi nullius esse pretii, cum Deus elegerit pauperes & obscuros natu & conditione viros, ut maximo illos operi præferret, covertendi Gentes, & Ecclesiam constituendi?

An Interpretibus opus est, ut pateat, simplicitatem notam esse benedictionis, & in vera paupertate veras esse divitias: cum legantur hæc verba: *Beati pauperes spiritu, quoniam ipsorum est Regnum* Matth. 5. v. 3.
cælorum. Atque ut inde colligamus, eum turpissime errare, qui gloriam sectatur, & terrena expetit bona?

Nunquid Interprete egemus, ut homines ulciscendi cupidos a Regno Dei repellendos esse sciamus; cum illud mansuetis & irasci nesciis ipse promiserit?

Nunquid Interpretibus necesse habemus, ut ex divinis Scripturis eruamus, infanas humanasque lætitiās dedecere Christianos: cum ii qui lugent beati a Jesu Christo prædicentur?

An ignorare possumus, a Jesu Christo iniqua agentibus maledici; cum dixisse eum sciamus, beatos esse qui esuriunt & sitiunt iustitiam, & fore ut pia horum aviditas aliquando satietur?

An egemus Interprete, ut ferreos & immisericordes viros a Deo rejici in Scriptura inveniamus: cum ipse dixerit, fore ut illorum misereatur, qui usi fuerint misericordia?

An opus est Interprete, ut discatur, Deum immundas animas averfari; postquam eum dixisse constat, beatos esse mundos cordes; quoniam ipsi Deum visuri sunt?

Nullus esset denique finis, si per singula Novi Fœderis documenta ire velimus. Omnia in illo veris plena sunt, nusquam non apparent divina instituta, & singulis verbis suus adest doctrinæ sensus. Jesus Christus, qui suos affatus est discipulos, ut filios Pater, res maximas atque altissimas planis & captui eorum accommodatis verbis edisseruit: Et nemo est, modo ad eum ita paratus accedat, quemadmodum innunt hæc verba: *Sinite parvulos, & nolite eos prohibere ad me venire*; Nemo, inquam, est, qui non ibi veritates, quas oportet eum credere, vias quas sequi, vitam quam vivere debet, inveniat: *Ego sum via, veritas, & vita*.

Matth.
23. 13.
Joan.
14. 26.

§. III.

Reg. 159. *Quenam prærequirantur Dispositiones ad legendam Sacram Scripturam.*

Utilia, quam quæ maxime, Fratres mei, & necessaria prorsus esse arbitror illa, quæ in hoc Paragrapho continentur. Si enim homines in corda transfunderent, & ex corde ad manus traderent, quæ ex divinis Scripturis & Sanctorum libris discere poterunt; tunc cum Jesus Christus Judex advenerit, de tot dilapidatis divinæ gratiæ donis nequaquam arguendi essent ab eo, qui in sui Verbi profanatores ita severe olim animadvertet, quemadmodum in sui Corporis & Sanguinis contemptores.

Quoties, Fratres mei, in egregia illa documenta, quæ nobis Deus in divinis hisce libris tradidit, me ipsum animo & cogitatione converto; Quoties (fatebor enim) tot Monachos intueor, qui hos libros jugiter præ manibus habent, qui eos a capite ad calcem pluries evolvunt, quin magis perfecti aut meliores inde fiant; Quoties hæc verba, mecum reputo: *Panem Angelorum manducavit*

Ps. 77.
25.

ducavit homo, eademque ipsis accommodo; vix capio, qua ratione panem Angelorum hi quidem manducent, haud tamen Angelorum similes fiant; quomodo cœlesti quidem cibo pascantur, haud tamen de illis cum Apostolo dici possit: *Nostri autem conversatio in calis est.*

Quamquam vero isthæc inordinatio usquequaque pateat, ex quibus causis oriatur cognoscere vix aliquis studet, ut perspecta mali origine remedia admoveantur. Interea negligitur malum, atque ex eo quid consequi possit parum laboratur: ita secure vivitur, ac si nihil esset metuendum; sed tandem sentiunt homines se reos esse de contempto Dei verbo, cum antea nunquam attenderint ad id quod Jesus edixerat: *Qui spernit me, & non accipit verba mea; habet qui judicet eum. Sermo quem locutus sum, ille judicabit eum in novissimo die.*

Philip.
3. v. 20.

Joan:
12. v. 48.

Minime porro dubium est, causam hujus mali esse, quod ad legendum hoc Verbum non ita ut decet parati accedant: Cupiditates, humanos sensus, terrenos affectus huic lectioni consociant; ita fit, ut sacrum iter, qua fons gratiæ in nos derivare solet, quodammodo obstruatur, effluvia & communicationes tollantur. Hi quidem legunt in eum finem, ut doctiores evadant; hi vero ut nomen sibi atque existimationem concilient; alius quidem legit, ut sibi soli voluptificetur; alius vero ex quodam impetu & velocitate naturæ; hic quidem languide & desidiose legit, ea pietate & alacritate destitutus, sine quibus animus de Deo cogitans non placet Deo; ille vero ea mente legit, ut Studii sui labore, & scientiarum suarum adminiculis consecuturum se speret, quæ Deus simplicibus tantummodo largitur; alius quidem legendo, Visa, species, cogitationes, phantasmata mente revolvit, exercitio sanctæ lectionis prorsus indignus. Alius denique necessaria cordis puritate destitutus legit, qua deficiente temere eum ad legendum accedere judicat Deus, atque exprobat illi, quæ iis exprobari solent, qui impuras manus a sacris non abstinunt: *Peccatori autem dixit Deus, quare tu enarras justitias meas, & assumis testamentum meum per os tuum?*

Psal. 49.
2. 16.

Non sine gravi igitur causa Tractatus Auctor inter potissimas dispositiones cordis puritatem postulat, ex qua videlicet magnopere spectari a Deo illos videmus, qui sibi sunt Votis obstricti: propterea enim illos de mundo abstraxit, ut taliter segregati majora haberent præsidia, quibus ad omnimodam Sanctitatem assurgerent. Summa hæc est, ut noscamus, in quo hæc puritas sita sit; & ne infra rei veritatem, aut præter æquam sententiam nobis illam animo affingamus.

Non est ergo putandum, ad hanc puritatem sufficere, eorum vitiorum immunes esse, quæ a Deo nos divellunt, quæve ut plurimum in iis reperiuntur, qui profitentur quidem servire Deo, requiri tamen a se non putant, ut ad altiora perfectionis nitantur.

Ne.

Ne multa, hæc puritas non modo vitia, passionēs, & peccata excludit, sed etiam ablegat a se quidquid ab intuitu Dei animum divertere, quidquid attentionem minuere potest, quæ in objectum summæ majestatis spectare debemus, Animos ea postulat emaculati & pellucidi speculi similes, qui omnes admittant species, quascunque Deus efformare in illis voluerit, nec ullum obicem prodant.

Const.
Monac.
28.

De Solitariorum puritate. Veteres Monachi: ita pronunciarunt, nec minus latos fines illi præfinierunt; hinc factum, ut innumeris fere locis Monasticam Angelicæ vitæ ferme equiparaverint. Nec veritus est S. Basiliius modum excedere, cum dixit, veram speciem ac typum fidelem hujus tam perfectæ & sublimis conditionis non nisi in cælis conspici posse.

Si res ita se habet, Fratres mei, ut nequaquam est dubitandum, quis credat, hanc puritatem in lectionum, scientiarum, studiorumque varietate, quibus Solitarii vitam occupari debere præsumitur, factam testam posse servari? Quomodo sit verisimile, illam animi libertatem, quæ res humanas despicit, & infra se positas arbitrat, diutius coram Deo sustineri posse? Quomodo a cursu & recursum variarum cogitationum, quas penitiora atque ampliora Studia producunt, sese expediet? Vix ille sibi Deum in animum instituit, & Bibliam aperit, cum eodem fere momento, quo ad aliquod mysterium cogitationem dirigit, aut aliqua veritate pie affici se finit; repente subit illius animum aliquis eventus, aliqua historia, quædam ratiocinatio, aut sententia, quibus vel invitæ abripitur, atque illius præsentiam amittit, a quo numquam distrahendus erat obrutus. Nescit eundem mentis situm constanter servare; rerum enim, quas antea legit, species, oranti, aut divinos Codices legenti succurrunt: ita fit, ut nunquam pura sit illius meditatio, & fere semper de iis cogitet, minus, de quibus magis erat cogitandum.

Hujusmodi sunt, quæ corde & animo versare solent plerique illorum, qui nimiam Studii operam navant; idque ex ipsorummet relatione & confessione didici. Doleo quidem Ecclesiasticorum virorum, qui iisdem perturbationibus obnoxii sunt, conditionem: At cum illi ad hæc Studia ex officio incumbant, vix dubitandum est, quin Deus, cujus destinationi parent, illos peculiari præsidio muniat. Quod ad Solitarios attinet Studii intentos, cum de sua jam conditione exeant, & præscriptos a Patribus fines transiliant, non iidem divinitus protegentur. Æquam illi excusationem nullam habent, quam prætereundum possint; ac propterea omnes distractiones, ipsorum instituto, divinæque circa ipsos voluntati adeo contrarias, imputandas sibi esse prorsus credant. Eos excipio, quos Deus a communi via segregat, & peculiari vocatione a reliquis discernit.

Jam nunc vobis compertum est, Fratres, hanc puritatem, de qua

qua agimus, majus aliquid & præclarior esse, quam vulgo putatur, eam penitioribus Studiis, quibus Monachi occupantur, imminui procul dubio atque labefactari; & si quis putet eam inter distractiones, quibus Studia occasionem præbent, consistere posse, perinde esse, ac si velit, ignis scintillulam in gelido pavimento, aut lucernam accensam in media tempestate minime extinguere. Denique illud ne obliviscamini, Fratres mei, inter libros, quos hæc Studia postulant, & illos quos a vobis legi permittimus, magnum interesse discrimen. Priores quidem de attenta rerum divinarum cogitatione deducere, & in hæc exteriora conjicere ac dissipare vos possunt; alii vero cum ad Sacram Scripturam plurimum referantur, & vestræ professioni omnino convenient, ad animum vestrum ad se revocandum, Deique ipsius præsentiam adducendam, si forte aberretis, aptissimi fuerint.

§. IV.

Quomodo proficiendum sit ex lectione Sacra Scriptura.

Pag. 167.

Sapientissimis ac saluberrimis admonitionibus plenus est hic Paragraphus; atque optandum esset, Fratres, omnes divinarum librorum lectores, ut par est, ita serventer & accurate in hac lectione se gerere, ut illis recte uti possent. Sed heu nimium! sæpe prophano plane ritu sancta peragimus, atque opera meliora cupiditate, quæ passim irrepit, corrumpimus, eoque ut per depravationem cordis noceant potius, & mala progignant, cum infinita bona & commoda inde nobis provenire deberent.

Multum conducere non inficiamur lectorum diligentiam in excerptendo ex Sacris Voluminibus, & colligendo præsertim ea, quæ ad mores spectant, & ad vitæ institutum moderandum inserviunt; tum quia res quas transcribimus altius insiguntur, quam si mera lectione contenti simus; tum quia illæ ad manum postea sunt, ut repetamus, cum lubet, lectionem; ut reficemus animum earum memoria, denique ut pro re nata illis utamur.

Considerationes spirituales in Sacram Scripturam simplicibus animis multo magis obviæ sunt quam ceteris; illis quippe Deum sese communicare docet Fides. Neque alia de causa Veteris Legis Patriarchæ in magna apud Deum gratia fuerunt, ac tam intimis commerciis & affatibus Deus illos dignatus est, nisi quod coram illo in simplicitate cordis sui ambularent, ipseque in vitæ illorum innocentiam suas benedictiones lætus effunderet.

Non possum hic non animadvertere, nec satis mirari, Fratres mei, quod cum Tractatus Auctor toties fateatur, universam
 „ priscorum Patrum scientiam ac Theologiam Sacra Scriptura
 „ niti

Pag. 172.
8.15.67.

„niti consuevisse, atque inde illos omnia instituta & fundamenta
 „solidæ illius pietatis hausisse, qua vere sancti & grati in conspe-
 „ctu Dei sunt facti, ceterorumque hominum duces & doctores :
 „nihil fecius docere aggrediatur methodos & vias plane opposi-
 „tas illis Veterum, quas ceteroquin approbat, quæve approbari me-
 „rentur. Nam si in hunc finem Scripturas illi adhibuerunt ut san-
 „cti fierent; cur nos diversam agendi rationem inimus, cum eun-
 „dem finem spectemus? Ne multa, si duces illi fuere atque docto-
 „res, cur illos non sequimur?

C A P U T III.

De lectione ac Studio Sanctorum Patrum.

QUandoquidem Auctor Tractatus nobiscum fatetur, ut in calce proxime superioris Articuli animadvertimus, in Scripturarum Sanctorum scientiam positam olim fuisse omnem veterum Patrum Theologiam, illius præsidio ac beneficio ad sanctitatem illos sese extulisse, Deique atque hominum movisse approbationem; quid causæ est, cur a tritis itineribus recedamus, aut vestigia illorum minime sequamur, quos, vel juxta ipsius Auctoris sententiam, nostrum Duces & Magistros existimare debemus? Cur Monachos opprimimus multitudine Auctorum atque Librorum, qui eorum simplicitati nocent quam maxime, & quorum occasione minus sibi convenientia discunt, officia suæ Professionis propria obliviscuntur, & in magnam animi perturbationem sese conjiciunt? Quomodo relicta Sanctorum ad sanctificationem via, in aliam plane oppositam illos transferri patimur? Si de levi aliqua exiguique momenti regularitate res esset, quod adluberet magis, sequi liceret. Sed de Monasticæ Professionis summa retinenda & conservanda agitur periculum, in quo versamur, eo spectat, ne adeo sancti instituti veritas extenuetur, aut penitus tollatur, neu fundamenta illi subsistantur ab iis plane diversa, quibus ex divinæ Providentiæ nutu innitur. Nam si in hoc Capite explicatam ab Auctore sententiam sequamur; Monachi, homines imperiti ac simplices, quive, si rite agant, in oratione, in sanctorum Voluminum lectione, in humilitatis operibus vitam agere debent, Doctores & litterati viri futuri sunt, scientiarum nihil ad se pertinentium Studio tempus impendent, proindeque iis absurdus erunt obnoxii, quæ viri hujus professionis vitare non possunt, quoties vocationem suam invertunt, atque alia exercitia sectantur, quam quæ sibi ab Institutioribus polita fugere.

Si quis hic a me dicta cum Ecclesiæ decretis nequaquam congruere arbitretur, facile reponam, me ab Ecclesiæ mente nihilum discedere

scedere velle, cum Solitariis (hos enim unice spectro) omne illud Studium, omnem scientiam, omnes cognitiones permittam, ad quas ipsa jubet ut admoveantur.

Eugippius Abbas (inquit Auctor) Epitomam concinnavit Operum Sancti Augustini. Pag. 173.

Nihil magis hoc exemplo probatur, quam reliquis, quæ supra refutavimus.

De Cassiodoro, quem in hanc rem citat, hoc habeo quod regestam, fuisse illum virum nobilem, qui eam quam animo imbiberat de scientia opinionem tunc cum in Sæculo viveret, nondum prorsus abjecerat.

Memorat Auctor Cassianum, Sanctum Anselmum & Sanctum Bernardum. Pag. 175.
dum eo nomine quod de Dogmatibus & de Theologicis materiis scripserint.

At quis non videt, Fratres mei, Cassianum quidem, præclaro & singulari ingenio virum, ad scribendum & docendum certam & peculiarem habuisse vocationem atque missionem; Sanctum vero Anselmum Episcopatus destinatum a via communi ac trita divino nutu excurrisse.

De Sancto Bernardo haud secus dixerimus. Neque enim ad exemplum trahi debet eximia vir sanctitate, superne missus, qui in supremos Pontifices, Imperatores, & Reges dominatum, ut ita dicam, habuit; qui consilio & morum pietate Ecclesiam roboravit; a quo tanquam suorum temporum Oraculo expetita est gravissimis de rebus sententia; quem virtutes, signa, & notæ Apostolum referentes condecorarunt; qui Verbum Dei prædicatione annuntiavit; qui claudis gressum, cæcis visum reddidit; qui arida membra in pristinum vigorem restituit; qui dæmonia ejecit: Is denique vir, cui Deus suo præsidio nunquam defuit in omnibus, quæ ad ipsius Dei cultum & gloriam susceperit: *Obediente Deo voci hominis.* An aliqua institui potest comparatio tam sancti hujus magnique nominis Viri cum vilium & exiguorum hominum in Claustris degentium turba? Id. 20. 14.

Pag. 174. Queritur ab Auctore: *Utrum Monachi ad omnium materiarum Studia indiscriminatum teneantur, quas Sancti Patres pertractarunt.* Deinde quidquid in Operibus Sanctorum Patrum legendum occurrit, ad quinque capita revocatur, videlicet, *Interpretationem Scripturarum, Dogmata Fidei, Christianos mores, Disciplinam Ecclesiasticam, & Disciplinam Monasticam.* Tandem asseritur, *priscos Monachos neutiquam existimasse, singulis hisce Capitibus quidquam inesse, cuius intelligentia ac studium ipsorum professioni adversaretur.*

Pag. 175.

Si quidem diceret Auctor, antiquos Patres & Monachos nequam culpæ dedisse cuiquam Solitario, quod omnibus id genus notitius operam impenderet, eosque in ea fuisse sententia, ut putarent, quosdam ex illis in hoc Studio genere ex professio versari posse, dummodo ex legitimæ auctoritatis arbitrio studeant; a veritate non abhorreret. Cum dicat vero, illis visum fuisse, hoc Studium tam late diffusum Monasticæ Professioni conveniens & proprium esse, falso id asserit, neque enim unquam hoc illis in mentem venit. Nova hæc & parum communis sententia defendi non potest, nisi eorum præcepta atque instituta penitus aboleantur, & nisi pretium operæ nullum esse putetur in iis, quæ de suo statu Patres dixerunt. In eorum agendi ratione aliud nihil vobis conspiciendum se præbet, quam humilitatis, simplicitatis, mortificationis cordium & sensuum specimina: In eorum vita maxime omnium, *eminet recessus & solitudinis amor, sæcularis commercii fuga, silentium, vilis & abjecta opera, duri labores;* omne vero illorum Studium in Scripturarum sanctarum lectione subsistisse cognoscitur. Quid in his omnibus elucet, unde veteres Solitarios Dogmatum, Moralis scientiæ, Ecclesiasticæ Disciplinæ, hoc est Conciliorum, Canonum, Sanctionum; & universarum rerum, quæ in Ecclesia peractæ sunt; Historiæ studio operam dedisse colligi possit?

Ludit operam Auctor in congerendis exemplis, quæ cum sint facta singularia, hoc solum denique probant, ut alias & pluries dixi, nonnullos e Solitariorum numero ad scientias animum adiecisse. Donec vero id genus Studia in antiquis Patrum Regulis aut ab eorum Institutibus mandata fuisse demonstretur, nihil quod iam non dilucrum in medium afferetur. Ex Regulis mens & consilium Fundatorum elucet; in illis suam ipsi sententiam perspicue aperuerunt, & quid omnino vellent declarant. Propterea mera animi fictio est asserere, Sanctos Antonium, Hilarionem, Pachomium, Benedictum, & reliquos omnes scientiarum Studia præcipere, cum hac de re in eorum Regulis nihil usquam appareat.

Cassiodorus, qui passim in medium producit, nullius, quod ad summam hujus controversiæ pertinet, auctoritatis est. Vir ille fuit prænobilis, qui Religionis instinctu ab Aula recesserat, sed nondum sæculi instituta & mores plane deposuerat. Omnibus vanis scientiis
toto

toto se animo dederat, Grammaticæ, Rhetoricæ, Dialecticæ, Arithmeticæ, Musicæ, Geometrix, Astronomiæ, & vel delineandis figuris, & omnifariam machinis construendis sese exercitaverat. Habebat ille domi sciotherica horologia, clepsydras, & lampadas inextinguibiles: uti porro de se istæ disciplinæ ac notitiæ nequaquam malæ sunt, etiam postquam in solitudinem se receperat; illarum Studio quadatenus ducebatur. At si quis hac norma Solitarios universos metiri & componere velit, mira atque inusitata confusione Solitudinem repleverit. Itaque in præsentî quæstione Cassiodorus audiri nequaquam meretur; & ad ultimum decem exempla, quæ hic ab Auctore afferuntur, adversus Orientis atque Occidentis generalem Traditionem nullius sunt ponderis vel momenti.

Exemplum Sancti Fulgentii alias refutavimus, & satis præterea fecimus objectis, quæ ex Tractatibus Sancti Augustini ad Monachos Adrumetinos scriptis eruuntur. Quidquid denique ex allatis pag. 175. & 176. exemplis colligi potest, in hoc situm est, aliquos Monasticæ Professionis viros Fidei Dogmatibus studuisse, & de hac materia scripsisse; idemque fieri nunc quoque ab ipsis licite posse, si ad hoc Providentiæ nutu vocentur. Sed nimis infirmæ sunt hæ rationes, quam ut probare valeant, hoc Studium de se Monachis convenire.

*Prout vero ad moralem doctrinam attinet, sat esse, inquit Auctor, Chri- Pag. 176.
stiano censei nomine, ut inde necessitas, vel saltem libera potestas
arguatur, evolvendi Partes propriæ eruditionis gratia.*

Si per speciem addiscendæ Moralis disciplinæ, quatenus ad Christianos homines spectat, Solitariis injicere quis velit legendi omnia, quæ antiqui & neuterici Auctores hac de re scripserunt, necessitatem importune prorsus agit. Ex Sacris enim Scripturis, & Patrum Operibus, quæ a nobis toties indicata sunt, assarim discere licet quæ sunt hujus disciplinæ, tum ad propriam eruditionem, tum vero & ad aliorum institutionem; his ulteriora supervacanea sunt, inutilia, & confusioni inducendæ apta.

Illud autem animadversione dignum est, quod prisci Monachi ac veteres Ecclesiæ Doctores, qui divinam hanc morum scientiam, quam Dominus noster in Ecclesiam diffudit, & populo ipsemet tradidit, perfecte calluerunt, omnibus his præidiis, quæ ut necessaria instrumenta modo proponuntur, destituti olim fuerint.

Pag. 177. *Fortè non deerit, qui disciplina Ecclesiastica Studium Monachis vix necessarium existimet, &c.*

Et jure quidem merito id quispiam existimaverit: Quippe rituum, qui hodie vigent, notitia illis sufficere potest; nec interest ipsorum Ecclesiæ Traditionem penitus expendere, sed ad Pastores Ecclesiasticos id spectat. Præterea lectio Ritualis propriæ Dioceseos, & librorum, qui de Morali disciplina postremis temporibus scripti sunt, quod supra innuimus, satis doctrinæ conferent ad rectionem Animarum.

Quæ de Sancto Viatico, ac de Extremæ Unctionis Sacramento obiter & exempli gratia afferuntur, non multum sane diligentem inquisitionem postulant. Ex Breviario, quo utimur quotidie, disce-re possumus, non nisi peracta Extrema Unctione Viaticum Aegrotis impertiri olim consuevisse, quamquam hodie hæc praxis in Ecclesia sit mutata.

Pag. 179. *Nunc vero perpendendum restat (inquit Auctor) quinam sint Patres, quibus legendis Monachi potissimum occupari debeant.*

Si Monachorum Studium sive lectionem ad illa Auctor redegitset, quæ pag. 179. & 180. continentur, de hoc Monachorum officio recte ac distincte magis, quam in sequentibus, loquutus esset: Nam post Sacros Scripturæ Codices, ex quibus illi cognitionum suarum fundamenta petere, lumen & doctrinam ad recte ineundam vitæ rationem promere debent, nihil est in quo uberiores fructum invenire possint, quam Patrum & Scriptorum Opera, quæ hic enumerantur. Præcedit omnes Cassianus; proxime subiciuntur Theodoretus Philotheus, Tractatus Sancti Ephræm, Sancti Nili, Epistolæ Sancti Isidori, Pelusiotæ, Scala Sancti Jo: Climaci, Monita Sancti Dorothei, Vitæ Sanctorum Patrum qui in Eremito vivere, Acta Martyrum, Ascetica & Moralia Sancti Basilii &c. Quæ in his Operibus leguntur, perquam idonea sunt illustrando Solitariorum intellectui, cordique inflammando, ut deinceps statum quem amplexi sunt magni faciant, ut ejusdem officia & præstantiam agnoscant, ut Sacræ Scripturæ veritates clarius, quasi face præunte, intueantur; denique ut de omnibus edoceantur, quæ noscere illos decet, dum scilicet hæc lectio illorum animum intus ad se revocat, atque ab evagatione defendit, quæ sublimiores & latiores scientias plerumque comitatur.

Ad Ecclesiæ disciplinam accurate dignoscendam, apte & apposite fiet Pag. 181.
(inquit Auctor) *si libri Apologetici, qui pro Religione Christiana conscripti fuere, attente legantur.*

Quid causæ fuit, Fratres mei, cur in iis quæ articulo præcedenti adnotavimus, Auctor minime conquieverit? Quid illum impulit, ut in profundissimi maris discrimina committeret ejusmodi homines, ad quos spectat in quiete & sancta tranquillitate vivere? Quid ille mere Ecclesiasticis scientiis implicare studet Monachos, & plane diversa instituta, dissimilesque conditiones invicem confundere? Quandoque ad hanc usque diem in eorum libris, qui de Solitatorum exercitiis tractavere, a quoquam lectum est, debere illos id genus lectionibus operam dare? Nonne id perinde est, ac si velit, ut iis rebus sese adpiciant, quæ in Monasticarum obligationum numero nunquam sunt habitæ? An aliquid simile animadversum est in vita & gestis Sanctorum Patrum, in Collationibus Cassiani, in iis Sancti Joannis Chrysostomi Operum locis, in quibus de Monastica Professione disferit, apud Sanctum Hieronymum, in Admonitionibus, quas Sancti, Ephræm, Nilus, Isidorus Pelusiota, Dorotheus, Joannes Climacus scripto nobis tradiderunt; adde & in Sancto Bernardo, qui de Monachorum officiis tam late accurateque disputavit, apud Hugonem & apud Richardum de Sancto Victore; atque ut ad nostra tempora transeamus, an aliquid tale animadversum est in Operibus Sanctæ Theresiæ; in Collocationibus Sancti Francisci Salesii, in Patris Rodriguezii, & Patris Sancti Jure scriptis ad vitam asceticam pertinentibus? Novum denique est atque inauditum hoc systema, quod ex ipsa novitate improbari, & cui nulla adhiberi fides debet.

Cohibere me non possum, quin hic ad vos afferam, Fratres, quæ Sanctus Franciscus Salesius hac de re scripto consignavit: *Colloc. 7.*
 „Sanctorum veterum Monachorum vitam vobiscum quæso reputate; Sancti Antonii, qui eximie sanctitatis & perfectionis causa
 „in honore & gratia apud Deum & apud homines fuit: An per
 „assiduam lectionem, per disputationum, & Communionum frequentiam illuc contendit? Nullo modo. Sed potius exemplis
 „utens Sanctorum Anachoretarum, ab alio quidem abstinentiam,
 „ab alio vero orationem decerpens, sedulæ apud instar, de
 „virtutibus servorum Dei prædabatur & deligebat, ad mel sanctæ
 „conversationis conficiendum. Sanctus vero Paulus, Eremitarum auctor & magister, nunquid ad sanctitatis culmen
 „pervenit, optimos libros legendo? At nullos habuisse traditur.
 „Quid in illo sanctitatem effecerit, discite. Acceptam retulit
 „fidelitati & perseverantiæ in earum rerum Studio, quas
Volumen tertium. K „ initio

„ initio suscepit, & ad quas fuerat vocatus, aliis rebus se detineri nunquam patiens.

„ Magna illi sanctitate viri, qui sub sancti Pachomii regimine vitam ducebant, an ne libros præ manibus habuerunt? Nullos. „ An ne conciones audierunt? Nullas. An Collationes? Has quidem habebant, sed raro. Imitari ergo illos debemus, ad nostrum opus intenti, illud videlicet agentes, quod a nobis Deus postulat, juxta vocationem nostram, serventer humiliter, & nihil aliud cogitantes; nec aliam potiore rationem inquirentes, qua perfecti evadamus.

„ Nunquam alias tantopere Studiis data est opera, sicut hodie solet. Egregii illi sanctique viri, Augustinus, Gregorius, Hilarius, cujus hodie festa celebramus, alique plures haud ita enixe lateque studuerunt. Neque id facere potuissent quidem, postquam ad Episcopatum promoti fuerant, cum tot libros scripserint, cum Sermones ad populum sæpe habuerint, & quæcumque alia muneris ipsorum erant, exequerentur. Sed illi in tantum Deo & gratiæ ipsius fidebant, de semetipsis adeo parum, ut nihil ex propria industria atque labore sperarent: sicque eorum gesta fiduciæ ac spei, quam in Dei gratia & omnipotentia collocaverant, tribuenda sunt.

„ Tu es Domine, agebant, qui hæc nos agere & in his occupari jubes, propter quæ agimus & occupamur; tu quoque laboribus nostris favens, divitem messiem nobis es largiturus. Itaque illi suis scriptis & sermonibus uberrimos fructus reportabant; at nos qui in persuasibilibus sapientiæ verbis, in dictionum elegantia, in copia doctrinæ confidimus, evanescere sudores nostros cernimus, nec ullum nisi vanitatis fructum colligimus.

„ Dicit aliquis procul dubio, Sanctum Franciscum Salesium alium fuisse, ac fuerint Sancti Basilius, Augustinus, Gregorius, Ambrosius &c. Ego vero continuo reponam, in illo perinde eminuisse Jesu Christi spiritum; Deum illius prædicationes ad æque bonos exitus semper duxisse; Catholicorum Patrum & Doctorum Opera ab eo fuisse perlecta; & nulli tam probe perfectam officiorum vitæ Monasticæ summam & veritatem fuisse, quam ipsi fuerit.

Monachorum naturale & proprium quoddam pabulum esse debent Sancti Bernardi Opera (inquit Tractatus Auctor.)

Utinam se horum Operum lectioni darent impensius, quam faciunt, atque utinam ei velint fidem habere: profecto alias agerent animo sententias. Cuilibet ea legenti, quæ Capite decimo Primæ Partis de illo diximus, persuasum fiet, eum a Monacho non eruditio-

ditionem aut scientiam, sed pietatem & sanctitatem vitæ requirere.

Idem omnino priscis Ecclesiæ Patribus visum est, inter quos Sanctus Ephraem vitæ Monasticæ labes deplorans, unam illarum esse ait, eruditionem scientiarum captare, Litteratos haberi velle & de Liberalibus Studiis sæpe disputare. „ Fit plerumque (ait ille) ut qui dum in Sæculo viveret, simplex operarius erat, qui dexteram manum a sinistra vix dignoscebat, postquam Monasterium ingressus est, doctrinam & eruditionem præferat, & videri doctor velit. Omnes esse volumus, inquit, animarum ductores, auctoritatem in alios exercere, imperare, Litteras humanas profiteri, divinas Scripturas interpretari, Præceptorum munere fungi omnes appetimus.

Nemo fit in veræ sapientiæ Studio perfectus (inquit S. Isidorus Pelusiota) disputationes & quæstiones Sophistarum curiose sectando.

„ S. Joannes Climacus hæc ait: Non convenit lugentibus Theologiae sermo, nam ex eo maxime solvi illorum stetus consuevit. Grad. 7. art. 25.
 „ Is enim qui de Theologia disserit in folio Doctoris pompam præferenti, qui autem lugeat, in cilicio & sterquilinio sedenti comparatur..... Non accusabimur, o Socii, neque nobis crimini dabitur in separatione animæ a corpore, quod non miracula egimus, quod non de Theologia disseruimus, quod non contemplationi operam dedimus, sed ob hoc maxime rationem omnino Deo reddituri sumus, quia lugere unquam destitimus..... Alibi Grad. 7. art. 71.
 „ ait: Sciens Dominus exteriori habitu figurari animæ virtutem, sumpto linteolo humilitatis nobis compendium ostendit. Studiis assimilatur anima, & ad quæ gerit, formatur, atque ad ea figuratur. Principatus Angelorum cuidam superbix materia fuit, cum tamen non ideo ut superbiret illum accepisset. Aliter affectus est qui in sterquilinio sedet. Et alibi: Dogmatum ingens est Grad. 15. art. 61.
 „ & alta profunditas: mens autem Solitarii non absque periculo insiliat in ea. Grad. 27. art. 20.

Non inculcamus hic vobis, Fratres, quæ jam attulimus ex Sancto Basilio in idem argumentum. Subjungam tantummodo quæ ipse ait in Quæstione 218. „ Cujusmodi nempe intelligentiam petere debemus a Deo? Cui quæstioni sic repondet: Sane quid intelligentia sit, ipse nos Dominus docet per Prophetam, cum ait: Jerem. 9. v. 23.
 „ Non gloriatur sapiens in sapientia sua, & non gloriatur fortis in fortitudine sua, & non gloriatur dives in divitiis suis, sed in hoc gloriatur qui gloriatur, intelligere & nosse Dominum. Et per Ephes. 5. v. 17.
 „ Apostolum his verbis: Sed intelligentes quæ sit voluntas Domini. Hac autem digni haberi possumus, si fecerimus quod scriptum est: Vacate & videte quoniam ego sum Deus. Et si persuasum nobis sit, verum esse omne verbum Dei. Nisi enim credideritis, inquit, non intelligetis. Psalm. 45. v. 10. Isaia 7. v. 9.

Ep. de
contemp.
mudi.

„ Eucherius ait: Clari apud veteres Sæculi hujus viri, defatigati laboribus negotiorum suorum, in Philosophiam se tanquam in domum suam recipiebant. Quanto pulchrius ad hæc manifestissimæ sapientiæ Studia diverunt, magnificentiusque ad solitudinem libertatem, & desertorum secreta secedunt, ut Philosophiæ tantum vacantes in illius Eremitæambulacris tanquam in suis gymnasiis exercentur.

Lib. 2.
Ept. 6. 3.

„ S. Thomas Archiepiscopus Cantuariensis, cum Pontiniacum persecutionis suæ tempore secessisset, in eo Monasterio Juris Canonici Studio se initio tradidisse legitur, ut Episcopatus jura, quæ tueri cogebatur enucleate, disceret: sed Joannes Sarisberienfis, quem utpote prudentissimum virum consulere solitus erat Thomas, ei retulisse, Legum & Canonum scientiam utilem quidem esse, sed illi operam dare ab hoc tempore alienum; Eum, in quo versaretur, statum maxime decere, ut corde ad Deum converso orans ad ipsum confugeret misericordiam impetraturus. Sibi non videri, quod Legum & Canonum notitia ulli unquam compunctionis affectus ingesserit; econtra ex hoc Studio nullum in amore Dei profectum provenire, sed quo doctior quispiam evadit, eo vanioris & levioris animi fieri. Se denique illi auctorem esse, ut Psalmos potius meditaretur & S. Gregorii Moralia, Quod S. Thomas consilium amplexus est..

Ps. 182.

Ait: *Jure existimari, ut utiliter legantur Patrum Opera, opus esse ea proprio quo sunt edita idiomate perlegere, proindeque præter Latinam, Græcam quoque linguam addiscendam esse. Insuper præter Sacram Paginam, cui hujusmodi Studium in primis innisitur, necessum esse, Historiam Ecclesiasticam, Scholasticam, propbanorum etiam Auctorum Scripta, Criticamque prænoscere.*

Non negamus esse quædam in libris Scripturæ & Patrum paulò abstrusiora, quæ linguarum Originalium beneficio nitidius ac planius explicari possunt, quam per versiones in aliud idioma; sed ista raro contingunt. Itaque ut divinæ Scripturæ, Sanctique Patres utiliter legantur, originarium horum textum legendum esse, nullo jure quis dixerit; alioqui pauci jam illorum intelligentiam attingerent, cum Linguæ, quibus primitius Libri illi scripti fuerunt, a paucis intelligantur.

S. Augustinus, licet Orientalium Linguarum ignarus, nonne Verbo Dei maximo cum fructu, ac benedictione præ ceteris usus est; sive cum illustres veritates atque Evangelica instituta, quæ in ejus Enarrationibus in Psalmos, & passim reperiuntur ubicumque de Morali Christiana disseruit, populis traderet; sive cum Hæreticos oppugnare, eorum impietatibus obistere, errores, & blasphemias refutare, aggrediretur..

Nemo

Nemo profundius Sancto Bernardo Scripturarum Iesum scrutatus est; nemo tam acute, ac ille, earum mysteria evoluit, aut aptius accommodavit; quippe illas sæpe a se lectas, atque attente ponderatas. eousque habebat in numerato, ut in omnibus locis apposite, proprie, demum inimitabili quadam ratione adhiberet. Nulla tamen erat Linguarum Orientalium notitia imbutus.

Et re quidem vera absolum foret, in Cœnobiorum Claustra Linguarum Studium introducere velle, præter Latinam, cujus tritus & vulgaris est usus. Nunquam enim quisquam tale quid prodidit circa Monachorum officia. Hujusmodi quidem sententia suapte sponte cadit, absurda vero & incommoda, quæ inde consecutura sunt, nemo non videt. An non satis est Monachis Scripturas intelligere, quemadmodum Patres illas intellexerunt, insuper habita ulteriori aut magis exquisita investigatione? Quod si rite parati earum lectioni & meditationi se dederint, Deus illos illuminabit, & sine ullo prorsus dubio illis necessarias quaslibet notiones ingeret. Accedit, quod tam accuratæ & fideles Sanctorum librorum in omnes passim Linguas versiones jam prostant, ut metu erroris excluso, his tuto fidere possimus.

Scholasticam quod spectat, ejus cognitio simplicitati, quam Monachi profiteri debent, ita est contraria; humilitatem, qua ablata Cœnobiticum Institutum utut sanctum, hypocritas potius exhibebit quam sanctos viros, intantum abolere valet, ut prorsus eximenda sit numero earum exercitationum; quibus ut sese adplicent, Monachis permittitur, vel imperatur.

Criticæ studium, cujus Auctor meminit, omnium Studiorum periculosissimum, atque ad depravandos animos Cœnobitarum aprissimum est. Jus illi atque arbitrium ab hoc Studio conceditur omnia expendendi, de omnibus judicandi; nihil est, quousque Censoris oculus non pervadat. Ipsa Sacra Scriptura parum illi correctæ videtur; consulenda passim & quovis fere momento sunt (si illos audias.) Autographa Greca, Hebraica, Syriaca: Patres & Doctores Ecclesiæ sensum illius nequaquam perceperunt; levia sunt eorum ratiocinia, obscuræ notiones, minus accuratæ interpretationes; hi quidem nimis breves, hi vero nimium diffusi; multa illi sæpe ignorant; Neoterici sunt illis doctiores & perspicaciores. Hæc aut his similia Monachi, qui si proprii instituti legibus obtemperent, dociles erunt, submissi & humiles spiritu, ad quos pertinet non ut aliorum duces sint, sed ut ab aliis ipsi ducantur, qui sub manu suorum Præpositorum, quasi oves sub Pastorum manu jugiter esse debent; hæc, inquam, Monachi deblatterant Critices Studio initiati, Judices sese constituunt, & ad propriæ rationis normam omnia componunt, aliter sentientes quoscumque contemnunt. Quid hoc aliud est, quam eorum professionem funditus evertere?

Porro ne Censoris animum sumamus, illud etiam ob stare maxime debet, quod nostra memoria magis quam præteritis Sæculis Criticæ exercendæ cacoethes obtineat; quod Aristarchis omnia sint plena; demum quod cuncti fere sua Studia eo dirigere videantur, ut aptitudinem seu facultatem censoriæ virgulæ adhibendæ consequantur. In hoc omnis scientia & doctrina collocari fere solet; mirum quantum difficultatum numerus propterea augeatur, quanta ambiguitas atque incertitudo sanctissimis, certissimis & nunquam antea controversis veritatibus inuratur. Monachi ut in hæc absurda deveniant, prouocentur ceteris sunt; cum enim in solitudine agant, liberiore & magis assidua cogitatione facile eorum imaginatio effervesceat, sibi metipsis impensius quam ceteri hominum indulgent, excutiant intelligentiam, quidvis mente concipiunt, & proprii ingenii opera quælibet sine ulla dijudicatione admittunt. Si ergo patimur, Monachos Criticæ Arti operam dare, pene ineluctabili ruinæ illos obicimus, ut plurimum enim quæ Monachorum animos semel affecerint, regressum non habent.

Pag. 182. Monet Auctor, ut *Crisis prudenter, discrete ac moderate insinuetur.*

Hæc docere & verbo quidem tradere proclive est, re autem ipsa viro Critico frænum injici nullo modo potest. Aliena castigandi atque expungendi libido jugiter crescit, extimulatur, acuitur; ubi vero cuipiam Solitario fræna remiseris, quis erit inhibendi modus? Effrænâ hujusmodi licentia latius excurrat, & hærebit in omnibus, ad quæ vitæ ratio aut negotiorum varietas illum appulerit: jam ipse Institutoribus & Patribus suis doctior erit: Regula, quam amplexus est, haud satis discreta, vel prudens ipsi videbitur: non obsequetur iis, quæ agi aut dici a Superiore suo viderit, & in eo sive hortante, sive arguente, quæ sunt culpanda semper inueniet.

Quæ vero ad lectionem prophanorum Auctorum pertinent, de iis alio loco dicemus.

Conuenire, ait Tractatus Auctor, ut in legendis Patrum scriptis *series aut ordo temporum seruetur.*

Monita circa instituendam rite Patrum lectionem paginis 183. 184. 185. comprehensa, hominibus ad penitiorem eruditionis Ecclesiasticæ notitiam contendentibus, informandis sunt apta; Monachis vero nullo pacto conueniunt. Priores illi maxime explicatam ordi-

ordinatamque rationem in Studiis suis sequi debent; tempora, quibus Auctores singuli scripserunt, accurate distinguere, ut peculiarem modum, quo de Dogmatibus disputatum est, animadvertant; opinionum originem, mutationes, defectus, qui subinde inoluerant, rituum & consuetudinum diversitatem pro diversis Sæculis cognoscere; nihil denique eorum, quæ antea temporibus contigerunt, ignorare, quatenus ad verum summam, aut adjuncta pertinet. At Monachorum quid refert; Cassianum ne legant ante Sanctum Basilium, Sanctum Augustinum ante Sanctum Joannem Chrysostomum, an vice versa? dummodo quæ unoquoque illorum documenta invenerint, docibili animo suscipiant, dummodo illis intime afficiantur, atque inde proficiant. Non ea illi mente legunt, ut doceant, ut disputent, sed ut propria officia cognoscant, simulque vias, & media, quibus uti debent ut illa exequantur. Neque erraverit quispiam dicens, utiles fore eorum lectiones, quoties illas simpliciter, incuriose, sine ulla arte & adfectione peregerint, & quoties eum sibi scopum proposuerint, ut in Professionis suæ amore confirmetur, ut quæ Deus ab ipsis requirit, intellectu capiant, & opere fideliter compleant.



CAPUT IV.

Pag. 188. *De Sanctorum Patrum lectione, prout ad Theologiam confert.*

CAPUT V.

Pag. 193. *De Studio Conciliorum, & juris, tum Canonici, tum Civilis.*

CAPUT VI.

Pag. 207. *De Theologia Positiva & Scholastica.*

CAPUT VII.

Pag. 219. *De Doctoribus Theologia Moralis.*

OMne id, quod ab hujus Secundæ Partis Capite quarto usque ad decimum apud Tractatus Auctorem disputatur, certum ordinem, accuratam, doctamque methodum definit ac docet, cujus adminiculo ad rerum Ecclesiasticarum scientiam tuto perveniatur. Nec ulla res, quanta sit hujus Auctoris eruditio, apertius demonstrat, quam præceptorum tam belle connexa ordinataque series: Nihil his utilius aut scitu magis necessarium iis hominibus, quos Deus altiori scientiæ destinat, qui alios docere, ad populum conaciones habere, conscientias regere, Ecclesiam doctrina & loculentis scriptis illustrare debent.

Quod vero Monachos spectat, quos Deus in Ecclesia suscitavit, ut ab aliis docerentur, quos Solitudini dicavit & silentio, quive Patrum suorum consiliis inhaerentes, hoc est Dei ipsius voluntati obsecundantes, tectam obscuramque vitam agere debent; nihil illis minus conveniens est, quam hoc latum & diffusum variarum rerum studium. Et si ad illud compellantur, perinde erit, ac si de proprii status finibus eos quispiam eduxerit, periculoque objecerit delendi ab animo originis & Institutionis suæ veritatem, amittendi quietem, sectandi vanitatem atque elationem, eoque ut esse appetant, quod ut sint conditio ipsorum non patitur. Demum id perinde erit, ac sanctam illorum tranquillitatem interturbare, quam spectare animo debuerunt tunc, cum de Sæculo emergent, omnem illis fructum, omnem utilitatem, omnes recessus deli-

delicias subtrahere, quemadmodum pluries a nobis animadvertum est.

Sancti, Antonius, Pachomius, Hilarion, atque ut in Occidentem transeamus, Sancti, Benedictus, Romualdus, Joannes Gualbertus, Stephanus Grandimontensis, Bruno, Stephanus primus Cisterciensis, Abbas, Bernardus, Petrus Cælestinus, illud sibi minime proposuerunt, ut Doctores Ecclesiæ darent, doctrina & eruditione sua illi militaturos; sed tales viros, qui suis gemitibus, lacrymis, orationibus, silentio, carnis & spiritus mortificatione, virtutis & pietatis exemplum omnibus essent: Atque omne illorum Studium eo spectare debet, ut horum officiorum veritatem intelligant, & rationes, quibus exequi illa possint, inveniant.

Hæc vobis, Fratres, crebro atque iteratis vicibus inculco, quod mihi sese occasio id agendi indefinenter offerat: & quemadmodum alii quidam numquam defetiscuntur usque adeo experiri, donec Monachos in ignorantia suorum officiorum confirment; ita, ut de iisdem sæpius disseram, atque ea subinde illorum oculis & memoriæ subjiciam, nunquam est mihi cessandum.

C A P U T VIII.

De Studio Sacre atque Prophanæ Historiæ.

Pagina
224.

RES hoc Capite comprehensæ, similiter reliquis hucusque examinatis, ejusmodi sunt, Fratres mei, ut Solitiorum animos dissolvere, & ad varias cogitationes distrahere valeant, ut a cura & studio suimetipsum illos facile avocent, & ad ea cognoscenda impellant, quæ non custodiendæ humilitati quam amplexi sunt, sed augendæ noxiæ curiositati nimis inserviunt.

Indubitatum est (inquit Auctor) absque Studiis hujus adminiculo nec Patrum exactam notitiam, nec Theologica scientia a quoquam obtentum. iri.

Pagina
225.

Sed quæso, Fratres, an est necesse, ut Monachi quidquid Patres scripto consignarunt, perfecte absoluteque cognoscant? Cui unquam Veterum in mentem venit, ut talem scientiam ab illis requireret? Modo ex institutis atque doctrinis, quas illic inveniunt, profecerint, dummodo quæ illic de ipsorum obligationibus disputantur, in proprium usum converterint, mores ad eorum præscripta composuerint, pias veritates ibi traditas tanquam regulas moderandæ vitæ acceperint; quid ultra ab illis desideramus?

Melchior. Canus, qui hoc loco citatur, Theologorum quemquam

quam Historiæ ignarum, Theologi nomine immerito gloriari, ait: digna profecto tali Monacho sententia, qui suapte natura in cogitando & dicendo acer & vehemens fuit. Verum enimvero Monachi quid interest, absolutum omnibus numeris Theologum esse, modo fuerit vir absolute perfectique religiosus, nempe modo sese compescat, atque illarum virtutum exercitium unice studeat, quæ ipsum proprii status sanctitate dignum efficere possint? Cum D. N. Iesus Christus Iudex cunctorum advenerit, illum non de Theologico Studio, sed de Obedientia, de humilitate, ac de omnibus sue Professionis officiis interrogabit.

Pagina
225a

Ex Historiarum peritia (subdit Auctor) peculiaris quadam prudentia natio in nobis gignitur, ob diuturnam præteritorum eventuum animadversionem.

Fateor quidem, Historiæ cognitione homines prudentiores & sapientiores fieri posse; nulla re magis quam eventis contingentibus Deum hominibus documenta præbere: & si quid est, quod a Sæculi amore, ab ejus voluptatibus, fortune, laude & vanitate tanquam a rebus fallacibus nos exolvere valeat, id profecto esse, attentam eorum quæ in Sæculo eveniunt considerationem. Necesse tamen non est Historiam nosse in tota ejus latitudine, aut historicum Studium, ut apprimè requisitum & præcipuum instituere. Sacra Historia, quæ innumeris eventis notatu atque animadversione dignissimis passim est referta, Monachis sufficere potest. Cumque fuerit Spiritu Sancto dictante, ad nostram doctrinam scripta; vim egregiam & singularem continet ad persuadendum, ad movendos & convincendos animos. Quod non perinde sit in profana Historia. Denique Monachus non Historicus esse debet sed Monachus.

Pagina
225a

Quod si eos nemo reprobabit, qui Sacra vacant Veteris Testamenti Historiæ, ne Ecclesiastica quidem (inquit Auctor) Studium vituperari convenit.

Licet ad hæc, Fratres mei, bifariam respondere: & primo quidem quosdam ex Patribus in hac fuisse sententia, ut alias demonstravimus, quod nempe Veteris Testamenti lectio, demptis Psalmis, librisve Sapientiæ paræneticis, Solitariis nequaquam conveniret.

Deinde vero, Historiam Veteris Testamenti uno tantum Volumine esse comprehensam; at Ecclesiasticam Historiam adeo late patere, ut si in eo perfectionis gradu addiscenda sit, qui proponi videtur, oporteret Monachos omne vitæ suæ tempus in ea collocare, ut jura & rationes Pontificum, Episcoporum, Regum perfecta habe-

haberent; factiones item, partes, occulta consilia & varia molimina Conciliorum; quod infinitæ propemodum disquisitionis est: Qui fiet verum, ut tam varia historicorum lectio non agat in transversum animas, distrahatve, aut tollat prorsus religiosam mentis collectionem; quæ finis præcipuus esse debet; propter quem a mundo digressi sunt.

De Herodoto verba faciens innuit Auctor, *Henricum Stephanum* Pag. 135. conatum fuisse illum excusare super omnibus commentitiis narrationibus, quas in ipso inveniri multi opinati sunt.

Cum Herodotus tum ipso genere Historiæ ac factorum quæ narrat, tum sermonis venustate & nativo quodam colore lectu sit pericupendus; tumque evenire facile possit, ut qui cum excusatione digniorem existimari gauderent; ejus defensionem ex Apologia quam concinnavit Henricus Stephanus, desumere velint; proderit fortasse monere, hanc Apologiam, atque eam præsertim; cui titulus est, *Introduction au Traité de la conformité des merveilles anciennes avec les Modernes ou Traité préparatif à l'Apologie pour Herodote*, adeo esse sacrilegis & impiis sententiis repletam, ut ab homine vere Christiano sine horrore legi non possit; atque ejus lectionem Monachis absolute interdicendam.

Photii sententia, quam adducit hoc loco Tractatus Auctor, licet non ad Henricum Stephanum, sed ad ipsum Herodotum referatur, omnino est periculosa. Plerumque enim illi, qui non divino instinctu, sed ut sibi solis placeant, ad legendum se conferunt, rebus noxiis libentius immorantur quam utilibus; & proprio judicio, ac ratione innixi, pravæ affectiones induunt, quæ vix aboleri unquam poterunt, justam præsumptionis poenam subeuntes.

Auctor ait, *prophanam Historiam ad Sacræ Historiæ cognitionem* Pag. 131. multum conferre.

Certus equidem sum, Fratres mei, Sanctos Antonium, Hilari-
nem, aliosque Solitudinum religiosos incolas, immo, ne longius præ-
vehatur, Sanctos Benedictum & Bernardum his instrumentis aut
prædiis nequaquam usos fuisse, ut sublimem hanc atque adeo ne-
cessariam scientiam sibi compararent. Scripturas callere possumus
tum quatenus ad nostram, tum etiam quatenus ad aliorum erudi-
tionem pertinet, licet hoc genus adminiculorum insuper habeamus.
Ad ultimum nihil erit in hoc absurdum aut incommodum, quod mini-
mas quaslibet Scripturarum circumstantias Monachus haudqua-
quam didicerit; quin etiam proderit aliquando, ut nonnulla igno-
ret, quorum notitia nullatenus ipsi est necessaria: Quod fateatur ipse
Tracta-

Pagina
352.

Tractatus Auctor, cum disertis verbis ait, assiduam Scripturarum lectionem cum meditatione atque animadversione conjunctam, vice Commentarii Monachis esse posse, qui pietatem tantummodo ob oculos habent; non nisi enim litteralem & moralem illarum sensum investigare debent, de difficultatibus Chronologicis & Criticis, quæ ipsis nulli usui forent, parum aut nihil solliciti.

C A P U T IX.

Pagina
243.

De Studio Philosophiæ.

Cum agendi ratio ab Antiquis custodita, Regulæ loco nobis sit, quam sequi omnino debemus; cum ii præverint, ut nobis iter sternerent, & suo nos exemplo docerent: Nihil magis est Solitario metuendum, quam ne a Patrum suorum via recedat; siquidem illos a Deo missos fuisse, Deique instinctu ac Spiritu duetos egisse, usquequaque certus est.

Quamobrem cum illi intra Cœnobîa Philosophicas Scholas minime crexerint, neque operam huic scientiæ dederint, quæ nam est distractionem & superbiam parere, animi passiones ciere, ad pravam æmulationem provocare, rixandi & disputandi libidinem ingerere animis illorum, quos se submittere, & aliis obtemperare maxime decet; Quomodo nobis probari poterit Studium Veteribus ignotum, seu potius ab illis rejectum, cujus nempe pericula ipsi præviderunt, quodque aptissimum obruendis virtutibus Cœnobiticæ vitæ propriis existimarunt?

Et revera quid illa humilitatem, firmissimamque pacem, quæ intra Cœnobîa vigere debet, certius turbare valet, quam invectionio Studiorum, ex quibus perpetua suboritur occasio elationis, & rixæ propter opinionum differentias, ad hæc malorum habituum, obfirmati in propria sententia animi, demum arrogantia intolerabilis, qua quis propriam opinionem Fratris sui opinioni omnino vult prævalere? Nec enim aliquid contingit frequentius inter eos, qui Studiis hujusmodi sese dederunt, quam quod argumenta undequaque petant ad ea quæ ipsi sentiunt sustinenda, quæ vero aliis videntur, oppugnanda. Quilibet a se stare victoriam præsumit, valentior aliis, doctior, perspicacioris ingenii videri studet, quid sit docili intellectu manus dare veritati prorsus ignorat. Nonne id Monacho perinde esset, ac omnium passionum perniciosissimam ultro fovere?

Institutores Cœnobiticæ vitæ pro virili sua parte conati sunt aptissimas excogitare atque invenire rationes, quibus animos versatiles, ac flexiles redderent, quibus benevoli obsequii, sanctæque submissionis sensum illis ingererent, ut proprium abnegare judicium, & suas

suas quidem cogitationes deponere, alienis morem gerere parati semper essent. In hoc sita est Sanctorum scientia, quæ eadem est ac Monachorum; hoc spectare omnia illorum Studia debent; hæc est illis addiscenda Philosophia; quam qui jam consecuti sunt, aut in præfenti consequi student, eos prophanæ Philosophiæ maximos contemptores esse, pro certo, Fratres, velim habeatis. Denique alterius quidem Philosophiæ Studio Monasteria audacium atque obstinatorum virorum, alterius vero simplicium ac docibilibus plena reddentur.

Hæc omnia ad Solitarios tantummodo refero, atque ad illos, qui Monachatum vere profitentur: Ad illos autem, quos Deus ipse vocat ad scientias, viris in solitudine agentibus alienas, noster hic sermo non pertinet.

Necessariam esse Philosophiam, inquit Auctor, ad hoc ut recte ratio- Pag. 246.
cinari, & verum a falso discernere discamus.

Profecto quibus Deus naturalem rationem, accuratum & rectum ingenium contulit, hi nullatenus egent Philosophia, ut dispositiones, quas ab ejus benignitate receperunt, perfectiores reddant; præfertim si non in eo sunt statu, in quo scribere, docere, de scientiis disputare teneantur, sed illius instituti censentur, quod vitam in quiete ac silentio agere postulat. Quod si naturæ dotes perficere ipsis quandoque necesse fuerit, satis ad hoc erit eorum librorum lectio, quibus licite ac tuto uti possunt, aut debent.

Monachus bono a natura præditus ingenio, in Homiliis Sanctorum Patrum, Jo: Chrysostomi, Basilii, Augustini, aliorumque multorum facile inveniet quidquid rationi suæ lumen & normam præferre potest; cogitandi, ratiocinandi, forsan & loquendi modum his Patribus familiarem exprimet atque imitabitur, quoties sese offeret occasio proprias explicandi, aut in lucem edendi sententias.

Econtra ille, cui æque bonum aut æque rectum ingenium minime obtigerit, magis magisque vitium capiet, nedum Philosophiæ studio corrigi aut reddi melior possit. Illius iudicia & ratiocinia errori ac falsitati propius accedent, absonas magis atque inusitatas sententias mente revolvit, a trita via nimium aberrabit in omnibus: Quodque gravius est, audacior ac præfidentior ab hoc Studio factus, ineptias atque absurditates temere ac libere venditabit, & perinde tuebitur, ac si pari cum Sancto Bernardo auctoritate & sapientia munitus esset.

Quamobrem affirmare licet, Philosophicum Studium non solum in Solitiorum Claustris inutile esse, verum etiam magnæ illorum depravationi occasionem præbere posse. An non pietati ac sapientiæ adversantur, qui hisce offendiculis & tentationibus integras
Soda.

Sodalitates Monasticas exponunt, quin ulla cogat aut necessitas aut ratio.

*In ejus
vul. c. 25.* In Sancti Antonii vita memoriz proditum est, quosdam Sæculi Sapientes, qui eum convenerant, ut irriderent, eoquod Studiis operam nequaquam dedisset, interrogatos ab eo fuisse: Quid prius esse putatis, ingenium, an scientias? Utrum vero horum vobis videretur altèrius causa esse? Illis porro ingenium scientiis præcedere, has quippe illud excogitaverat, respondentibus, subiecit sanctus Vir: Non ergo necessariae sunt scientiæ bonum, ac sanum habenti ingenium.

*Pagina
254.* *Catechismus Concilii Tridentini, sive aliquam Theologicam Summam, sufficere posse, inquit Tractatus Auctor, ad juniorum Monachorum instructionem.*

Cum Tridentini Concilii Catechismus sufficiat, ut hic affirmatur; cumque liceat compendiosam quandam ac brevem Theologiam tradere, quæ necessarias notitias præcipuorum Capitum Religionis Christianæ comprehendat; quid est cur Monachos gravioribus Studiis implicemus? cur illos velimus tempora dicata orationi, meditationi, asceticis lectionibus, manuali labori, aliisque exercitiis, quibus uniuntur Deo, infumere Studiis & occupationibus, quæ ab hujusmodi officiis illos avocare atque abstrahere possunt.

C A P U T X.

*Pagina
257.* *Continuatio ejusdem argumenti; ubi etiam de Scriptis, ac Disputationibus Philosophicis agitur.*

Tota hujus Capituli materia non minus ac illa, de qua in præcedenti actum est, ad Solitarios nullo modo pertinet. Quantum inde emolumenti petere Ecclesiastici possunt, tantum indidem damni ad Monachos potest redundare. Illi quidem hic habent, quibus professione sua digniores reddantur; his vero metuendum est, ne a sua professione discedant, ita ut re ipsa apud Deum & apud homines ii esse nequeant, qui esse debent; nisi forte ex peculiari Dei munere damna ab hisce Studiis illata imposterum faciant.

Vix aliquis, sat scio, huic nostræ sententiæ subscripserit, nisi quælibet anticipata opinio procul faceat, & nisi de Monastica professione judicium feratur ex ipsa potius rei veritate, quam ex statu, in quo hodie conspicitur. Sed hoc parum omnes curant; sine quo
nihil.

nihilominus de Monachorum officiis atque institutis nec recte nec vere pronuntiari quidquam potest.

CAPUT XI.

De Studio Humanarum Litterarum.

Pag. 268.

Neutiquam miror, Fratres mei, Sanctos Cœnobiticæ vitæ Auctores discipulis suis Humanarum litterarum Studia interdixisse, nec pati potuisse, ut iis rebus sese exercerent, quæ cum promissis, quibus se Deo obstrinxerunt, tam parum conveniunt. Puritas, quam voverunt, magnum aliquid ac sublime eatenus est, ut jugiter ad exequenda officia sua intenti esse debeant, quo ab omnibus, quæ hanc puritatem vel minimum lædere possunt, sedulo caveant. Quomodo ergo Litteris Humanis sese dederint, cum illæ innumeras cognitiones includant, quæ sunt ceu totidem scopuli, ad quos vix fieri potest, ne illi suam navim allidant?

Humanarum Litterarum nomine veniunt (inquit Auctor) Grammatica, Linguarum Studium, Gentiles Philosophi, Oratores, Historici, ac Poetæ; ea videlicet Opera, quæ quidquid castissimos animos corrumpere atque inficere natum est, in se continent. Ut certum exploratumque omnibus sit, Philosophorum lectionem perniciosam esse, nosse sufficit, quomodo Sanctus Paulus suam hac de re sententiam aperiat, cum his verbis Collossenses monet: Videte ne quis vos decipiat per Philosophiam & inanem fallaciam secundum traditionem hominum, secundum elementa mundi, & non secundum Christum.

Coloss. 2.
v. 8.

In Constitutionibus Apostolicis legere est, quatenus Fidelibus inculcetur, ut a Gentilium Libris abstineant, qui imbecillum fidei convellendæ, iisque in errorem perducendis aptissimi sunt: *Abstineat ab omnibus Gentilium libris; quid enim tibi cum externis libris, vel legibus, vel falsis Prophetis, quæ quidem leves a fide abducunt? Nam quid tibi deest in lege Dei, ut ad illas Gentilium fabulas confugas? Nam si historica percurrere cupis, habes Reges. Si philosophica & poetica, habes Prophetas & Job & Proverbiorum Auctores, in quibus omnis poetica ac Sapientiæ accuratam rationem invenies, quoniam Domini Dei, qui solus est sapiens, voces sunt. Quod si Cantilenas cupis, habes Psalmos. Si rerum origines nosse desideras, habes Genesim. Si leges & præcepta, gloriosam Dei Legem. Ab omnibus igitur exteris & diabolicis libris vehementer te contine.*

Constr.
Ap. Li. 2.
1. c. 7.

Eodem sensu Tertullianus de Platone loquens, qui omnium veterum Philosophorum celebratissimus, & hominum existimatione cumulatissimus fuit, hæc ait: *Doleo bona fide Platonem omnium Hæreticorum condimentarium factum. Illius est enim & in Phædone, quod Animæ hinc euntes sint illuc, & inde huc.*

Lib. de
Anima
c. 23.

Ejus-

Apologus
c. 47.

Adversus
Hæreses
n. 9.

Ejusdem Tertulliani nativa descriptio ac pictura Gentilium Philosophorum conspicitur, ubi Philosophum cum Christiano comparat: *Quid simile Philosophus & Christianus? Græciæ discipulus & Cæli? famæ negotiator & salutis? verborum & factorum operator? rerum edificator, & destructor? interpolator erroris, & integrator veritatis? furator ejus, & custos? Ne multa, Philosophos Hæreticorum Patriarchas fuisse, alio loco pronunciat.*

In Oratoribus atque Historicis quid aliud, Fratres, sæpius advertitis, quam homines, qui omnes conatus atque omnem operam ponunt in iis rebus acquirendis, quas Dominus Deus noster jubet ut contemnamus; qui gloriam quærent, cujus ne ullo sensu, aut ulla cupiditate tangamur, idem vetat? Oratores quidem illud sibi unice proposuerunt, ut laudem immortalem apud posteros consequerentur. Prophani vero Historici quid aliud exhibent, nisi homines immodico suarum passionum amore constrictos, honoris cupidos, ambitioni, vanitati, odio, vindictæ, cupiditati obnoxios, qui ut animum suum ac libidinem explerent, nihil prætermiserunt?

Poetas quod spectat, vix datur illos intelligi, nisi discantur Gentilium fabulæ: At quid non scelestum, quid non turpe fabulæ istæ præferunt? Poetæ sciunt scdissima vitia decorare, coloribus deformitatem inumbrantibus pingere, in specioso lumine collocare, ut amabilitatem illis conferant, & venenum, quod intus latet, sub honesta decentique facie tegant.

Jure igitur merito Sancti tam perspicuis verbis Solitarios ab humanarum Litterarum Studio prohibuerunt. Nec nostræ sententiæ oppugnandæ idonea sunt Sancti Clementis Alexandrini, Sancti Cypriani, & Sancti Justinii quæ afferuntur exempla. Quippe illos Deus destinaverat ut essent Gentilium monitores, ut eorum falsas & insanas opiniones subverterent: Quod ut illis ex sententia succederet, oportuit eorum, quæ Philosophi & Poetæ scripserant, exquisitam habere notitiam, in horum enim scriptis dogmata, opiniones, & Religio Gentilium continebantur.

Quando eorum lectionem permisit Sanctus Basilii, ut singillatim de Homero notat Tractatus Auctor, hoc ad Monachos & Solitarios non retulit. Ipsum vero huic lectioni non multum opere dedisse, vel hinc patet, quod illam commendans, ad virtutem animos excitare ait, quemadmodum acceperat a docto quodam viro, qui maxime Poetarum sensus tenebat.

Regul.
fus. 9. 75.

Sed ut ad Monachos redeam; antiquos Patres librorum prophanorum lectionem illis interdixisse certum est. Sanctus Basilii de institutione illorum agens, qui per Professionem Deo dedicandi sunt, monet ut fini quem jugiter ante oculos habere debent convenienter edoceantur; ut magistri vocabulis in Sacris Litteris usitatis apud ipsos utantur, & loco fabularum, historias ipsi rerum mirabiliter a Deo gestarum denarent, itemque sumptis ex Proverbiis sententiis ad virtutem erudiant.

S. Hie-

S. Hieronymus eandem animo versabat sententiam, cum ait: *Demonum cibus est Carmina Poetarum, seculari sapientia, Rhetoricorum pompa verborum; hæc sua omnes suavitare delectant, & dum aures verbis dulci modulatione currentibus capiunt, animarum quoque penetrant, & peccatoris interna devincunt.*

Videre est apud Cassianum, quo pacto Germanus Abbas, qui hos libros in prima ætate lætitaverat rerum in iis contentarum memoriam altas jecisse radices queratur: „ Speciale impedimentum salutis accedit, pro illa quam tenuiter videor attigisse notitia litterarum, in qua me ita vel instantia Pædagogi, vel continuæ lectionis maceravit intentio, ut nunc mens mea Poeticis vel insectis carminibus, illas fabularum nugas, historiasque bellorum, quibus a parvulo primis studiorum imbura est rudimentis, orationis etiam tempore meditetur, psallentique, vel pro peccatorum indulgentia supplicanti, aut impudens poematum memoria suggeratur, aut quasi bellantium Heroum ante oculos imago versetur, taliumque me phantasmatum imaginatio semper eludens, ita mentem meam ad supernos intuitus adspirare non patitur, ut quotidianis fletibus non possit expelli. Coll. 14.
6. 12.

Idem animo versabat Sanctus Augustinus, eandemque fovebat sententiam, de institutione, quæ sibi adolescenti fuerat tradita in Libro suarum Confessionum loquens; & quando in una ex suis Epistolis ait: *Huc humilitati saluberrima, quam Dominus noster, ut doceret, humiliatus est: huic, inquam, maxime adversatur quædam, ut ita dicam, imperitissima scientia; dum nos scire gaudemus, quid Anaximenes, quid Anaxagoras, quid Pythagoras, quid Democritus senserint, & cetera hujusmodi docti eruditique videamur, cum hoc a vera doctrina & eruditione longe absit.* Lib. 1.
Confess.
cap. 13.
Ep. 118.

S. Isidorus Pelusiota hanc eandem sententiam confirmat his verbis, quæ in quadam ex ejus Epistolis leguntur. „ Quis te (assatur Monachum) comicis salibus non perstringat? Quis te non commiseretur, qui cum in Philosophiæ discipulorum Domini tranquillitate sedes, Gentilium Historicorum & Poetarum tumultum atque æstum tecum trahas? Quid enim, dic quæso, apud illos est, quod Religioni nostræ sit præferendum? Quid non mendacio ac risu scatet, ex iis quæ magno studio consectantur? An non divinitates ex vitiosis affectionibus? An non fortia facinora pro vitiosis affectionibus? Quamobrem ipsam quoque scæditatis & obscenitatis lectionem fuge (nam ea miram ad aperienda vulnera jam cicatrice obducta vim habet:) ne aliqui vehementiore cum imperu spiritus improbus revertatur, ac deteriorem & perniciosiorem tibi priore ignorantia aut negligentia cladem inferat. Lib. 1.
Epist. 63.

Idem Sanctus Pater alio loco ait: Si divina oracula sinceram & perfectam vivendi rationem significant, supervacaneam esse curiosiorem inquisitionem iis, qui prudenter in eorum lectione ver-

- Ep. 369. „ fantur . Alibi quoque , postquam Monachis Sacra Scriptura le-
 „ ctionem commendavit , hæc subjungit : Quæ autem extra hoc Vo-
 „ lumen circumferuntur , etiamsi quidpiam habeant , quod ad gravi-
 „ tatem , vitæque honestatem allicere queat , iis investiganda & con-
 „ servanda relinque , qui verborum pompæ potius studuerunt .
- Lib. 4.
Epist. 11. „ Si vis acquirere compunctionem , ait S. Nilus , Auctores Prophe-
 „ tias sive Historicos , sive Oratores , ne legas . Præterea in hanc
 „ rem gravissimis sententiis scribit in Epistola quadragesimanona li-
 „ bri secundi , ubi ceu insanam & absurdam traducit illorum agendi
 „ rationem , qui cum Monasticum statum amplexi sint , vanis hisce ac
 „ falsis lectionibus detinentur .

- Cap. 38. „ In regula Solitatorum hæc legitis : *Non oportet Solitarios Gensilium
 „ libros legere , ne forte oblectamenta inanum fabularum , vel figmenta
 „ Poetarum mentem excitent ad incendia libidinum .*

- Petrus
Dam. ad
Ar. Ab.
& Mon.
Epist. 17. „ S. Petrus Damiani , postquam incommoda , quæ a scientiarum Stu-
 „ dio proveniunt , enumeravit , ac exemplis demonstravit , sic exclama-
 „ mat : *Quocirca Dilectissime Fili , noli hujusmodi sapientiam querere , quæ
 „ tibi simul cum reprobis & Gensilibus videat convenire . Quis enim ac-
 „ cendit lucernam , ut videat Solem , quis scolacibus utitur , ut stellarum
 „ micantium videat claritatem ? Ita qui Deum vel Sanctos ejus sincero
 „ querit intuitu , non indiget peregrina luce ; ut veram conspiciat lucem .
 „ Ipsa quippe vera Sapientia se querentibus aperit , & sine adulterina lu-
 „ cis auxilio , lucis innocua se fulgor ostendit . Unde scriptum est : Clara
 „ est semper , & nunquam marcescet sapientia ; & facile videtur ab his
 „ qui diligunt illam : & invenitur ab his qui querunt illam : præoccupat
 „ eos qui se concupiscunt , ut illis se prior ostendas .*

- Hugo a
S. Victore
lib. 4. de
arca mo-
ral. c. 8.
tom. 2. „ Silentio præterire non possum , Fratres , ea quæ super hac re legi-
 „ mus apud Hugonem Sancti Victoris „ Quot modo Litteratos cerni-
 „ mus (inquit magnus hic vir) qui vocari Christiani volunt ; & cum
 „ ceteris Fidelibus Ecclesiam intrant , & de Sacramentis Christi par-
 „ ticipant : in quorum cordibus sapius est memoria Saturni , Jovis ,
 „ Martis , Herculis , sive Achillis , Hectoris , Pollucis , Castoris , So-
 „ cratis , Platonis , Aristotelis , quam Christi , & Sanctorum ejus !
 „ Nugas Poetarum diligunt , & veritatem divinarum Scripturarum
 „ aut negligunt , aut quod pejus est , irrident , & contemnunt . Vi-
 „ deant nunc quid eis prosit , foris Ecclesiam ingredi , & intus in cor-
 „ de a fide fornicari . Ego eis prouuncio , quod illis in fine sociandi
 „ sunt , quos nunc in cogitationibus suis per affectum cordis sibi con-
 „ jungunt ; & quorum hic vitam diligunt , eorum illic supplicii par-
 „ ticipes erunt . Quid illis prodest habere fidem , & non manere in
 „ fide ? Quid illis prodest navem integram habere , & in fluctibus
 „ naufragium , non dicam pati , sed sponte facere ? Quid prodest ve-
 „ ritatem cognoscere , & falsitatem diligere ? Non sunt tales qui vere
 „ fideles sunt . Vis scire quales sint ? Audi qualis unus illorum fuerit
 „ & tales omnes intellige . Dissimiles enim esse non possunt , qui ve-
 „ ritate

ritate unum sunt. Audi ergo quid de illo dicatur: Lex Dei ejus in corde ipsius, hoc est arcam intus habere; & quia hoc fortassis non sufficit, audi iterum: In lege Domini voluntas ejus.

En igitur, Fratres, quæ mihi in mentem venerit de Litterarum Humanarum Studio pronunciare, postquam universa legi, quæ hoc Capite continentur.

Primo; Rationi consentaneum non esse Monachos huic Studio implicare, quod natum est omnem illorum pietatem labefactare, spiritum, quo ferri, ut ita dicam, atque incitari debent, extinguere, atque alium huic plane oppositum surrogare.

Secundo; Neque Deo neque hominibus probari posse, quod exercitatio judicio Sanctorum rejecta ac damnata, sit in ea hominum conditione familiaris, quæ solemni consecratione ad Jesum Christum pertinet.

Tertio; Sanctorum institutis ac præceptis nos minime æquos esse, si hoc exercitationis genus, quod illorum communis & sanctæ explicata sententia prorsus explosit, constituere ac stabilire velimus. Et si vel unus ab Auctore citatus D. Augustini locus suppeteret, ubi ait: *Nam si primo Sanctis tuis Litteris informatus essem, & in earum familiaritate obdulsisses mihi, & postea in illa volumina (Platoniorum) incidissem; fortasse aut abrupissem me a solidamento pietatis; aut si in affectu quem salubrem imbiberam persissem, putarem etiam ex illis libris eum posse concipi, si eos solos quisquam didicisset.* Satis hic locus argumenti esset, cur prophanorum lectionem exhibilaremus, & a bene moratis Cœnobiis ablegaremus.

Quarto; variæ huic lectioni ita vacare, ut aliqua inde utilitas decerpatur, Monachos non posse, nisi dicatum regularibus exercitiis, atque a Regulis præscriptum tempus intercipient: Ita vero suffraganeum deque in Monasteriis cuncta agerentur, & rectus ordo perverteretur, a quo omnis illorum decor, tranquillitas, atque omne solatium pendent.

Ab re tamen prorsus non fore, putat Auctor, quod qui Reipublicæ literariæ usilem operam navant scripta elucubrando, tantillum temporis identidem suffurentur ad Veterum Auctorum quorundam lectionem, ut a diuturno labore ingenium aliquatenus recreent? &c.

Divus Thomas post diuturnas gravesque meditationes, post laboriosas scriptiones, quæ firmissima ingenia & Studiis omnino assuefacta delassare poterant, haud alia lectione recreabatur, quam Asce-
ticorum librorum, puta, Castiani, Vitarum Sanctorum Patrum, aut aliorum ejusdem notæ. Nullam quippe animi relaxationem a viro peculiariter Deo dicato querendam esse putabat, quam quæ a rebus sanctis redundare posset; & lectionem asceticam, modo si ne ulla mentis contentione perageretur, proprium illius solatium esse

esse. Tam exquisita diligentia, sive potius religione sese gesserunt illi, quibus perspecta erat solitariae vitae sanctimonia; cujus vitae singula momenta maximi aestimanda esse, utpote aeternitatis pretium, crediderunt, & in rectum usum impendere omnibus viribus studuerunt.

Reg. 176. Ad extenuandam Sancti Isidori Pelusiotæ auctoritatem, qui tam valide prophanorum Scriptorum lectionem insectatur, *ab ipsomet Sancto viro hosce Scriptores citari, & plura ex eorum libris desumpta exempla apposite usurpari*, inquit Tractatus Auctor.

Facile patet, Fratres mei, illationem, quæ hinc ducitur, non esse satis accuratam; licuit enim Sancto Isidoro prophani & gentilis cuiuspiam auctoritatem proferre æque serio ac pio sensu, ac si Patris alicujus sententiam retulisset. An non sæpe me ipsum, Fratres, Sancti Pauli exemplo, nonnullos versus ac sententias quasdam ex Veteribus referentem audistis, ut sanctas veritates, quas vobis proposueram, confirmarem? Dicta illa Veteris Poetæ, quorum forsatis meministis,

*Quos divi conscia fasti
Mens habet attonitos, & surdo verbera cadit,
Occultum, quatiente animo, tortore, flagellum.*

plusquam semel attuli vobis, ut malos in hac vita nulla quiete gaudere ostenderem, dum propria illis conscientia culpas exprobrat, dum eos intus agit, & occultis poenis supplicisque castigat.

Quoties vobis verba illa cuiusdam Poetæ inculcavi, ut ex ipsa Paganorum sententia demonstrarem, pietatem esse prorsus interiore, & cor rectum a Deo, præcipue in hominibus requiri?

*Quin damus id Superis, de magna quod dare lance
Non possit magni Messala lippa propago,
Compositum ius fasque animo, sanctosque recessus
Mentis, & incoctum generoso pectus, honesto?*

Sed quamvis ista citaverim, nihilominus persuasum mihi semper fuit, atque adhuc omnino persuasum est, prophanorum Scriptorum lectionem Monachis nequaquam convenire. Ut ut enim quædam ibi utiles sententiæ reperiri possint, id raro accidit; adeoque ad hanc lectionem incumbere, perinde esset, ac diem perdere, & res multas malas legendi occasione sese objicere. Ego quidem illos legi, antequam hanc vitæ conditionem sequeker; ex illo vero tempore, me, cum ter aut quater Homerum, Theocritum, nonnullosque Poetas tragicos in manus sumpsissem, continuo illos deposuisse, fateri possum; dictante conscientia, me, his, lectionibus jam non

non amplius idoneum, nec illas me, hoc est hominibus hujus instituti dignas esse. Scens de me, quisquis voluerit, iudicet; sed ut super hac re de sententia decedam, committere non possum.

C A P U T . X L L

Ubi de *Manuscriptorum, Inscriptionum & Numismatum* Studio agitur. Pag. 179

INspecto hujus Capituli titulo, Fratres mei, vix aut ne vix quidem erit qui illud in Monachorum gratiam scriptum fuisse arbitretur. Cui rei inservire illis potest Codicum Manuscriptorum Studium? Quid per Inscriptionum notitiam, quid per Numismatum scientiam addiscant, ex quo magis perfecti reddantur, & ad eum sanctitatis gradum assurgere valeant, ad quem ex divina Providentia nutu vocantur? Quænam est hujus tam diffusæ curiositatis ad illam simplicitatem, quæ eorum instituto convenit, ratio, ac similitudo? Quis audivit unquam, requiri ad hoc ut quis Monachus sit, ut Inscriptionum antiquarum, Codicum manuscriptorum, & Numismatum notitia polleat? Ignotum id priscis Patribus omnino fuit, nec ulli usque ad nostram memoriam id in mentem venerat.

Utilia nonnunquam ex veteribus monumentis detegi possunt, nonnunquam quæ media ratione se habent. Dicendum tamen est, quod si propterea mutetur vis ac summa conditio, quæ ad Jesu Christi gloriam, ad Ecclesiæ ædificationem, & ad hominum sanctificationem institutæ fuerunt, jam tunc detegendi labor periculo vel suspitione non vacat: Quomodo ergo tam miræ novitatis sententia nobis arridebit? Non modo nihil tale animo versarunt, qui de Monastico statu locuti sunt, sed & Regulas illos instituisse, eaque docuisse, quæ huic methodo agendi prorsus adversantur, satis constat.

Hujus Capituli initio recte dicendi & scribendi præcepta traduntur, cum iis, qui in Monasteria sese receperunt, præcipue illa, quæ Sancti Benedicti Regulam profitentur, id solum propositum sit, ut tacere discant, loqui autem nullo modo.

Egregiæ sane regulæ, quibus Oratores aut Declamatores informari possunt, hoc Capite continentur. Sed quid hoc cum officiis, quæ S. Benedictus discipulis suis imperavit, commune habet? Jubet ille, ut perenne silentium custodiant, ut a malis & otiosis verbis se abstineant, ut sermones joci perpetuo ablegent: De ipsis ad pietatem colloctionibus sic ait: *Ergo quamvis de bonis & sanctis ad ædificationem eloquiis, perfectis discipulis, propter taciturnitatis gravitatem, rara loquendi concedatur licentia.* Ber. Reg. c. 6.

Quanam ratione Studium, quo bene dicendi præsidia quaeruntur.

Volumen tertium.

L 3

tur

1b. c. 42. tur cum hac Sancti Benedicti sententia componi potest? *Omnī tempore silentio studere debent Monachi.* In hoc situm est præcipuum inter Sæculares homines, & Solitarios discrimen. Hi quidem de omni re caute pronunciant, sibi ipsis parum fidunt, & nihil sibi magis convenire silentio putant; illi vero multum sibi arrogant, audacter se gerunt, de omnibus ut Magistri, loquuntur. Illis humilitas tacendi ingerit desiderium; his superbia loquendi præbet audaciam.

Fig. 180. *Apriora instrumenta, quibus recte loquendi artem consequimur, esse, ait, multum legere, sæpiusque scribere, ut optimos quosque Auctores imitandi exerceamus industriam.*

Sancti Patres & Institutores lectioni operam dare nos jubent, libros nobis in manus tradunt, a quibus piis institutis ac præceptis imbuamur, atque unde præsidia & faciles modos imitandi illos, sive potius Dominum Nostrum, qui Sanctus Sanctorum est, nobis comparemus. Hic vero juniores Monachi (ad hos enim præcipue Tractatus de Studiis dirigitur) suadetur, ut legant & scribant, veteres ac optimos quosque Auctores imitandi gratia. Heu! Quodnam ad imitandum exemplum Monachus sibi ante oculos rectius proponat, quam quod illi Jesus Christus offert his verbis: *Exemplum dedi vobis?* Nonne hæc illorum est, meta? Nonne huc æstima mentis intentione, atque omnibus ingenii animique operationibus tendere debent? Cur hoc illis objectum subtrahimus? Cur a via, quam illis Sancti monstraverunt, illos deducimus, & in novas illos semitas trahimus, a quibus nunquam fortasse divertent?

Joan. 13.
v. 15.

Initio hujus Operis nobiscum factus est Auctor, Sanctum Benedictum non nisi binas horas ad legendum Fratribus suis assignare. Tunc profecto sanctus Pater hæc legendi & scribendi exercitia minime versabat animo, nec facile cogitasset, fore ut exigua illa temporis spatia Studiis adeo ab ipsius consilio & mente alienis aliquando insumerentur. Ipse quidem ex omnibus quotquot suam amplectuntur Regulam, totidem Sanctos efficere optavit, Auctori vero Tractatus omnino propositum est, ut illi totidem Doctores evadant.

Verum etiam si Monachis convenire demus, ut recte loqui ac recte scribere discant; annon satis esset, si id illi facerent, quemadmodum Sancti Patres, Augustinus, Gregorius, Leo, id ipsum fecere? Hi sunt nimirum quasi quædam exemplaria, in quorum virtutes sese Monachi formare debent, quin ad illa confugiant, quæ Declamatoribus aut foro destinatis hominibus convenire tantummodo possunt. Quid? Non sibi satisfaciens Solitarius quispiam, si eodem modo loquatur, quo loquuti sunt Sancti, Augustinus, Gregorius, Leo? Num majus aliquid spectare poterit, (nisi forte ex peculiari Dei vocatione) quod non ex depravatione cordis, immo

immo ex arrogantia, ac temeritate in viro silentio ac solitudini dicato non ferenda, oriatur? Quid de se ipso senties? Quam sibi animo finget de sua Professione notionem, quæ non adversetur prorsus veræ notioni? Ad quem ille scripturus est? Cui se præsentem sistere meditatur, dum saragite dicendi scientiam sibi comparare, quæ tam parum ad id refertur, quod debet Deo? Sane oportet eum sui valde oblitum esse, & cum certo judicare deberet, vivendum sibi ac moriendum in Claustri sui obscuritate, falsa imaginatione eum sibi illudere, qua se natum credit ad splendida magnæ facinora. At S. Bernardus, *laborem & latebras, & voluntariam paupertatem*, *Epist. 42. insignia esse Monachorum*, ait, *hac solace vitam nobilitare Monachici*, *Epist. 37. faciam*.

Facessat (inquit Auctor) *indigesta illa novorum syntagmatum Artis* *Pag. 180.*
Rhetorica congeries, quorum præsidio nihil prorsus addiscitur; Rhetorica Aristotelis & Quintiliani longe præstant &c.

Et nos, Fratres, quid vetat dicere: Facessat Aristotelis & Quintiliani scientia? Scientia Jesu Christi atque Sanctorum ipsius longe præstat, sine ulla comparatione nobilior atque excellentior est; quoniam per eam discimus imitari Jesu Christi humilitatem, vanas, ejus exemplo, negligere cognitiones, quibus sectatores & amatores sæculi replere se student, atque gloriantur; vias unico sequi, quas ille nobis monstravit, adherere illi indivisibiliter, & nos, dum conformes illi fieri optamus, dignas reddere promisso Regno iis, qui eum sequendi faustum consilium, omni laudi atque existimationi, quæ in hac vita comparari potest, antulerunt.

Facessat ergo quidquid vanitatem redolet, quidquid vanitatis memoriam refricare, aut revocare cogitationem, quidquid nos ad ejus modos, ut ita dicam, refingere, & ad ejus præcepta nos inflectere potest, officio illi contraria, cui satisfacere omaino debemus: *A sæculi actibus se facere alienum*; & quo ad agendum compellimur diversa à secularibus ratione, rejicientes quæ ab ipsis expetuntur, magni æstimantes, quæ ab ipsis negliguntur; denique tam pure & libere agentes, ut nulla nostra operatio eorum vel minimum imitetur aut exprimat cogitationes, affectus, sententias.

*Bened.
Reg. c. 4.*

Ad litteras humaniores referuntur notitia Codicum Manuscriptorum, Inscriptionum, & Numismatum; cui etiam additur Artis Critica vulgatissima hodie notitia. *Pag. 184.
188. 190.*

Nulla mihi sese offert causa, Fratres mei, quæ Monachos ad hoc scientiarum genus compellere videatur; cum nihil in se illæ

contineant, cujus aliqua sit cum earum professione convenientia, nec ulla sibi inde præsidia petere possint Monachi ad propria officia exequenda, sive ad obtinendam Sanctitatem, quam jugiter animo spectare, & quo tendere indefinenter debent. Scientiæ, inquam, hujusmodi, non illos humiliores reddent, non obsequentiores, non benigniores, non denique mortificationis sensuum animique amantiores; non illos ad orationem, ad solitudinem, ad silentium, ad agendam illam tranquillitatem & quietem, quæ vitæ illorum solatium est, ad ullam denique instituti, quod amplexi sunt, exercitationem, magis inflammabunt.

Contra hisce præditi scientiis Solitarii, præsentiores erunt, & propriæ opinionis tenaciores, sibi ipsis magis placebunt, commercia sæcularium, atque colloquia magis amabunt, repugnaces, curiosi, loquaces, distracti quotidie magis fient. Innumera denique sunt incommoda, quæ ab id genus scientiis ad Monachos redundare possunt; commoda & utilitates nullæ. Quod enim ait, ex hac Inscriptione

Page 289. NATU SEVERI, NOMINE PASCASIUS &c. innotescere, quod Constantini, & Rufi Consulatus respondeat anno 457, quo Paschale festum in diem 31. Martii incidebat: Quid hæc ad Monachum? Ista ad eum difficultas nec remote nec proxime perinet: hanc quæstionem sibi ut propriam adjudicent Episcopi, & Docti viri; quodque hi vel illi hac de re pronunciarint, si Monachi credant satis ipsis superque est.

Factorum quorundam, rerumque historicarum exigui fere momenti intelligentiam, idoneam esse rationem non video, qua quis velit, ut Monachi tempus & operam utilioribus ac magis necessariis exercitiis dicant, Studio, quod ad se non pertinet, impendant.

Non possum non idem sentire de notitia Numismatum, Manuscriptorum, Criticæ; quandoquidem nulla est aptior extimulandis atque extollendis ingeniis, vana curiositati ingerendæ, vitæ interiori labefactandæ, in qua omnis dignitas atque omnes divitiæ professionis ipsorum sitæ sunt; præterea si qui oratione delectabantur, continuo ejusdem radio capiuntur, si qui lacrymas poenitentis facillè mittebant, cito arescunt; hujus denique scientiæ occasione cunctas virtutes, in quibus summa, veritas, & solatium instituti ipsorum consistunt, vel amittunt, vel acquirere amplius non valent.

Sed ut perfecte intelligatis, Fratres, quæ sit Monastici instituti disparitas, contrarietas, & omnimoda discrepantia ab hoc Humanarum Litterarum Studio, quod Grammaticæ, ac recte loquendi scribendique scientiam, Auctorum prosarum, Oratorum, Historicorum, Philosophorum, Poetarum, Manuscriptorum, Inscriptionum, Numismatum, & Criticæ notitiam continet; nihil magis ad rem mihi esse videtur, quam veram ac germanam Cœnobiticæ vitæ imaginem graphice vobis describere. Longe amplius

plius ex hac simillima veri specie discetis, quam ego vos integris voluminibus docere possem. Quod enim hominum de eadem re sententiæ minime conveniunt, illud in causa est, quod alii aliter illam intueantur. Alii quidem Solitarios considerant pro eo, in quo nunc reperiuntur, statu: alii vero originem spectant, hoc est status ipsorum veritatem; quo intuitu nulla vitæ Monasticæ pars adverti potest, in qua variorum id genus Studiorum unum aliquod collocetur.

„ In Libro de Ecclesiastica Hierarchia Sancti Dionysii legere est De Hier.
Eccles. c. 6.
 „ Solitarios & Ascetas nihil aliud, cum profiterentur, contestari
 „ consuevisse, nisi quod cunctis sensibilibus & transitoriis abrenuncia-
 „ bant; quæcumque illos ab intima unione cum Deo avocare & di-
 „ vellere possent. Sacerdos autem Monasticam imprecationem psal-
 „ lens, interrogabat eum primo, an renunciarent divisibilibus omni-
 „ bus non solum vitis, verum imaginibus quoque ac phantasiis..
 „ Deinde exponebat illis perfectissimam vitam, illud aperte conte-
 „ stans, oportere illos medio ordine longe antecellere, & in divi-
 „ nam & Deo gratam monadem perfectionemque promoveri.
 „ Idem Sanctus Dionysius ait, plurima quæ impune a medio ge-
 „ runtur ordine, Monachis omnino interdici; & debere illos ad
 „ Dei exactissimam similitudinem virtutibus singularibus & unicis
 „ properare.

„ S. Basilii passim docet; Solitarium illud vitæ genus ample-
 „ xum esse, quod ultra humanæ naturæ fines procedit; vitæ se cui- Serm. 71
de Inst.
Mon.
 „ dam instituto tradidisse a corpore se junctæ; in angelicæ jam di-
 „ gnitatis ordinem transivisse, in assidua usque divinæ majestatis
 „ contemplatione permanens, ceteris omnibus ceterarum rerum
 „ Studiiis omissis Eum, qui præclaram hujus vitæ professio-
 „ nem emisit ad gloriam Dei, & Christi ejus attentiore cura reli-
 „ quo vitæ spatio cogitare debere: in hoc Sanctum effici virum
 „ Solitarium, quod Deo jugiter & totis viribus adhæreat, & quod
 „ sedulam operam ponat in exquirendis modis, quibus illi pla-
 „ ceat.

„ Idem Sanctus Basilii ait, Monachorum vitæ rationem unum Serm. 71
alio co.
 „ sibi tantummodo propositum habere, animæ suæ salutem, & quid
 „ quid prodesse ad eum finem potest, id ut tanquam Dei mandatum
 „ cum timore observer.... Alibi ait: Ubi vero jam quis sponte
 „ sua ipse professus est, hic Deo custodire se ipsum debet, veluti co-
 „ rum aliquid, quæ dicata sunt Deo, ne sacrilegii crimen incurrat,
 „ cum videlicet corpus, quod semel Deo consecravit, ministerio rur- Reg. fuf.
disp. q. 8.
 „ sum communis vitæ contaminet. Et alibi; Vitam Monasticam
 „ esse cordis ad eum, qui in cælo est, vivendi ritum traductionem,
 „ quam adepti vere illud possunt dicere: Nostra conversatio in cœ-
 „ lis est. Const.
Mon. c.

„ Idem Sanctus Basilii ait, Solitarios Liberatoris nostri. Jesu 18.

„ Chri-

„ Christi, ejusque vitæ, dum inter nos versaretur, perfectos imi-
 „ tatores esse; genus præterea vivendi Apostolorum & Angelorum
 „ æmulari. Et postquam fassus est, se dicendo rei magnitudinem
 „ attingere non potuisse; subdit sibi metuendum esse, ne exilitate
 „ sua argumentum potius obscurer, ne dum splendorem illi va-
 „ leat afferre.

Orat. 12. „ S. Gregorius Nazianzenus Monachum describit quasi homi-
 „ nem, qui obstructa sensuum janua, & a carne & mundo segrega-
 „ tus, ut in seipsum redeat, & cum hujus inferioris vitæ rebus nequa-
 „ quam communicet, nisi quatenus vera illum necessitas adigat; pro
 „ portione sua Dominum habet, & animo illum solam cogitat; vi-
 „ tam agit omnia sensibilia prætergredientem; & divinorum collo-
 „ quiorum & communicationum vivas imagines in corde gerit, im-
 „ munis ab omni commixtione rerum terrenarum, quæ illusioni sem-
 „ per obnoxie sunt.

„ Cassianus inquit, primam Solitarii curam, in qua mentis suæ
 „ intentionem debet habere defixam, hanc esse, ut jugiter Deo inhæ-
 „ reat, ut in res divinas firmum revocet intuitum, & quidquid eo
 „ non collimat, ut ut magnum aliquid sit, omnino esse negligen-
 „ dum; Deo offerendum esse a Solitario viro perfectum, purum, &
 „ ab omni passionum perturbatione liberum cor; & si quando illud a
 „ Deo distractum sentiat, dolendum ipsi ac suspirandum, ac rursus
 „ ad eum cordis oculos retorquendos: *Toties vero se a summa bona
 „ sentias recessisse, quoties se ab illo intuitu deprehenderit separatum:
 „ fornicationem judicans vel momentaneum a Christi contemplatione dis-
 „ cessum.*

Col. 23. „ Aliibi inquit: Cum ab ea invisi vel paululum violentis cogitationibus
 c. 8. „ abstrahuntur, velut quoddam in se sacrilegii genus præsens pœnitendi-
 „ nis puniunt ultione, ac vilissimam Creaturam, ad quam sit detorsus men-
 „ tis intuitus, Creatori suo se prætulisse iugentes, pene dixerim impieta-
 „ tis sibi crimen adscribunt. Et licet ad conspiciendam divinæ gloriæ cla-
 „ ritatem, oculos sui cordis summa alacritate convertant; tamen etiam
 „ brevissimas carnalium cogitationum tenebras non ferentes quicquid ab il-
 „ lo vero lumine mentis aspectum retrahit, evectantur.

„ Alio loco ait: Solitaria mentem Deo semper inhærere debere, ne-
 „ que unquam ab illo divelli; quidquid enim ab eo diversum est, & se
 „ vel parum distrahere potest, nonium esse putandum.... Omnis Mona-
 „ chi finis, inquit, cordisque perfectio, ad jugem atque indissruptam Ora-
 „ tionis perseverantiam tendit; & quantum fragilitati humanæ concedi-
 „ tur, ad immobilem tranquillitatem, & ad perpetuam nititur puritatem.

Inst. 1. „ Itaque non leve noveris (ait) esse peccatum, perfectionem professum
 c. 38. „ quempiam, ea quæ sunt imperfecta sectari.

„ Postquam perfectio finem accepit; tradit S. Joannes Damascē-
 „ nus, ac pii Imperatores totius orbis imperio potiti sunt, succeden-
 „ tes alii, ac zelum martyrum, divinamque cupiditatem sibi imi-

„ tan-

tandem proponentes, eodemque timore divini Judicii sauciam ani-
 mam habentes, illud optime secum considerabant, atque specta-
 bant, ut ab omni spurcitie puram animam & corpus Deo exhibe-
 rent Quoniam autem hoc non alia ratione, quam per manda-
 torum Christi observationem a se præstari posse intelligebant, ac
 virtutum cultum in mediis mundi tumultibus ægre consequi se pos-
 se perspiciebant; novum quoddam atque ab aliis diversum vitæ ge-
 nus sibi ipsis instituerunt, ac juxta divinam vocem relictis omnibus
 rebus, hoc est parentibus, liberis, amicis, cognatis, opibus, de-
 liciis, cunctisque mundi commodis contemptis, in solitudines, tan-
 quam exules quidam sese contulerunt, egentes, angustiati, affli-
 cti, quibus dignus non erat mundus. In solitudinibus errantes, in
 montibus & speluncis, & in cavernis terræ; ac se ipsos ab omni-
 bus terrenis jucunditatibus, & voluptatibus procul removentes, at-
 que adeo panis etiam & vestimentorum gravi penuria laborantes.....
 Per hæc exempla, & per hujusmodi coitiones & actiones, terre-
 ni cœlitum vitam imitati sunt, ut qui in jejuniis & precibus ac vi-
 giliis, in calentibus lacrymis, & luctu ab omni animi distractione
 libero, in peregrinatione ac mortis memoria, in lenitate animique
 affectu ab iracundia remoto, in laborum silentio, in paupertate at-
 que inopia, in castitate ac pudicitia, in humilitate & quiete, ac de-
 nique in perfecta erga Deum charitate, præsentis vitæ curriculum
 confecerint, Angelosque moribus expresserint. Ob eamque causam
 Deus miraculis ac signis, variisque virtutibus eos exornavit, effe-
 citque ut admirandæ eorum vitæ rationis sono ipsi quoque orbis ter-
 rarum fines perfonent.

S. Joannes Chrysostomus hæc habet: Vere domus luctus Mona-
 steria sunt, ubi cinis atque cilicium, ubi solitudo, ubi risus nul-
 lus, nullus negotiorum secularium strepitus, ubi jejunia, ubi ter-
 renorum duritia lectulorum, ubi absunt perturbationes, curæ, tu-
 multus: ibi Solitarii tranquillo in portu navigant, ac veluti lumi-
 naria sunt, sublimi de loco navigantibus fulgore suo iter aperien-
 tes, omnes ad quietem suam invitantes ac pertrahentes.

Si quis nunc ad Ægypti veniat solitudines (inquit alibi) para-
 diso quovis omnem illam videbit Eremum digniorem, & innume-
 rabiles Angelorum cœtus in corporibus fulgere mortalibus, & po-
 pulos martyrum, & choros virginum; & omnem quidem tyranni-
 dem diaboli dissolutam, Christi autem regnum coruscans..... Est
 cernere tota illa regione diffusum exercitum Christi, & admirabi-
 lem illum regum gregem, virtutumque cœlestium conversationem
 in terris micantem. Atque hæc non in viris solum, verum etiam
 in feminis splendens conspicias..... Non ita variis astrorum cho-
 ris cœlum resulget, ut Ægypti Eremus innumeris Monachorum
 distinguitur atque illustratur habitaculis... Hi cunctis præsentibus
 rebus exuti, mundoque crucifixi, nihilominus ad perfectionis ul-
 teriora

Hom. 14.
 in Ep. 1.
 ad Ti-
 monem.

Hom. 8.
 in Matth.

„ teriora contendunt : proprii siquidem opera corporis ad indigentium utuntur alimoniam . Neque enim quia jejunt , aut vigiliant , idcirco otium sibi indulgent diurnum : sed noctes quidem sacris hymnis ac vigiliis : dies vero orationibus , manuque operibus exercent , apostolicæ cursum virtutis imitantes .

*Hemil.in
Matth.*

„ Alio loco illos exhibet ac describit sacco indutos , remotissima deserta regionum petentes : tanquam pauperes qui hanc vitam exilii locum computant ; sed simul ut viros Angelorum similes , atque ut invicta veritatis Ecclesiæ testimonia virtutum ipsorum excellentia reddita .

„ Illos loqui tantummodo ait , & mutuos miscere sermones de venturis atque æternis rebus , de terrenis hujus vitæ disputare , de dignantes ; humilitatem , abjectionem , annihilationem unice diligentes ; & per hæc quasi faces esse , quæ totum orbem illustrant , atque aggeres ad populorum tutelam ; cælo illos vivere in quo jam spiritu reperiuntur ; in solitudine altissimaque quiete cum montibus , vallibus , rivis & fontibus , omnium vero maxime cum Deo versari , quem in suis precibus jugiter alloquuntur . Ne multa , dies omnes suos inter laborem , orationem , & sanctorum librorum lectionem partiuntur .

*Lib. de
Virginis.
c. 77.*

„ Maximum virginittis bonum , ait Sanctus hic Vir , in hoc situm est , quod superflui solitudinis cunctas occasiones , omnesque vitæ inutilitates auferat , quodque animum divinis pietatis exercitiis prorsus dedicit .

*Epist. ad
Hilar.*

„ S. Eucherius Solitudinem orationis locum appellat , in quo intime Deo fruimur ; sanctuarium quoque charitatis ; thesaurum pietatis , omnis perfectionis centrum . De Studiis omnino silet .

*Lib. 1. c.
129.*

„ S. Isidorus Pelusiota : Dei regnum monastica vita est , ut quæ nulli vitiosæ affectioni succumbat , verum alta sapiat , ac virtutes cælo superiores præstet .

„ Eodem loco ad Monachum loqui pergit : Hanc tu vitam complexus , da operam , ne quod te delictum in servitutem addicat , ac de Monasterio hoc est regis templis & palatiis exturbet .

*Hieron.
in Psalm.
115.*

„ S. Hieronymus hæc habet : *Sicut enim martyres laudant Dominum pure in regione virorum ; ita & Monachi qui die ac nocte psallunt Domino , debeat eandem puritatem habere Martyrum , siquidem ipsi martyres sunt ; Quod enim faciunt Angeli in cælis , hoc Monachi faciunt in terris ,*

*Grad. 1.
art. 4.*

„ Monachus est , ait S. Joannes Climacus , qui solum ad Deum acie mentis intentus , illum semper orat in omni tempore , & loco & opere . Monachus est perpetua naturæ violentia , sensuumque vigilantissima & indefessa custodia . Monachus est castificatum corpus , expiatum os , animusque semper divino lumine irradiatus . Monachus est , qui afflictus & mœrens jugi mortis memoria , sive vigilans , sive obdormiens seipsum semper exercet .

*Grad. 1.
art. 4.*

„ Qui vere Monachus est , nihil jam in præsentī Sæculo diligit , „ nul-

„ nullius rei curis angetur, non pecuniarum, non prædiorum, non Grad. 2.
 „ parentum, non mundanæ gloriæ, non amicorum. Sed hujusmodi art. 1.
 „ omnem affectum, omnem harum rerum curam a se excutiens &
 „ execrans, præterea & carnem suam odio habens, nudus, secu-
 „ rus, impiger Christum sequitur, in cælum semper aspiciens, at-
 „ que inde adiutorium expectans, secundum David verba, dicentis:

„ *Quid enim mihi est in Cælo, & a te quid volui super terram?*
 „ Non est reis in carcere lætitia, ita ne Monachis quidem vera Grad. 7.
 „ in terra solemnitas. art. 30.

„ Monachorum quidem lux Angeli sunt, cunctorum autem mor- Grad. 26.
 „ talium lux monastica est disciplina. Certent ergo summa ope art. 31.
 „ per omnia fieri omnibus optima forma, neque ullam cuiquam
 „ dent offensionem. Nam ex his quæ gerunt vivendi normam om-
 „ nibus proponunt. Denique si lux vertatur in tenebras, tenebræ
 „ ipsæ, idest homines, sæculo addicti, quantum putas propterea
 „ obtenebrabuntur?

„ Solitarius est forma terrestris Angeli, qui orationem suam Grad. 27.
 „ charta desiderii & solitudinis litteris desidia & torpore liberabit. art. 27.
 „ Solitarius est, qui revera clamare potest: Paratum cor meum
 „ Deus. Solitarius quietus ille est qui ait: Ego dormio & cor
 „ meum vigilat.

„ Modicus pilus perturbat oculum, & modica cura demolitur Art. 32.
 „ quietem. Quies enim Solitarii est depositio sensuum, curarumque
 „ rationabilium abnegatio.

„ Vita Solitaria est perpetuo atque intentissimo cultu Deo jugi- Art. 68.
 „ ter assistere.

„ Vita quiescentium, immo vero Anachoretarum, secundum con- Art. 67.
 „ scientiam ex intimo cordis sensu fiat. Is qui rationabiliter cur-
 „ rit, studia sua ac locutiones & cogitationes & incessus & motus,
 „ omnia secundum virtutem studiosissime atque ex affectu cordis
 „ operatur coram Domino. Quod si adhuc abripitur nondum se-
 „ cundum virtutem operatur.

„ In eo te statu exerce qui curiositatem nesciat: nihil enim ita Art. 83.
 „ quietem inquinare potest, ut curiositas.

„ Sed mittamus Veteres; ac videamus, quid hac de re tradide-
 „ rint Sancti illi, quibus a nobis major habenda esse fides videtur,
 „ siquidem ii duces ac magistri nostri sunt proximiori quodam gra-
 „ du, quam qui eos præcesserunt; digitum autem intendo ad San-
 „ ctos, Benedictum & Bernardum.

„ Monachus est (inquit S. Benedictus) qui in Monasterium se re-
 „ cipit, quasi in quoddam sanctitatis gymnasium, ubi sola hæc scien-
 „ tia discitur, Jesu Christo vero Regi militare; hoc est eum sequi
 „ in solitudine, in recessu, in silentio, in abjectionibus, in abdita
 „ vita, atque in omnibus instituto suo convenientibus exercitati-
 „ bus: *Constituenda est ergo a nobis Dominici Schola servitii.*

Prolog.
Ben. in
Reg.

Monach.

Monachus est (ait idem. Sanctus Pater) qui metuens, ne perpetuam tradatur ad poenam, & dignum se hereditate Sanctorum reddere volens, hoc tempore nihil agit, quod obtinendæ æternitati non prosit: *Curandum & agendum est modo, quod in perpetuum nobis expediat.*

Atque alibi Monachus est, qui apertis oculis cordis non ad tenebrosa Gentilium Philosophorum dogmata, sed ad divinas veritates & lumen Scripturarum sanctarum, verba sacra quæ in illis Dominus Noster digito suo impressit, reverenter audit: *Apertis oculis vestris ad deificum lumen, attonitis auribus audiamus divina quotidie clamans quid nos admoneat vox, dicens, &c.*

Is est Monachus, qui Dominum Deum diligere ex toto corde & tota anima constituens, abnegat semetipsum sibi, ac rejicit quæcumque possunt se a Deo avocare; actus vite suæ omni hora custodit, qui cum sibi a Regula præcipiantur, divino illi objecto conjunctum ipsum indivisibiliter servant. Id vero patet tum ex singulis Regulæ deinceps exponendis Capitibus, tum ex sedula cura quam habuit S. Benedictus. quælibet actuum momenta, enucleatè designandi.

Is est, cujus tota vita cantu, præconiis, manuum labore, orationibus, piis lectionibus constat.

Is est, qui super omnia veritatem diligens, os suum a falso eloquio custodit; illosque devitat, quorum lingua verba vanitatis, erroris, & illusionis profert, qualis est Philosophorum lingua atque Gentilium.

Is est, qui animum exercet timore magni illius diei, quo Dominus Jesus de cælis excelsis mundum judicaturus descendet, ac metu poenarum, quæ ab æterno peccatoribus manent: *Diem judicii timere, gebennam expavescere.*

Is est, qui *Vitam æternam omni concupiscentia spiritali desiderat, mortem quotidie ante oculos suspectam habet.*

Is est, qui bicipitem æternitatem ante oculos jugiter propositam habens, in bono se sustinet bona illa sperans quæ sibi Deus præparavit, & malum evitat mala timens, quæ sibi ille minatur. *Qualiter contemnentes Deum in gebennam pro peccatis, incidunt, & vitam æternam quæ timentibus Deum præparata est, animo suo semper revolvat.*

Is est, qui per abjectionis, & continuæ humilitatis gradus sciens contendendum sibi ad perfectam charitatem diligentissima opera vitat quidquid superbiam & elationem gignit: *His omnibus humilitatis gradibus ascensis, Monachus mox ad charitatem Dei perveniet illam, quæ perfecta foras mittit timorem.*

Is est, qui cunctos aditus cordis occludit, qui semper vigilat ne referentur, & ne illuc quidpiam ingrediat, quod nitorem puritatis obscuret, quod pacem ableget, & passiones excitet. *Custodiens se omni hora a peccatis, & vitiis, id est cogitationum, linguæ, oculorum, manuum, pedum, vel voluntatis proprie &c.*

Is est,

Is est, qui *Lectiones Sanctas libenter audit*, & prophanas omnino *rejecit.* C. 4. de Infr. hon. oper. 56. Ibid. 58.

Is est, qui mala sua præterita cum lacrymis, vel gemitu quotidie in oratione Deo confitetur.

Is est, qui per profundæ humilitatis sensum, defixos humi oculos semper habet, & inclinatum caput; qui omni tempore atque in omnibus actibus cordis sui affectiones testatur: *Inclinato sit semper capite, defixis in terram aspectibus.* Id. c. 7. grad. 12. humil.

Is est, qui ab intuitu Dei nunquam distractus, & judiciorum ejus rigorem ob oculos tenens, sibimet repetit illa Publicani verba: *Domine non sum dignus ego peccator levare oculos meos ad cælum: Rem se omni hora de peccatis suis existimans, jam se tremendo Dei judicio præsentari existimet, dicens sibi in corde semper illud, quod Publicanus ille Evangelicus, fixis in terram oculis dixit &c.* Ibid.

Denique, Fratres mei, Monachus is est, qui se mancipat Dei servitio, qui mundo abrenunciat; Sæculi opiniones & præcepta rejicit; qui accuratissime ac asperissime Regulæ cunctisque humilitatis & obedientiæ actibus in ea contentis sese sponte subjicit: sciens futurum ut, si unquam ab obligatione contracta recesserit, desertionem & infidelitatem suam æternam damnatione Deus puniat: *Si aliquando aliter fecerit, ab eo se damnandum sciat quem irridet.* Id. c. 58.

Quod Sanctum Bernardum attinet, Fratres mei, sæpius a me vobis dictum est, velle eum, ut Monachi spiritum Apostolorum Angelorum, & Prophetarum habeant, eosque Martyribus comparare solitum esse. *Videatis, Fratres, qualem spiritum accepistis, spiritum qui ex Deo est, ut sciatis, quæ a Deo donata sunt vobis. Audimus Apostolicum, audimus, O Propheticum, etiam O Angelicum gradum.* Ser. 17. de divers.

Imitantur Apostolos, eorum paupertatem, simplicitatem, mortificationes, & fidelitatem perfectam actu exprimentes, qua illi Dominum Jesum in ejus nuditate & abjectione secuti sunt. Ser. 1. in octa. Ps. feb. n. 7.

Imitantur Prophetas, dum instar ipsorum futura prædicunt per rerum præsentium contemptum; & Dominum Jesum Christum annunciant, ad secundum ejus adventum summo studio se præparantes.

Imitantur Angelos, dum a rebus sensibilibus & terrestribus se avellunt, dum nihil aliud cogitant aut desiderant nisi cælum, in assidua divini majestatis contemplatione viventes, sicut illæ immateriales substantiæ.

Vitam agunt quasi Martyres, dum omnia bona nihili æstimantes, & felicitates ac delicias hujus mundi spernentes, supernam felicitatem sancto desiderio expectant; ac poenitiæ suæ rigore Jesum Christum continentur, veluti Martyres magnitudine tormentorum.

Jam nunc, Fratres mei, a vobis, atque ab omnibus, quibuscumque in hanc Imaginem, quam hæcenus vobis expressi, oculum spectare strictim libuerit, peto, an aliquid vobis esse videatur, quodcum his virtutibus, cum his officiis & dispositionibus, ex quibus sum-

summa ac veritas Cœnobitici Instituti constat, difficilius copulari possit, quam earum scientiarum varietas, quibus ut Solitarii dent operam, Auctori placet, & quas addiscere inter præcipua illorum officia numeratur?

Quid Rethoricæ, Philosophiæ, Criticæ, Inscriptionum Studium, quid omnes illæ curiosæ scientiæ, quarum meminimus, commune habent cum iis hominibus, quibus Apostolorum, Prophetarum, Angelorum, & Martyrum ritu vivendum est? Qui fieri poterit, ut in simplicitate & abnegatione Apostolorum, in ea, cum Christo perpetua ipsorum conjunctione; in contemptu rerum omnium hujus vitæ, quem præferulerunt Prophetæ, in illa animi libertate & constantia Martyrum, in illa denique puritate & sanctitate, quæ Angelorum propria est, atque in defixa contemplatione divitiarum, altitudinis & formæ Dei, fideles permaneant, inter tot turbas ac distractiones litterariæ exercitationis, quæ omnino, velis nolis, eorum imaginationem, memoriam, & cor ad se pertrahet, quæque ne exiguum quidem temporis spatium illis relinquet, quo in exequenda omnium maxima obligatione libere uti possint?

Quomodo Solitarius intentam de Deo & Judiciis ejus cogitationem sustinebit? quomodo illi puram & quæ exaudiri mereatur orationem offeret? Quanta mentis perturbatione fluctuabit ad sacrum accedens Altare, tunc cum rerum, quas legerit, tractaverit, studio versaverit, imagines turnatim sese illi offerent, & mediæ inter Deum & ipsum consistent, tanquam obscura nebula, qua sibi divini Numinis præsentia subripietur? Quomodo inter multiplicem lectionum varietatem, quibus illius animus omnino distrahitur, collectionem mentis servabit, quæ illi ad Sanctificationem & quietem adeo est necessaria?

Quomodo illa Sancti Spiritus unctio, quæ delitias ac solatium vitæ Solitariæ constituit, simul esse poterit cum ariditate, quæ a vanarum scientiarum studio ineluctabiliter provenit. Quis labes & ruinas ignorat, quas animis omnium fortissimis ac perfectissimis inferre illa studia possunt?

Quid tandem Solitario omnibus hisce Studiis ac scientiis, quas relate ad ejus vitæ institutum vanas ac inutiles appellare consuevi, evenire potest; nisi quod jacturam faciat pietatis ac virtutis, quantumcumque in sua professione jam acquisivit; quod in superbiæ, vanitatis, præsumptionis, desidiæ, ac levitatis affectibus confirmetur, qui se in præsens tempus & in futuram fortasse æternitatem utilitatibus & commodis privabunt, quæ sibi jure merito pollicitus fuerat, dum a Sæculo in Monasterium secessit?

Hominem vobis, Fratres, ob oculos ponite, qui de Deo semper cogitet; cujus menti Dei Misericordiæ & Judicia semper obversentur; qui in compunctione ac lacrymis vivat; qui humilitatis exercitatione continua omnia illa caute devitet ac fugiat, quæ ipsum superbia efferre, & suimetipsius nimis honorificam opinionem inge-

ingerere possunt; qui ad omnes voluntatis suæ motus, & ad omnes actionum suarum circumstantias diligentius attendat; qui denique ex propria status obligatione ad omnimodam puritatem & sanctitatem tendere compellatur. Hujusmodi prorsus esse debet Solitarius Vir, juxta omnium Patrum sententiam, uti jam demonstravimus.

Nunc vero cum illo homine componite Virum Criticum, qui Rhetoricæ, Poesi, Grammaticæ, Philosophiæ, prophanis aut curiosis scientiis animum adjunxerit; qui in Manuscriptorum, Inscriptionum, Numismatum notitia acquirenda laboret; qui (nam & hoc addam) Ecclesiæ Canonum, Disciplinæ, atque Historiæ sit studiosus. Non ne talis coagmentatio monstri quiddam vere præsefert? An est in rerum natura quidpiam magis dissociabile atque invicem magis oppositum, quam prioris, quem vobis descripsimus, alteriusque viri conditio?

S. Bernardus monstri similem vitam suam appellabat, & se quasi sui Sæculi chimæram esse arbitrabatur: *Clamat ad vos mea monstruosa vita Ego quedam chimæra mei Sæculi*; quamquam non nisi manifesto Dei jussu & satis evidenti vocatione solitudinem deserere cogere, ut adesset rebus Ecclesiæ, & divini nominis gloriam pro virili sua parte tueretur. Hic vir Dei se pro monstro quodam habet, quod extra proprii status confinia se agere videat. Hinc facile est utiles animadversiones ad rem nostram colligere, ut discamus, quid ad Sancti Bernardi normam sit de illo Monacho pronunciandum, qui omnibus illis studiis, quæ hujus instituti virum minime decent, abstractus est, & quodammodo dispersus.

Cohibere me non possum, quin piissimi post divinas Scripturas Libri auctoritatem luculentissimam hic ad vos afferam, quæ cunctis Monachis ad scientiarum studia animum adjicientibus maximum metum atque horrorem incutere deberet: *Va eis, qui multa curiosa ab hominibus inquirunt, & de via mihi serviendi parum curant. Veniet tempus, quando apparebis Magister Magistrorum Christus, Dominus Angelorum, cunctorum auditurus lectiones, hoc est singulorum examinaturus conscientias. Et tunc scrutabitur Jerusalem in lucernis; & manifesta erunt abscondita tenebrarum, tacebuntque argumenta linguarum. Ego sum qui humilem in puncto elevo mentem: ut plures æternæ veritatis capiat rationes, quam si quis decem annis studisset in Scholis.*

De Imit.
Christi l.
3. c. 43.

CAPUT XIII.

De Critica, & de Regulis in ea servandis.

pag. 300. Nihil nostra hac tempestate (inquit Auctor) communi usu magis vulgatum est, quam aliorum Censuræ vacare; hoc opus universi aggrediuntur, & vel ipsis mulierculis hujus artis professione nihil est antiquius.

Reg. c. 4. 877. 20. **H**Æc aperta atque ingenua confessio satis per se idonea est ad probandum, Critices scientiam Solitariis non convenire, præsertim iis qui secundum Regulam atque Spiritum Sancti Benedicti vivunt; quoniam ipsis præcipit Sanctus Pater, ut a *Sæculi actibus se faciant alienos*. Hæc illos peculiaris nota discernit, & omnino diversos ab illis facit, cum quibus perpetuum agere divortium propriæ Professionis lege tenentur. Sentio me nunc passim ignotam orationem prædicare; Sancti tamen hoc pacto loquuti sunt.

Verum enim vero si ultro conceditur, Censuræ libidinem passim grassari, & generalem depravationem esse; quid est cur Monachos, qui a Sæcularium judiciis, actibus, & rationibus discrepare debent, aquarum, ut ita dicam, cursu abripi velimus? Quare torrenti non obstititur potius, neque tam vana, tam maligna, tamque diffusa scientia damnatur, commendatione simplicitatis, quæ professioni illorum prorsus est consentanea? Ne multa; vel hinc quod Criticæ ab omnibus opera impenditur, quod ejus vulgaris est usus, discant Monachi sibi ab illa esse abstinendum.

Quod si persuadere Monachorum animos hæc ratio non valet, accedunt aliæ plurimæ, quæ sequuntur. Et primo quidem Monachorum, atque Religiosorum innumera exempla, qui veritatis inquirendæ cognoscendæque specie, in omne vitæ tempus eandem deseruerunt.

Secundo, quis negare potest, Monachos ex proprii status finibus egredi, quoties ad scientias curiositatis plenas incumbunt, quas ipsorum Patres minime cognoverunt, & quæ illorum tantummodo propriæ sunt, quorum muneris est alios docere; non autem illorum, qui audire, & doceri ab aliis debent?

Tertio, nunquid parum existimas tempus, quod infumendum est in accurata Manuscriptorum collatione, in variarum Editionum comparatione, atque aliis hujusmodi ad hanc rem necessariis discussionibus? Non ne hisce immorans Monachus jacturam temporis facit, cum longe sibi convenientiora & utiliora agendo occupari possit?

Quarto, quid hoc aliud est, quam in illo curiositatis sensum excitare? Sciendi libidinem extimulare, quæ a crimine vacua esse

esse non potest in iis, qui ut ad id genus scientias sese adplicant, nulla peculiari a Deo vocatione impelluntur?

Quinto, non ne sic illi dubitationes movendi, difficultates in Sacram Scripturam, in ipsam Fidem, in Religionem excogitandi materia præbetur? An non inde quidvis est metuendum mali, cum pleraque ingenia in objectionum salebris hærerere sciamus, neque ad aliud illas inservire, quam ut de ipsa veritate dubia illis ingerantur?

Sexto, si cum successu Monachus hæc studia peregerit, si acutæ naris Criticus fiat, an illum sibi non placitum putamus, dum ea quæ aliis quamplurimis obscura sunt, ipse pernoscet? Non ne ille Fratres suos, quorum mens hisce notitiis fuerit destituta, quantavis cæteroqui virtute præditi sint, despectui ac deridiculo habebit?

Septimo quid est quod Monachum difficilem ac morosum reddere magis possit, eumque ita comparare, ut procaciter omnibus adverteretur, ut omnia reprehendat, ut Fratrum suorum actiones, Superiorum præcepta quasi suo quoddam jure expendere atque judicare velit?

Denique si Monachis hoc prorsus alienum ac novum Studium permittas, perinde agis, ac si humilitatem, docilitatem, simplicitatem, mansuetudinem, obsequium illis subtrahas; cunctisque illos virtutibus exuas, a quibus instituti ipsorum summa ac omne decus pendent, & in virtutum denique locum vitia & contrarios affectus sufficias.

Orthodoxæ Fidei dogmata adversus Criticorum censuram tuta non esse, Pag. 191.
inquit Tractatus Auctor; *O majori fiducia de quopiam Religionis capite pronunciari, quam a Synodico conventu fieri posset.*

Ergo ne tam incredibilem perversitatem inter homines vigere, illorum audaciam eoque procedere, nostrorum temporum pestem tam late grassari, omnino intelligentes, non pro virili obstemus parte, quominus in Claustrorum fines irrepat; neque omnes auditus præcludemus huic malo, quod vastitatem & omnimodam ruinam illuc inferre potest? Solitarii effingendis animo levibus cogitationibus, magis quam ceteri, obnoxii sunt; quamlibet illi materiam excutiant, assidua reflexione mentis altius scrutantur: & quod semel in animum illorum receptum est, profundas radices agit, nec inde facile avellitur. Quamobrem illi, qui hujus professionis amore tanguntur (quæ, si in sua veritate spectetur, tam amabilis est) qui eam qualis revera est, attente perspicient; qui prærogativas, atque utilitates illi divinitus connexas in ea perennare sincere optabunt; summa ope studebunt a re periculi plena huic professioni addictos removere; nec illos specie acquirendi utiles cognitio-

gnitiones, quæ nihil interea illis proderunt, in certam perniciem adduci patientur.

Si ea quæ hoc Capite continentur ad Monachos dirigere propositum Auctori non fuisset, nihil dicere contra habuissimus. Nam Regulæ, quæ hic ad rectum Critices usum instituendum exhibentur, sapientissimæ ac prudentissimæ sunt. Modo illæ diligenter servantur, & nulla ex præscriptis conditionibus prætermittatur, quod tamen exequi haud est ita facile, tutum & æquabile de rebus iudicium feretur.

C A P U T XIV.

Reg. 103.

De Excerptis, & Collectionibus.

Elegantissimam sane, atque utilissimam excerpenti & colligendi ex quotidiana lectione methodum tradit hoc Capite Tractatus Auctor. Ordo ac distributio rerum in hoc negotio servanda confusionem de medio tollit, atque obstat, ne temere ac pro suo quisque arbitrio Religiosi legant, ex qua legendi ratione nullum fructum percipiunt.

Illud tamen maximi ponderis atque momenti est, de quo admoneri debent: ne scilicet arbitrentur, se ideo lectioni incumbere, ut Doctores, & Magistri fiant, sed se toto vitæ tempore Discipulos futuros esse noverint, non ad docendum natos, sed ut ab aliis doceantur: tantumque absit, ut in posterum tempus ita se animo comparent, quasi alios aliquando docturi sint aut verbo aut scriptis; ut potius Regulæ præceptum jugiter præ oculis habeant, de nunquam intermittenda mortis cogitatione. Quapropter suas illi Lectiones quotidiani alimenti loco habeant; certique sint, se non alio sine legere, nisi ut se sustentent, ut animarum suarum vitam servent & muniant, ut proficua exercitatione tempus exigant, ut inutilia studia, quæ illos facile perderent, submoveant, denique ut animum sanctarum veritatum, quas ore suo vel Sanctorum suorum opera Dominus Jesus illos docuit, meditatione distineant.

Hanc inire rationem omnino debent, si ex lectionibus suis præsidia ad acquirendam sanctitatem petere volunt; secus illas sibi noctuas magis quam utiles fore, cito sentient. Lectio, Fratres mei, quod pluries ex me audistis, & vobis adhuc repetam, ideo Monachis imperata ab Institutore fuit, ut ex ea humiliores & sanctiores fierent, non ut eruditionis & doctrinæ incrementum facerent.

CAPUT XV.

De Compositione, & de una in aliam linguam Scriptorum conversione.

Scientiæ absconditæ, & thesauri invisi nullam esse utilitatem, teste divina Scriptura, inquit Tractatus Auctor; & e vestigio subdit, Monachos omni ævo scientiis operam dedisse. Pag. 312.

Isthæc divinæ Scripturæ sententia, Fratres mei, ad illos tantummodo accommodanda est, qui ad aliorum instructionem a Deo sunt constituti; quive traditum sibi talentum non invicem communicant, sed abscondunt; atque ad ea propter quæ illud acceperunt, eodem uti negligunt. Minime vero illos spectat, quos Deus ad vitam solitariam vocat, qui ideo tantum legunt, sanctisque veritatibus animum imbuunt, ut ad sanctitatem ipsi contendant, sintque illis exemplo, cum quibus vivunt. Eorum autem scientia materia quodammodo est sacrificii, quod Deo jugiter offerunt, dum voluptatem aliaque commoda ultro abdicant, quæ iis provenire solent, qui quidquid habent scientiæ cum aliis participant.

Monachos quod spectat, illos se omni ævo scientiarum Studiis dedisse, sine ulla probabili ratione affirmatur. Oppositum alias vobis ostendimus, & quamquam nonnulli ipsorum doctrinæ nomine inclauerint, frustra hæc aut illa exempla in medium adduci, utpote singularia demonstravimus. Si in hoc negotio omnes Monachi Cassianum aut Sanctum Bernardum imitari voluissent, Claustrorum sanctitas minus profecto enituisset; magnitudo Religionis ipsorum laudem & decorem Ecclesiæ non attulisset: atque innumera Monachorum multitudo sollicitudinibus; atque sæcularibus curis, mentisque distractionibus obnoxia reperta fuisset, dum scilicet sponte sua Studio scientiarum sese immiscuissent, nulla ad illa scientias vocatione, nulla missione, nulloque legitimo imperio compulsi.

Quod si contigerit, Monachos ad libros scribendos impelli Sancti Leonis hortatu, ut Cassianus; multiplici Sanctorum Præsulum ac illustrium Virorum suasionem, ut Sanctus Bernardus; nemo crimini illis dabit, quod calamum arripiant. Cum vero ex suo ræct ingenio, cui omnes diffidere debent, ad scribendum se conferent, nihil est quod timere non possint, si magnum illorum numerum attendant, qui recto calle se incedere rati, in immensam ruinæ profunditatem delapsi sunt. Mihi quidem, Fratres, summopere periculosum videtur, se in vulgus proferendi, aliosque docendi cu-

Volumen tertium.

M 3

pidita-

piditatem in Monachis excitare, qui ad hoc tantummodo nati sunt, ut ab aliis erudiantur.

pag. 314. Solitatorum lucubrationes his finibus materiarum ab Auctore concluduntur, ut videlicet opera, *quæ in lucem ediderint, ad Fidei progressum, ad morum disciplinam, ad Ecclesiæ vel Reipublicæ bonum, ad vitæ Monastica perfectionem, bonarumve Artium incrementum profint.*

Nempe de omnibus fere argumentis scribere Solitario licebit; vix enim ullum invenire est, quod non ad aliquod ex hisce Capitibus redigatur.

Quam latus campus earum rerum patet, quæ ad Fidei progressum, ad Ecclesiæ utilitatem conferre possunt? In hunc sensum venient universæ Quæstiones ad Theologiam, Scholasticam, Dogmaticam, ad Controversias, ad Disciplinam, ad Historiam Ecclesiasticam, ad Jus Canonicum, & ad Moralem pertinentes.

Reipublicæ vero bonum quid non includit? Jus Civile, humanas Leges, prophanas Historias, scientiam regendarum urbium, quidquid ad populorum Regimen referri potest, sive Principum officia, sive subditorum consideres.

Artium denique incremento & perfectioni subsunt Pictura, Sculptura, Geometria &c. Quod Astrologiam Judiciariam, Chiromantiam, aliasque Divinationis species attinet, eas jure merito Auctor excludit: Et sane in Monachi animum venire posse, ut studium illis impendat, vix mente concipimus, nisi ille omnem non modo suæ Professionis sensum, sed & quodlibet Religionis Christianæ principium, pietatisque rudimentum abjecerit. Nec aberit a veritate, qui omnes illas futura cognoscendi aut investigandi rationes a Dæmone ideo excogitatas fuisse dixerit, ut credulos & imbecilles animos seduceret, ac Sanctorum prædictionibus fidem detraheret, qui Sancti Spiritus lumine collustrati sæpius futura prænoscent.

pag. 314. *Hæbraice lingue notitiam ad Sacræ Scripturæ Studium quodammodo necessariam esse, inquit Tractatus Auctor.*

Profecto, si id verum est, Divinæ Scripturæ a quamplurimis ignorantur; paucos enim reperias, qui hanc notitiam, quæ necessaria intelligendis Scripturis existimatur, sibi comparaverint. Non me fugit, quædam rerum capita, ac nonnullas difficultates hæbraicæ linguæ præsidio indigere, ut perspicua fiant. Sed quid hæc ad Monachum? Nunquid ab illo perfectam ac penitentiorem hujusmodi intelligentiam requirimus, Ecclesiasticorum atque Concionatorum
millia

millia suis Exhortationibus, ac piissimis ad populum Sermonibus, Ecclesiae olim profuerunt, & nunc quotidie profunt; omnem vero illi vim, omnem eloquentiam, omne doctrinae lumen a Dei verbo in utriusque Testamenti Vulgata Editione contento eliciunt, quin unquam vel unam illius linguae vocem didicerint.

Verum etiam si illius notitiam in aliqua magni momenti difficultate necessariam fore ponamus, Versiones passim suppetunt, quibus uti possumus. Sed eas non esse ex Authographo ubique fideliter expressas, statim quispiam dixerit: Cur vero Censori potius quam Interpreti fidem habebimus? Quis erit utriusque Iudex? Accurate ista perpendere non ad Monachum pertinet, sed ad Doctores, atque ad eos, qui pro erudiendis populis in Ecclesia constituti sunt. Velle autem in id genus Studia Monachos injicere, perinde est, ac ea quae nihil habent cum eorum instituto commune, ab ipsis exposcere.

Animadvertit Auctor, eos qui Philosophicos, sive etiam Theologicos Pag. 314
Tractatus, quorum nullum operae pretium est, conscribunt, qui linguarum Studio perpetuum exercentur, nullo cum onere quemquam edocendi &c. jacturam temporis facere.

Haec animadversio non Monachos tantummodo, sed omnes, qui Religione Christiana censentur, spectat. Postquam enim Dominus Jesus, tempus pretiosum quiddam esse pronuntiavit, cujus usus tanti interfit, ut de omni otioso verbo reddenda olim sit ratio; nunquid commune omnium hominum officium esse dubitabimus, necessaria vel utilia tantum loqui? Dico autem vobis, quoniam omne verbum otiosum, quod loquuti fuerint homines, reddent rationem de eo in die iudicii. Quare ad solos Monachos hanc interdictionem referendam putabimus, quum in universum prolata sit; neque ignorare possumus, Deum, qui sua illos maledictione ferit, qui fuitiles animo cogitationes versant, illos quoque execrari, qui Studiis atque exercitationibus, unde nullum fructum, nullam utilitatem percipere valent, tempus eximunt? *Vae qui cogitaris inutile.*

Matth.
12. v. 36.

Mich. c.
2. v. 1.

Poetica Regulas callere, Carminum Scriptores intelligere, aliqua etiam Pag. 314
suo mare componere, quod Sancti quidam Solitarii fecere, baud erit incongruum, inquit Tractatus Auctor.

Alibi jam de hac re verba fecimus. Quod vero Marci, qui Sancti Benedicti discipulus fuit, exemplum spectat, aptissimum illud est ad injiciendos laqueos iis, quibus eum imitandi cupido inceserit. Vix sunt qui ignorent, Poetam in opere quod molitur totum esse dum scribit, quasi hominem affectu quopiam vehementer abreptum,

nihil aliud illum cogitare, nihil meditari ac mente versare, quam sibi propositam carminum materiem. Quapropter Solitarius, qui sibi tam male consulit, ut scribendorum versuum cupiditati cedat, siue preces fundere, siue regulari lectioni vacare voluerit, variis ac incertis cogitationibus distractus huc illuc fertur, imaginationis æstum cohibere nescit, atque ab illa vel invitus trahitur; ut vere dici queat, eum sibi imperare non posse, & quidvis magis cogitare ac facere, quam quod maxime vellet.

Sacra illum tantummodo argumenta tractaturum si dicas; ego quidem certus sum, nisi forte in illo perfecta fuerit, cumularaque virtus, quod in Poeta perrarum est, aut nisi peculiari vocatione divinitus impellatur, huic pangendi versus scientiæ ac facilitati maximum subesse periculum, ne fines, quos sibi præscripsit, aliquando transiliat. Ne multa; quamvis Monacho sine peccato versus componere quandoque liceat, vere nihilominus dicimus, Poësin nequaquam Solitariis convenire; ac nulla illos niti ratione, ut regulas hujus artis callere, & pangendis versibus exercitari velint. Frustra vero quosdam illorum in medium profers, qui olim in solitudine carmina scripserunt: Quæ enim ratio suadet, exiguum illorum numerum sequi, atque ad illorum exemplum ea re occupari, quæ a solitariæ vitæ instituto penitus abhorret, potius quam innumeram Sanctorum multitudinem sibi proponere, quos hoc studium minime delectavit?

Præf. 315. Monachi, qui pro suo arbitratu, & ex propria destinatione operibus non necessariis insudant, id facere debent (inquit Auctor) sine ulla regularium proprii instituti Officiorum intermissione.

Alibi ad hæc aut his similia responsum dedimus, Fratres mei, non nisi videlicet in Communitatibus, in quibus sine regula & sine disciplina vivitur, Monachos sponte sua ad aliquid agendum procedere, aut suas sibi metipsis deligere exercitationes. Abs re igitur est dicere, Monachis, qui ex propria destinatione Operibus non necessariis insudant, a regularibus officiis non esse cessandum; neque enim illis ita se gerere unquam licuit; agendi autem ratio, qua votum Obedientiæ instingitur, probari non potest. Ab alterius nutu in omnibus vitæ suæ circumstantiis Monachus pendere debet, cujus omnes actus Superioris imperium moderatur: alia quam sua voluntate duci illum oportet omni tempore, præsertim si Sancti Benedicti Regulæ nomen dedit, qui discipulorum suorum arbitrium obnoxium esse omnium maluit.

Reg. C. xime voluit, ut ex ejus verbis liquet: Quibus nec corpora sua, nec voluntates licet habere in propria potestate.

Interea soluta hujusmodi pro lubitu suo agendi libertas, quamvis Regulæ definitioni adeo contraria, æqua ac legitima cænseri videtur, dicendo, eos, qui ex propria deliberatione studiis incumbunt,

id fa-

id facere debere salvo regularium officiorum exercitio ; quasi nihil esset in iis reprehendum , qui studiis occupari sponte sua voluerunt , dummodo suæ Professionis officiis satisfacere non desinant.

Ac nimum quidem hodie inter Regulares hæc agendi praxis obtinuit ; quæ licet passim inoluerit , ac sit pene generalis , non ideo minus Claustrorum pietati adversatur. Locus a Patribus Cisterciensibus desumptus interdictionem continet , quæ huiusmodi libertatem damnat : *Ne quis dum in onere sibi non imposito occupatur , oritur ab imposito.*

Ad Græcos Patres perfecte intelligendos, septuaginta Seniorum Versionem, Demosthenem, atque Homerum legisse oportet. Pag. 320.

Eorum , quæ hoc Capite differuntur , nulla est ratio aut convenientia cum Studiis , quæ Monachorum institutum decent ; sed illa verius in usum cedere possunt Laicorum , atque eorum qui in Sæculo Litteris student. Hoc enim cognitionum genere Monachum informare velle , perinde est , ac illum sui officii immemorem , atque ad ea quæ ipsius status postulat cæcutientem reddere . Certissime quidem affirmare possumus , Antonios , Pachomios , Hilarios , Macarios , Columbanos , Romualdos , Gualbertos , Stephanos , Brunones , & Bernardos , Monasticarum observationum Instructores , nunquam illud sibi proposuisse , ut discipulos suos hisce studiis , exercitationibusve occuparent . Quid ergo causæ est , cur nova penitus , & Sanctis illis incognita studiorum instituta Monachis inculcemus ?

Quinimmo iidem illi (inquit Auctor) qui ex majorum suorum imperio feriis diuturnisque Operibus addicuntur , a communibus ceterorum Sodalium oneribus minus , quoad poterunt , immunes se reddere debent , exemplo Venerabilis Bedæ. Pag. 315.

Pauci hoc exemplum , Fratres mei , animadvertunt , pauciores imitantur . Monachi studiis addicti sese a communibus regularitibus sine ulla hesitatione eximunt : Superiores vero , qui has exemptiones nihil pensi habent , eas facillime impertiunt ; accurata & regularis agendi ratio , ac subjectionis obsequium ab illis ignoratur ; atque illud vere dici potest , ex iis Sodalitatibus , in quibus litterarum studia vigent , regularum cognitionem & usum abesse . Magnus ibi omnium motus , ac mutua concursatio : loco silentii , a quo Monasteriorum tranquillitas atque alta pax oritur , colloquutiones & commercia , perpetuo agitantur ; somnus in locum succedit sanctarum vigilarum , in quibus situm est illorum spirituale solatium , qui , nocturnas preces minus esse distractionibus obnoxias.

Ad C. 48.
Reg. S.
Ben. v. 8.

xias adeoque puriores, ferventiores, Deoque magis gratas, sciunt. Vera esse quæ dicimus, ex Regulæ Declarationibus Congregationis Montis-Cassini, quæ Parisiis anno 1604. typis prodierunt, nimium compertum sit; ex illis præsertim verbis: *Et ut Fratres nostri ardentius præfatis studiis incumbant, quo major eis commoditas data fuerit, hortamur Prælatos, & Superiores Monasteriorum per viscera misericordiæ Dei nostri, ut omnem eis commoditatem tribuant, etiam a communibus exercitiis, & ab aliquibus horis Canoniciis (non tamen diebus festis, nec prætermissa Oratione mentali, integra etiam pro viribus regulari observantia) si opus fuerit, eximendo.*

Hujus similes declarationes habentur in Constitutionibus aliorum Ordinum Monasticorum, in quibus Religiosi Litterarum studium profitentur.

Non desunt argumenta, quibus hanc agendi licentiam, quam sibi permittunt, defendi posse putant. Necessarium esse, ajunt, exsuscitare ingenia, quæ alioquin nisi sedulo excitentur, aditus ad scientias sibi præcludi, & idonea invideri præsidia sentient. Præterea fieri non posse, ut dum exactius ac strictius vivendi Institutum cum assiduitate conjungitur, valetudo diutius sustentetur. Denique quod lubitum est faciendi Monachis scientiarum Studio additis potestas conceditur, iisdemque exemptiones atque immunitates deberi putantur, quæ subjectæ ac smorigeræ Regularium vitæ prorsus adversantur. Omnia verò hujusmodi speciosa argumenta vix attendi digna sunt ab iis, quorum est vias arctas ingredi, quive assiduo studio niti debent, ut perfectam absolutamque pietatem assequantur.

C A P U T XVI.

PAG. 323.

De Collationibus Monasticis.

QUamquam in Regula S. Benedicti nihil sese nobis offerat, unde colligamus, propositum illi fuisse inter discipulos suos Collationes instituere; eum tamen easdem excludere noluisse credendum est: Dummodo enim cum necessariis conditionibus peragantur, ad pietatem augendam, ad zelum inflammandum, ad excitandum in Fratribus rectitudinis amorem, ad sanctarum virtutum, quibus eorum vita constare debet, praxim invenhendam, miro quoddam modo conducunt. Idoneo autem argumento est, secundum hujus Institutoris spiritum illas esse, quod videlicet Monachi Cistercienses, qui accuratissime hunc spiritum expresserunt, a proprii Ordinis primordiis Collationes habuerint.

Ritus ac modos Collationes agendi quod spectat, diversos variis & locis & temporibus fuisse non dubitamus. Utilior fuerit procul dubio,

dubio, qui colustrandis mentibus, & cordibus permovendis aptior: Finis quippe, quem sibi Monachi dum conveniunt, proponere debent, hic denique est, ut invicem consolentur, ut alter alteri dextram porrigat, & mutuo se fulciant, ut in via, quam ingressi sunt, alacrius progrediantur.

In hoc negotio illud summum est atque præcipuum, ut pia & sancta non minus, quam humilis & simplex sit dicentis oratio. Pietas quidem necessaria est; quod sine illa Monastica collocutiones disciplinam verius depravarent, quam audientes perficerent. Simplicitas vero ad pietatem ac sanctitatem accedere debet, ut illi ex fratribus, qui naturæ ac doctrinæ prædiis magis sunt ad dicendum parati, parcius illis utantur, nec inde alios antecedendi occasionem arripiant, minus autem docti & rudiores in doctorum confessu quæ sentiunt dicere non refugiant aut erubescant.

Simplicitas utroque pares reddit, atque æmulationem & invidiam de medio tollit, quæ inter colloquentes & conversantes sæpius erumpit.

Pietas ad argumenta & dicendi materias refertur; quæ quoad fieri potest, statui Monastico convenientissimæ feligantur, ut inde, qui jure expectandus est, spiritualis profectus exurgat. Agatur sæpius de ascetica vivendi ratione, de officiis, de puritate & vita illorum, qui celebriores in Solitudine fuerunt, de virtutibus, quæ in illis effulsere, de illorum denique gestis & sententiis notabilioribus.

In hanc rem Sanctorum Solitiorum Historiæ, Cassiani Collationes, Ascetica Sancti Basilii, atque omnes Libri de Monastica Professione agentes apposite adhiberi poterunt.

Id genus Collocutionibus convenientissima est divina Scriptura; in utroque enim Testamento infiniti propemodum loci suppetunt, quos ita proposito argumento aptare facile est, ut audientes instruantur atque ædificentur; locutiones & sententiæ, immo facta atque Historiæ passim occurrunt, in quibus Spiritus Sanctus ad Solitiorum doctrinam peculiariter locutus esse videtur.

Id videre est in Libris Prophetarum; in Verbo autem Evangelico maxime perspicuum est, præsertim ubi Dominus Jesus de necessitate abrenunciandi Sæculo, & per viam dolorum atque privationum ambulandi verba facit; ubi mundi hujus gloriam, honores, voluptates, & divitias contemnere docet; denique ubi arctam & angustam viam esse pronunciat, quæ ducit ad vitam. In hoc dicere Dominum Jesum sese quodammodo oblectasse, ut Monachorum statum in omnibus documentis atque institutis designaret. Neque id mirandum valde est, quandoquidem maximum ejus in hoc Mundo negotium fuit, jussa Patris exequi, missionis suæ officii satisfacere, ejus Electos informare; ac nulla porro vitæ conditio, nullum institutum eo magis conferre visum est, majoremque Electorum numerum illi præstitit, quam Monastica Professio.

Vivus,

Pf. 118.
v. 2.

Vivus, fervidus, & ad movendum efficax sit in Collationibus sermo; animus se in illis magis prodat, quam ingenium: cumque ita fere comparatum sit, ut dum in idipsum conveniunt homines invicem depraventur, juxta illud Prophetæ dictum: *Vana locuti sunt unusquisque ad proximum suum*: Et vel innoxia ac pura Colloquia pietatem plerumque lædant; Fratres nihilominus nunquam a Collatione discedere debent, nisi ardentiores facti, ac magis magisque cupidi obsequendi prorsus illius mandatis atque institutis, cui se totos dedidere.

Pf. 118.
v. 32.

Hunc, inquam, Collatio Monastica sortiatur exitum, ut inde abeuntibus Christi jugum levius videatur, ut nullæ illos jam difficultates remorentur, & in via præceptorum Dei pleniori gradu incedant, juxta illud: *Viam mandatorum tuorum cucurri, cum dilatastis cor meum*.

Cum nihil vero sæpius contingat, quam inter se dissitas hominum videre sententias; & cum propensus animus ad ea tuenda, quæ semel protulerit, contentiones & dissidia plerumque pariat; diligentissime cavendum est ne opinionum varietate Fratres incallescant nimis, aut exasperentur, & ne dum quisque suæ fidem conciliare nititur, in ejusdem oppugnatores contemptu & indignatione feratur. Hinc abalienationes, aversos animos, similitates, & odia oriri cernimus; ac nonnunquam propter contentiones id genus, & sententiarum discrepantias, sanctæ illius pacis atque unanimittatis, quæ in Monasticis Congregationibus vigere debet, omnimoda ruina consequi visa est. Atque ut perniciosum hunc scopulum, Fratres, vitemus, levissima quæque occasio nulla mora præcedenda est. Quamobrem si forte aliquis Fratrum opinionem alterius opinioni contrariam foveat, surgere debet, atque ea quæ sentit dicendi veniam a Superiore petere. Deinde Superior ei, qui prior dixit, imperare poterit, ut opinionis suæ rationes edisserat: ac mox ipsemet quæstiones dirimet, & ea, quæ ad rem esse judicaverit de suo addens, a neutra parte dispositionem ulterius proferri permittet. Ita animi eo confessionis & pacis loco, quo esse debent, perpetuo manebunt, & charitas, quæ apud illos integra servanda est, ne minimam quidem labem unquam patietur.

Denique omnium maxime his Collocationibus Superiorem præsentem adesse, præsidere, & circa Fratrum suorum agendi rationem attentum se præbere oportet; dumque illis libertatem nullo fræno coercitam permittit, caveat, ne quid illis excidat, quod a regulis, juxta quas vivere tenentur, vel minimum deerrat.

Si quempiam illorum ad loquendum aliter quam debeat paratum sentiat, necesse est, ut in ejus ore verba, ut ita dicam, inhibeat, vel immutet, atque obstat, quominus inde vox ulla erumpat, statui sui sanctitate, & exemplo, quod Fratribus præbere debet, indigna. Necesse est, ut illis animum addat, ut eos consoletur, ut

cri-

erigat, ut eorum dictis auctoritatem conciliet, ut se illos audientem magnopere delectari, perspicuis multisque signis testetur.

Optimum factu esse non puto, quod Collationum argumenta illis proponantur, & materiæ, de quibus acturi sunt, antea designentur. Hic agendi modus, qui Ecclesiasticis viris utilis esse potest, quive usu apud illos obtinuit, Solitariis hominibus gravia incommoda asferre posse mihi videtur.

Primum quidem, Fratres, illud est, quod argumentum sibi propositum jugiter animo versabunt, & vix ad alia cogitationem convertent, in omnibus exercitiis sese illis hoc argumentum offeret, præsertim in Oratione, cujus puritatem distractione continua labefactabit, atque illam utpote non integram, ac nimis interruptam, Deo parum acceptam reddet.

Deinde vero unusquisque, ut sibi bene inceptum opus succedat, nervos omnes intendet, & sibi laudi tribuet argumentum ita pertractare; ut sua doctrina atque industria appareant facillime atque eluceant; proprii ingenii & eruditionis signa proferre sataget; inanis gloria, quæ se omnibus vel piissimis actibus plerumque inserit, & hic locum inveniet; denique alios antecedendi, & inter Fratres eminendi cupido incesset: ita fiet, ut exercitatio, cujus unicus scopus est pietatis incrementum, eorum humilitati, simplicitati, ac Religioni depravationis periculum importet.

Quod si quis me vatum in morem futura prænunciare dicat, me nonnisi rerum experimentis, quæ loquor, deprehendisse fatebor; vix aliud hisce auribus audio, quoties de Claustrorum disciplina apud me sermo instituitur, nisi quod coitiones & Colloquia Monachorum adeo indignis modis peragi solent, ut illos plane dedeçant, inter quos charitas, mansuetudo, humilitas, atque honestas sancte ac religiose servari debent.

*Ex Historia Sangallensis Abbatie in Helvetiis exploratum habemus, Pag. 326.
tres ex insignioribus Monachis, qui sæculo nono in ipsa effluere,
singulis diebus, Præposito sic permittente, mutuo consulisse de rebus
ad Sacram Scripturam pertinentibus, tempore quod inter Matutinum
Officium & Laudes intercedit.*

Hoc factum tacere, quam in vulgus edere, præstitisset; apertissime enim ostendit, quatenus regularitati & disciplinæ in quolibet Monastico Sodalitio studia officere possint. In primis videre illic est Superiorem a nocturno silentio Fratres eximentem, quæ est potissimi Regulæ Capituli infractio; in qua nimirum Regula silentium adeo enixe præscribitur, ut, *si quisquam inventus fuerit hanc taciturnitatis regulam prævaricari, is gravissimæ vindictæ subiacere dicatur.*

Secundo, tam inusitata concessio curiositatem Fratris cuiusdam excitat, ac pravas illis suspensiones ingerit, eoque ut audacter explorare velit, quidnam tres illi Monachi simul facturi convenerint,

eo ma.

Reg.
C. 42.

eo maxime tempore, quod secessui ac silentio prorsus dicatum est.

Excurs.
c. 33.

Tertio, temerarium facinus, quod in morigera Sodalitate nunquam evenire debet, a tribus illis tanti nominis Solitariis committitur. Cum enim, dum de Scripturis colloquia miscabant, hunc Fratrem ex improvviso occupassent; duo ex illis magis ad audendum projecti, socio, cui plus inerat pietatis ac timoris Dei, in Ecclesiam interea misso, curiosum exploratorem apprehendunt, eumque flagello severe atque acriter verberant, *Alii duo hominem egregie excipiunt, raptò flagello Fratrum quod pendebat in pyræi. Violentum porto fuisse supplicium, quo miserum Fratrem mulctarunt, ex iis, quæ de Monacho executore dicuntur, apparet, Rasperius id exequitur, vir ad disciplinas acutissimus, nempe in hac re conficienda peritissimus, ac vehementissimus.*

Ex hoc itaque facto dumtaxat colligitur, valde dissolutam & inordinatam disciplinam in eo Monasterio viguisse, in quo ceteroquin Scholæ florebant, & nimium Studii amorem in iis hominibus, quibus hic amor minime convenit, licentiæ fontem atque perverstitatis esse; Regulam, Regularitatem, Constitutiones, Disciplinam, atque ædificationem omnino ignorari in iis Cœnobiis, in quibus Studia constituta sunt, & sciendi libidini cuncta cedere. Frustra hoc exemplo Studiorum, & Monasticarum Collationum patrocinium quaeritur, quibus illud potius omnem detrahit auctoritatem, atque ab illis alienos animos facit. Quod si, ut fertur, tres illi Monachi omnium celeberrimi fuerunt, quotquot in hoc Monasterio floruerunt, sane illos consilia & mentem admodum immutasse oportet, ut hoc elogio digni redderentur.

Reg. 338.

Collationes vero (inquit Auctor) quæ sunt per mutua Colloquia (si Relaxationum tempora, in quibus vel de seriis nonnumquam salubriter disputatur, excipias) baud amplius in Monasteriis usu receptæ sunt.

Ben. Reg.
C. 7. grad.
12. Hum.

Nulla apud Veteres mentio fit harum Relaxationum, sive temporis huic rei dicati, nempe ut animi remittantur: de his quoque silent Antiquæ Patrum Regulæ, quod sancti illi viri existimaverint, Solitarii vitam actionum ad perfectionem ducentium perpetuam seriem esse debere. Et ne rem ex Sanctis Orientis Patribus altius repetamus, quid magis oppositum spiritui & consilio sancti Patris Benedicti, quid cum ejus documentis magis pugnans, quam id genus exercitii? cum ipse discipulos suos nunquam ab æternitate aciem mentis deflectere, & ante illorum oculos supplicia & præmia, quæ cum æternitate conjunguntur, jugiter versari velit; cum ipse, inquam, in Regula omnibus ista præcipiat. *Rem se omnib. hora de peccatis suis existimans; jam se tremendo judicio Dei præsentari existimet.*

Om-

Omnes quoque Regulæ, quæ post Benedictinam conflatae sunt, nempe illa Sancti Columbani, Sancti Stephani Grandimotensis, Sancti Romualdi, Cartusianorum, Vallis umbrosæ, Sancti Victoris, Monachorum Cisterciensium, Coelestinorum, vestigiis Sancti Patris insistere, & eandem exactitudinem ac severitatem adhibuerunt.

Quandoquidem vero mens humanæ diuturnam contentionem atque attentionem nunquam intermissam perpetuo servare nequit; ideo illi Collationes habuerunt, quæ, licet nonnisi de rebus ad sanctitatem pertinentibus, ac de boni exempli institutis inibi ageretur, solatii tamen, ac remissionis simul loco illis esse solebant. Hæ veterum Collationum ritum accurate exprimebant: singuli ex ordine loquentes propriam sententiam nativâ quadam simplicitate cum pietate & charitate conjuncta dicebant; eorumque colloquia recreandis ingeniis, simul & nutriendis animis maxime idonea erant. Superior his præsidebat, & sua præsentia, ac Fratrum obsequio, & fide, quam ipsi habebant, ut modus sancte religioseque servaretur efficiebat; idque porro Colloquutionum genus ab omni incommodo immune fuisse, magnasque utilitates attulisse affirmari potest.

In antiquis Ordinis Cisterciensis Definitionibus circa id genus Collationes, hæc legitur: *Studeant Abbates & Monachi, ut quando ad Colloquium venerint, valia habeant inter se colloquia, quæ gravissimè redoleant, & salutem respiciant animarum.* A Capitulo quoddam generali decretum est, ad colloquutiones, in quibus disciplinæ leges minime servantur, eliminandas, ut quoties fuerint Fratres ad Collationes appellati, illorum colloquium sit de Sanctorum miraculis, de verbis edificatoriis, & de his quæ pertinent ad salutem animarum, exclusis distractionibus, contentionibus & aliis vanitatibus. Nimirum hujusmodi esse debent argumenta, circa quæ Monachorum Colloquia versentur, si ea prodesse, & scopum attingere, hoc est illud bonum, ad quod referuntur, efficere re ipsa volumus.

Primus itaque, juxta Auctoris consilium, conferendi modus esset, una cum ceteris Sodalibus materię cujuscumque magni momenti, puta Conciliorum, aut Ecclesiastica Historia lectionem insinuere, & unicuique suas difficultates promendi veniam præbere; quæ methodus servatur in Colloquutionibus, quæ a multis annis in domo prælati cujusdam Prætoris Parisiensis irri solent.

Hæ Collationes habendi methodus nimium abludit a Monastica disciplina, & nihil tale apud veteres Monachos reperitur, quos ut Patres & Duces nostros sequi debemus: neque periculo vacat alias vias aut rationes inire, quam quæ ab ipsis nobis patefactæ sunt, & exemplo indicatæ. Convenientior est hæc methodus Novitiis Theologis, qui in Scholis erudiuntur, sive Ecclesiasticis, qui con-

ventus

Monach.
Cisterc.
1. part.
Instit.
c. Gen.
c. 5.
Ann.
1232.

ventus agunt, ut de propriis officiis instruantur, & quos oportet acta in Conciliis non ignorare; sed nihil horum tum quoad materiam, tum quoad modum cum Monastica Professione copulari potest.

Et quidem non est cur id miremur; quoniam non ex usu recepto in domibus Prætorum, quantacunque reverentia & obsequio illos cateroquin prosequi teneamur, quærenda sunt quæ Claustrali disciplinæ conveniunt; sed apud ipsos Monachos, illos videlicet, qui præteritis Sæculis sanctitate & præcipuis gratiæ donis præclari atque illustres extitere.

Fig. 329. *Secundus conferendi modus (iudicio quidem Auctoris) esset, capisa quadam aut argumenta proponere sub anni exordium in totum annum, sive in qualibet Collatione in proxime subsequentem.*

Duo sunt quæ in hanc agendi rationem, Fratres mei, dici possunt. Unum, si ita fiat, prorsus evenire quod superius indicavimus, nempe Monachos distractionibus obnoxios reddi, & inter eos invidiæ atque æmulationis quoddam genus excitari, unde perniciosi effectus omnino manabunt.

Alterum, multum inter Ecclesiasticas Collationes, atque Monasticas interesse debere; quoniam duo hæc instituta juxta Sanctorum Patrum sententiam plane sunt diversa. Et si quis unius legibus alterius politiam moderari voluerit, in errorem continuo impinget; atque hæc est brevissima ratio, qua communi & prophanæ vitæ Monasticus status reddatur, atque unicus modus, quo illi peculiare notæ ac prærogativæ, quibus distinguitur, auferantur.

Fig. 330. *Tertium conferendi modum, Auctor innuit, æque utilem; cum videlicet Monachus aliquis doctus orationem habeat de uno quopiam argumento, & difficultatibus, quæ sibi proponi poterunt, satisfaciatur; quod usu receptum est in Congregatione Presbyterorum S. Maglovii.*

Quid est, Fratres, cur Collationum Monasticarum formam, exemplis ab Ecclesiasticorum methodo petitis, constituere velimus? Quamvis utrique eundem sibi finem statuatur, nempe ut in Deum erigantur, atque illi adhæreant; modi tendendi prorsus discrepant, & aliæ ab aliis usurpandæ viæ sunt: Hi quidem ad exteriora prodire, illi vero intra semetipsos coarctari, ut sic dicam, debent. Duos hosce status tot certis officiis, muneribus, actionibusque distinxit Deus, ut invicem ab hominibus non sint confundendi.

Addendum prorsus esse & quartum conferendi modum, inquit Auctor, Pag. 330. quamvis paulo sublimiorem, qui in celebratissimis illis Collationibus Domini Archiepiscopi Parisiensis usurpabatur.

Collationes, quarum hic Auctor meminit, adeo esse sublimes & splendoras, omnibus exploratum est, ut nulla earum cum Monasticis, quas informamus, ratio intersit. Quomodo enim magnificam collationem eruditissimi, perspicacissimi, & eloquentissimi Præsulis, ad Doctores Ecclesiasticos, ad Pastores habitam per quandam Synodi speciem, ubi de potissimis argumentis populorum regimen & animarum curam spectantibus agitur, cum eo colloquio comparabimus, quod inter duodecim circiter Monachos ultro citroque miscetur, quibus Superior ut plurimum mediocriter doctus præsidet; ubi nonnisi de ipsorum officiis agendum est, eaque sola commemoranda sunt, quæ illos in suæ Professionis amore, in charitatis, humilitatis, simplicitatis, obedientiæ, solitariæ vitæ, silentii, mortificationis, omnium denique Monasticarum virtutum exercitio confirmare possunt?

Oporteret, inquit Auctor, methodum a Sancto Basilio Magno Monachis in suis Collationibus præscriptam observare. Pag. 335.

Nihil esse hac methodo conducibilius, nihil Regulis ab hoc sancto viro constitutis sapientius, omnino verum est; his firmiter adhærendum esset, neque rationes & viæ ineundæ, quæ cum hominibus solitudini addictis commune nihil habent.

Si Monachi instructiones Veterum Patrum, quatenus ad hanc rem pertinet, sequi diligentius studuissent; si regulas ab illis usurpatas in Collationum praxi in suos usus convertissent, nec illas (uti heu nimium fecere!) rejecissent; vel hæc sola exercitatio Claustrorum pietatem confirmare, ac diutius retinere Fratres in sedula observatione omnium mediorum, quibus juxta Sanctorum traditionem ad perfectionis culmen evehi possunt, roborare; veritates, quibus Sancti fierent, eorum cordibus alte inscribere, earumque memoriam atque commentationem, dum in idem conveniunt, identidem renovare, eosque vinculo sinceræ sanctæque charitatis mutuo conjungere, e medio denique illorum contentiones, & emulationes, quæ Monasticarum Sodalitatum majorem partem dilacerant atque inficiunt, prorsus tollere valuisset.

Sed cur, Fratres mei, eorum duodecim Monachorum, quorum Eclaircis-
sistent
sur la sei-
rieuse
difficul-
té. descriptionem jucundissimam legimus in vita Sanctorum Patrum Eremitæ, & de quibus alibi ad vos verba feci, exemplum non sequimur? Hi Dei famuli eandem fidem, atque eundem scopum sibi propositum habebant, ac nosmetipsi. Illi quidem omnibus locis

Volumen tertium.

N

sibi

sibi Dominum Jesum præsentem constituebant; nobis vero præcipit Regula, ne unquam ab illo mentis oculos dimoveamus. Toto desiderio in hoc ferebantur, ut Jesu Christo conjungerentur; atque ut id ex sententia ipsis succederet, mundi hujus bona, voluptates, & divitias pedibus proculcare nitebantur. In eum tantummodo finem aliquando ad mutuam colloctionem conveniebant, ut se ad hoc pium desiderium magis magisque invicem excitarent; huc omnes illorum Collationes tendebant; eorum sermo igne charitatis ardebat; Sanctus denique Spiritus, quo agebantur, in omnibus eorum dictis enitebat.

Hæc est Collationum forma Monasticarum; hac ratione utiliter in idipsum convenimus, mutuam consolationem & doctrinam accipimus. Fratres, qui hanc methodum sequuntur, instrui atque ad virtutem inflammari facile poterunt; & futilium, seu curiosarum quæstionum loco, quæ apud illos tractantur, qui Sæculum adhuc spirant, de iis argumentis disputabunt, quæ mundi contemptores decet: Hi quippe rerum, quæ labuntur, & quarum desiderium abjicere tenentur, obliti, omnes suas cogitationes, omnia consilia ad illas convertunt, quæ perpetuo manent, & quas Deus, ut unicum proprii amoris objectum constituent, illis jubet.

C A P U T XVII

Ps. 336. *Prædicatio Evangelii, quæ nobilissimum altissimumque in Ecclesia Dei ministerium est, Monachis quoque fuisse commissam ab ipso Cænobitica Professionis exordio, Auctor affirmat.*

Nemo est quin facile credat, Fratres mei, Monachos vel ab ipso Monasticæ institutionis exordio in partem Apostolicæ sollicitudinis fuisse vocatos, & ad populorum conversionem missos, ita ut nationes incredulæ eorum ministerio lumina Fidei receperint. Hujusmodi tamen Ministerii, quod ut magnum quiddam atque præclarum nobis exhibetur, summa redit ad nonnullas instructiones seu Catechismos, complectentes Fidei rudimenta atque principia; & ad id quod præstitit S. Benedictus erga quosdam Idololatrias Monasterii sui in Monte Cassino accolæ, quos ipse erudire curavit. Extra communem ordinem hæc facta sunt, ut jam alias diximus, neque ad consequentiam sunt trahenda; quoniam Gentiles, qui ad Fidem convertantur, jam non habemus, totque Operarios in sua Hierarchia jam numerat Ecclesia, ut Solitiorum subsidio amplius non eget.

Certum est igitur (inquit Auctor) concionandi munus neutiquam Pag. 337.
Monachis esse interdictum, quandocumque ad ipsum persolvendum
fuerint apti.

Multa sunt, quæ his reponere opportunum ducimus. In primis Ecclesia quidem potest extraordinaria agendi ratione Monachos ex ipsorum naturali statu educere, quoties illi hæc ordinis perturbatio ad consolationem populis afferendam, & ad Fidei ædificationem, patrocinatura videatur. Sed quod quispiam velit unius Monachi obtentu, qui e solitudine ad hoc munus subeundum evocabitur, plura Monachorum millia, qui jugiter in Monasterio delitescunt, ad hanc provinciam capeßendam se comparare, & scientiis semetipsos imbuere, quarum nullus ipsis usus imposterum erit, id ab omni denique rationis & veritatis specie abhorreere puto.

Deinde prorsus absolum est velle, ut homines, quos S. Benedictus, seu verius Deus ipse vitæ in jugi silentio ducendæ destinavit, quemadmodum ex ejus apparet Regula, publice loquendi leges addiscant; ut ii, quibus conceptis verbis silere jubetur, Rhetoricis præceptis imbuantur. Qua tandem ratione sextum hujus Regulæ caput, itemque quadragesimum secundum, ubi dicitur: *Omni tempore, silentio debent studere Monachi*, cum tam opposito ministerio, tam- Reg. c. 44. que aliena exercitatione componemus? Quamquam vero S. Benedictus suis Discipulis sermone uti nequaquam interdixerit, si quando ab iis jussi fuerint, quorum suprema auctoritas est, nimirum ab Ecclesiæ Præpositis; ejus tamen consilium fuisse nemo non videt, ut in vita interiori sese contineant, ut sibi metipsis unice attendant, ut Dei legem in secreto cordis noctu diuque meditentur.

Tertio quænam est hæc illatio? Sanctus Benedictus Gentiles aliquot Prædicatione & Catechismo in Fide christiana erudit; necesse est ergo, ut qui illius Regulam amplectuntur, scientias discant, quæ Missionariorum & Concionatorum muneri obeundo necessariæ videbuntur, nulla discretione facta eorum, quæ illius institutis proprio quodam modo conveniunt, atque eorum, quæ privilegio speciali ipsius personæ adhærent? Quidquid a Sancto Benedicto peculiariter gestum est, universi ejus discipuli neque fecerunt, neque facere debent; sive quod dotes & charismata, quæ illi Deus impertiverat, ipsi neutiquam receperint; sive quod in iisdem temporibus, circumstantiis, & necessitatibus nequaquam versemur. Opera quædam ita in Fundatorum atque Institutorum persona consistunt, ut ad eorum discipulos & sectatores ordinaria quadam successione non transeant. Huc referenda est Sancti Patris Benedicti ad rudes in Fide erudiendos Missio; & nihil magis inutile, nihil ejus consilio & Regulæ magis oppositum, quam si inde occasionem arripias hanc Regulam professos ad Sacrorum Oratorum eloquentiam instituendi.

Quarto, in magnam perturbationem Monasticas Sodalitates con-
jaceris, si Monachos ad munera obeunda designaveris, quæ cordis eo-
rum tranquillitatem inturbare possunt, humilitatemque evertere
atque simplicitatem, in qua illis vivendum est, hisce virtutibus
subrogando desideria & consilia, quæ ab illorum animis exulare
perpetuo debent. Quod si Monacho, quem instituis, incepta stu-
dia feliciter succedant, sique ille laboribus tuis, quibus eum exi-
mum Oratorem efficere niteris, respondeat; jam jam incenso desi-
derio flagrabit in publicum prodeundi, ostentandique ingenium at-
que doctrinam; omnem movebit lapidem, nihil prætermittet, ut
sibi dignitates & ministeria comparet; & divinum propemodum mu-
nus humanis ac minus rectis rationibus compulsus aggredi, vix reli-
gioni habeat.

Ceteri qui ad idem muneris inepti fuerint, facile sibi multum ar-
rogabunt, seque illa posse, quæ revera non possunt, arbitrabuntur; in
publicum conspectum exire æque ardentem cupient, ac si doctrina &
eloquentia, quibus destituuntur, abundarent; omnes lectiones suas,
omnes cogitationes, omnia studia ad hunc unice finem referent.
Quam aliena a Monacho constitutio, qui nihil nisi simplicem, hu-
mitem & quietam vitam profiteri debet! quemadmodum ipse Tracta-
tus Auctor fatetur.

Defendi hoc axioma non potest, si quis videlicet asserat, ea quæ
S. Benedictus gessit, & quorum interdictor non fuit, ab ejus Di-
scipulis tuto usurpari posse. Si ita est; quemadmodum ille in pio
colloquio cum Sancta Scholastica sorore sua integram noctem extra
Monasterium exegit; ita illius discipuli hoc ut faciant sibi sumere
possunt, quin ullam in reprehensionem incurrant. Quemadmodum
ille Sanctum Maurum super aquas ambulare jussit ad Placidum a
periculo, in quo versabatur, eruendum; ita inconsultus & impru-
dens Præpositus eandem rem imperare poterit, atque illi parendum
erit.

Quæ ratio si nobis probetur, quatenus ad Sanctum Benedictum per-
tinet, idem & de Sancto Bernardo dicendum esset. Quapropter po-
stremi hujus exemplo, qui ad Principum & Magnatum aulas accessit,
facile in animum inducet Monachus Cisterciensis idem sibi facere li-
cere; quemadmodum ille Ecclesiæ rebus agendis interfuit, ita hic Mo-
nachus iisdem negotiis se immisceri posse credit, quandoquidem ille
disstas a suo Monasterio regiones adiit, ut quosdam Hæreticos impu-
gnaret atque confunderet; quis impediet quominus hic Monachus li-
cere sibi crediderit longa itinera simili obtentu peragere.

Rem notatu dignam, quæ Sancti Bernardi ævo contigit, quate-
nus huc spectat, vobis, Fratres, enarrabo. Subiit animum cujus-
dam Abbatis in Moribundi Monasterio, se illius Apostolici fan-
ctique viri exemplum sequi, & perinde ac ille, mundum concio-
nando peragere posse. Relicto itaque Monasterio, apud Baravos
verbum

verbum Dei annunciare cepit; & usque in Germaniam progressu transfretandi Maria, visendique Loca Sancta studium inceserat. Acriter eum quidem increpavit S. Bernardus; sed tanta auctoritas depravationem mentis animique illius cohibere non valuit: Denique suum illum Professionis fastidium cepit, quam cum abjecisset, adeo irregularem vitam infelici exitu clausit.

Hoc eventu magnopere erudimur, ex eoque intelligimus, Fundatores nonnulla egisse, quæ ipsis solis peculiari quodam pacto convenerunt, quæve ab eorum discipulis imitanda non sunt: Nempe quod in illis religioni tribuitur, qui Dei ipsius iussis paruerunt, in aliis idem sponte sua aggredientibus ineptum atque audax consilium existimatur: *Quid Deo jubente nisi pietas? Quid Deo non jubente nisi stultitia?* August.

His Sancti Gregorii verbis, *Prædicatione continua*, valdopere nititur pag. 337.
Auctor Tractatus.

Prædicationis vocabulo æquivocatio subest; neque enim eo sensu olim usurpabatur, quem hodie recipit. Omne genus exhortationum, instructionum, aut actionum publicarum hac voce denominari solebat; quæ nunc propria quodammodo est eorum Sermonum, qui publice ad populum habentur, & *Homiliæ* olim aut *Enarrationes* dicebantur: hujusmodi fuere Sancti Joannis Chrysostomi, S. Augustini, & S. Gregorii sermones, quos Prædicationum titulo nunquam indigitavit Antiquitas.

Illud denique certum est, Monachum S. Benedicti posse ad populum de Deo fermocinari, si legitima ad hoc vocatione ducatur; atque id a Sancti Patris exemplo unice consequitur. At si quis propterea prædicationis exercitium hanc regulam professis convenire, eosque ad rite hoc munus obeundum se comparare debere putet, ab illius consiliis, institutis, ac præceptis prorsus alienum se facit.

Silentii potius exemplo, solitudinis amore, modestia, atque mortificatione, ejus Discipuli documento Populis erunt, rerum mundanarum vanitatem illis hoc pacto prædicabunt, earumdem contemptum ingerent, quamque Ecclesiæ debent, ædificationem pietatis dabunt. Et sane quam exiguus in tam amplo tamque diffuso Sancti Benedicti Ordine Prædicatorum numerus fuit a longo jam tempore, saltem eorum, quorum celebre nomen extiterit! Non ne vel hinc elucet, quam parum hoc exercitium moribus institutisque nostri Ordinis conveniat?

pag. 142. Catechismi & Prædicationis exercitium usu inter Monachos receptum semper fuisse, putat Tractatus Auctor, & Sancti Pachonii exemplum affert.

Factum S. Pachonii non minus singulare fuisse, quam conversionem ad Fidem Incolarum Montis-Cassini a Sancto Benedicto prædicatione & exhortatione peractam, alibi jam diximus. Singularia hæc a communi Regula excipienda: absurdum autem est inde legem aut commune quoddam exercitium conflare velle. Illud tantummodo ab his exemplis conficitur, Solitarium catechizare posse, si necessitas, aut Dei iustus urgeant; quemadmodum ille Episcopus esse potest, si ad hunc Ordinem atque ad hanc dignitatem vocetur. Non ideo tamen Monachis cum viis providis esse licet, ad hoc ut scientiæ, quæ Episcopus decet, in antecessum acquirendæ studeant. Neque illi minus sibi illuderent, si in animum inducerent studium & operam in hoc collocare, ut idonei Missionarii, ac præstantes Concionatores fiant.

An quod S. Antonius de Monte descenderit, quod S. Julianus Abbas propriam solitudinem reliquerit, ut hostium Fidei Christianæ vim frangerent, quod Macarii idem gesserint; satis causæ aut juris habent Monachi, ad januas sui Monasterii sibi aperiendas, & effe-
rendum inde pedem, ut Prædicationis munere fungantur? Id nemo audeat dicere, quin sibi cordatorum virorum censuram contrahat.

Vit. Pat. Sed Monachorum proprium esse in Solitudinibus suis latere, & negotiorum atque necessitatum Ecclesiæ curam Ecclesiasticis relinquere, egregie demonstratur ex iis, quæ magno illi Solitario S. Aphraati evenerunt. Cum Imperator cum obvium habuisset Civitatem versus euntem, ut sese adjungeret defensoribus veritatis, quæ tunc atrociter oppugnabatur, mirari se dixit, quod Solitarius cum esset in populi medio, & publicis congressionibus interesse auderet. Cui Sanctus vir, qui non minus prudentiæ quam zeli habebat, inirum hoc responsum dedit: „Quemadmodum scilicet puella „virgo in recessu domus abdita de suo egrederetur cubiculo, si „Patris sui domo ignem immitti videret; ita mirari eum non „debere, nec sibi impropere, quod solitudinis quietem, qua „fruebatur, relinqueret, ut incendium, quod ipse Imperator in „Domo Dei suscitaverat, restingueret; haud multa sanctarum „Litterarum eruditione opus esse, ut innotescat, Deum verius „multo nostrum esse Patrem, quam illos a quibus ortum duximus.

Dux hinc res, Fratres mei, colligi atque animadverti possunt. Ac primo quidem ideo admirationi esse, Monachum quempiam extra Monasterium, aut procul a Cella conspicere, quod cum illud proprius mansionis illius locus sit, ibi detineri prorsus debeat, nec inde egredi, haud secus quam e suis sepulcris mortui. Deinde vero,

vero, quoties ille ad operam suam divinæ fidei negotio impendendam, sustinendamque Dei gloriam alio vocatur, primum solitudinis servandæ officium alteri huic officio, quod majoris est momenti, cedere debere: tunc vero illum per quandam resurrectionis speciem, quasi e tumultu mortuum, de suo Monasterio exire.

*Monet Cassiodorus (inquit Tractatus Auctor) ut magnopere curæ sit, Pag. 343.
in Monasteria frequenter advocare operarios laicos eidem Monasterio
subditos, ut videlicet de bonis ibi exemplis proficiant, & salutaribus
instructionibus, adhortationibusque ad pietatem erudiantur.*

Non eadem erat Sancti Benedicti, atque Cassiodori sententia; iste quidem sermones in Monasterio haberi permittit ac jubet, & loquendi opportunitates subinde esse quærendas; ille vero omnem vitari in Monasterio sermonem, æternumque silentium custodiri præcipit. Haud tamen dubitandum est, quin verbi panem frangere, & domesticos, omnesque illos, in quos obtinemus auctoritatem, instituere peculiaris aliquando muneris nostri sit. Veruntamen hæc sollicitudo intra Monasterii fines subsistere, nec extra proferri debet. Ne scilicet illam longius & ad remotiora loca, inque omnes illos, in quos aliquid jurisdictionis habetur, extendant, cavebunt diligenter quicumque norunt, quantum sæpe mali externa hæc commercia gignere soleant. Facile improborum consuetudine boni corrumpuntur; improbos vero societate bonorum meliores reddi raro contingit: Sæcularis auræ, quæ de se est contagiosa, proprium est plerosque inficere qui eam spirant; quive se ab illius malignitate custodiant, pauci profecto sunt.

Sancti Pachomii exemplum ad quæstionem non facit. Agimus hic de domesticis, sive de hominibus qui Monasterii negotia curant, & prædiis assunt. Sanctus vero de illis tantummodo verba facit, qui ad Monachatum comparantur, ac jubet illos ad legendum Psalmos, atque Novum Testamentum compelli.

CAPUT XVIII.

Pagina
343.

Ad auspicandam (inquit Auctor) Noviciorum institutionem, opportunitiores libri esse videntur: Scala S. Joannis Climaci, S. Augustini Confessiones, Rodriguezius novissima versionis, manu ductio Peccatorum Ludovici Granatensis, Homo Spiritualis, & Homo Religiosus Patris S. Jure &c.

NOS quidem, Fratres mei, circa libros, qui Monachis Noviciis hic proponuntur, quique duobus post Noviciatum annis usui adhuc illis futuri sunt, hoc judicium ferre possumus, ut eorum quidem alii aptissime illis ut Christianis atque ut Monachis convenire, alii vero Laicis & simplicibus Fidelibus accommodatiores quam Monachis esse videantur. Priorum classi accensemus eos, ex quibus notitias & regulas haurire poterunt, quibus instructi de sua Professione juxta veritatem sentient, nempe S. Augustini Confessiones, manu ductionem Peccatorum Ludovici Granatensis, S. Joannem Climacum, Rodriguez, Hominem Religiosum, atque Hominem Spiritualem Patris S. Jure &c. Posteriorum serie ceteri continentur. Accedit tandem, quod nimis librorum numerus disputationi obnoxios illos facile reddet, curiositatem fovebit, collectionis animi, & simplicitatis amorem neutiquam illis ingeret, qui statui ipsorum necessarius ceteroquin est, & a quo ipsorum quies atque sanctificatio pendent.

Pagina
347.

Junioribus vero Professis, præter supra recitados Libros, quamplures alios suggerit Tractatus Auctor, eorumque Catalogum exhibet.

Nova hæc librorum & Voluminum accessio, Juniorum, qui solemne Professionis votum emiserunt, animos dissipatos adhuc reddet, sicuti paulo ante de Noviciis monuimus. Qui fieri enim poterit, ut tanta Auctorum varietas eorum mentes perpetuo distractas a sanctis meditationibus neutiquam avocet, quibus jugiter occupati esse deberent? Non ne id perinde est, ac si illos omnino ineptos efficias ad ea cogitanda, agendaque, quæ ab ipsis Deus postulat? ab ipsis, inquam, quibus ita vivendum est, ut Deo soli serviant, postquam omnia deseruerunt eum secuturi, & publica solemnique protestatione ejus cultui sese manciparunt atque obstrinxerunt. Quis unquam credat, aliquam ex tam confusa lectione utilitatem eos posse percipere? Quæ hic legenda aut studio versanda illis exhibentur, satis superque sunt, ut integrum vitæ cursum, quantumlibet diuturnum valeant occupare.

Hæc

Hæc debet esse præcipua Monachum professum instituentis cura ac meta, in solida illum pietate confirmare, atque in vera omnium earum rerum abalienatione, quæ sanctitati morum, quam pollicitus est, nequaquam conveniunt, quæ perfectæ puritati adversantur; a qua puritate excludendum est quidquid illum Deo propius non admovent; Deum enim ille omni tempore spectare, in Deum continuis adspirationibus, totoque conatu erigi debet.

Haud multis opus erit Voluminibus, dummodo selectis & prudenter accommodatis utatur, tum ut notitias augeat, tum ut zelum pietatis accendat; at magnus ille librorum numerus oneri potius illi erit, ejus cursum retardabit, atque impediet, quominus prompto satis ac levi pede in via, cui se commisit, progrediatur.

Velim quoque (inquit Auctor) Junioribus Professis unum aut duos Humaniorum Litterarum Auctores in manus dare, ne juvenilis fervor restringatur prorsus, aut imminuatur, ita tamen ut illos non nisi certis horis legant. Pag. 347.

Cur solliciti erimus, Fratres mei, ut ea servemus, quæ forent extinguenta? Cur in eo Monacho adeo contrarios editis votis habitus perennare volumus? Quare notiones, quibus in omne tempus abrenunciare debuit, adhuc ille retinebit, aut excitabit? Quid? Humanarum ergo Litterarum studia necessaria illi fuerint, in quo vetus homo prorsus abjectus est, qui se a terrenis omnibus dimovit, quive jam ad coelum tantummodo anhelare debet? Quem locum Ciceronis Epistolæ in sacro illo pectore obtinebunt? Quid illarum rerum & negotiorum varietates, quam continent, efficere poterunt, nisi ut sui status obliviscatur, & de sede, quam servare debet, cito deiciatur.

Hos tamen libros ad Humanas Litteras pertinentes legent (pergit Auctor) quando ad seria nullatenus erunt occupati. Pag. 348.

An pars aliqua temporis Monacho vacat, cujus vita actione aut meditatione continua distingeretur? Sancti qui id potissimum ac maxime necessarium ad rectæ piæque mentis custodiam esse noverant, nullam intercapedinem, nullum vacuum tempus, nullam inutilitatem sive in vita Monachorum; omnia illorum exercitia tam accurate ac distincte partiti sunt, ut nunquam hæsitandi futuri essent, & quid quaque hora agendum, sit certe ac definite cognoscerent.

S. Benedictus, cujus accuratissima fuit in hoc negotio diligentia, vel minimas quasque circumstantias definivit; atque olim dies singuli manuali labore, Psalmodia, lectione duarum horarum, spatio

tio refectioni atque orationi dicato dispertiebantur: omnes vero hi regulares actus sibi invicem ita succedebant, ut nullum temporis instans esset, quo Monachus magis occupatus quam alio quopiam instanti videretur, aut quo liberior aut major illi temporis vel sui ipsius potestas esset.

Id in omnibus Observantiis, ubi viget disciplina, servandum est; quod si ordo huiusmodi vel minimum perverteretur, jam ibi non esset vera Sodalitas communis atque unius instituti, sed quædam potius actionum, atque inclinationum enormis diversitas, ubi velle cuique suum foret, ac ubi suæ quisque voluntati obsequeretur.

Page 348. Numerat Auctor in his libris *Epistolas Ciceronis, ad Familiares, item Epistolas Sancti Hieronymi, &c.*

Quid hoc mutæ rationis, & societatis est? Quid habet S. Hieronymus cum Cicerone commune? Quid Epistolæ omnino Christianæ omnino piæ, & gravissimis veritatibus redundantes cum Epistolis hominis prophani? Quamvis enim morales aliquot sententiæ in illis occurrant, quæ suo Auctori existimationem peperere; si tamen juxta ponantur & comparentur cum præceptis, & documentis nobis a Spiritu Sancto per os & manum Sanctorum traditis, exclamare cum Propheta licebit: *Narraverunt mihi iniqui fabulationes, sed non ut lex tua.*

Pf. 118.
v. 85.

Phædrus cum Paraphrasi Evangeliorum ab Erasmo concinnata, Orationes Sancti Joannis Chrysostomi cum Luciani Dialogis, nihilo magis apposite conjunguntur. Hunc Apostatam, Sancto illi Ecclesiæ Doctori, cujus scripta omnia fide, religione, pietate ac doctrina adeo referta sunt, quasi socium & parem nonnisi cum stomacho video.

Legendi proponuntur tantummodo, aliquot illius *Dialogi selecti*; perinde ac si Lectorum aviditas aut curiositas intra præscriptos fines omnino se cohibitura sit. Fervida nimis atque actuosa cupiditas est, & de facili terminos, qui sibi præfiniuntur transcendit: levissimus intuitus, notio vel imperfectissima cujuspiam turpis historiæ aut improbæ narrationis, mera locutio paulo licentior ac dissolutior, morum & Fidei puritatem de repente labefactare, ac lethaliter animum afficere possunt.

Page 348. *Juniores Professi* (inquit auctor) *elapso Professionis biennio, præceptorum grammaticorum repetitione egent; legere autem poterunt, pro libris quidem spiritualibus, Sanctum Basilium, & Sanctum Gregorium Nazianzenum.*

Auctor Tractatus mihi videtur nimis esse sollicitus de junioribus Monachis.

Monachis in humanis cognitionibus erudiendis. Ciceronis & S. Hieronymi Epistolarum lectionem, Phædrum, & Luciani Dialogos paulo ante illis permisit, ne videlicet (ait) *juvenilis fervor elanguescat*: nunc vero ut grammaticæ rudimenta denuo repetant, Sancti Basilii & S. Gregorii Nazianzeni libros evolvere eos jubet. Præcipuam in hoc curam se impendere apertissime ostendit, ut ea Juniores doceantur, quæ nulli sunt ipsis utilitati. Quoniam vero non intelligimus, quidnam ad Grammaticæ notitiam conferre possunt Sanctorum Basilii & Gregorii Nazianzeni, & Domini Bartholomæi de Martyribus Vitæ, Perfectio Christiana Cardinalis Richeli, Patris Thomæ de Junius, & de Festis Tractatus, Regia via sanctæ Crucis Hæstæni, aliquot Drexelii tractatus, Characteres Passionum Domini de la Chambre, earundem Usus auctore Patre Senalto; affirmare possumus, Auctorem ideam & formam sibi propositam hic sequi, & ab incæpto nequiquam discedere, Solitarios videlicet omni lectionum genere exercitandi, & in manus ejus majorem quotidie librorum numerum tradendi; modo multa legant, modo assiduam studiis impendant operam, fatis est; nec amplius ab illis exposcitur: de argumentorum & materiarum electione ac discretione minor est sollicitudo: miscentur & confunduntur humana divinis, sacra præphanis; nempe illud quæritur, ut Monachus nihil ignoret, quasi in votis sit ut ad disputandum de omni scibili aptus reddatur. An propter hoc Dominus Jesus in Ecclesia sua Monachos instituerit, aliorum esto judicium.

Auctores ad Humanas Litteras pertinentes adjiciuntur, Cicero de Oratore, ejus Orationes pro Milone & in Catilinam, secunda ex Philippicis, De officiis una cum versione Gallica novissima, Sallustius, Titus-Livius, Cæsar, Sulpitii Severi Historia &c. p. 345.

Id nihil scilicet esse videtur, quam ante a me dictorum confirmatio; si enim esset animus Monachum non literatum, sed perfectum virum reddere, ordinatiores illi lectiones, sanctiores, ejusque instituto convenientiores indicarentur. Ne multa; si velis, ut Monachus is vere sit qui esse debet, ad ea legenda & cognoscenda deducendus non est, quæ omnibus illius officii adeo sunt contraria, & quæ nimium efficere valent, ut omnem proprii status sensum & gustum amittat.

Quod si contingat quidem, ut Monachus harum lectionum suavitatem non sentiat, inane jam redditur legendi studium, ac temporis jacturam facit, quæ sarciri non potest, is, cujus singulæ horæ computantur, ut alibi diximus, & cujus nulla pars vel minima temporis est, quam ejus sanctificationi Deus non dicaverit, vel ad suam gloriam referri nolit. Si vero earum suavitatem ducatur, si elegantia sermonis, locutionum puritate, sententiarum nexu, invenien-

veniendi copia, dicendi vi rapiatur; jam totus in illis erit, morosus ac difficilis in aliorum scriptorum lectione reddetur, quibus idem lepor atque eadem orationis venustas deerit: Qui fiet, ut Sancti Ephraemi Exhortationes deinceps illi arrideant, & stili earum rudem simplicitatem non fastidiat? Qui fiet ut Collationes Patrum Solitiorum palato ipsius sapiant? Sanctissimæ veritates insuaves ac nullius saporis ipsi videbuntur; quidquid specie, colore, urbanitate dictionis, quæ in prophanis eminent, destitutum erit, ipse ferre non poterit.

Quod Tacitum, Titum-Livium, Sallustium, & Cæsaris Commentarios spectat; quid est quod a Monacho damnosum sibi magis ac noxium legi possit? Quid! Sine vehementiori animi concitatione, atque ab omni affectuum tumultu liber, leget-ne ille Romani Imperii originem, vices, mutationes, progressus? Summam Regum potestatem in Rempublicam versam, Creationem Consulium, Tribunorum Plebis, Dictatorum? Constantiam Scævolarum, factiones & dissidia in recenti hac Dominatione conflata, & bella civilia, Cimbrorum ac Teutonum irruptionem, eorumdem cladem a Mario illatam, bellicam Marcelli virtutem, Fabii Maximi prudentiam ac firmitatem, bella Punica, audaciam Annibalis, ejusdem transitum alpium, & ad Trasymenum, ad Trebiam, ad Cannas victorias; adeo celerem, temerariam, ac felicem C. Neronis expeditionem, Afrubalis cladem & interitum, Annibalis fugam, turpem in Aphricam reditum, cum Scipione colloquium? Denique Provincias a Cæsare bello partas, Reipublicæ occasum, summæ potestatis usurpationem, Pharsalicum Prælium, Pompeii infortunium, cladem, fugam, & necem? Interfectionem Cæsaris, promotionem Augusti, bellum adversus Brutum, & Cassium, duorum horum Romanæ libertatis Vindicum infaustum exitum? Marcum Antonium in navali ad Actium pugna victum, ejusdem fugam, ejusdem & Cleopatæ interitum? Hæc ego, Fratres mei, ante annos quinquaginta legi, & nunc invitus memoria teneo, quod pudet fateri.

Mirum dictu, Fratres mei, quam dissipatum, quam vario judiciorum & cogitationum tumultu distractum Solitarii animum reddet tota hæc eventuum series; sive magna illa facinora suspiciat, sive alienæ sorti quodammodo sese immisceat, & partibus studeat; seu denique in ipso, ea quæ probat, & quibus movetur imitandi cupido quædam exurgat! An putas, quoties Deum sibi in animum instituire voluerit, tot modo lecta virorum gesta illius menti non occurratura? neque interceptum iri earum rerum memoria omnes illius meditationes, omnes orationes, omnes denique pias lectiones, si quando his operam dederit? ita ut importuno illapsu assiduam quidem sanctarum rerum contemplationem, in qua vivere, Deique intuitum, a quo nunquam deflectere mentis oculos debet, impediatur; in vanas autem & noxias cogitationes eum misere con-

jiat.

jiciat. Quo nullus prorsus est miserabilior status, in quo Solitarius reperiri possit.

Nam simul ante oculos Deum habere desit, atque eum e suo conspectu amittere non dubitat, jam neque in corde illum habet; & nisi in viam redire studeat, parum aberit, quin in veram incidat apostasiam magis lethalem ac periculosam, quam si Professionis, cujus solum nomen retinuit, habitum abjecisset; quo enim hæc discessio occulta magis est atque interna, eo minus ab ipso sentitur: sicque malum ipse quidem corde gerit, sed medicinam afferre negligit. De hoc morbi genere loquitur S. Bernardus ubi ait: *Si pudor neget apostasiam corporis; tepor ipse paulatim ingerit apostasiam cordis.*

Serm. 1.
in Psal.
Aui habitus.

Illud omnino vobis, Fratres mei, in hanc rem dicam, mirari me, quod Gazæus, celebris ille Cassiani Explicator, Monachus S. Benedicti, magnæ vir eruditionis & doctrinæ, nullam esse culpam statuatur in distractionibus involuntariis, quæ inter orandum Monachis superveniunt, occasione variæ ac multæ lectionis, & studii scientiarum. Nimium liber religione animus hujusmodi mihi videtur, adeoque parum Monacho conveniens: *Incommodum, sive impedimentum*, ait Gazæus, *quod subinde orantibus, aut meditantibus, ex Poetarum vel Historiarum lectione provenit, dum mens eorum recordatione distrabatur, multis aliis commodis & utilitatibus abunde compensatur: Nec tantam vim habent, ut orationis, vel meditationis fructum, nisi volentibus, & consentientibus nobis auferre, vel impedire queat.*

Comment.
in
Coll. 14.
c. 12.

Quam absonum & quam absurdum est, Fratres mei, eum Monachum, qui astat mente coram Deo, pro Domini Jesu Passione, de Cæsaris & Pompeii morte cogitare; non Hierosolymæ desolationem, quæ Servatori nostro lacrymas pietatis expressit, versare animo, nec eam animabus diabolo propter criminum gravitatem addictis apte accommodare, sed Thebarum obsidionem, vel Trojæ direptionem mente agitare! Ergo ne hi prophani eventus, hæc commenticæ historiæ suum illi Deum e conspectu auferent, & meditationum illius unicus scopus fient: ipse vero tam immanem distractionem exigui momenti incommodum reputabit? Id ego quidem percipere nullo modo possum.

Profecto ab hujusmodi sententia, Fratres mei, perquam alieni fuerunt Sancti Ecclesiæ Patres. „Magnus Basilii hæc habet: Etenim „si qui coram Principe aliquo stat, & ipsum alloquitur, magno cum „metu stat, & cum corporis extrinsecus, tum mentis etiam intrinsecus attentos oculos tenet, periculi metu: quanto tandem majore „cum metu trepidationeque censendum est oportere nos stare in conspectu Dei, tota mente in illum unum intenti, neque usquam alio. „S. Macarius ajebat, ita distractionibus animos diffici ac dissipari, quemadmodum vestimenta in pulverem a vermibus rediguntur.

Confr.
Monast.

S. Augustinus cum stupore & admiratione ait: *Tolerat Deus tot corda deprecantium, & diversas res cogitantium, omisso dicere, & no-*

Epist.
ad Mon.
in Psal.
85.

xias,

xias, omitto dicere aliquando perversas, & inimicas Deo; ipsas superfluas cogitare injuria est ejus, cum quo loqui caperas.

Hieron.
advers.
Lucif.

S. Hieronymus de eadem re conquerens, exclamat: Ad orationem affixto; non orarem, si non crederem; sed si vere crederem, illud cor, quo Deus videtur, mundarem; manibus tunderem pectus; genas lacrymis rigarem; corpore inborrescerem; ore palterem; jacerem ad Domini mei pedes, eoque fletu perfunderem, crine tergerem; barem certe trunco Crucis, nec prius amitterem, quam misericordiam impetrarem. Nunc vero creberrime in oratione mea, aut porticus deambulo, aut de favore computo; aut abductus turpi cogitatione, etiam quæ dictu erubescenda sunt, gero. Ubi est Fides? Siccine putamus orasse Jonam? sic tres pueros? sic Daniele inter leones? sic certe Latronem in cruce? Caterum conveniat unusquisque cor suum, & in omni visa inveniet, quam raram sit, fidelem animam inveniri, ut nihil ob gloria cupiditatem, nihil ob rumusculos hominum faciat.

Carmm.
4. de ani-
ma sua
calamita-
tibus.

S. Gregorius Nazianzenus dolens, quod cum in cœlum erigi mente vellet, naturali sua gravitate terræ nihilominus adhereret, has ciet quærelas: Multis & variis cogitationibus in corde huc & illuc versor, quæ ab errabunda mente Dominum Jesum, Dei Verbum procul abiiciunt; neque enim patitur Sponsus animæ alienis affectibus abstractæ conjungi.

Πολὴ μὲν ἐν καρδίᾳ μελετῶματα ἔσθαι ἐν ἑσθῇ
Στραφασὶ καὶ ἀλλοτριότητι τοῦ
Χεῖρόν ἐκείνῳ βλάπτει, θεὸν λόγον. αὐτὸ δὲ χεῖρον γὰρ
Μητρώου ψυχῇ παρὰ αὐτοῦ.

Bened.
Reg. 420.

Neque aliter S. Benedictus quam qui illum antecesserunt opatus est; ac propterea alicubi sic ait: Si cum hominibus potentibus volumus aliqua suggerere, non præsumimus nisi cum humilitate & reverentia; quanto magis Domino Deo universorum cum omni humilitate, & puritatis devotione supplicandum est; & non in multiloquio, sed in puritate cordis, & compunctione lacrymarum nos exaudiri sciamus.

Ex omnibus his, Fratres mei, sit omnino exploratum, non eam fuisse Sanctorum sententiam, ut has mentis evagationes & distractiones nihil revera esse putarent; sed eas graviora animæ incommoda existimasse, quæ omni conatu vitari oporteret: orationem vero, quam dispositio interna sanctitati & dignitati illius, cui exhibetur, conveniens non comitatur neque sustinet, ejus iram concitare posse in eos, qui sic audent deprecari.

Verum quidem est, non omnes distractiones, quæ quasi nebulæ inter Deum & deprecatorem mediæ extolluntur, ipsi ut culpas imputari; hunc attentionis defectum, hanc interceptionem intentæ cogitationis non semper peccatæ obnoxiam esse, quando scilicet non est vo-

est voluntaria, & nobis invitis accidit. Aliquæ tamen sunt distractiones, quas Deus severe judicat, quæque in ejus oculis gratiam, quam aliqui putant, minime inveniunt.

Sed ut hæc materia satis perspicue vobis explicata reddatur; dicam, Fratres, non esse ambigendum, distractiones, quæ nobis invitis subnascuntur, quæ nos improviso occupant in eo statu, in quo sumus ex ordinatione divina; & in quibusdam actionibus, quibus nos Providentiæ nutus admovit, a Deo respici ceu nostræ imbecillitatis effectus, & nostræ fragilitatis germina, denique ut transitorias labe, quæ ejusdem misericordia dignæ sunt: *Ipse cognovit figmentum nostrum: Recordatus est quoniam pulvis sumus.* Ipse novit, quid agere valeamus; neque ignorat, scopuli immobilitatem non esse ab ea creatura expectandam, quæ in se ipsa arundinis flexibilitatem retinet. Illud certissime constat, lucidissimam & purissimam meditationem cum aliqua semper obscuritate conjungi; *Omnis speculatio nostra quadam caligine non caret.*

Pf. 101.
v. 14.

De Imit.
Christi I.
l. c. 3.

In animum Episcopi, dum circa proprii ministerii functiones operatur, utut illæ sacræ sint, distractiones obrepunt. Cum scilicet propter munerum diversitatem & multipliciter extra semetipsum quodammodo versari eum necesse sit, propterea ab interiori attentione sæpius divellitur. Dolet ille atque ingemescit coram Deo de hac inconstantia, cui nihil voluntarii cæteroquin inest; dubitamus, qualiscumque sit hæc culpa, eam in divino Judicio ipsa animi illius re-
titudine deleri.

Missionarius, licet ardentissimo zelo flagret, cultum Jesu Christi fideliter retinendi, immo & amplificandi, eum tamen e suo conspectu sæpius amittit, vel tunc cum eum in animum sibi instituere nititur. Subeunt nimirum illius animum negotia, quæ peregit, & quibus interfuit; facta, quæ in Confessionibus audivit, sese illi importune offerunt, atque efficiunt, ut ejus oratio puritate quam vellet, careat. Hunc nihilominus judicat Deus in sua misericordia, atque ejus infirmitatis & impotentis miseretur.

Idem Monasticæ Sodalitatis Præposito prorsus usuvenit, siquidem qua par est sollicitudine Fratrum suorum regimini incumbat, cogitationem facile convertit ad ea, quæ in singularum moribus & actibus observavit; hujus quidem infirmitas, illius vero tentatio, alterius disciplinæ neglectus, quidquid denique interius atque exterius peragitur in illis quorum sollicitus esse debet, in oratione detento occurrunt, eum occupant, advocant, & distrahunt: At Deus, cui illius re-
cta consilia innotescunt, cum eo districte quidem aut severe non agit. In Cellerario Monasterii, & in reliquis omnibus, qui externis & legitimis negotiis sibi demandatis occupari coguntur, res prorsus itidem se habet.

Sed secus existimandum est, Fratres mei, de illo Solitario, qui se studiis scientiarum tradidit; qui v. g. Tacitum, Svetonium, T. Li-
vium,

vium, Q. Curtium Ciceronis orationes, Cæsaris commentarios legit; qui (nihil enim vetat longius progredi) magno se committit pelago Historiæ Ecclesiasticæ, Canonum, Conciliorum, Decretalium summorum Pontificum; dum scilicet ante Deum cupiens animo consistere, variis inde abducitur imaginibus rerum, quas lectione percurrit; alieno in tempore se illi offerunt, ita ut ipsius mens ab objecto, quod e suo conspectu abire nunquam sinere deberet, longius feratur, & collectionis atque interni silentii adeo necessarii loco, ipsius oratio nihil magis sit, quam continua distractionum catena.

Illud inter hunc Solitarium, atque eos de quibus modo loquuti sumus, interest; quod illi quidem in Dei ordine manent, & officiis tantummodo satisfaciunt, quæ Deus ipsis mandavit, & a quibus eximi non possunt. Hic vero e contra se iis rebus exercet, quarum sua nihil refert, & quæ a proprio alienæ sunt instituto; in hac vero exercitatione ex propria sententia, ad suimet ingenii libitum & voluntatem detinetur. Itaque puritatis defectus ejus orationi superveniens ipsi imputatur; hunc quippe defectum sibi ipse accersivit, ac ejusdem ipse causa est; adeo ut in suo principio defectus voluntarius dicendus sit.

Cum omnes porro lectiones quibus studet, a Regula ipsi neutiquam præcipiantur, cumque teneatur ex divino mandato, quod omnibus hominibus commune est, nec non ex ejusdem Regulæ decretis, Deo preces offerre sanctas & puras; tenetur item abdicare difficile & exquisitum illud lectionum genus, ac illa scientiarum studia, quæ impediunt quominus in eo statu, in quo ut Christianus & Monachus esse debet, ante Deum se sistat. Si quod itaque officium, si quæ exercitatio huic scopo adversantur, prorsus rejici debent quasi obices, quibus ab exequendis Dei mandatis prohibetur; adeo ut hujusmodi lectio ab illo quasi tentatio quædam habenda sit.

Quod si quis, hunc Monachum proprio Superiori quoad hoc obtemperare, dicat; continuò illi reponimus, Superiores subditis ea, quæ cum primaria ipsorum obligatione pugnant, præcipere non posse tuta conscientia; cujusmodi primaria obligatio hæc est, ut Deo preces offerantur puræ, juxta Regulæ verba alibi a nobis al-

Cep. 20. Quamto magis Domino Deo universorum cum omni humilitate & puritatis devotione supplicandum est. Superiores, nisi Dei voluntas evidenter se prodatur, nihil ei tale præcipere possunt. Necesse est ut in omnibus a propria Regula agendi rationem sumant, & in animum inducant, quod sibi auctoritatis est, adhibendum esse in promovenda ejusdem Regulæ accurata observatione: *Et præcipue ut præsentem Regulam in omnibus conservet.* Id nimirum a S. Benedicto Monasterii Abbati præcipitur. Et sane hujus præcepti memoriam omnino illos aboluisse necesse est, ut tam crassum & tam visibile absurdum committere possint. Aperte illos monet Sanctus Pater, fore, ut Pastor ad regimen gregis sibi commissi ita parum attentus, ut quan-

Ibid.

quantum Paterfamilias utilitatis inde speraverat, reddere ei non possit, negligentiae crimini, ac poenae subiciatur: *Sciatque Abbas culpae Pastoris incumbere, quicquid in ovibus Paterfamilias utilitatis minus potuerit invenire.* Reg. c.2.

Quo tandem pacto Superiores hujusmodi, si qui sunt, hoc Regulæ monitum cum sua rectione component; seu potius, quomodo sibi de sua rectione satisfaciant in die magni Adventus & Judicii Dei, tunc cum sibi ab illo exprobrari audient, ipsius consiliis & voluntati adversos fuisse, animas, quas illis tradiderat, perdendo, & quodammodo prohibendo, ne ad absolutam illam puritatem everherentur, ad quam eas destinarat?

Alios adhuc libros iis adjicit, quos memoravimus nonnullas scilicet *Terentii Comœdias, Erasmi Colloquia, ut filii Epistolæ (inquit Auctor) usu exerceantur.* Pag. 249.

Si Doctores, aut Ecclesiasticos, & illud addam, si homines prophanos instituere propositum esset, iis profecto consilium hujusmodi conducere posset. At quid Monachus, silentio & recessui addictus, ad summam pietatem vocatus, præceptis, atque usu recte scribendi opus habet? Quodnam ille ex hac re compendium capiet? Quod si forte olim acciderit, ut ad scribendum aliquo officio compellatur, ecquis viri litterati exquisitam elegantiam ab eo requiret, aut illi quandam in Epistolis negligentiam exprobrabit? An illum ex tam futili ratione incommodis, quæ ex id genus lectionibus in eum redundare poterunt, objiciemus?

Verum etiam si omnia hæcenus allata argumenta, quibus ducti prophanorum librorum studium in Monacho improbavimus, nos deficerent; unum superest, ad quod respondere non ita primum est. Quamlibet opinionem, in gravi & ad vitæ rationem pertinente materia, nisi Ecclesiæ traditione, & Patrum sententiis nitatur, omnino ut novam, suspectam, & periculosam habendam esse, certum est. Hæc porro in illorum sententiam plane concurrunt, qui librorum prophanorum lectioni Monachos operam dare volunt: quæ fane gravis est & maximi momenti materia; illud enim agitur, ut Solitarii ab eo statu deiciantur, in quo illos collocare Deo placitum est, ut sacra quiete & tranquillitate, quibus in solitudine gaudent, & quibus nihil melius, aut potius habent, priventur; ut Ecclesia utilitate fraudetur, quam ex eorum orationibus perceptura est, qui ab hominum confortio, a sæcularibus curis, & ab omni re liberi, quæ Dei præsentiam auferre potest, se eidem Deo quasi poenitentiae & mortificationis victimas jugiter offerunt.

Patrum silentium quod spectat, Fratres mei, æque illud certum

Volumen tertium.

O

ac con-

ac constans esse perspicitur; nulla quippe ex Regulis ab ipsis compositis lectiones id genus uspiam permisit; immo nullus ex Sanctis Patribus, qui hanc exercitationem probaverit, aut Solitariis eam exhibere posse crediderit, repertus est.

De Regulis vix est cur dubitemus; illas enim legere sufficit, ut earum super hac re silentium arguamus; quemadmodum jam dictum est. Nec affirmare vereor, post S. Antonii Regulam, quæ omnium est prima, usque ad Constitutiones S. Francisci Salesii, nullam repertum iri, ex qua suspicari aliquis possit, tale aliquid circa Studia Institutoribus & compositoribus illarum visum fuisse: sed contra evidens est, eorum sententias huic opinioni penitus adversari.

Cetera omnia, quæ hoc Capite differuntur, vix aliud efficere valent, quam ut Solitarii magis magisque studiis implicentur. Nihil eorum prætermittitur, quæ ipforum eruditionem, ac doctrinam augeant, omnes illis aditus referantur, omnigenæ lectiones proponuntur, quæ ad hunc finem necessariæ videntur esse. Tam latus hic patet campus, ut si illuc se conjecerint, fieri non possit, ut a terra benedictionis, in qua Institutorum, ac Patrum suorum manu & labore quodammodo consiti fuere, non recedant, aut non, ut sic dicam, divellantur. Ac tantum abest, ut in earum animarum numero computentur, de quibus ait Propheta: *Tanquam lignum, quod plantatum est secus decursus aquarum, quod fructum suum dabit in tempore suo*; ut sint potius quasi arbores e pingui, vivido, ac ubere solo avulsæ, ut in arida & sicca loca traducantur, ubi nullum ferre fructum possunt, quod irriguo fonte nequaquam eluantur.

P/1.1.v.3.

CAPUT XIX.

Ubi Studiorum forma describitur, qua Theologia cursu absoluto peragi possunt.

Monachos, inquit Auctor, in tres Classes dispersiendos esse. Prima illorum est, qui in studio pietatis atque in asceticis exercitationibus detineri volunt: Altera eorum, qui mediocri sunt eruditione contenti: Tertia demum eos complectitur, qui ad majus quiddam contendunt, quique a Superioribus ad graviora studia, sive ad aliquem litterarium & publico profuturum laborem destinantur. Pag. 352.

HÆc in plures Classes Monachorum divisio, valde nova mihi esse videtur, atque hætenus fere inaudita. Nunquam Sanctis in mentem venit, ut tale inter eisdem Monachos discrimen ponerent. Sanctus quidem Benedictus de generibus & vita Monachorum loquens, eorum quatuor genera esse autumat: primum Cœnobarum nuncupat, alterum Anachoretarum, tertium Sabaitarum, quartum vero genus sub Gyrovagorum nomine designat. In Prod. Reg.

Cassianus nonnisi duo genera agnoscit: Cœnobitas, & Anachoretas, quibus duo addit illorum, qui propter vitæ depravationem, & morum licentiam, Monachorum nomen haudquaquam merebantur. Coll. 18. c. 4. & 7.

S. Hieronymus statum Monasticum inter illos dividit, qui in Monasteriis vitam agunt, atque illos, qui in Solitudinibus segregantur; alios denique, qui terni in cellulis suis morabantur: cui partem fere divisionem habet S. Joannes Climacus. Epist. ad Eustoch.

Profecto hæc Divisiones ab illa discrepant, de qua in hoc Capite fit sermo; & re quidem vera plures ex Monachis sunt, qui in frequentioribus Sodalitatibus una vivunt; ac plures quoque, qui in Eremitis, aut in societate, quæ trium Monachorum numerum non excedit. Sed Monachos in eodem Monasterio, in eadem Professione distingui, ac tres eorum Classes confici, cujusmodi ab Auctore Tractatus exhibentur, nemo unquam hætenus animadvertit.

Hi quidem (ait) in studio pietatis detinentur, alii vero mediocri sunt eruditione contenti, alii denique ad graviora scientiarum studia destinantur. Id perinde est, ac dissensionem illuc invehere, ubi nulla prorsus debet esse dissensio, & sanctam societatem funditus concutere. Tanta quippe, juxta Sanctorum sententiam, inter illos, ex quibus Monasticum Sodalitium conflatur, consensio & communitas esse debet, ut unum sint in rebus omnibus, in exercitiis, in laboribus, in actibus regularis disciplinæ; atque ita firme invicem colligentur, ut unum omnium cor sit, animus unus, voluntas una, Basil. Const. Monast. c. 18.

idem finis, eadem spes; ut omnes in eundem scopum collineant, assequendæ interioris puritatis, & ad perfectam cumulatamque pietatem sese erigendi.

Cass. col. 1. c. 8. Id illi sibi proponunt, huc tantummodo omnia illorum desideria spectant, omnes actus; id unum præ oculis habent; hæc est, ad quam jugiter anhelant, felicitas; unanimi consensu, & sancta quadam conspiratione omnes illuc contendunt: Cujusmodi paritas, & conformitas, seu potius unitas perfecta Sanctos Ecclesiæ Patres, ac præsertim Sanctum Basilium compulit ut dicerent, Monachos Angelorum vivendi ritum æmulari, ita ut quod in cælis Angeli faciunt, solitarie vitæ in terris formam referre, atque exprimere tantummodo possit.

Pag. 352. Omnibus in eadem Congregatione, sive in eodem Monasterio Fratibus (modo ibi Regulæ vigeat diligens observatio) una & eadem proposita est meta, nimirum, ut ad Deum quam proxime fieri potest accedant, & sanctitatem huic rei necessariam acquirant: omnes in universum, nemine excepto, ita comparati esse debent; atque in hunc dumtaxat finem jejuniis, vigiliis, laboribus, meditationibus, orationibus, sanctis lectionibus exercentur; in hunc illos finem Deus demundi medio eduxit, ab hominum prophanorum commercio segregavit, torque illis præsidia contulit, tot adminicula, atque utilitates, quas homines curis sæcularibus impliciti haudquaquam noverunt.

Quid vero, cum Auctor ait, *quosdam quidem unice pietatem studere, alios ad mediocrem eruditionem contendere, alios denique ad majus quiddam dirigi, & a suis Præpositis ad grandiora studia designari*: quid aliud, inquam, sequitur, nisi quod omnibus integrum sit ad metam illis propositam non una, ac pari ratione respicere, quodque litterarum studium ab officio maximi momenti & vere Monachorum proprio dispensandi sufficiens causa videatur.

Primorum conditio, quæ postremum fere dignitatis locum apud Auctorem habet, multum sane duabus reliquis præstiterit; quoniam Deus unica illorum portio fuerit; unicum illorum exercitium, divinæ Legis, ac divinorum Librorum seria meditatio; nec alia quacunque re occupari velint, quæ inde illos abstrahere possit. Deo illi in alta cordis quiete fruuntur, dum reliqui propter lectionum multiplicitem assiduo & turbato mentis motu huc illuc feruntur. Divinæ Scripturæ (quod innuit quoque Tractatus Auctor) sensus, ad Sanctitatem efficiendam appolitos, nempe litteralem & moralem assequuntur; veritatibus, quibus nutriuntur Sancti, animum imbuent, *Chronologicis & Criticis difficultatibus neutrquam immorantes, quæ nihil ad finem ipsis propositum* (ut cogitur Auctor fieri) *conferre possunt*, immo, ut rectius dicamus, quæ huic fini adversantur; quoniam mentis attentionem interceptum, cordis puritatem perturbant, & obscuritatem, ac tenebras gignunt, quæ obiectum;

Etum, cui jugiter adhærere debent, ab illorum oculis subducunt.

Eorum porro vicem doleo, qui ad modicam eruditionem contendunt, de quibus Auctor secundo loco verba facit: nam hi, ut communem dumtaxat scientiam assequantur, infinitæ præstantiæ bonum sibi negant. Quid ex hoc, quod mediocre appellant, studio illis redibit? Quem inde fructum percipient? Quid illi proderunt, liber de Concordia &c. D. de Marca, scripta P. Morini, Compendium Spondani, Historia Domini Godeau, & Concilia Generalia P. Lupi? An illorum nomen hæc lectio majus reddet? an illorum existimationem augebit? an inde perfectiores aut sanctiores evadent? Oportebit magis eruditis ut cedant, & omnem laudem a se promeritam ab illis deleri patiantur: Annon levius hoc & modicum Studium, quod ut Deo aut hominibus placeant, efficere non potest, sponte abdicare fatius esset; atque illius loco potissimo suæ Professionis officio satisfacere, nimirum omni conatu ad absolutam pietatem cumulatamque virtutem contendere?

Hoc studium, quod abdicandum ipsis esset, inutile ad hoc futurum ajo, ut Deo placere possint; nihilo enim utilius est, quam Chronologia & Critica circa Sacram Scripturam, quas vel ipse Tractatus Auctor pro scientiis habet, quæ ad eum finem nihil conferre possunt.

Rectius itaque ab illis ageretur, si in prima Classe subsisterent, neque se a Fratribus tam vana exercitatione distinguerent; sed eorum exemplo ad illa excolenda se redigerent, quæ scilicet eo spectant, ut ad virtutem & sublimem pietatem evehantur, qua re omnia Monachorum officia vere continentur. Pag. 352.

Sed omnium maxime miseranda conditio illorum est, qui in tertia classe censentur, quoniam a proprio statu quam longissime absunt. Scopus illorum præcipuus est, doctos fieri; omnes illuc suas cogitationes dirigunt; in studio litterarum toti sunt, omne in illud tempus, omnem solitudinem impendunt, ejus gratia disputant, colloquuntur, invicem communicant: Magnarum scientiarum commentatio externas consuetudines, prophanorum commercia, crebras colloquutiones exposcit. Ita omnis vita Solitarii ad consequendam eruditionem intenti, penitus est distracta, & ad exteriora occupata; omni ille fere tempore extra se ipsum agit, & nunquam; ut sic dixerim, Dei Spiritus eum invenit domi suæ.

Denique Solitarius hujusmodi, Fratres mei, regularis secessus, & silentii incapax est, orationis, jejuniorum, vigiliarum; assistentiæ ad Officium penitus oblitus; exemptionibus eget quoad omnia fere Regulæ Capita, atque ipsius conditio vix aliud est, quam perpetua officiorum Monasticorum immunitas. Hujus rei testes instituam eos, quibus notum est; qua indulgentia in Monasteriis cum Coniatoribus, cum Scriptoribus, cum Auctoribus, cum omnibus denique doctrina præstantibus agatur.

Sed velim maxime, Fratres, ut satisfaceret absurdo illi, quod

mox innuam, quodque mihi gravius videtur. Si in aliquo Monasterio (quod facile est evenire) Litteratorum numerus major sit quam aliorum parum aut nihil in doctrina exercitatorum, atque ibi ex ordinario usu & constitutis moribus vivendi ratio tranfigatur (cum exemptiones, ut volunt, necessariae sint, nec satis virum suppetat hominibus ad vacandum uno eodemque tempore regularibus observationibus, atque Studiis) sequitur, ut in tali Communitate sine disciplina vivendum sit, ut ibi cessent, exercitia, & regularia opera permittantur. Relaxatio obrepet in disciplinæ locum, cuius fervor vigere deberet; pietas exulabit, quæ disciplinæ vigorem sustinet, utpote cum exterioribus officiis connexa, & ab iis vicissim fulta: ita ut consentaneum veritati fuerit dicere, a scientia, & studiorum prosecutione hæc incommoda atque has relaxationes ortum habuisse.

Quod si Litteratorum numerus haudquaquam major sit quam cæterorum; aliud incommodum haud minus eo, quod modo declaravimus; periculosum suborietur. Nempe immunitates, quæ Monachis ad graviora studia intentis permittentur, perpetuo offendiculo illis futuræ sunt, qui regularitatis pondus soli portabunt. Adversus immunitatum largitores, & iisdem donatos murmurabunt. Remissa horum disciplina ipsis cupiditatem inseret eodem ritu vivendi, & se illis æquiparandi, sin minus quoad studia, saltem quoad exemptiones. Quapropter singularis agendi ratio eorum, qui studiis se tradidere, ipsis erit quasi petra scandali, & quasi laqueus, quem vix evitare licebit.

Hinc tædia, fastidia, dissidia, factiones, murmura, mutui inter Fratres contemptus ortum habent. Hæc conditionum imparitas Congregationibus regularibus vastitatem & exitium apportat. Cum enim Fratrum vulgus eos, qui sibi propter doctrinam antecellunt, ita comparatos putet, ut sibi dominari velint & supra se efferri, torvis oculis eos ut plurimum intuetur, & ægre ac cum fastidio sustinet: proinde mutua charitate & concordia sensim disruptis Dominus Jesus, qui pacis & unanimatis Deus est, ab ipsis recedit, eosque sibimetipsis relinquit; quod perinde est ac si suis cupiditatibus, pravisque affectibus subiciantur.

Sanctus Benedictus omnibus his incommodis & detrimentis in antecessum occurrit, Fratres mei; sique ejus Regulam sedulo magis studio pensitaremus, si tam sincero mentis oculo spectaremus, & accuratius opere completeremus, omnes hæcæ difficultates facile vitaremus. Ipse palam edicit, ut omnes magistrum sequantur Regulam, Reg. c. 3. *neque ab ea temere deviesur a quoquam*. Atque ut tam grave præceptum planius exequamur, eique universi satisfacere valeant, nihil constituit, quod fratrum unusquisque exercendi impos videatur. Non altiora studia, nec eximiam scientiam ipse a Fratribus postulat: & Prædecessorum suorum, quos pro Magistris habet, ritui & consuetudini plane consentiens, eas tantum lectiones injungit,

git, ex quibus haurire possint necessarias notitias atque idonea præsidia, quibus egent Fratres, ut suam sanctificationem cum successu operentur. Plane sciebat, in separatione animæ a corpore non accusatum iri Monachos, neque illis crimini in divino Iudicio dandum esse, quod de Teologia non differuerint, quod altissima Mysteria non investigaverint, sed de hoc maxime rationem Deo reddituros, an poenitentiam egerint, an proprias culpas fleverint, quemadmodum olim ait sanctitate & doctrina illustris Abbas. Hoc sanctum Benedictum impulit, ut lectiones & cognitiones discipulorum suorum eo quo diximus modo terminaret, & ad libros divinæ Scripturæ, ad Vitas Sanctorum Monachorum, atque ad Patrum scripta redigeret. Quæ procul dubio satis superque essent, si qua par est moderatione hominum ingenia uterentur, si a veritate proprii instituti nullatenus discederent, nec sapientiores, doctiores, perspicaciores Majoribus suis atque Magistris esse vellent.

S. Jo.
Clim.
grad. 7^o
art. 7^o

Distributioni Monachorum in tres Classes, quartam (ut ideam Auctoris sequar) addere liceret, eorum videlicet, qui Studiis operam navant, sed non valde sunt ad studia propensi, quorum non exiguus est numerus. Hi ubi studiorum cursum Junioribus erudendis præstitutum absolverunt, & communia disciplinæ officia resumere debent, nova quadam necessitate sibi videntur ad hæc officia compelli: cumque immunitatibus assueverint, diligens regularitatis observatio ipsis intolerabilis redditur, & quasi ferreum jugum eos premit, in tantum ut secundo Regulæ tirocinio propemodum indigere videantur, ut amissam consuetudinem revocent. Interea necesse prorsus est, ut oneri se submittant, atque his officiis vel inviti satisfaciant. Quid porro consequitur? Desidiose, negligenter, & cum fastidio iisdem satisfaciunt, & omnis eorum vivendi ratio nihil magis præferat, quam tædii & inertie signa; Deus qui ea sola recipit sacrificia, quæ a corde procedunt, ac voluntaria sunt; eorum omnes actus quasi victimas a pollutis manibus oblatas rejicit.

Hæc sunt, Fratres, Studiorum confectanea, huiusmodi depravationem, atque hunc disciplinæ regularis defectum immodicus scientiarum amor progignit.

TOtum hoc Caput, Fratres mei, eorum quæ præcesserunt, quædam est sequela. Pergit Auctor magnarum scientiarum studia constabilire, & Solitarios in altum ducere, qui passis jam velis ire videntur, & litus post se in omne tempus deferere.

Quemadmodum fere usu venit, hominem humili loco natum, postquam ad ampliorem sublimioremque fortunam evectus est, quod olim fuit oblivisci, ac recens incrementum solum agnoscere; ita Monachus, qui se merito scientiæ excellere sentit, qui doctrinæ nomine innumeris Fratribus rudibus ac indoctis se superiorem esse arbitrat, vilitatis, simplicitatis, atque, uti cum S. Bernardo loquar, abjectionis proprii status obliviscitur; & nihil aliud in se ipso videt, quam quod sibi existimationem & pretium conciliat. Quapropter ei obscura & ignota sunt propria officia, & quidquid vi suæ Professionis exequi debet, lippus pervidet. Cum enim alia, ac reipsa sit, sua illi professio videatur, jam nihil agit, quod officiis, quæ ab illa pendent, non adversetur, quodque a via, cui insistere omnino deberet, non recedat.

Ac sane quomodo ille vitam suam juxta humilitatis formam instituet, quæ conditionis ipsius potissima est ac summa virtus? Quomodo varios illos humilitatis gradus in usum deducet, quos S. Benedictus eam totidem leges, ad quas componenda est tota vitæ ratio, præscripsit? Quomodo assequetur, ut contemptus & opprobria tacitus ferat, & inter injurias, quæ ab hominibus sibi irrogari poterunt, pacem servet? Quomodo assequetur, ut se inferiorem & viliores omnibus credat; quod a Regula sibi imperatur? Quomodo iis, quibus Dei jussu subditus est, sine murmure & sine mora prorsus obediet? Cum ipse omnia præcepta atque instituta, quibus totum vitæ ordinem moderari & confirmare debet, amplius non agnoscat; cum illorum omnem sensum aboleverit; cum a se ipso totus pendeat, & omnium regularum imperium excusserit, quibus subjici deberet; cum denique in Sæcularium cætib, colloctionibus, & tumultu sæpius præsens adsit, & more illorum laudem sectetur, quam ipsi ambire non licet.

Aliquos esse in Solitariorum numero studiis intentos non negamus, a quibus Deus avertit hæc mala; sed ii, ut alibi diximus, ab ipso Deo ad exercenda studia vocantur, non a semetipsis: exiguus autem talium numerus magis est, quam quisquam putet.

Agnoscit Auctor, *Studia, quorum materiam & præsidia hactenus exhibuit, adeo esse ampla ac sublimia, ut hujus Capitis Lectores deserreri possint, & præ librorum atque Auctorum multitudine animum despondere.*

Metus hujusmodi, Fratres mei, magnis profecto rationibus innitur. Audax enim adeo est hoc incæptum, & viribus ac statu Monachorum majus, quorum omnis vita in exercitationibus atque actibus regularibus versari debet, ut illius aggrediendi capaces quoddam invenire difficillimum sit. Quamobrem tam latam & difficilem studiorum ideam subicere satius fuisset, quam eam ostentare, & prolixè ac per partes explicare, quemadmodum ab Auctore factum est.

Verum enim vero sicuti aliqui ab hoc incæpto deterrebuntur, qui scilicet illud conficere se non posse existimabunt, ita alii rem aggredi optabunt, ac proinde officiis suis opposita consilia animo revolvunt, a simplicitate, in qua vivendum ipsis esset, longe aberunt, solliciti & inquieti nimis, inanes acquirendæ scientiæ cogitationes versabunt; ita ut brevi consuetudines, & exercitia humilitatis, quibus sua illos Professio admover, contemptui habeant, & propemodum avertentur:

Arduum esse quod hic proponitur exequi, atque iis tantummodo convenire, qui peculiari a Deo vocatione ad illud diriguntur, non dissimulat Tractatus Auctor; atque addit, si Monachus sibi soli relictus oneri non sufficiat, *quinque aut sex illorum deligendos esse, qui dexteras conferant, & mutuo sibi auxilientur in hujus operis executione.* At si peculiari superna designatione opus est (de quo nemo dubitat) quomodo certum atque exploratum quis habere poterit, inventum iri homines, quos Deus ad id muneris vocet? Illud facile continget (nolent enim Operariis carere, quos sibi quovis pretio comparabunt) ut sibi multi Missionem hanc levi nimis judicio arrogent, ut congregentur, ut societates ineant, nulla Dei voce præeunte, nec religioni denique fuerit solitudinis & silentii obligationi se eximere.

Monachorum Congregationis Sancti Vitoni exemplum profertur. * *Jam Apage hoc exemplum, Fratres mei! An e memoria excidit, Conventus illos, sive potius Academiæ, quas ante aliquot annos instituerunt, cum habuisse exitum, qui ab erigendis hujusmodi Academicis Monachos posthac retrahere debeat.* * Nihil hic particulatim recensebo, quod nolim quempiam offendere. Verbo, Fratres, ipsis rerum argumentis patuit, ad immanem & perpetuam perturbationem in Monasteria invehendam, atque inde omnem disciplinam exterminandam, satis esse hujusmodi studiorum commercia instituire.

Denique in tota hujus Capitis serie & decursu summa Auctoris eruditio sit conspicua, & passim arguitur latissima, qua præditus est, bonorum librorum notitia. Quod si ea, quæ ad Monachos direxit, *Jam inde a primo fundationis anno hos Conventus solvere coacti sunt ut perniciem, sus effectus averterent qui inde consequi potuissent.*

rexit, ad solos Ecclesiasticos fuissent accommodata, atque ad eos, qui ad regimen & instructionem populorum assumuntur, nihil toto Opere contineretur, quod sui Auctoris nomine foret indignum.

CAPUT XXI.

De Lectionibus, quæ Superiores possimum decet.

A Nullo rectius discere possumus, quæ futuræ sint Lectiones Superioribus Monasteriorum convenientes, quam a S. Benedicto, ab Institutore videlicet, & Magistro; & nullum esse dubium potest, quin ejus fuerit consilium, ut ipsius Discipuli iis Lectionibus studeant, quibus & ipse studuit, nempe quas in sua ille Regula præscribit: sunt autem hujusmodi: Sacra Scriptura Veteris & Novi Testamenti, Opera Sanctorum Patrum, quæ ejus intelligentiam planiorem reddunt, Veterum Solitariorum Collationes, Instituta, Vitæ; Ascetica S. Basilii, aliaque his similia. Eum enim docere, quæ ipsemet in more atque usu habuit, evidens est, juxta illa D. Gregorii verba: *Sanctus vir nullo modo potuit aliter docere quam vixit*. Quæ ipse fecerat edixit; suorum vero discipulorum perfectio tam illi curæ fuit, ut aliqua ex iis, quæ ad perfectionem conferunt, illum prætermisisset, neutiquam putandum sit.

Huc rediguntur, Fratres mei, sancti hujus viri studia; his occupatus necessariam quanlibet notitiam adeptus est; ex sanctis illis doctrinam hausit, & eorum frequenti profundaque meditatione meruit ut Deus eam cordi ipsius, altius inscribere delectaretur. Ejusdem Dei Spiritu, quo plenus erat, ad ea tantummodo cognoscenda deducebatur, quæ sibi erant necessaria, & ne supervacaneis, vitæque, cujus formam ab illo in Ecclesia sua institui volebat, alienis, cognitionibus studeret, prohibebatur. Verba ista Domini. Jesu: *Porro unum est necessarium*, magis illi præ oculis erant, quam ut omnino ad litteram eadem observare nolverit, aut vana illa studia sectatus fuerit, quæ illi nunc amant, quibus ejus pietas, religio & sapientia delunt. Hæc Auctoris Tractatus verbis consonant, ubi ait: *Sacra Scriptura & S. P. N. Benedicti Regule lectione omnia Pastoris & Superioris officia compendiarie continentur: nullaque est utriusque particula, ex qua ab attento & prudenti Superiore optima & egregia instituta scipfos regendi, acresque stimuli ad propria erga subditos officia sollicitè exequenda, peti non possint*.

Si hic substitisset Auctor, periculossimæ tentationis materiam Monachis subtraxisset, quæ ab amore & cupiditate scientiarum oritur. Sed circa Lectiones denique, quibus Religiosus, cui regendarum animarum cura commissa est, indigere potest, duo illa hic dicere

Lib. 2.
Dist.
c. 36.

Luc. 10.
v. 42.
Pag. 376.

dicere habeo. Unum est, haud valde frequens ipsius Monasterium videri posse, si prolixis & multis lectionibus dandi operam tempus illi suppetat. Nam si in omnibus regularibus exercitiis una cum Fratribus presens adesse, prout par est, non omittit; si illos, quatenus debet, alloquitur cum publicis, tum privatis admonitionibus; si se totum illis tradit, & nunquam illis aures præbere paratus non est, quoties ad eum accedunt corde aperto sollicitudines suas, tentationes, anxietates & dubia proponentes; si præterea totius Monasterii moderamini invigilet, ita ut nihil ipsius aspectum vel attentionem fugiat: brevissimi sane illi erunt singuli dies, vixque supererunt exigua momenta, quæ lectione impendat.

Alterum est, fore, ut si sacris Scripturæ libris studuerit, si in meditatione Verbi Dei summam officii sui collocaverit, si Sanctorum quorum meminimus Opera legerit; hisque adjecerit ea S. Bernardi, S. Augustini, S. Ephræm, Pastorale S. Gregorii, pro otii ac temporis modulo ab aliis exercitationibus sibi concessi; fore, inquam, ut suffectura legat; nec ab illo amplius requiri fas est.

Postremo illud Superiore satis esse mihi videtur, quod nimirum nihil eorum quæ muneris sui sunt ignoret; quod quam late pateant officia sua, quantumque illis dignitatis insit, probe intelligat; quod disciplinæ zelo, atque erga Fratres opportuna ac congrua charitate non careat; quod omnes notitias, quas sibi Lectione, Oratione, & meditatione comparavit, de corde promat, ut opem eis & auxilium in tempore asserat, eosque erudiat, atque ita paratos reddat, quatenus officii, ad quæ ex instituto compelluntur, rite satisfacere valeant. Nimum vero sæpe contingit, ut extraneæ atque alienæ scientiæ, earum videlicet rerum, quæ scire nequaquam tenetur, eum avocent & distineant, quæsitæque ex illis delectatio in causa sit, cur Fratres suos solitudine fraudet, quam denegare illis non potest, haud secus quam panem alendis corporibus, conservandæque vitæ omnino necessarium.

Pro certa atque constanti præceptione ac regula ponitur, *satiùs esse* Pag. 373.
doctum habere præpositum cum mediocri virtute, quam doctrinæ expertem & maxime pium.

Certissima est hæc Regula, Fratres mei, si verbis illis, *doctrinæ expertem*, innuere velit, hunc Superiorem ea, quæ ad institutum suum, ad officia & munera sua spectant, nescire. Verum si eatenus doctrinæ expertis dicatur, quatenus iis cognitionibus caret, quas extraneas atque alienas ab ejus Professione esse diximus; profecto Superior magis pius, eaque præditus scientia, quæ ipsi conveniens est, docto Superiori & minus pio valde præstat: Utilior enim illius opera fratribus futura est, quoniam dictis facta conjungat; & nihil porro ingerendo rectitudinis amor, excitandisque

disque Fratribus ad rectorum actuum consuetudinem, opportunius ac fortius est, juxta S. Bernardi monitum, quam exemplum ad instructionem accedens : *Sermo virum & efficax exemplum est operis.*

Illud apprime omnibus persuasum esse debet, Superiorem modice pium ad altiora perfectionis discipulos suos nunquam evekturum, sed illos sub ipsius regimine in rebus spiritualibus languidiores futuros, nec ad ea facienda, quæ ipse non facit, illos excitatum iri; Quod si cum modica virtute magnam doctrinam copulet, hæc doctrina facile Fratrum oculis illudet, ne remissionem disciplinæ advertant, sed potius ut nihil ei exprobrare habeant, quamvis licentius egerit.



RESPONSIO

AD TRACTATUM DE STUDIIS MONASTICIS.

PARS TERTIA CAPUT PRIMUM.

Innuit Auctor, duplicem scopum præcipuum Studiorum Monasticorum esse veritatis agnitionem, & charitatem, sive Justitiæ amorem. Pag. 384.



Mnes, qui adhærere Deo profitentur, unum eundemque finem sibi proponunt, unam ante oculos metam constituunt, nimirum ut illi placeant. Non omnes tamen propositum assequuntur, idque propterea fit, quod ab aliquibus viæ illæ non ineantur, quas ingressis consequi optata liceret: de his vero illud dicendum est, quod de hominibus in universum ait D. Augustinus:

Omnis homo requiem querit, bonam rem quarit, sed non in regione sua illam querit. August. in Ps. 48.

Nihil impedit, quominus ista ad Monachos in magna Studia se conjicientes referamus: Æquissimum est quod intendunt, si Deo placere quæzunt cognitione veritatis, & amore Justitiæ: at media & instrumenta, quibus utuntur, illis exhibere, quæ cupiunt, nullatenus possunt; cum enim ad finem propositum per illa venire se putent, ab eo verius discedunt. Rem ita se habere certissime arguitur ex iis omnibus, quæ circa graviora amplioraque Studia Monachis ab Auctore proposita a nobis dicta sunt. Quoniam etenim Deus ipsos ad penitiores has scientias non vocavit, eæque ab ipsorum instituto aberrant, nec respondent menti Sanctorum, quorum Regulas amplexi sunt: recte dixerimus eos in Dei ordine haudquam manere, viam currere in qua omnino deerrare coguntur; tantumque abesse ut veritatis & charitatis semitam ingressi sint, ut verius eam deseruerint, ab eaque sese retraxerint.

Verbo:

Verbo : Dei voluntas, quod alias ostendimus, non fuit, ut Monachi a prima origine Studiis se traderent : cum pietas autem in Claustris defecit, cum magna ex parte extincta est. Ecclesia quæ aliqua edidit decreta ut Monachos ad studia excolenda compelleret, haud tamæ illis præcepit, ut tam profundæ, tam latæ, & multiplicis scientiæ studio operam darent. Affirmarique potest, si fuissent iis scientiis contenti, quas nos innuimus, Divinarum videlicet Scripturarum intelligentia, & Sanctorum Patrum lectione, opus vero Manuale nequaquam abrogassent, tam enixe videlicet ab omnibus Monachorum Regulis, totaque Monastica Traditione commendatum; ad exequenda Ecclesiæ circa ipsos decreta satis multumque præstituros fuisse. Quin & Institutorum depravata disciplina facile ita resoruisset, hodieque subsisteret, priscumque vigorem præferret totus Monasticus Ordo. Id ex Concilio Tridentino disci potest, a quo Studia Monachorum divini Scripturæ intelligentia concluduntur : *In Monasteriis quoque Monachorum, ubi commode fieri queat, etiam lectio sacræ Scripturæ habeatur.*

Sess. 3.
c. 1. de
reform.

Prostat Edictum Caroli IX. Galliarum Regis pro reformatione Monasticarum Sodalitatum, quæ in Regno constitutæ sunt; in quo decernitur, ut Abbas seu Prior aliquem apud se retineat bonarum & sanctarum litterarum doctorem, quique Religiosos Novicios Monastica disciplina imbuat. Ut suæ sententiæ patrocinaretur, hanc auctoritatem adhibuit Tractatus Auctor, licet illi potius contraria sit, cum nihil aliud hæc Autographi verba, *les bonnes & saintes Lettres*, significare possint, quam Studia ad pietatem, hoc est divini Scripturæ & Sanctorum Patrum : qui sensus aperte colligitur ac definitur ex iis quæ sequuntur : *Former les Novices en discipline Monastique* : Religiosos Novicios Monastica disciplina imbueret. Ista prorsus nostræ sententiæ consonant; idem nos semper existimavimus, Monachorum videlicet hanc esse obligationem præcipuam, Sacris Litteris operam dare.

Page 282. Satis profecto non est (inquit Auctor) hætenus ostendisse, Studiorum cultum Monachis plane congruere, easque scientias indicasse quibus licite possunt operam dare; sed insuper studendi modum tradere ipsis oportet.

Æquius & magis ad rem dixerimus, Fratres mei, satis non esse veritates cognoscere, nisi eas ad praxim revocare, & operibus referre omni conatu studeamus. Multa scire, ubi nihil agitur, prorsus inutile est; omnes speculationes vix quidquam profunt, nisi ad actiones redigantur: Hæ vero actiones in nostra potestate non sunt; posse hoc in nobis operatur Deus gratia sua: gratia nisi oratione non impetratur: oratio inefficax est, & quæ audiatur indi-

indigna, nisi fervens, simplex & pura. Quamobrem affirmare possumus, quas Monachi preces offerunt Deo, quoties fervore & puritate carent, usque ad ejus Thronum neutiquam ascendere, ac tantum abesse ut exaudiantur, ut potius de eorum numero censeri debeant, quæ deprecatores reos constituunt, juxta Prophetæ verba: *Oratio ejus sicut in peccatum.* Pf. 108.
v. 8.

Quæ cum ita se habeant, Fratres mei; quomodo Solitarii: qui ad hæc Studia incumbunt, qui multas variasque notitias in hoc Tractatu propositas assequi laborant, in animum inducere poterunt, fore, ut cum veritatis & charitatis cognitione, duas hæc virtutes in usum deducendi gratiam obtineant; quandoquidem ipsorum Orationes ex quadam necessitate distractionibus, aberrationibus, & dissipationibus vacuæ non sunt; ex quo fit ut nullius apud Deum sint pretii, nullius meriti, nullius gratiæ.

Cum enim hæc distractiones a non legitima exercitatione ortum habeant; dubitandum non est, quin Deus illas judicet, & condemnet. Monachi, qui studiis occupantur, & sic rem alienam quodammodo sibi adsciscunt, simplicitate & innocentia illorum carent, qui Dei ordinationi obtemperant, qui ipsius Dei præsentiam & cogitationem in Orationibus suis ideo tantum amittunt, si quando amittunt, quod in mortali carne vivant: proinde non eadem qua cum istis, benignitate & gratia acturus est cum illis Deus. Ne multa: omnes methodi frustra concinnantur atque exhibentur, nec ullam utilitatem asferre possunt, nisi illas Oratio fulciat & moderetur; summa vero hæc est, Monachos in eo collocare statu, in quo esse debent, ut Deum exorent: de qua re nemo cogitat.

Plurima didicisse nihil nobis proderit (inquit Auctor) nisi ad meliorem frugem fuerimus inde redacti. Erg. 385.

Istud quidem certissime verum est. Quibus tamen id est persuasum, his ita caute & prudenter agendum esse mihi videtur, ut illo vero recte utantur. Complandæ sunt viæ; quidquid offensionem & lapsum inducere potest inde removendum; causæ distractionum eliminandæ; nec opprimenda quodammodo sunt ingenia iis scientiis, quæ homines de statione dimovent, in qua illos manere vult Deus; quæve illos attentione mentis, collectione, omnibusque internis dispositionibus sui instituti propriis facile privant.

ibid. Cognitionibus, quæ nihil nobis profunt, nisi meliores inde reddamur, annumerantur rerum sanctarum scientia, Divinæ Scripturæ, Theologiæ, reconditarum in divinas Scripturas Quæstionum notitia; Genealogiæ, Capita ad Historiam pertinentia, Chronologia &c.

Monachos omnibus his scientiis & notitiis acquirendis infudare, atque inde meliores evadere, impossibile ferme est; contra, si illos demas, quos Deus a via ordinaria segregare potest, rem esse periculosissimam a nobis demonstratum est, Monachos Studiis id genus exercitare; quoniam hujusmodi exercitationes novum quiddam sunt atque absurdum in Monastica disciplina, & directo pugnant cum perfectione ac puritate, ad quam per omnes actus, vitæque rationes eos tendere jubet Deus: Et in hoc erratur maxime, quod illis Critices studio, & prophanorum Auctorum lectioni incumbendi facultatem quis præbeat, ac simul velit eorum pietatem & Religionem augmentum capere, & inter tot obices in propriæ salutis via progredi.

*Seff. 3.
c. 1. de
Reform.*

Hujus progressus utilitas a simplicioribus studiis pendet, quæ scilicet accuratius respondent sanctitati status ipsorum, & veterum Patrum atque Institutorum consiliis, immo & ipsius Ecclesiæ menti, ut patet ex Concilio Tridentino, a quo studia Monachorum divinæ Scripturæ intelligentia definiuntur, ut paulo superius animadvertimus.

pag. 386. Passim evenire, ait Tractatus Auctor, ut qui in Sacris Litteris plane versati esse videntur; reipsa illarum quam maxime sint expertes; alii vero, quos rudes & indoctos credimus, illas egregie calleant, eo quod ad spirituales profectum iisdem uti sciant.

*Auc. 2.
Epist. ad
Uulst.*

Cum id usquequaque verum ac certum ab omnibus habeatur; quid est cur Monachos tot variis lectionibus implicemus, quæ illud denique efficiunt, ut mens perpetuo alio divertat, & Scripturas intelligendi gratiam curiosi lectores amittant? Cur illorum intellectum hac cognitionum multiplicitate complemus, & omne ejus lumen obruimus? Meminisse oporteret egregium illud monitum S. Augustini, qui in Epistola 2. ad Volusianum hæc habet: *Tanta est Christianarum profunditas Litterarum, ut in eis quotidie proficerem, si eas solas ab ineunte pueritia usque ad decrepitam senectutem maximo otio, summo studio, meliore ingenio conarer addiscere: in quibus tanta later altitudo sapientiæ, ut annosissimis, acutissimis, flagrantissimis cupiditate discendi hoc contingat, quod eadem Scriptura quodam loco habet: cum Consummaveris homo, tunc incipis.*

Ecdi. 18.

Cum itaque Scriptura inexhausta bona, & immensas divitias complectatur; cum diuturnissimæ vitæ cursui occupando, & avidi-

diffimis animis explendis sufficiat; quare studium Monachorum tam sancta atque utili lectione non terminamus, addentes scripta Patrum, quæ ad illius intelligentiam conferre possunt?

Omnem curam & sollicitudinem adhibendam esse, ait Tractatus Auctor, *ut Studiorum adminiculo ad charitatis scientiam perveniamus*. Pag. 386.

Si huic præceptioni adhærere volumus, Fratres mei, & si Monachorum scientia ad hanc amissam aptanda est; jam illis interdiciendæ sunt omnes illæ, quæ distractioni, acedix, curiositati, atque elationi eos obnoxios reddere possunt; ea sola ut contenti sint, qua cor intime afficitur, excitatur, incenditur, & quæ in corde gignit tantummodo desideria parendi Regulæ præceptis, quorum observatio omnibus rebus anteponenda est. Hæc est brevissima, rectissima, ac tutissima via ad obtinendam charitatem, quæ summa est atque perfectio Legis.

Huic denique studio, reliqua omnia studia cedere oportet, quoniam pluribus incommodis ista subsunt, at si illi operam demus, a recto tramite aberrare non possumus. Jure merito ait Tractatus Auctor: „Si qui unquam scientias ad charitatem, justitiæque a-
„morem dirigere tenentur, Monachos præsertim esse, qui cunctis
„miserabiliores essent hominibus, nisi Studia, quibus insudant, in
„charitatem velut in scopum intenderent, eoque perducerent. At
non possum quin animadvertam, Fratres mei, eum faciem quam
præfert minime sequi, sed a suamet sententia discedere, dum So-
litarios in illud scopulosum & naufragum scientiarum pelagus de-
ducit.

CAPUT II.

Quanam acquisitioni veritatis & charitatis præcipue adversentur.

Pag. 388. Affertur in medium Ciceronis auctoritas, qui duos innuit scopulos a veritatis indagatoribus apprimè vitandos: Unum, ne incognita pro cognitis habeamus; alterum est, quod quidam nimis magnum studium, multamque operam in res obscuras atque difficiles conferunt, easdemque non necessarias.

Hac auctoritate haud profecto valde opus erat, Fratres, in ea de qua agimus materia, quæ omnino ad Sanctorum sententias est exigenda: Quod ut paucis absolvamus, obices acquirendæ veritati & charitati adversos cognoscendi modus eo spectat, ut sciamus, quomodo ad legendas divinas Scripturas paratus esse animus debeat, ut quam inde jure expectare potest utilitatem ducat. Omnino quippe certum est, aliud nihil hos obices esse, quam vitia necessarii ad hujus lectionis profectum dispositionibus apposita. Hæ dispositiones, ut Sanctis quidem est visum, sunt humilitas, cordis puritas, & rectus atque optimus animus.

Humilitas, sive simplicitas in hoc sita est, quod quis non sibi fidat, neque suæ perspicaciæ suoque ingenio aut doctrinæ multum tribuat, sed unice a Deo verbi ipsius intelligentiam expectet.

Cordis puritas expellit quidquid sanctitati spiritus, a quo divinæ illæ veritates dictatæ fuerunt, contrarium esse potest; nec finit aliquid in Domo Dei remanere quod ejus suprema Majestate indignum sit.

Rectus & optimus animus facit, ut Verba Dei legens, ignem ibi fervoris & lumen claritatis tantummodo quærat, quæ necessaria sunt ut veritates a Deo sibi propositas percipiat, & in illis prompte ac tuto ambulet; sed ut omnium maxime Domini Jesu Christi gloriam, & Nominis ejus laudem & cultum intendat.

Quapropter primum offendiculum, & primus obex est superbia, vanitas, & præsumptio, cum illud quis sibi sumit, ut vi proprii intellectus scientiam earum rerum investiget & assequatur, quæ comparari nequit, nisi eam Deus tradiderit.

Secundus obex est depravatio atque inordinatio ab affectibus, & spiritualibus sive corporeis cupiditatibus orta, quæ cor inquinant, & ineptum atque indignum reddunt illapsu luminis, sine quo sensum Dei capere, ejusque documenta & mysteria intelligere, quamvis omnem conatum adhibeat, non potest.

Tertius obex est maligna voluntas, qua quis in Sacrorum Librorum lectione ad aliud sibi proponendum fertur, quam Dei gloriam; sive delectationis causa, atque ut sibi soli volupe faciat, huic lectio-

ni operam dederit; sive quodam Censoris ingenio, vel desiderio aliis præstandi, & acquirendi inter homines docti eruditique viri nomen atque existimationem. In harum qualibet Scripturas legendi ratione pravum aliquid inest; cumque sic non nisi propria utilitas quæzatur, cum nihil aliud præter semetipsum ante oculos obversetur, & studii lectionisque occasio in sui delectatione firmetur; æquissimum est, ut huic prophanationi poenas Deus irroget, excæcans eum qui hoc se crimine obstringit, & suis illum tenebris relinquens. Ita fit, ut Monachus qui rem adeo sanctam tam indignis modis tractare audet, quidvis aliud, quam quod expetierat, inveniat, errorem nimirum pro veritate, & a Deo, cui adhærere debebat, propter audaciam divellatur.

Omne quod superest nobis tempus (inquit Auctor) officiorum Monasticorum executione & studio nequaquam occupatur; ac proinde eandem ad scientiarum studia reverti possumus. Pag. 388.

Nihil est hac sententia magis adversum ei disciplinæ quæ in Sodalitatis Monachorum recte constitutis servari debet. Omnia ibi ita sunt ordinanda, ut nulla temporis vel minima pars supersit ab opere certo vacua, propriæque exercitationis experts. Actus regulares invicem se excipiunt, & alius alium ita premit atque urget, ut cuncta ibi sint plena. Illud in primis Sancti Institutores studuere, ut otiosa quævis momenta eliminarent, & ne vel minimo temporis intervallo ab agendo cessaretur. Noverant videlicet, pietatis rectique ordinis in Domibus Dei servitio dicatis perfectionem a felicitate studio pendere, quod Fratribus in officio continendis, & per continuas exercitationes sustinendis collocatur.

Hinc est quod S. Benedictus, eos qui præcesserant imitatus, dies singulos serie quadam & diversitate operum regularium dispertivit, atque occupavit. Cujus rei perspicua argumenta suppetunt ex Regulæ sola lectione, in qua temporis accurata distributio testatur, dies ex Officio, ex cantu Ecclesiastico, ex labore manuum, ex refectionibus, ex bihorio denique lectionis fuisse compositos, quemadmodum Tractatus Auctor non diffitetur.

Ita nullum ab officio tempus vacabat, omnia Monasticis pensis plena erant; iique ad studia alterni redditus locum invenire non poterant, nisi ab imperatis actibus exemptiones darentur, aliique in eorum vicem surrogarentur, quod facere nunquam licet in iis locis, in quibus Religio & disciplina vigent.

Reponet aliquis, hic a me dicta cum hodierno usu pugnare; fateor: sed usus huiusmodi pro vera depravatione habendus est, & pro more contra Regulæ constitutiones inolit. Subducta fuerunt necessaria exercitia, in quibus Opus Manuale; hinc factum, ut Monachi parum occupati lectiones appetant, & pro lubito ac juxta

cujuslibet propensiones eligant. Id vero fortasse quis agit recto consilio, & accedente utilitate, at plerique frustra & cum periculo, quod quid potius agant non habent, & tædio, quo conficiuntur exercitationis penuria, se eximere studeant.

Pag. 390. Oblectatio (inquit Auctor) qua plures detegendo veritates & præclaras cognitiones acquirendo afficimur, culpæ obnoxia non est; sed innocens ea censetur, si modum servet, nec unquam cetera disciplina regularis opera remoretur.

Veritas & præclaræ cognitiones, de quibus est hic sermo, ad ea spectant tantummodo, quæ in sectione precedenti indigitata sunt, nimirum ad Liberalia Studia, ad Mathematicas disciplinas, ad Experimenta, ad Historiam, & itinerum diaria. Cum hæc porro notitiæ humanæ sint & naturales, delectatio inde orta vix in Monacho innocens esse dicenda est, licet modum servet, & a reliquis eum officiis non abstrahat. Hujus rei ratio est, quod Monachus ad sublimem perfectionem contendere debeat; ac propterea eum ablegare oporteat a se quidquid huic scopo nequaquam collimat. Constat vero, *Studia Liberalia, Mathematicas disciplinas, Experimenta, Historias, atque Itinerum diaria*, nullam cum maxima illa absolutaque virtute, quæ ipsi est proposita, rationem habere. Neque nullam modo cum ea rationem habent, sed omnino efficere possunt, ut ab ea quam longissime absit, & divellatur; alio quippe ejus animum inclinant; alias species & imagines excitant, & alio prorsus modo illius pectus cient.

Abdicanda est ergo Solitario viro hujusmodi delectatio, quæ nullam illi utilitatem affert, tamque illi nocua esse potest. Et licet a suis eum officiis nequaquam abstraheret, parum illud est, nisi ad eadem officia illum impellat, inclinet, paratum reddat, & quodammodo manducat. Perfectionis etenim amor ingens & sincerus nihil patitur ad optatum finem inutile. Quod si aliquid hujusmodi in suæ vitæ ratione aliquando deprehendit Monachus sancto illo affectu percitus, dolet atque ingemiscit, eo quod se in eo statu conspiciat qui sibi inconveniens est, quasi homo in violento quodam statu manens. Modica & communis pietas cum delectationibus id genus simul esse posset, neque sibi illas religioni ducerent homines prophani: At Solitarii sancti instituti tenaces omnem illis aditum præcludunt, nec illas unquam admittunt. *Altissima est professio vestra*, ait quidam sanctus Monachus Solitarios alloquens: *Cælos transis, par Angelis est, Angelica similis puritati. Non enim solum vovistis omnem sanctitatem, sed omnis sanctitatis perfectionem, & omnis consummationis finem. Non est vestrum circa communia præcepta languere, neque hoc solum attendere quid præcipiat Deus; sed quid velit, probantes quæ sit voluntas Dei bona, & beneplacens, & perfecta.*

Alia-

*Epist. ad
Fratr.
de Monte
Dei c. 2.*

Aliorum enim est Deo servire, vestrum adbarere. Aliorum est Deum credere, scire, amare, revereri: vestrum est sapere, intelligere, cognoscere, frui.

Et re quidem vera quemadmodum Angelorum nulla est indifferens actio; ita Monachi, qui eorum imitatores sunt, juxta Sancto-
rent sententiam, rejicere debent quidquid ipsis inutile est ad hoc
ut ineffabili illi pulchritudini propius accedant, quam totus ipso-
rum animus, atque universæ ipsorum actiones respiciunt; & quid-
quid in hunc finem minime conspirat, eorum sollicitudinem ne-
quaquam meretur.

Neque ita opinati & loquuti sunt tantummodo Patres Solitudi-
num incolæ, aut Sancti Basilii, Ephræm, aliique hujusmodi; sed
& nostra fere memoria S. Franciscus de Sales, cujus eadem mens
fuit, quique eodem modo hac de re disseruit, cum ait: „ Religio-
nem postulare, ut res sua vocatione digna Religiosus agat, nimi-
um ut sibimetipsi, atque rebus omnibus moriatur, cum iis quæ
nobis placent, tum quæ vel malæ sunt vel inutiles. Quæ sunt
denique res istæ inutiles, nisi quæ ad nostram salutem, atque ad
officiorum nostrorum exercitium nihil plane conferunt. Idem
sanctus vir nullos fines statuit perfectionis, quam proponit Mo-
nialibus, quarum ipse fundator est. Vult eas Angelos imitari de-
Deo & propter Deum vivendo per omnimodam sui ipsius atque
omnium animæ facultatem consecrationem summo illi omnium
rerum Domino. . . . Alibi ait: Nunquam iis esse e conspectu amit-
tendum Jesum Crucifixum, nec liberum illis jam esse corde suo,
oculis, & verbis uti, nisi ad Dei cultum, & ex ejus instinctu;
jam non licere illis naturales propensiones propriumque ingenium
sequi, cum non nisi Deo vivere & spirare debeant. Quod autem
interius ita comparatæ sint, elucere debet (inquit) exterius in
omnibus eorum verbis & operibus. Hæc est Sancti illius viri sen-
tentia, qui nunquam postulatus est, quod sermonis nimius fuerit,
& res de quibus ageret, immodice amplificaverit.

Faretur Auctor, his lectionibus sive una sive pluribus, quarum
delectationem adeo legitimam & innoxiam ceteroquin esse putat,
omnes animæ facultates ceu quadam vi abripi & cieri, ac insitum juven-
tutis ardorem excitari: vix hoc genus lectionis posse intermitteri ubi cepta
est: *Historia eleganter digesta texturam esse quoddam fascinum, cui ne-
quis obsequi.* Abunde hæc sane sunt, Fratres, ut hujusmodi lectiones
perpetuo interdiciantur Monachis, quorum occupatio, sive ut rectius
dicamus, primaria obligatio in hoc sita est, ut prævertant, extin-
guant, destruant, premant tales animi perturbationes, quæ habendæ
sunt ceu totidem obices perniciosi, quibus Asceta itinere pietatis,
quo Dei nutu incæpit, repente impeditus subsistere cogitur: adeo
ut in posteriora faciem convertat, & ineluctabiliter ab iis se remo-
veri sentiat, quæ ipsius religiofa Professio requirit. Asceticam vi-

Embr.
20.

Esprit
des Fil-
les de la
Vierge.

Art. 9.

Page 300.

vedi formam ideo solum amplexus est, ut seipsum vinceret, ut omnibus affectibus suis dominaretur, ut vel minimos naturæ motus destrueret; nihilo vero minus interea vacabit iis lectionibus, quæ naturam roborant, quæ illam pascunt, & omnino in illo accendunt quæ extinguenda sunt?

Dictu quidem facile est, Fratres mei, has lectiones hunc perniciosum effectum non gignere, quoties voluptatem, quam quis inde percipit, moderatur. Sed quis æqua adeo lance rem hanc metiri potest, ut non vergat aliquando, & deteriorem in partem minime feratur. Quomodo Juvenes (ad hos enim, quod sæpius Auctor palam fecit, Tractatus de Studiis dirigitur) tam validis & lethali-
bus tentationibus obnoxios reddi patimur? Quæ illos ratione tueri se posse credimus, & in crepidinem adductos sese reprimere? *Leſſio hujusmodi animum abripit, irritat, tenet, fascinat*, his verbis, & loquendi modis utitur Auctor; & credat nihilominus, Solitarium, cujus adhuc imbecilla est virtus, & modo incipiens, aut qui nonnunquam omni virtute caret, satis virium habiturum, ut tam violentus impetus domet atque cohibeat?

Quam multi ex Solitariis ea, quæ nunquam antea noverant, & quæ ignorare præstitisset, ex hac lectione discunt? Quam multi iis dispositionibus se exuentes, quæ consilio hominis Sæculo valedicentis respondent, & abjecto sæcularis vanitatis horrore, plane aliter sese comparabunt, & in vitæ dissolutionis ætus præcipites ruent, quos effugissent, si fuissent in Sæculo morati? Annon sic facile corrueris innocuos animos, qui teneri adhuc & molles, primo vel levissimo impetu afficiuntur, & id quo semel imbuti sunt diutius servant, ita ut irritò labore hos affectus abolere tentaveris. Grande magis animarum pretium est, quam ut in tantum discrimen eas adducere, & tot incommodis objicere liceat; annon recte quis dixerit, id perinde esse, ac si illis abyssus foderemus, si laqueos necteremus, & scopulis objectis eorum cursum impediremus?

Sed in hac re non immorabor diutius, certus etenim sum, ea quæ dixi, sufficere, ut quilibet ipsis oculis intueatur, quid ex Auctoris sententia consequi possit, & quanti intersit ab ea discedere.

pag. 302. Citatur locus ex libro Speciminum moralium, qui hæc habet: *Cum tantum mens in veritatis contemplationem occupatur, radiis confestim afficitur; objectorum siquidem varietate maxime gaudens, nova quamprimum intelligere parat, unde etiam præteritorum memoria in ipsa facile labitur. Cum vero concepta veritas ad interiora cordis illabitur, tunc animus ipsi firmiter adhaeret; nec unquam ab illa sejungitur.*

Nihil hac sententia verius, Fratres mei, nihil certius, nihil quod plura documenta contineat. Hinc fit perspicuum, quanta soli-

solicitudine & cura parandum cor sit atque excolendum, ut sic dixerim, ut capax reddatur utilitatem & fructum erudiendi ex illis veritatibus, quas a Deo docetur vel ipsiusmet Verbo in Sacris Voluminibus vel per Sanctorum Patrum scripta. Hinc efficitur, a corde eliminandum esse quidquid ipsi ariditatem communicat, quidquid ipsum dissipare, atque ita afficere potest, ut ea appetat quæ sanctitati Professionis suæ minus conveniunt; denique horrorem ipsi incutiendum earum lectionum, quæ *animos abripiunt, irritant, tenent, ac fascinant*, quæ obstant, quominus eas veritates retineat & servet, quarum praxis omnem ipsius vitæ rationem instituere debet.

Si ad normam hujus præceptionis Monasteria regerentur, videre ibi non esset Studia, litterarias exercitationes, curiosas artes & scientias; sed illarum tantummodo studio omnes se traderent, quæ de Monasticis officiis agunt; juniores ea solum addicerent, quibus ad exequenda hæc officia magis instructi redderentur; puri & innocii illorum animi quasi ager benedictionis, a quo Pater familias copiosam messem expectat, bene antea præpararentur; & quilibet de hoc unice sollicitus esset, ut ne concepta ab illo spes ullatenus falleretur.

Quotiescumque ergo (inquit Auctor) verba vitæ perlegeris, ea assidue mente considera, non enim vitam legentibus tribuunt, nisi serio perpendantur. Pag. 392.

Et hoc verissimum est, Fratres; sed rei summa hic volvitur, ut mentes & corda eo loco collocentur, in quo tam grave monitum utile sibi reddere valeant. Nempe, ut paulo ante innuimus, expurganda sunt, & in antecessum præparanda lectionibus, documentis, exercitationibus, quibus nihil inlit quod vel minimum ea dissipare possit; sed quæ potius ea ad se redire, atque in se colligi faciant; quæ affectus ingerant humilitati & simplicitati suæ Professionis congruos; ut scilicet libera, & vanis scientiarum studiis non divisa aut distracta, a recipiendis veritatis verbis, quæ vitam solis attentis & piis auditoribus communicant, nequaquam impediatur.

Non ex verisatam copia, sed ex ipsius nuda veritatis amore atque intensissimo sensu veram animæ salutem gigni, ait Tractatus Auctor.

Id persuasum habere debent omnes, quotquot pietate & judicio non carent: atque illud Filii Dei verbum: *Turbaris erga plurima*, Luc. 10. v. 41. 42. Porro unum est necessarium, usque ad sæculorum exitum complebitur, licet tam parum audiat, & plerique hominum cujuslibet conditionis & status perinde agant, quasi confusione & multiplicitate turbari gauderent. Quisque se latius exerit, amplectitur, & sibi tribuit quæcumque tribui possunt; coarctare se, atque sibi in.

iis, quæ sufficiunt satisfacere pectus humanum ægre patitur; omnino enim insatiabilis est mortalium cupiditas, expleri appetit quidem, sed nunquam, expletur.

Hæc immoderatio ipsa Monachorum Clausura pervasit; & quamquam ibi omnes Jesu Christi verbum tanquam unicam vitæ atque actionum suarum regulam sequi palam profiteantur; nihilominus Monachi sola Scripturarum intelligentia, & Librorum, qui ad explananda illarum Myſteria facem præferunt, lectione, aliisque vitæ asceticæ præſidiis minime contenti; cum studium hoc sanctum, illud quippe sic appellitabo, certius omni alio studio salutem operetur; Monachi, inquam, satius ducunt in latissimas cognitiones se conicere; necessarium esse sibi fingunt, a prisca simplicitate emergere; librorum varietate & multiplicitate titillantur, huic tentationi ultro cedunt, perinde ac si potius scientia, quam sanctitas præcipuum status illorum ornamentum & decus habenda foret. Hunc agendi modum Auctor probat, licet fateri cogatur, *unicum vitæ verbum vitam posse communicare*. Cur ergo junioribus Solitariis tam magni momenti veritas proponitur, si non est animus, ut eam ad praxim revocent? Cur illa tam dilucide explicatur in alium finem, quam ut illam ament, magni æstiment, & sequantur? Profecto videtur hæc salutis & benedictionis via ideo tantummodo ipsis monstrari, ut eam se novisse quidem, sed neglexisse aliquando tandem magnopere doleant: *Virtutem videant, intabescantque relicta.*



CAPUT III.

Pag. 305.

Docet S. Bernardus (inquit Auctor) tria esse caute servanda ad hoc, ut scientia afferat utilitatem; primo ut in studiis ordinem tueamur; deinde ut studii prosecutionem prudenti moderatione dirigamus; tertio ut recte finem studiorum constituamus,

Nihil est monito Sancti Bernardi circa Lectiones Monachorum sapientius, nihil item religiosius. Sed quantacumque utilitas ex hujus magni viri sententia percipi possit, frustra omnia fuerint, nisi ita comparati simus, quemadmodum superius innuimus de modo, quo legenda est Sacra Scriptura, differentes; hoc est nisi puri corde, recti animis, & humiles spiritu fuerimus.

Sed quæ ratio erit, ut jam a nobis dictum est, hanc puritatem, quæ præcipua est ad lectionem dispositio, obtinendi, dum cor ea lectionum multiplicitate, ad quam Solitarius compellitur, prorsus advocatur, distrahitur, & quodammodo laceratur? Annon id perinde est, ac eum in medias flammæ conjicere, & nihilominus nolle ut comburatur?

Necessariam esse hanc puritatem fatetur ipse Tractatus Auctor; sed ejus acquirendæ præsidia & rationes subtrahit, cum Monachos vult profundis scientiarum studiis totos se tradere. Eos quidem hortatur, ut ante lectionem orent, quo illa recte utantur, idque Sancti Thomæ Aquinatis exemplo. Sed quam inconcinne ista comparantur! Quæ similitudo Monachi proprio nutu studentis, aut ex aliorum levi judicio & voluntate, qui plerumque de divino incerti concilio illum a sui instituti officiis divellunt; cum hoc Ecclesiæ Doctore ad docendum, gravissimasque Religionis veritates toti Ecclesiæ explicandas divinitus misto! Quidni ejus Oratio a Deo audiretur, cujus anima divinæ voluntati subjecta, inde non recesserat, ubi fuerat a Deo constituta? Neque enim species, seu imagines, quas adeo variarum rerum commentatio in ejus animo servabat, impedire poterant, quominus ejus oratio audiretur. Sed non ita agit Deus erga illos, qui a semetipsis vocantur, aut vocatione, quæ Dei non est, aguntur.

Quod animi rectitudinem, & humilitatem spectat, vos, Fratres ad ea quæ superius jam dicta sunt, remittimus.

Studium & lectio (inquit Auctor) animum ad Orationem præparare debent, neque illi esse impedimento.

Duo in hanc rem dici possunt, Fratres. Primum est non ita Sanctis visum fuisse. S. Bernardus, qui Studiis superno quodam insti-

tu

Epist. 89. Et adductus operam dabat, queritur & gemit quodammodo propter distractiones, quas occupatio litteraria ipsi inducebat: *Dum vero absens cogito*, inquit, *dictato, scripto, misitque quod præsens legas, rogo ubi orium, ubi silentii quies? Sed hæc, inquires, omnia facere potes in silentio.* Mirum, si ex sententia hoc respondeas.

Itaque consentanea huic loco dicemus, si statuamus, has mentis irrequietas & enormes cogitationes, atque hæc diverticula, quæ a Studiis cum aliqua contentione peractis necessario consequuntur, non obitare quominus Deus eorum orationem audiat, qui in his occupantur tantummodo ex Dei vocatione. Sed novum est, neque hæcenus a quoquam assertum; puritatem, de qua loquimur, animique libertatem & quietem a studiis gigni posse.

Deinde, Oratio non est quædam de Theologica materia disputatio, neque in ratiocinando & disserendo de aliqua veritate, aut opinione controversa posita est: utiles quidem esse possunt huiusmodi speculationes, sed plane discrepant ab ea Oratione, de qua hic est sermo, quamque Deus in illis animabus efformat, quæ se puras & ab omnibus imaginibus & phantasmatibus liberas ejus oculis sistunt.

Quod attinet ad libros Humanarum Litterarum, & ad prophanorum lectiones, quæ Monachis tam facile permittuntur, velut Salustii, Ciceronis, T. Livii, Taciti, Commentariorum Cæsaris; Nunquam audiivi hæcenus, Fratres mei, par esse, ut eorum lectionem, seu introductionem ad orandum consideremus.

Pag. 304. Citat Auctor Gillebertum & Guillelmum Sancti Theoderici; qui dicitur *395-396.* *versis licet, modis utrique ajunt, Lectionem præparare ad Orationem.*

Serm. 7. Verum id quidem est, Fratres mei; sed lectio, de qua ipsi verba faciunt, est lectio spiritualis & pii dumtaxat argumenti. *Debet lectio*, ait Gillebertus, *orationi servire, præparare affectum, non bonas præcipere, nec succidere moras.* Cum legis, erudiris de Christo, orans vero, familiare cum ipso seris colloquium: *Et quanto suavioris est gratiæ cum illo, quam de illo loqui!* Si quedam spiritualium detrimenta sustinent visitationum, propter orandi vanitatem, qui lectioni vehementius vacant; quid dicemus de his, quos aut indisciplinæ colloquutiones dissolvunt, vel anxie quæstiones scindunt?

Quis non videt, Fratres, non nisi de lectionibus sanctis quæ eruditionem de Christo continent, hic agi? Oportet sane eas admodum puras & sublimes esse, quoniam cum Oratione comparantur. Sed notatu digna sunt, quæ ibidem subdit Gillebertus: *Monachorum non esse colloquium, sed, silentium; non quæstiones, sed quietem sectari.*

Guillelmus Sancti Theoderici Abbas eandem omnino sententiam fovet, de quo ne ulla vobis supersit dubitatio, en ejus verba ex Tractatu de vita Solitaria: „Spiritualis ipsa natura, ad ea quæ in
„ spi-

3, spiritualibus præminent, hoc est ad Deum & divina erigere semper amat semetipsum, non superbe sapiendo, sed pie amando, & sobrie, & iuste, & pie vivendo: qui quanto altius est quo nititur, tanto fortioribus exercitiorum studiis exercendus est, & quæ eum non perfundant, sed intingant, sicque afficiant, ut perficiant. Studia vero hæc, etsi litteris aliquando adjuvantur, & utuntur; non tamen litteratoria sunt, non cavillantia, non discrepantia, non garrula; sed spiritualia, pacifica & humilia, & humilibus consentientia. Quæ etsi foris exercentur, intus potius aguntur in spiritu mentis, ubi renovatur homo de die in diem, inducens novum hominem, qui secundum Deum creatus est in sanctitate & iustitia veritatis.

Postquam denique de verbo ad verbum ea Guillelmus retulit, quæ Apostolus 2. ad Cor. Cap. 6. exaggerat de multa sua patientia, de variis persecutionibus adversus se excitatis de carcere, de catenis, de tribulationibus, de laboribus, de vigiliis, de spiritu & de carnis mortificationibus; sic ait: „Hæc & hujusmodi sunt Studia sancta, exercitia Apostolica, in quibus discit se animus, & invenit, & emendat, mundans se ab omni inquinamento carnis & spiritus, perficiens sanctificationem in timore Dei. Studia hæc silentium amant, quietem desiderant cordis in labore corporis, paupertatem spiritus, & pacem in exterioribus pressuris, & bonam conscientiam in omni puritate cordis & corporis.

Et quando quidem sancti hujus viri autoritas profertur, ad rem erit, Fratres mei, ut sciatis, me in hac materia idem ac eum sentire, & nihil a me affirmari, quod ipse non scripserit. „Amorem, ergo Dei (inquit) in homine ex gratia genitum, lætat lectio, meditatio pascit, oratio confortat & illuminat. Animal vero & novo in Christo homini ad excitanda ejus interiora melius & tutius proponuntur legenda & meditanda Redemptoris nostri exteriora: & ostenditur in eis exemplum humilitatis, provocatio charitatis, & affectus pietatis: & de Scripturis sanctis, & de Sanctorum Tractatibus Patrum moralia quæque & planiora. Proponenda sunt ei gesta & passiones Sanctorum: ubi nec laborandum ei sit in planitie historiali, & semper aliquid occurrat quod novitium animum excitet ad amorem Dei & contemptum sui.

„Porro aliæ historiæ delectant quidem, cum leguntur, sed non edificant: quin potius mentem inficiunt: & in tempore orationis vel spiritualis meditationis inutilia quæque vel noxia faciunt scaturire de memoria. Lectionis quippe modum similis meditatio sequi solet. Difficilius etiam lectio scripturarum fatigat non reficit tene-riorem animum: frangit intentionem, hebetat sensum vel ingenium.

„Sed dicetis fortasse, Guillelmum hic ad Monachos Novicios loqui. Quam in rem duo sunt, quæ reponere possumus. Primum quidem, hunc quoque de Studiis Tractatum in gratiam dumtaxat junio-

Coll. 9.
c. 2.

juniorum Monachorum fuisse conscriptum, ut passim profitetur Auctor. Alterum vero, præceptionem esse generalem, ut ex postremis illis verbis colligitur: *Porro alia historia delectant* &c. Et inter omnes Sanctos convenit, Lectiones quam maxime pias & castas ab iis esse peragendas, quorum potissimum munus est orare; nam quidquid lectum est, recurrit menti & sese offer tempore orationis. Hinc dictum illud veterum Solitatorum apud Cassianum, homines tales esse in Oratione, quales ante illam fuerint.

Page 395. *Forte dixeris (subdit Tractatus Auctor) hæc quidem monita in spiritualium lectione librorum locum habere, secus vero cum de scientiis mere speculabilibus agitur, ut sunt Philosophia, Historia, aut Mathematicæ: Verum etsi non inficere, sacras piasque lectiones ad Orationem, cordisque compunctionem magis conducere, quam scientias mere speculativas: nihilominus ex istis etiam humana mens identidem poterit ad Deum contemplandum assurgere.*

Multa, Fratres mei, quæ huc spectant, suppetunt dicenda.

In primis horum utriusque pii Scriptoris sententia, quæ ipsorum religione & pietate prorsus est digna, abuti Auctor videtur, dum eam adhibet ad tuendam opinionem, quæ illis nunquam in mentem venit, ut modo demonstravimus.

Deinde, cum velit, Philosophiam, Historiam & Mathematicas Disciplinas conferre, atque inservire ad Orationem; commentationem de hiis materiis mentem animumque præparare ad orandum, quæ ipsissima sunt Auctoris verba: Idem erit dicendum, atque sentiendum de Geographia, de Chronologia, de Jurisprudencia, de Medicina, de Chimica, de reliquis omnibus Artibus, scientiis, quæ nihil non honesti habent, eo quod cum veritas quæcumque a Deo sit, ad Deum quoque ferre homines possit; ideoque illa quemadmodum rebus omnibus creatis uti possumus, ut in Deum erigamur, ita ibidem loquitur Tractatus Auctor. Nimirum, ut videtur, nullum est studium, nulla lectio, nulla litteraria exercitatio, cui se Monachus tradere non possit; ut se ad Orationem comparer. Quod perinde est, ac eum maximæ perturbationi, distractioni, atque depravationi objicere, cum illi ceteroquin nihil necessarium magis sit animi collectione & quiete. Isthæc sententia Sanctorum consiliis adversatur, spiritum Orationis evertit, atque ipsam Orationem ea puritate, & dignitate privat, sine qua nullius est virtutis, nullius meriti nullius efficaciz.

Lib. 1.
Instit.

Nihil est quod districtè magis præceperint Sancti, quam ut pura & ab omni aliena cogitatione vacua esset Oratio; quapropter quidquid vel levissimis nebulis animum inumbrare potest, diligentissime ab eo cavendum esse crediderunt: *Oratio si pura est, inquit Augustinus, si casta fuerit, cælos penetrat, vacua non redibit.*

Apparet passim apud Cassianum, quanto studio quantaque cura

vide-

veteres Solitarii mentis animique oculos avertere niterentur ab omnibus rebus, quæ ipsorum orationes minus castas reddere, & distractio- nes inducere possent in ea actione versantibus, quæ ab homine Deo dicato cumulatam sanctitatem postulat.

Vult S. Ephræm, ut cum timore & tremore ad orandum acceda- mus, ut præcipuos conatus nostros impendamus ad omnem humanam cogitationem, ad omnes terrenas curas abjiciendas. Est (inquit) in oratione quasi de Cælo Angelus, & te totum in hoc adhibe, ut sancta sit, pura, & irreprehensibilis deprecatio.

S. Benedictus haud poterat magis perspicuis verbis quid ipsi hac de re videretur explicare, quam edicens discipulis suis, ut cum omni humilitate & puritatis devotione Domino Deo universorum supplicarent; scirentque non in multiloquio, sed in puritate cordis, & compunctione lacrymarum se exaudiri.

Sit oratio pura, inquit S. Ambrosius, sit simplex, dilucida, atque manifesta. O sancta anima, ait S. Bernardus religiosos viros alloquens, sola esto, ut soli omnium serves te ipsam, quem ex omnibus tibi elegisti. Fuge publicum, fuge & ipsos domesticos, secede ab amicis & intimis, etiam & ab illo qui tibi ministrat. An nescis te verendum habere Sponsum, & qui nequaquam suam velis tibi indulgere præsentiam, præsentibus ceteris.

Ambros.
de Officiis
l. 3. c. 22.
in Cant.
Serm. 40.
num. 4.

Hæc fuit Sanctorum de præparatione animæ religiosæ & Deo votis obstrictæ ad orationem, sententia. Eam Solitudines quærere voluerunt, & adeo ab omnibus creaturis segregatam, ut illæ ab hac penitus divina exercitatione ipsam divellere aut alio abstrahere non possent. Multum sane aberat, ut studia, sive lectiones rerum ad Philosophiam, ad Historiam, & Mathematicas disciplinas spectantium, corda ad Orationem præparare posse putarent.

Palam vobis ediximus, Fratres, per hanc sententiam Orationis spiritum extinguere, & omni illam virtute destitui; hac super re plura addere non est animus, cum de perspicua certaque veritate agatur; idque vobis argumentis ineluctabilibus demonstraverim. Sed illud omnino animadvertendum est, si Monachis denique persuadeatur lectiones id genus præparationi cordis ad preces Deo offerendas inservire, futurum, ut jam nihil frequentius manibus illorum, qui lectione delectantur, versetur, quam libri illi, quorum usus interdicens ipso perpetuo esset; de libris dico, ad Historiam, ad Mathematicas, ad curiosas scientias, ad Philosophiam pertinentibus. Quidquid honestati & castitati recta non adversabitur, ipsis jam conveniens erit; interea vanis cognitionibus intellectum opplebunt, & usque ad animam eadem contagio procedet. At quomodo anima ita deformata, ac tam enormi perturbatione impedita Deo se sistet, & vel unam cogitationem, vel unicam aspirationem Deo ipsi gratam concipere, aut excitare poterit? Nulla hac brevior, nulla certior via est ad pietatem, & Religionem e Claustris eliminandam.

Cum

Cum enim illam Deus per Orationis canales effundat & communicer, his obstructis, effluvia desitura sunt; sicque sanctæ illæ Domus, quas flumina gratiæ non amplius perluent, adeo necessaria refrigeratione privatæ, igne passionum consumuntur.

Denique mihi nemo unquam persuaserit, Fratres mei, Studium Historiæ, Philosophiæ, Mathematicarum disciplinarum, Lectionem Ciceronis, Sallustii, Taciti, T. Livii, Commentariorum Cæsaris, quæ Monachis Auctor permittit aut commendat, haberi posse tanquam introductiones ad Orationem. Atque ego quidem fateor, me nunquam non vehementer commotum fuisse, quoties magnos illos eventus legerem, quos prophanorum Historiæ prodiderunt. Quoties e. g. colloquium illum duorum præclarissimorum ducum Scipionis & Annibalis apud T. Livium legi, & alium ab alio discedere vidi antequam de conditionibus pacis, quæ hujus congressus causa fuerat, inter ipsos convenire posset, omnem pacis spem formidando hosti Scipione auferente, atque ita ad eum loquente: *Bellum parate, quoniam pacem pati non potuistis*: Hac, inquam, circumstantia tam nova, tamque mirabili tenebar magnopere, & dies totos eam mente agitabam. Cumque reputarem, qui animorum motus, quæ anxietas utriusque exercitus fuerit in articulo temporis, quo mox de orbis fortuna certandum erat, ac pronunciandum; quod ab Historico his verbis explicatur: *In castra, ut est ventum, pronunciant ambo, arma expeditrent milites animosque ad supremum certamen pararent non in unum diem, sed in perpetuum, si felicitas adesset victoris. Roma, an Carthago jura gentibus daret, ante crastinam noctem scituros*. Ego modo cum victore faciebam, modo victi infortunio & miseratione tangebam: Sique inde jam me ad Orationem conferre oportuisset, absonas profecto & enormes meditationes mente volvissem.

Sed inquiet aliquis, id meæ tribuendum esse imbecillitati; quod non inficior: Sed eam me puto cum multis habere communem.

Res haud aliter se habet, Fratres mei, quoad pleraque gesta, atque eventa, quæ ab Historicis recensentur; atque hujusmodi lectiones hominibus ad Orationem natis & ad Solitudinem nullatenus convenire fatendum est. Affirmari idem quoque potest de studio Philosophiæ & Mathematicarum disciplinarum; de quibus non eodem modo judicare, manifestissimus error esset.

CAPUT IV.

Putat Auctor, *Studium scientiarum in laboris, æque adeo in pœnitentiae locum esse posse iis, qui pœnitentiam profitentur.* Pag. 377.

NEmini, ut mihi quidem videtur, illorum qui Studiis operam dederant, persuasum unquam fiet, Studium in pœnitentiæ parte esse censendum. Qui illi se tradunt, tantam inde voluptatem percipiunt, totque nos illecebris trahit hæc exercitatio, ut nulla sit, cui pœnitentiæ nomen minus, quam ipsi conveniat, quod ne illis quidem exercitationibus adhibetur, quæ multum quidem laboris, jucunditatis vero nihil in se habent. Studiis homines dies exigunt, noctes vigilant, adversæ valetudini se obiciunt, quæ plerumque nimia assiduitate studendi minuitur. Studii cupiditas omnino immorigera est & nulli aurem præbet; qui studium amat, aliud nihil querit, nisi ut sibi volupe faciat, suamque expleat cupiditatem. Sors ipsius, divitiæ & solatiū in libris, quos possidet, posita sunt; & voluptatem quam ex ipsis sentit reliquis omnibus mundi deliciis præfert.

Cum de eodem argumento jam ad vos alias verba fecerim, unum illud hic dicam, tria præcipua in manuali & Monastico labore inveniri, quæ studium supplere non potest; nimirum pœnitentiam, humilitatem, auctoritatem.

Primum satis exploratum est. Quid enim pœnitentiam certius abigit quam voluptas, quæ blande permulcet, quæ ingenio arri-det, quæ naturæ propensioni obsecundat, eamque sensu gustuque, quem inde percipit, tenet? Sed hæc Studium prorsus efficit, quod evidenter vobis ostendere facillimum est. Intuemini verum e. g. scientiarum Ecclesiasticarum studio intentum. Si divinas Scripturas attente legerit, quid in hoc thesauro immensas divitias, atque infinita bona complexo, non deprehendet? In illo, inquam, sacro mana, de quo scriptum est: *Omne delectamentum in se habentem*, & *omnis saporis suavitatem*. Id sane percipiebat S. Augustinus, cum exclamaret: *Domine, sint casta delicia mea Scripturæ tuæ.* Sap. 16.
v. 10. 11.

In Lectione porro Operum Sanctorum Patrum quid non rimatur, quid non detegit? Instituta illa morum vere Christiana, sanctas illas veritates, quas pertractarunt, & tanta Sancti Spiritus unctio, tanta eloquentia & arte explicarunt. Quid magis ad promovendos animos, & blande afficiendos aptius expecti potest? Cum vero ad rerum Ecclesiasticarum studium procedit, non est ambigendum, quin illa eventuum multiplicitas, ea factorum dictorumque varietas, ex quibus Historia consilatur, jucundissimam illi, atque pulcherrimam imaginem exhibeat.

Scho-

Scholasticus Professioni suæ totum se tradit; summam in hoc se collocat felicitatem, ut syllogismorum & ratiocinationis peritia emineat, ut in Scholæ argutiis polleat.

Idem de suis Theorematis & Demonstrationibus opinatur Mathematicus.

Grammaticus vero in lectione græcorum & latinorum Poetarum sibi indulget & satisfacit; omnem in prophanæ antiquitatis investigatione curam, atque omne studium impendit, & fabula magis quam veritas cor illius habet. Nihil hic dico, quod generali plane experientia non nitatur. Atque ex his omnibus, litterarum disciplinam, atque exercitationem pœnitentiæ vicem subire non posse, certo colligitur.

Quod ad humilitatem, atque animi demissionem spectat, duo tantummodo verba ex multis quæ alio loco hac de materia loquens habui, vobis hic repetam, quoniam occasione compellor. Manualis labor animos deprimit, villioribus adæquat, de gradu quodammodo dejecit, denique humiles reddit. Econtra Studium inflat, extollit, decus, laudem, atque existimationem asserit. Quæ ergo mutua utriusque comparatio recte institui potest? & quo tandem pacto laboris vicem obtinere poterunt Litterarum Studia?

Postremo auctoritatem quod attinet, omnes Monachorum & Solitatorum nobiliores Regulæ, omnes clariores Reformationes a S. Antonio usque ad nostra tempora manuale opus præceperunt. Carmelitani discalceatis, atque item Fuliensibus in eorum institutionibus manuale opus mandatur, quamquam apud utrosque paulo post initia obsoleverit. Nempe ista exercitatio constanti inter Monachos traditione confirmatur, a mille fere & quadringentis annis. Id vero de scientiarum studio dici non potest: & mirandum sane est, laboris manualis usum pium, tantaque auctoritate suffultum a multis tam facile & nulla fere animi religione aboleri. Ne multa; quandocumque dici audieris, Studium Litterarum manuali labori surrogari posse, hoc ut meram animi fictionem potius quam verum Axioma velim habeatis.

Pag. 397. Negat Auctor, *facilem & suavem esse vitam, quæ studio litterarum transigitur, ea enim (inquit) omnium laboriosissima est, atque durissima.*

Duo sunt, quæ in hanc rem apte responderi possunt. Primo vitam quæ studendo transigitur duram esse & laboriosam, iis qui a natura ad hoc vitæ genus minime sunt facti, verissimum est. Et quoniam hi frustra & sine ullo fructu ad studia compelluntur, id perinde est, ac perdendæ dici occasionem illis præbere, quam rebus

rebus potioribus impendere utiliter possent. Cujus jacturæ Superiores, qui hujusmodi Religiosos studiis admovent, olim districtam rationem Deo reddituros dubitandum non est.

Deinde qui litterarum amore ducuntur, & in eas a natura propensi sunt, miro quodam modo se illarum illecebris trahi sentiunt, & suas in illis delicias collocant; quod agnoscit ipse quoque Tractatus Auctor, cum ait: „Delectantur liberalibus studiis, Mathematicis disciplinis, Experimentis, Historia, itinerum descriptionibus. Harum rerum una vel plures, vel simul omnes animum penitus abripiunt, & juventutis ardorem excitant, quæ præ voluptate legendi jam non est apud se. Historiæ egregie concinnatæ nexus est quoddam fascinum quod vinci non potest. Delectat quoque varietas &c.

Ex libris nonnullos, inquit Auctor, omnino pravos & corruptos, alios vero aliqua tantum ex parte tales esse; illorum quidem lectionem tanquam lethale venenum esse fugiendam; hos vero caute & circumspicte legendos.

Sanctorum sententiæ multo convenientius, atque sollicitudini quæ adhibenda est, ut omnis lapsus & scandalii occasio Solitariis præripiatur, magis consentaneum foret, pravorum librorum lectionem Monachis omnino interdicare; neque enim ignotum ulli esse potest, quot illorum periclitati fuerint eo quod illa didicerint, quæ ignorare debebant. Quid nos cogit, ut lectiones illis permittamus veneno, partim saltem, imbutas, cujuscumque tandem generis fuerint? Et cur non veremur, ne dum bona & utilia a noxiis discernere illos volumus, forte decipiantur, & lolium pro tritico improspere accipiant?

Illius innumeræ multitudinis Monachorum, qui Origenis errores olim amplexi sunt, quive Eutychetis impiis Dogmatibus consenserunt, fors deploranda nonne justum metum incutere nobis deberet, ne Monachi quos instituimus par infortunium subeant? Quid est cur in illorum manus libros tradamus, quibus nihil quidem eorum vitæ conservandæ necessarium, multa vero efficiendæ illorum mortis aptissima continentur? Si ad hoc Monachi ex officio & professione sua vocarentur, ut armis doctrinæ Hæreticos oppugnant, ut de Fidei materiis disputarent, atque ut errores inimicorum veritatis refellerent; subesset forte ratio, cur illis suppetere libros errorum opinionum plenos vellemus, aut pateremur; quod nempe horum librorum notitia ad cognoscendam veritatem non parum faciat. Verum cum id muneris illorum non sit, quo fundamento, qua ratione licere putetur periculosis exercitationibus eos implicare, omnino non video.

S. Isidorus Hispalensis de lectionibus Monasticis hæc habet: *Genitilium autem libras, vel hæreticorum volumina Monachus legere caveat; Volumen tertium.*

In Reg. 1. 9. melius est enim pernicioſa eorum dogmata ignorare, quam per experientiam in laqueum erroris incurrere.

Pag. 399. Inutilibus lectionibus, quæ ad Deum referri nequeunt, quæ ſcilicet ad virtutem & noſtri ſtatus officia non ſerunt, eſſe abſtinendum monet Tractatus Auctor: hanc tamen regulam non ita eſſe extendendam, ut religioni cuiquam ſit iis rebus quandoque ſtudere, quæ reſta ad Deum, nec ad noſtri inſtituti onera referuntur.

Prima aſſertionis huius pars, Fratres mei, adeo æqua eſt, adeo ſancta, & ab omnibus Regulis confirmata, ut mirum ſit, Auctorem ad oppoſitam omnino ſententiam continuo inde tranſire. Inter Solitarii vitam, & hominis profani hoc intereſt, quod illius quidem omne tempus, atque omnia temporis momenta ad aliquid præcipue ſint dicata, & reſta ad Deum, propriaque officia referantur. Proinde Sancti omnibus illorum exercitiis regulam & methodum quandam præſtituere, & alia aliis ſibi mutuo ita preſſe ſuccedere voluerunt, ut nullum intervallum, nulla diſtantia interſeratur. Sola autem Sancti Benediſti auctoritas tam novæ, atque abſonæ opinioni, tamque a Monastica perfectione alienæ fidem abrogat: Ait quippe Sanctus Pater: Monachus timorem Dei ſibi ante oculos ſemper ponens, oblivionem omnino fugiat; & ſemper ſit memor omnium quæ præcepit Deus, & qualiter conſentientes Deum in geenam pro peccatis incidunt; & vitam æternam, quæ timentibus Deum præparata eſt, animo ſuo ſemper revolvat.

Benediſt.
Reg. c. 7.
1. grad.
humil.

Haud ſane poterat clarius magiſque conceptis verbis a Sancto viro explicari onus quod incumbit Monacho erga eum oculos jugiter convertendi, cujus ſervitio ſe penitus mancipavit. Et quamquam illius vita ex Orationibus & Pfalmodia haud tota conſtata ſit, aſſirmari tamen poteſt, reliqua omnia exercitia reſta ad Deum procedere, neque vel unum illorum eſſe, quod ad ſummum illud bonum tanquam ad verum ſui objectum non tendat: quod enim ſuperest actionum in diei curriculo peragendarum, in lectione, in manuali labore, & reſectionis hora poſitum eſt.

Atqui nemo neſcit, Fratres, lectionem unice ad Deum referri, quoniam in Sacra Scriptura verſatur, atque in Operibus Sanctorum Patrum, veterumque Monachorum, qui non niſi de eorum officiis, & de ratione adhibenda, ut eorum vita ipſorum conſiliis & decretis reſpondeat, verba faciunt.

Manualem laborem quod ſpectat, aliud nihil ille eſt quam unius ex Regulæ mandatis executio, & Legi Inſtitutoris morigerum obſequium; porro vix quidquam eſt, per quod certius ad Deum ſerantur, quam per ſubmiſſam obſervationem Regulæ, cui nomen dedere.

Reſectio corporum in ſumtione cibi ad eundem omnino finem colli-

collineat; siquidem alimenta illud efficiunt ut sustentetur vita quam a Deo accepimus, cuius curam gerimus propter eum, quæque illius gloriæ, & ædificationi Ecclesiæ suæ, tota est dicata.

Hinc compertum vobis sit, Fratres mei, quantum Sanctus Pater noster Benedictus absuerit, ut putaret, Monachum religioni sibi ducere non debere studiorum prosecutionem, quæ studia scilicet neque Deum, neque ipsius officia pro objecto habent. Atque omnis illius Regula illud omnium maxime præfert, intentam nempe sollicitudinem impediendi, quominus discipuli sui Dei præsentiam e conspectu aliquando amitterent.

In hunc finem minimos illorum actus ordinat, & ita recte se gerere discipulos suos jubet tum quoad externorum sensuum, tum quoad intimi cordis dispositiones, ut nunquam Deus illos occupet ab eo statu devios, in quo illis manendum est, ne forte illos in mala, aut noxia circumstantia deprehendens, jure olim exprobrare illis possit infidelitatem, negligentiamque punire. *Ne nos declinantes in malum, & inutiles factos aliqua hora aspiciat Deus; & parcendo nobis in hoc tempore, quia pius est, & expectat nos converti in melius, dicat nobis in futuro: Hæc fecisti, & tacui.*

Reg. c. 7.
in grad.
humil.

Satis esse, inquit Auctor, ut Monachorum studia aliquid utilitatis respiciant, puta, historia notitiam, eloquendi industriam, seu recte scribendi peritiam. Pag. 399

Lata nimis sunt hujusmodi studia, quam ut illis convenient hominibus, quorum vita adeo est contracta & angusta, quod perinde est, ac si dixeris, sancta. Sanctitas enim aliud nihil est quam coarctatio, sive ab omni eo quod commune est, atque impurum, separatio; congruenter Domini verbis, qui in Evangelio ait: *Arcta via est quæ ducit ad vitam.* Quid porro erit exercitiorum, quod exhinc Monachos occupare non possit, si animum ad ea omnia, quibus aliquid utilitatis inest, adjungere ipsis liceat? Si diceres, quibus aliquid utilitatis relate ad Monasticorum officiorum complementum, illud denique nonnihil esset; sed plane diversa est Auctoris sententia, ut perspicue colligitur ex supra recensitis illius verbis: *Nullo Monachorum religioni sit iis rebus quandoque studere, quæ recta ad Deum, & ad proprii instituti onera minime referuntur.*

Math. v. 14.

Hoc pacto nunquam loquuti sunt Sancti, qui aliam sane opinionem fovebant de sancti hujus Instituti perfectione, illud æquiparantes, ut alias animadvertimus, Angelorum conditioni; cumque conceptis verbis dixerint, a Solitariis ea in terra fieri, quæ in cœlis Angeli faciunt.

Multum profecto aberat Sanctus Basilius, ut sancto hoc instituto tam parum digna sentiret, tum cum ejus imaginem & formam tot scriptorum suorum locis delineavit; „ professus denique sibi non

Constit. Monast. cap. 18.

esse eam dicendi facultatem quæ argumenti dignitatem adæquare possit; & ceteroquin Solitarios Jesu Christi, Apostolorum, atque Angelorum imitatores esse.

De per-
fecti. Vir.
Monast.
Grad. 3.
art. 4.

S. Ephræm de Monastica societate hæc habet: *Sicut enim Sanctorum Angelorum acies; ita est multitudo Monachorum unanimiter viventium, & mentem suam ad Deum semper elevatam habentium.*

Solitarius (inquit S. Jo: Climacus) in materiali & corrupto corpore, immaterialium spirituum ordinem & statum absolute refert. Monachus est, qui solum ad Deum acie mentis intentus, illum semper orat in omni tempore & loco & opere.

Quid vero non præclarum mente revolvit S. Bernardus, tunc cum Solitarios Prophetis, Apostolis, Martyribus, Angelis comparavit? Tam eximia tamque sublimis vitæ Solitariae notio nihil in se habet quod respondeat sententiæ illorum, qui Monachos ad studia non recta ad Deum tendentia incumbere sine ulla animi anxietate posse arbitrantur; satis vero esse, ut aliquid utilitatis hæc studia referantur, puta ad historiarum notitiam, ad recte scribendi, atque emendate loquendi industriam. Revera enim Apostoli, Prophetæ, Martyres, Angeli occupationes hujusmodi haudquaquam novere. Quid est opus Monacho historiarum cognitione? Cui bono aut usui esse illi poterit recte scribendi emendateque loquendi scientia? Monacho, inquam, qui perpetuo destinatur silentio, nisi forte Deus ab hoc statu illum exemerit extraordinaria quadam Providentia.

Pag. 339.

Neque illa scrupulose (inquit Auctor) condemnanda est voluptas, quam passim in nobis studendo experimur; eaque imbecillitati nostræ quasi a Deo permissa censeri potest, ne mens improbo studiorum labore nimium gravaretur; neque etiam improbandæ sunt honestæ quedam Lectiones, quæ animum aliquantulum recreant, in quibus numerantur Itinerum diaria, elegantes & politæ Orationes, Heroica Poemata, dummodo honestæ animi remissionis limites non transiliantur.

Sancti, qui nihil tale unquam mentem volverunt, has animi remissiones, hæc avocamenta Solitariis non permiscere. Nullam esse temporis particulam existimarunt, quæ sancte occupari non deberet: atque in uno & solo Deo quærenda illis fuisse crediderunt solatia animique relaxationes, quæ extra illum quæri, atque inveniri licere nonnulli falso putant. Adeo veriti sunt, ne Deus ab animis & mentibus Solitariorum aliquantisper discederet, ut nullas exercitationes, quæ illos a Dei præsentia divellere, atque avocare possint, unquam passi fuerint, aut sua auctoritate confirmaverint. Nihil vero est ad malum hoc efficiendum aptius, quam curiosæ Historiarum, Itinerariorum &c. lectiones, quæ, ipso Auctore Tractatus judice, mentem abripiunt, juvenutis ardorem irritant, & cor av faciunt; quæ illud scilicet tam pravis affectibus imbuunt, seu potius

Pag. 340.

tius tam diris plagis lædunt, ut vix saluti recipiendæ locus sit. Si quando Monachus, cui religionis & pietatis sensus inest, hac animi relaxatione, de qua loquimur, egeat, annon legere illi sat erit in hunc finem Sanctorum Historias, Vitas Patrum, qui in Solitudinibus manserunt, Acta denique Martyrum? Nunquid non in hac factorum, eventorumque, varietate reperiet, quod ipsum recreare possit, & vires ingenii valida diutinaque contentione imminutas reficere? Innoxio huiusmodi præsidio uti ei licet; quid ergo alia ipsi proponimus, quæ sine periculo adhibere non poterit?

Facile est, quidem innuere Solitario, cui diaria Itinerum scripta, que eloquentium virorum & Poetarum legendi voluptas indulgetur, honestæ animi remissionis fines transiliendos non esse; haud æque tamen facile est monitum hoc ex usu perficere. Semel enim inditus est ingenii animisque motus, pro arbitrio inhibere vix possumus; & in acri vehementique voluptate modum servare arduum plerumque esse solet. Quid! Ergo *animus lectionibus huiusmodi abstractus, occupatus, illechns*, omnes hos impetus reprimere valebit? Hoc nimis multo a veri specie abest: neque est in hac prudentia semper eum periculo obijcere.

Ut verbo dicam, Fratres mei: de Monachorum professione fere ratiocinari solent homines, ad eorum præsentem statum respicientes; consilia illis exhibent circumstantiis, in quibus illos nunc deprehendunt, consentanea; quæque nihil cæteroquin habent quod eorum legitimo statui respondeat: eorum infirmitati indulgent, neque de antiis quis viribus restituendis solliciti sunt. Sed in hac re ulterius progrediuntur; quidam enim ut remissionem disciplinæ, in qua Monachis vivitur, aliquo prætextu velent, demonstrare conantur, eodem ritu veteres Monachos vixisse. Nempe quod volunt, ut ab illis studia scientiarum excolantur, atque ut Prædicationi animum adplicent, utrumque ajunt: a Veteribus Solitariis, atque a Monasticæ vitæ iniitiis factitatum fuisse; atque omnem lapidem movent, ut quæ hodie in more posita sunt, antiquitus usurpata credantur; quod perinde est, ac si veritatem infirmare tentent, ut consuetudinem suscineant, Patres de gradu deicere, ut honorem filii asserant; cælum deprimere, ut terræ defectus & labes abscondant.

Cur ex animo fateri denique nolunt, mutata esse tempora? ab antiquis moribus descitum esse? Monasticam professionem olim adeo florentem de prisco nitore, atque originaria pulchritudine decidisse. *Dispersa sunt viæ, cessavit transiens per semitam*; deerravimus ab itinere, rectam viam jam non agnoscimus, nec per eam quicquam currit: Et quoniam a tam profundis vulneribus erigi vix possumus, malum lenire, atque elevare tentamus, ut majori incrementum obstemus. Hinc fit ut Monachis studia & scientiæ passim permittantur. Si id fateri vellent, sincere agerent quidem; neque aliud jam superesset expendendum, nisi utrum medicina huiusmodi id ef-

ficere possit quod expectatur; an alia vero quædam suppetat, in usum revocanda, quæ naturam magis sequatur, quæque status Monastici veritati magis conveniat.

C A P U T V. & Ultimum.

Nim Monachi pro suorum meta studiorum publicas Conciones, aut privatas lucubrationes sibi statuere possint.

Reg. 450. Perspicuum per se videri, inquit Auctor, neque ullis difficultatibus involutum, quod hic proponitur. Tesse enim S. Bernardo, pro studiorum suorum meta unusquisque non modo Dei gloriam & spirituale sui emolumentum, sed etiam proximi utilitatem sibi institueret potest. Predicatio autem, atque Operum compassio ad publicam utilitatem referuntur.

NUllam esse in hac Quæstione difficultatem satis constat, non ex ratione quidem hic ab Auctore allata, sed potius quod Monachi concionandi officio nunquam destinati fuerint; ita ut in nullo Monasticarum Regularum loco detur invenire, consilium Institutioribus vel minima ex parte fuisse, ut hæc illis provincia demandaretur. Lex hæc quidem est in universum manifesta, a qua nonnullos singillatim semper excipio. Rem porro ita se habere, ex Regularum Codicibus, ex Sanctorum sententia, atque ex Constitutionibus Ecclesiasticis liquet.

Quod ad Regulas attinet, licet cuicumque eas invisere, & colorum testimonio convinci. Nulla ex illis est, quæ Prædicationem non dico præcipiat, sed ex qua argui possit, hoc ministerium Solitariis conveniens esse. Benedictina, quæ apud S. Benedicti discipulos primum obtinere meretur locum, silentium perpetuum mandat, & quædam tantummodo de piis argumentis colloquia Fratribus permittit, qui cumulatam virtutem fuerint jam adepti, atque id ipsum raro: *Perfectis Discipulis propter taciturnitatis gravitatem rara loquendi concedatur licentia, quia scriptum est, in multiloquio non effugies peccatum.*

Et sane fieri non poterat, ut quæ ipse circa varios humilitatis gradus præscribit, exacte discipuli ejus fervarent, si ei exercitationi quam raro humilitas comitatur, operam dare debuissent. Quomodo se omnium hominum vilissimos existimabunt? quomodo se infra cunctorum pedes collocabunt? Quomodo adversus omne injuriarum & contumeliarum genus, quæ sibi infligantur, immoti & mansueti erunt? Quomodo se agendis quandoque rebus approbatione dignis ineptos se judicabunt? Quomodo ex animo, atque ex intimo cordis sensu dicent: *Ego sum vermis, & non homo, opprobrium hominum, & abjectio plebis; cum se viderint id muneri sustinere, quod*

quod non nisi eximii ingenio, doctrina & pietate viris committi solet?

Quod vero ad iudicium Sanctorum attinet, idem illos sensisse patebit, quod fenserunt ii, quorum opera uti Deo placuit in Monachorum Ordinibus instituendis.

„ S. Dionysius, ut jam a nobis animadversum est, docet, eos qui
 „ Solitarie vivendi formam professi sunt, non esse constitutos ut alio- De Hier.
v. Eccl.
cap. 6.
 „ rum Doctores; sed manendum illis esse in solitario & sancto in-
 „ stituto, ita ut ipsi sectentur Presbyteros, & ab his congruam sibi
 „ scientiam accipiant.

Sancti Basilii, Gregorius Nazianzenus, Joannes Chrysostomus, Augustinus, qui præ ceteris de Monachorum officiis latius disputarunt, Prædicationem Verbi Dei in eorum exercitationibus nunquam recensuerunt.

S. Ephraem, qui ex peculiari vocatione catechizandis rudibus atque instruendis operam navavit, utpote Edesenæ Ecclesiæ Diaconus, nunquam protulit, id muneris Monachorum esse proprium, licet de eorum officiis accuratissime latissimeque egerit.

Quæ de sententiis super hac re a Sancto Hieronymo, atque a S. Leone perhibitis alibi retulimus, jam nostis, Fratres, neque est cur hic repetamus.

S. Joannes Climacus non convenire ait stentibus de rebus Theologicis disputare; „hujusmodi disputationibus lacrymas exsiccare solere. Grad. 7.
art. 25.
 Sed omnia, quæ ex magno hoc sanctoque viro in hoc argumentum deprehensimus, denuo hic inculcare inutile & supervacaneum foret.

S. Bernardus, cujus auctoritate Auctor Tractatus utitur, hæc ait:
*Ex his nempe clares & certum est, quod publice predicare nec Monacho
 convenit, nec Novitio expedit, nec non misso licet.... Quidquid tale ani- Serm. 64.
in Cant.
 mo suggeratur, sive sit illud tua cogitatio, sive immisio per angelum
 matum, dolosam agnosce vulpeculam, id est matum sub specie boni.*

Denique Ecclesiæ auctoritatem quod spectat, jam vobis, Fratres, Synodi Chalcedonenfis Canones, S. Leonis, Alexandri & Eugenii Decretales in medium adduximus.

Quæ ex S. Bernardo citantur, quæque ut ab eo dicta exhibentur, nimirum pro studiorum suorum meta non solum propriam, sed & proximi utilitatem quemquam sibi proponere posse, nihil plane evincunt. Maxima sancti hujus viri prudentia, atque sapientia postulat, ut plane credamus eum hanc utilitatem ad singulorum conditionem & statum retulisse; neque Monachorum ad studia publico aliquatenus utilia applicationem probasse. Norat satis, certum quemdam a Dei providentia in omnibus rebus ordinem fuisse constitutum, qui non nisi gravissimis verissimisque de causis perturbari debet: Huc faciunt illa D. Pauli: *Dedit quosdam quidem Apostolos, quos- Ad Epb.
4. v. 11.
 dam autem Prophetas, alios vero Evangelistas, alios autem Pastores,
 & Doctores.* Et Monachi ergo suum in domo Dei locum sortiti

sunt; Deus illis certam assignavit sedem: omnia ipsorum officia ad locum in quo illos collocavit referenda sunt.

Affirmari itaque confidenter potest, non eam fuisse Mellisui mentem, ut *proximus utilitate* omnes bonorum & commodorum species, nullo delectu, nulla discretionem habitis, complecti voluerit; sed contra ad ea sola eum respexisse, quæ Monachus in Solitudine vitam agens aliis communicare potest, quin de proprii instituti finibus exeat, aut aliquid agat a suæ professionis scopo alienum. Legit, exempli gratia, studet, vel ut Fratres ædificet in Collationibus regularibus loquens, vel ut prosit extraneis, si forte aliquando ex officio sibi commissio, aliquod cum illis commercium agitare cogatur: Sed verborum Sancti Bernardi sensum tam late sumere, ut eum ad sermones & publicas Catecheses extendas, perinde est, ac si quæ fuerit animi illius forma, qui certus mos, quæ religio, minime advertas, eique sententiam appingas, quæ in illius mentem nunquam sane venit.

Fig. 401. *Periculosum fore, inquit Auctor, si id genus studia junioribus Monachis committantur, antequam se ipsos us veritatibus perfecte imbuerint, quas aliis tradituri sunt.*

Ad id vero illud in primis quod respondeam habeo; nimirum quamquam initio juniores Monachi ad hæc studia nequaquam admoveantur, impediri tamen vix posse, quin se ad illa designatos antea sciant, & suam quoque vicem olim affuturam, quando sibi uti reliquis exercitationes hujusmodi tradentur: quod abunde est, ut adversos humilitati spiritus induant, atque ut simplicitatem, in qua vivere tenentur, exuant, hoc est ut ruant fundamenta, in quibus Monachi omnem suam religionem, omnem vitæ suæ rationem firmare debent. Quo quid Monacho luctuosius accidere potest?

Deinde illud hic non inutile erit animadvertere, Tractatum de Studiis unice ad juniores Monachatus alumnos esse directum, quod sæpius ipse Auctor fassus est.

Tertio, perquam raro videre est hodie viros ad eum virtutis gradum erectos, ut veritatibus quas aliis verbo tradituri sunt ipsos jam plenos esse credibile sit. Pauci admodum ad id perfectionis assurgunt: Et si pietatis ista absolutio expectetur, antequam in suggestum ascendere permittantur, plures equidem suggestus vacabunt; itemque simul erunt ex Monachis multi qui omne tempus suum omnem operam frustra impenderint, ut ea munera aggrediantur quibus digni non fuerint. Quod idem est, ac vitam omnem exigere cum nullo aliorum profectu, & non sine sui detrimento.

Denique ut fiat vobis exploratum, ea quæ hic affirmamus non esse mentis nostræ figmentum, sed cum veritate penitus consentire, fat

sat fuerit Auctoris ipsius in rem hanc verba referre, quibus mala ab id genus exercitiis provenientia intra Claustrorum septa compendio ob oculos ponit. „ Ex iis, inquit, quæ concionandi aut elucubrandi gratia multo labore ac studio congeruntur, vix ullus in „ studiosos spiritualis profectus redundat. Videlicet ubi primum veritates aliquas mente conceperunt, actutum eas in alios effundere cogitant. Toti sunt in sententiis inveniendis apteque disponendis, quas auditoribus aut Lectoribus ingerant, & suggestum ac Theatrum intra se quodammodo statuunt, unde jam in antecessum venditant quæ mox edenda aut recitanda parant. Hocque, vel simili modo apud se loquuntur: Hujus sententiæ erit hic locus, ut hæc vel illa virtus commendetur, ut hoc vel illud vitium deiciatur, ut in hac vel illa circumstantia sermo habeatur: En quod his vel illis personis congruet. &c. Unde liquet, quod dum alienæ videntur saluti prospicere, semet plane negligunt, cor aridum remanet, iisque virtutibus vacuum, quas aliis persuadere gestiunt. Hoc autem junioribus præcipue est valde familiarè, quorum vis imaginandi acrior est, quique fini proposito fortius intendunt; præsertim si quid præclarum & nobile illi inest, quod eos attrahat atque excitet.

Quod si inevitabiles fere sunt noxii hujusmodi effectus, quod Auctor diffiteri non potest; quid ergo periculis commitemus homines, qui non modo ad hæc munera, unde mala illa oriuntur, nullam vocationem habent; sed qui ideo a sæculo potissimum recesserunt, (siquidem sapienti rectoque consilio id ab illis gestum est) ut hæc munera evitarent? Quomodo illos iis exercitationibus implicabimus, in quibus tot alios extremam perniciem invenisse novimus? Cur illos de recessus gremio abducemus, & a sacris alyis avellemus, quamquam esse innumeros non ignoremus, qui specie salutem proximorum operandi, suam ipsorum condemnationem, heu! nimium moliti sunt? quid est quod affectentur sibi que sumant ministeria Ecclesiasticorum, quos Deus equidem ad verbum suum annunciandum, docendasque populos veritates suas misit? Denique cur (nam & hoc cogor adjicere) cur *mittent facem in messem alienam*, cum fere contingat ut id non nisi cum suo detrimento faciant?

Quapropter, Fratres mei, ægre intelligere possum, quo tandem pacto certus omnino sit Tractatus Auctor, (quemamodum in fine Operis sui satis ostendit) variis periculis sese Monachos obijcere, dum studia scientiarum aggrediuntur, atque in iis sese exercent, quæ ipsos ad publica ministeria idoneos reddere posse putant; & simul interea velit, eos ad illa animum adjicere. Quomodo licuit ei ista proferre: *Si anima salus Monachis quam maxime cordi esset, aliorum salutem consulere consenti forent adminiculo precum bonique exempli, qua apud Deum plerumque validiora sunt ad proximi salutem provehendam, quam Libri & Sermones*; deinde vero methodos huic sententiæ plane

plane adversas docere atque indicare? Quomodo fateri potest, *sapim* *usvenire*, ut *charitatis* *velo cupiditas* *prodeundi*, & *covetis* *prestandi* *obtegatur*; nihilo vero minus, volumen integrum conficere atque edere hujusmodi cupiditati, quam improbare cogitur, excitandæ aptissimum? An illa doctorum virorum, quorum elogia texit, multitudo; ille Academiarum Scholarumque, quas diligenter recenset, magnus numerus; omnes illæ scientiæ, omnes notitiæ, omnifque generis Scriptores quorum latissimum elenchum exhibet; non plurimum valent ad excitandam atque extimulandam sciendi libidinem in adolescentibus Religiosis, atque ad illorum omnia officia obliteranda; hoc est, ad extinguendum amorem humilitatis, simplicitatis, secessus, silentii, interioris atque exterioris mortificationis, Orationis, manualis laboris; atque ut illis denique persuadeatur, ideo se esse Monachos, ut eruditionem, famam, existimationem & laudem sibi comparent?

Non possum non peculiariter animadvertere, Fratres mei, postremos hosce Tractatus versus: „Scribamus ergo (inquit Auctor) elucubremus quatenus lubet, concionemur, atque in aliorum utilitatem laboremus; at nisi ita affecti fuerimus ut in nobis regnet charitas, & celestis doctrina, incassum laboramus, & vix aliud vigiliæ & curæ nostræ nobis referent quam exitium & damnationem.

Quandoquidem verissima sane est hæc sententia, Ego quidem prorsus non capio, quomodo vir ascetici instituti tenax animum ad scribendum adicere; aut in publico orationem habere possit, nisi forte evidens Dei iussum illum compulerit, cui reluctari salva quam illi debet obedientia non potest? Quæ satis idonea ratio eum cogit ut tam gravi periculo sese committat? Quid enim illum certum facit, ita se esse ad hanc rem comparatum ut par est, ne mala, quæ sibi portenduntur, infelix subeat? Nonne potius ipsi suspicari valde licet, fore ut hæc mala vix effugiat, ex hoc jam quod silentium & solitudinem abdicaverit, & publico sese commiserit legitima missione haudquaquam compulsus? Quod si quatenus æquum est de sua ille salute sollicitus esset, nonquid illud munus ultro susceperet, ex quo tam magna illi perniciēs provenire potest?

Id me præcipue maxime omnium movet, Fratres mei, ut meum non adjiciam calculum sententiæ illorum, qui volunt Monachos in harum scientiarum pelagus sese conicere, quæ gravissimarum temptationum occasio iis sunt, quasque Auctor tam vivis coloribus & lineamentis depingit. Illorum misereor, quos vel animi levitas, vel naturalis cupiditas hæc studia trahit; sed infeliciores eos judico, qui, quos regere ex officio debent, ad id genus studia temere admovent.

Si utrorumque ob oculos diutius versarentur pulcherrima illa S. Hieronymi verba, quæ tam opportune ipse Auctor Tractatus adnotat, quæque non possum non hic per extensum referre; profecto aliud

aliud nihil cogitarent expeterentque, nisi usque ad exitum vitam agere congruenter divinæ circa ipsos ordinationi; nimirum in accurata omnium veritatum quas Regula complectitur executione; & nihil magis vererentur quam ne angustos fines transilirent, quos ipsi Patres constituerunt. En Sancti hujus Doctoris verba: *Quotidie morimur: & tamen æternos nos esse credimus. Hac ipsum quod dicto, quod scribitur, quod relego, quod emendo, de vita mea tollitur. Quos puncta Notarii, nos meorum damna sunt temporum. Scribimus atque rescribimus, transsumunt maria epistolæ: & scindente sulcum carina per singulos fluctus ætatis nostra momenta minuiuntur. Solum habemus luctri, quod Christi nobis amare faciamur.*

*Hieron.
in Epi-
stol. Ne-
potiani.*

Quid agere ergo fas est homines, qui quotidie se mori putant, quique vitam suam pro continuo decremento habent; nisi ut a se abiciant quod se in cursu graviores reddere potest, atque obitare ne celeritate & levitate illorum currant, qui nulli terrenarum rerum adhærescunt, sed ad cœlestia semper aspirant? Quid, inquam, illos fas est agere; nisi ut se intra suorum officiorum fines contineant, & quidquid occurrit quod se ab illis divellat, caute rejiciant? Quid illi Monacho olim boni supererit, quod legendo, scribendo, prædicando, libros componendo, *vanas* lectiones sectando (vanas siquidem omnes appello quotquot illum nec sanctiorem nec meliorem reddiderunt) vitam omnem exegerit; nisi propter tempus, quod ipsi ad alios usus concessum fuerat, misere dilapidatum æterna tristitia? Utinam ego de hoc numero non sim, atque ea quæ dumtaxat ob veritatis cultum aggredi me putavi, implicita aut permixta non inveniantur quibusdam circumstantiis, quæ quidquid recti in cogitationibus & consiliis meis esse poterat, in Dei oculis plane subvertant. *Valde laboriosum est, ait S. Gregorius, custodire, ne mala homo facere audeat, ne in bonis actibus per intentionem titubet, & inter bona opera sinistra cogitatio illudat.*

*Greg.
l. 11.
Moral.*

Certe illa cogitatio, quæ me ad hunc de Studiis Tractatum discutiendum atque expendendum impulit, orta est dumtaxat ab ejus professionis amore divinitus mihi indito, quam feliciter mihi successit amplecti per divinæ quandam Providentiæ rationem. Difficile mihi fuit ea non improbare, quæ sanctæ hujus vitæ instituto noxia esse arbitratus sum, neque potui non tradere chartæ quidquid Deus in animum injecerat bonæ cogitationis ad ejusdem defensionem. Principio, Fratres, neminem præter vos ante oculos habui. Id mihi solum propositum fuerat, avertere quominus ab eruditissimo Opere improvidi deciperemini, nomenve aut existimatio scriptoris vobis fucum faceret. Sed postea longius mente processit, neque prorsus inutile putavi, rationes nostras iis quoque innotescere, cum quibus ego iisdem nexibus atque officiis conjunctus sum.

Illud vero mihi in primis animum subiit hoc Opus legenti, animadvertere videlicet, quod ceu quoddam vulnus & maculam toti Mona-

Mona-

Monastico Ordini Auctor infixit, dum se totum in eam coniecit curam persuadendi & demonstrandi, antiquos Cœnobitas scientiarum studio operam dedisse; ac propterea illis quodammodo abstulerit laudem humilitatis, simplicitatis, abditæ illius & pauperimæ vitæ quæ illos priscorum temporum ornamentum & exemplum reddiderunt, & propter quas illi hodieum admirationi & solatio nostro sæculo sunt.

Sancti Ecclesiæ Patres Monachos & Solitarios quasi pro Apostolorum successoribus habuere: *Apostolicam vitam professi sumus, Apostolorum perfectioni nomina dedimus*, ait S. Bernardus. Eos porro imitantur non in verbi Prædicatione, non in potestate Clavium, non in populorum instructione, non in rectione animarum; sed in omnium mundanarum rerum abdicatione, in simplicitate, in humilitate, quam professi sunt, in puritate, in Fidei vigore, in præcipuo Christi cultu & amore. Et sicuti divinis illis duodecim viris injuria fieret, si quis illos ut eruditos & litteratos traduceret; doctrinam illis tribuens, qua reipsa caruerunt, & credendi ansam præbens, mundi ad fidem conversionem humanæ scientiæ, acquisitioneque studio doctrinæ acceptam referendam esse, cum eorum sanctitati & Dei spiritui, qui in illis loquebatur, verius tribuenda sit: *Non in persuasibilibus* (inquit D. Paulus) *humanae sapientiæ verbis, sed in ostensione spiritus & virtutis*: Sicuti, inquam, eorum Apostolatus gloriam minueret, si quis naturales dotes putaret ad magna illa incepta prospere confecta, ad illa cœlestis favoris signa contulisse, quæ illos comitata sunt ubicumque divina illos jussio deduxit; Ita Ordinem Monasticum deprimit, & de gradu dejicit quisquis mundo persuadere studet, veteres Monachos scientias excoluisse, atque his potiore partem tribuendam esse magnorum facinorum, quæ illi gesserunt ad provèhendum Christi nomen; tunc cum Fidei nefarios hostes adorti prostravere, tam hæreticos, quam Idolorum cultores, non studiose elaboratis sermonibus, non affectata eloquentia, sed propriæ fidei constantia, zeli & religionis magnitudine, simplicitate, & vitæ sanctimonia.

Quemadmodum Deus Apostolis miraculorum gratiam impertivit, quam eorum functionibus adaptaverat, ita ut prodigia ab illorum manibus edita veritates ab ore prolatas confirmarent: *Domino cooperante, & sermonem confirmante sequentibus signis*; ita quoque parem Monachis auctoritatem minime denegavit. Visi hi passim sunt, ut jam alio loco animadvertimus, dæmonia ejicere, ægros sanare, mortuos excitare: voluitque, ut quod illorum opera & ministerio ad mundi salutem operatus est, non nisi suæ Omnipotentis tribui posset. Mira illi placuit facinora exequi per simplices, omnisque expertes scientiæ viros, qui ea sola doctrina pollebant, quam ex divinis hauserant Scripturis.

Id porro S. Joannis Climachi, verbis magis magisque roboratur:

„ Quis-

Serm.
27. de
diversis.

1. Cor.
c. 2. v. 4.

Marc. 16.
v. 20.

„ Quisnam illorum (de sæcularibus & profanis hominibus loquens
 „ ait) miraculorum patrator fuit? Quisnam illorum vitam mortuis
 „ restituit? Quisnam dæmonia ejecit? A nullo illorum unquam ali-
 „ quid tale gestum; miranda hæc Opera Solitariis Deus ceu pro-
 „ posita quædam virtutibus eorum præmia reservavit, quorum non
 „ est capax mundus.

Annon illius reluctamur imperiis, & summam caputque hujus
 instituti immutamus, si studia Solitariis tribuimus, si illorum mori-
 bus atque exemplis hujusmodi exercitationes asserimus, quæ ordini
 & loco, quem illis Deus in Ecclesia sua assignavit, tam parum con-
 veniunt? Omne illorum meritum, omnem laudem Deus in altissi-
 ma humilitate, in vera spiritus paupertate collocaverat, quas vir-
 tutes scilicet hodierni Solitarii haud secus quam prophani homines,
 vix, aut ne vix quidem amplectuntur. Cur ergo nos hoc illorum
 meritum in scientia collocabimus, quæ a priscis neglecta, ignorata
 & pro nihilo habita fuit?

Et de prima plaga Ordini Monastico inflicta hæc hætenus. Se-
 cunda vero eo spectat, quod studiis scientiarum in Claustro intro-
 ductis, abijt jam mentis collectio, inolefcit distractio; Domus pacis
 & secessus, in tumultuantes Academias convertuntur; quieti hujus
 ac tranquillæ habitaculi incolæ, in novos homines mutantur, in
 disputationum clamore atque obstinatione educatos. Cui nunc jam
 aptari poterunt verba illa Sancti Spiritus, *Sedebis Solitarius & sace-*
bis; ex quo loca ista tranquillitati & silentio olim dicata, quid Thom. 3.
v. 28.
 quiescere & tacere sit omnino dediderunt? Quis enim nescit,
 omnia ibi in perpetuo motu agitari, confabulationes & colloquia
 misceri, ubicumque studia & scientias Monachi profitentur, seu
 verius ubi docti & litterati fieri contendunt.

Tertia plaga in extinctione spiritus Orationis per scientiam posita
 est; Monachi siquidem ad scientiarum studia intenti, quorum cetero-
 quin totius vitæ cursus assidua esse debet Oratio, ut huic aliquantu-
 lum dent operam, inidonei fiunt. Quomodo enim ille vir, cujus ca-
 piti diutinx lectionis fervor accessit, cujus imaginandi vis rerum
 innumeris & confusis speciebus impleta est, illam animi libertatem;
 puritatem, & quandam veluti nuditatem inveniet, in qua Dei oculis
 cum sese sistere oportet, ut orationis charisma & spiritum obtineat?
 Vim illi facient mentis phantasmata, & omnes illius conatus irritos
 reddent. Distrahetur, avocabitur, dispergetur etiam invitus, si tamen
 invitum hæc illum pati dici possit, cum hujusmodi distractiones,
 quæ illum vexant, a libera & ultronea exercitatione ortum ducant.

Quarta plaga recta impetit humilitatem, quæ virtus Monachorum
 est maxime propria. Quomodo enim integra consistet inter tot exer-
 citia, quæ illam imminuere atque abolere tantopere possunt? Si huic
 vel illi Monacho, qui se studiis tradidit, succedat ex sententia; jam
 omnes quotquot sibi inferiores sunt, contemnere incipit: Sin minus,
 vel

vel si qui ipso doctiores sunt, nihil est quod non aggrediatur ut illos denique adæquet, aut præcellat; quidquid ille competitorum offendit, illius invidiam extimulat. Denique quo pacto humilitas simul esse cum Studiis poterit, quandoquidem hæc animos extolunt, illa deprimit?

Quinta plaga in hoc sita est, quod in Monasterio in quo Studium & scientiarum cultus floreret, Regulares observationes suum vigorem deperduat. Jam ibi non juxta Regularum præscripta vivitur, sed exemptiones regulam faciunt; quotquot studiis operam navant, ab aliqua horarum Canonicarum parte eximuntur; tempora ad satisfaciendum huic oneri privatim constituta, sine ulla prorsus hæsitacione mutantur; a vigiliis quoque dispensatur. Silentium quod spectat, de illo servando vix aut ne vix quidem laboratur; qui aliis instituendis præsumunt peculiaribus & suis etiam immunitatibus gaudent. Ita Clausuram in Collegium mutatur, in quo pro religiosa illa modestia pro illa tam probi exempli verecundia, quæ cordis cogitationum quasi custos & servatrix esse debet, licentia clamores, tumultus passim dominantur.

Sexta plaga eo spectat, quod Regna & Reges iis adminiculis fraudantur, quæ a Monachorum orationibus olim sibi comparabant; tunc scilicet cum hi coram Deo corda effundentes, ejusque misericordiam in recessu solitudinum suarum ferventissimis precibus sollicitantes urgentesque, illius justitiam plerumque exarmabant, & protectionem Regibus necessariam ab ejus bonitate impetrabant.

Septima plaga facit, ut Populi in Monasteriis salutaria exempla amplius non videant, quæ olim in totam Ecclesiam resulabant; cum scilicet quisque ex eorum vitæ ratione vivendi apud se normam conjectabat; & cum floreus ibi morum sanctitas bonum Christi odorem late fundebat, cui acceptare ferebatur profanorum ad bonam frugem conversio.

Octava plaga in abrogatione manualis laboris sita est; hoc est, in introductione otii atque inertie; siquidem ex Fratribus quicumque ampliori lectioni sustinendæ inepti fuerint, sublato regulari manuum opere, desidem vitam agent, nec ad illud attendent Jesu Christi judicium: *Et inutilem servum projicite in tenebras exteriores.*

Marth.

25. v. 30.

Nona adducit sollicitudinem ac studium afferendi Privilegia & Exemptiones, quæ, ut accurate loquamur, nihil aliud sunt quam Juris Ecclesiastici abolitio, sancteque constituti in Christiana Ecclesia ordinis perversio; quæ illud denique efficere natæ sunt, ut Solitarii humilitatem, simplicitatem, & quietem, eorum professionis adeo propriam, amittant, recepturi earum loco dignitates & ministeria, quæ ipsis nequitiam debentur.

Tandem, Fratres mei, decima ac postrema plaga, reliquarum deterrima, hæc est, quod late diffusi studii methodo constituta, vitæ Monasticæ professio Deo summopere accepta deformatur, atque

que illi proprii decoris & ornatus, propter quem mundi oculis speciosa olim visa fuit, potissima pars eripitur, nempe solitudo, silentium, secessus, humilitas, mortificatio, labor, simplicitas, oratio; atque omnibus illa armis exuitur, quibus ad defendendam Ecclesiam & propugnandam veritatem quondam usa fuit.

Res nunquam ad id perturbationis & corruptelæ devenisset, si modestiæ ac moderationis ratio substitisset, in qua Patres Congregationis S. Mauri sese triginta ante annos continebant, tunc cum certum librorum numerum in lucem emisissent, quibus *Biblias hecæ Asceticæ* nomen ab illis impositum, & quibus nihil aliud comprehendebatur quam nonnulla Patrum scripta, quorum lectione Monachi facilius cognoscerent proprii instituti rationes & officia; ac unde haurirent veritates sibi ut Christianis & ut Monachis necessarias. Sed nequaquam mirum est, eundem agendi scopum atque eadem consilia quoad hoc non fuisse servata, cum raro admodum res in eodem loco constanter permaneant, aut diutius mutationes arceantur, quæ omnino vitari non possunt, quasque in omnibus vel mortuissimis & sanctissimis Institutis irrepsisse novimus.

Hæc sunt, Fratres, quæ me ad scribendum impulere; cumque liceret mihi cum Propheta dicere: *Domine, dilexi decorem domus tuæ,* ^{Ps. 25.} *et locum habitationis gloriæ tuæ:* fateor, me mihi silentium impere ^{v. 8.} rare nequisse, dum hisce oculis hunc locum subverti cernerem, & funditus convelli, ita ut ejus omnimoda appareat ruina.

Dixerit profecto quispiam, mihi in animo esse, ut Monachi in ignoratione rerum omnium vivant. Absit. Fateor, necesse esse ut Monachi aliquam scientiæ partem attigerint; cavendum tamen est, ne eorum scientia vitæ institutum, quod professi sunt, disturbet aut pervertat. Hujusmodi itaque esse debet, ut eos non reddat imbecilliores, aut in officiorum suorum neglectum trahat, sed contra ferventiores, accuratiores, & Regulæ ac disciplinæ tenaciores exhibeat. Sed ut exacte vobis innotescat, quid ego de studiis & Lectionibus Solitariorum, qui nempe solitudini ex instituto adducuntur, sentiam; nonnulla in hanc rem hic subjicio.

Viro, qui se Deo peculiariter vovet, acquirenda est in primis absoluta cumulatque ejus status, quem sequi meditatur, notitia. Sit nobis exempli vice ad hujus rei explanationem Sancti Benedicti Institutum. Qui illud amplexus est, consilii sui executionem auspicabitur a lectione Regulæ additis quibusdam Commentariis, quibus illi genuinus Regulæ sensus patefiat, omnesque veritates & officia in idonea luce collocentur. Huc perquam belle facit Explanatio Regulæ typis vulgata anno 1689. Cum hac lectionem quoque conjunget Vitarum Patrum qui in Eremito vixerunt, cum ea vix ulla aptior videatur ad præclaram & sublimem ipsi ingerendam de sua professione notionem, atque ad eam inflammandum ad ejus vitæ amorem, quam aggressus est. Leget deinde Tractatum de Professione Religiosa P. Roderi-

driguez, Virum Religiosum P. S. Jure, libros de Sanctitate & Officiis Vitæ Monasticæ. Optimum quoque factu erit, ut veritates & documenta ex hisce recentioribus percepta, in scriptis Veterum retractet, puta in Asceticis Sancti Basilii, in Institutionibus & Collocationibus Cassiani, apud S. Joannem Climacum &c.

Sancti Ephræmi Operum lectio magnum afferet momentum ad injiciendum illius animo terrenarum rerum contemptum, ad ingerendum cœlestium amorem, ad eum in peccatorum suorum consideratione, in profundæ humilitatis sensu, in compunctione cordis, in assidua Judiciorum Dei meditatione detinendum. Leget Sanctorum Vitas, præsertim quæ sinceriores præ ceteris & puriores sunt. Intra trium ad summum mensium spatium sufficienter imbuetur cognitione Dogmatum & Veritatum ad Fidem spectantium; idque fiet lectione Catechismi Concilii Tridentini, ejus quem concinnavit P. Bellarinus, aut alterius cujuscumque ejusdem modi. Tradet se lectioni divinarum Scripturarum, quarum textum attente & humiliter leget, persuasum habens, Deum humilibus animis sese communicare. His addet sacri hujusce Textus Explanaciones a recentioribus compositas, nec non & specimina Moralia in Evangelia & Epistolæ totius anni. Orationis methodum ex aliis libris discet, puta ex Meditationibus Patris Haineuve, Patris du Pont, ex iis quæ ejusdem argumenti habet P. Ludovicus de Granata.

Cum vero omnino edoctus esse debeat in morum præceptis a Christo traditis, & præclaris illis veritatibus usque ad ima cordis imbutus, quæ in ejus Verbo, & Sanctorum Traditione continentur, propterea lectioni vacabit enarrationum S. Augustini in Psalmos, Sermonum ejusdem *De verbis Apostoli*, & in Epistolam S. Joannis, Operum illius *De Doctrina Christiana, de Moribus Ecclesiæ*; ab iis dumtaxat abstinentes quæ de materiis contentiosis & ad Monachos nequaquam pertinentibus composuit. Suppetunt præterea homiliæ S. Joannis Chrysostomi, Moralia S. Gregorii, hujus homiliæ, S. Bernardi & S. Theresiæ Opera.

Asceticos plures libros mittimus, qui in omnium manibus versantur; quique licet vulgatiores & magis triti, non minus tamen Lectoribus profunt.

Adhærendum est omnium maxime sacris divinæ Scripturæ libris, quæ veterum Solitatorum præcipua & fere sola lectio erat, testante experientia in iis contineri quidquid ad sanctificationem, & vitæ totius rationem necessarium esse potest; & vix aliam præter hanc lectionem commendat S. Ephræm.

Jam hæc, Fratres mei, abunde nimis esse mihi videntur, non modo ad illos instituendos, qui vitæ Solitariae destinantur, sed etiam ad eos idonea eruditione informandos, quibus Deus populorum regimen committit. Qui autem pro virili partes ex his lectionibus profecerit, ad primas dignitatum sedes accedere potest, altioribusque muneribus cum successu fungi. Ut verbo dicam; Facessant

Lib. de
Pat. &
conf. soc.

cessant libri, in quibus de rebus vanis, de controversiis, & questionibus agitur, qui sanctissimarum Congregationum pacem turbant, ingenia dissecant, factiones & partes excitant. Inde quoque ablegentur Libri Casuum Conscientiæ; ex quibus omnino multa abdicent Monachi, quæ ignorare debent.

Instaurationem vero quod spectat disciplinæ Monasteriorum, quæ a prisca pietate deciderunt, quæque præscriptarum sibi Regularum neque sententiam neque verba custodierunt. Error est, si putes ea scientiarum adminiculo refici & renovari posse. Monastica Sodalitas, quæ infeliciter lapsa sunt, iisdem rationibus relevari debent, quibus primitus constituta fuerunt. Ea nimirum Domus sanctæ sunt, quas primis fundamentis denuo inædificare atque apte in area veteri collocare oportet. De hoc nos commonefecit Tridentinum Concilium, cum ait: *Ut omnes Regulares, tam viri, quam mulieres, ad Regulam quam professi sunt præscriptum, vitam instituunt & complerant.* Et Carolus IX. anno 1560. præcipit Superioribus & Generalibus Ordinum in Galliarum Regno, „ ut ad omnimodam Reformationem Monasteriorum juxta prisca Instituta, propriasque Regulas sollicitè incumbant: & plane alienus ab hoc ut velit sublimiorum ampliorumque scientiarum studia a Regularibus tractari, decernit tantummodo ut bonæ & sanctæ Litteræ in Monasteriis tradantur, „ & moribus ac disciplina monastica tyrones imbuantur.

Seff. 25.
c. 1. de
Reform.

Si quis itaque nosse cupit quid necesse sit ad utilem operam navandam Reformationi alicujus Congregationis Monasticæ, tuta hæc est atque unica methodus, discere cujusmodi olim fuerit ea Congregatio; quæ ibi primitus officia, qui mores viguerint, quas potissimum exercitationes initio ejus Monachi sectati sint, denique qui illos spiritus egerit; ac deinceps omni studio in illud incumbere, ut in eum statum a quo discessit, revocetur.

Ordo S. Benedicti, quem in exempli locum assumpsimus, constitutus a principio fuit in omnimoda solitudine, in silentio quod perpetuum licet appelles, *Omni tempore silentio debent studere Monachi*, in profundæ humilitatis custodia, in magnis laboribus, & vigiliis, in rigorosa abstinentia, in ferventi oratione, quibus ad solatium & nutrimentum animorum adjectæ sunt quædam spirituales Lectiones. Enitendum est igitur, ut harum rerum usus revocetur, ut hæc exercitia instaurentur, si magni hujus Ordinis reformationem utili labore provehere cupimus. Et ceteræ omnes rationes quæ iniri in hunc finem poterunt a prima constitutione diversæ, renovationem, quam intendimus, nunquam efficient; sed novum inde opus surget prioris operis sanctitate, soliditate, bonoque exemplo carens. Neque affirmare vereor, sollicitam curam quam nonnulli præferunt Studiorum usum in Monasteria invehendi, magno opere obesse, quominus hæc Observantia in pristinum suæ Institutionis statum & vigorem reducat. Cujus rei ea ratio est,

Bened.
Reg. 12

Fratres, quod Studia omnes illas pietatis, disciplinæ & regularitatis exercitationes subvertant, quibus ceu partibus & membris ingens hoc Observantiæ Corpus conflatum est, cujus fundamenta imperuntur. Quod jam superius vobis demonstravimus, cum de decem plagis a scientiarum Studio Monastico Ordini inflictis verba facerem.

Optarem sane, ut potissimæ rationes, quibus innituntur qui Studia inter Monachos constituere volunt, animo non occupato excuterentur, earumque consecutiones & sequelæ pensitarentur: facile pateret, nihil inde utilitatis duci posse ad bonum in regularibus Institutionibus redintegrandum aut retinendum.

Omnino quatuor rationes numero, quibus illos puto in hanc sententiam adductos fuisse, ut vellent Monachos ad scientias pervenire; quemadmodum ex Tractatu de Studiis colligitur.

Prima ratio inde petita est, quod tempus impendendum sit, & inutilitas desidiique e Monasteriis ableganda.

Secunda eo spectat ut caveamus, ne Monachi in ignorationem scientiarum prolapsi, in depravationem quoque morum decendant, quæ omnino ab illa consequitur.

Tertia, quod Ecclesiæ Constitutionibus hac super re obtemperandum sit.

Quarta, ut Regulares idonei fiant ad sermones in publico habendos, iis nempe locis in quibus erudiendorum populorum provincia Regularibus mandatur.

Et prima quidem ratio nihil veri habet, nihil solidi; in superioribus enim demonstratum est Studia adeo inutilitatem & desidiam non tollere, ut potius illam inducant; quia pauci Monachorum student, reliqui otiantur, aut libros læstunt ut tedium excutiant, & quorum læctio nonnunquam illis ipsa inutilitate nocentior est.

Secunda haudquaquam firmiori nititur fundamento. Nullum enim Monachi detrimentum capere possunt ex earum rerum ignoratione, quas scire non tenentur: satis illis est ut ea probe didicerint, quorum notitia opus habent ut Regulares, ut Christiani, atque etiam ut Presbyteri, si qui sunt hoc gradu insigniti. Haud puto quemquam dicturum, notitias id genus non omnino contineri in Divinis Scripturis, atque in Sanctorum Patrum Libris, quorum Læctionem Solitariis permitimus: Et modo in his hæreant, & rite comparati ad Scripturarum & Patrum Studium incumbant, eorum pietas & Religio firma consistet, nec ulla ex parte imminuetur.

Tertia, haud secus quam duæ præcedentes, nihil plane evincit. Neque enim ambigendum est quin Ecclesiæ menti penitus satisfecerint in meditatione divinæ Scripturæ, & seria atque assidua læctione Operum Sanctorum Patrum, quæ ipsis in manus tradimus.

Quarta nihilo majoris momenti esse videtur. An putet quispiam, idoneam eruditionem & doctrinam qua Monachus opus habet in iis locis

locis in quibus populorum instructor esse debet, non abunde illi suppetituram ex Verbo Dei, modo illud ut par est legat & meditetur, atque ex Sanctorum Patrum Scriptis? Meminerint Solitarii, in hoc esse quamdam tolerationem & patientiam, quod ipsi in Ecclesia os aperire & verba facere sinantur; se ut discant natos, non ut alios doceant, ut alibi jam animadvertimus. In explanatione Evangelii hæreant, illique addant Sanctorum Patrum atque Ecclesiasticorum Doctorum sententias. An illos necesse est in elocutione & pronuntiatione Sermonum* Concionatores primi nominis adæquare? Quod etsi facere valerent, ab ea moderatione & verecundia quæ humilitati & simplicitati status ipsorum respondet, quominus id facerent penitus prohiberentur, arctioribusque cancellis continerentur.

*P. Bourdieu.

Omnibus his argumentis, seu potius veritatibus pensatis, difficile est non fateri scientiam ineptum esse instrumentum quo quis ad reficiendam Monasteriorum disciplinam utatur: Neque præclarum hoc Opus confici posse, nisi reviviscant denuo & ad praxin reducantur varia illa prisca exercitia, quæ veluti obsoleverunt, quæque inutilia a plerisque existimantur contra Sanctorum, quibus ea visa sunt necessaria, sententiam.

Denique ad reformandam Monasticam congregationem sufficere ita res componere atque ordinare, ut nullum vacuum sit tempus a piis actibus quæ in illius institutione præscripti fuere; ut diversæ exercitationes, quarum aliæ alias excipient, impediant quominus fastidia, lassitudines, tædia, otium irrepant: Cumque pauci diuturni Studii capaces sint, nihil magis est necessarium quam tempus quod Studio juxta quosdam impendendum esset, inter Manuale opus & spirituales lectiones parti.

De Manuali Opere tanquam de actione omnino Monachorum propria loquor. Donec illud exercitium vigit, Monasteria pietatem retinuerunt, & vere quis dixerit cœlestem quandam favorem cum eo conjungi. Id Monasticorum Ordinum institutoribus, qui Dei instrumenta & ministri exitere, adeo persuasum fuit, ut nihil sit quod impensus mandaverint, quemadmodum demonstravimus. Et sane commoda & utilitates quæ in illo insunt, ita illius sunt propriæ, ut qua tandem de causa tam ab omnibus in universum negligatur, percipere nequeam. Vix dubitandum est, quin hæc tentatio quædam sit, a Dæmone excitata ad impediendam tam sanctæ professionis reintegrationem, & ne Monachi antiquas vires, primumque vigorem refumant; quo muniti quondam, toties feliciter usi sunt ad ejus conatus reprimendos, ad subvertenda ejus consilia, atque omnia ejus molimina dejicienda.

Postquam autem res ad pristinum statum redierint, exercitia, quæ Parentum sanctitatem effecerunt, Filios quoque sanctificationem, nullatenus est dubitandum; omnino enim in quo illorum felicitas sita fuit, hos quoque idem felices reddet: & Deus agnoscens

opus suum, ac tale cernens, quale fuerat cum ex ipsius manibus prodiret, benignis illud oculis aspiciet, suisque misericordiis & benedictionibus cumulabit.

Ita Solitudo veterem fecunditatem & pulchritudinem recuperabit; tuncque, juxta Prophetæ verbum, Justorum, hoc est Monachorum congruenter Legi Dei viventium Tabernacula exaudientur lætitiæ & laudum præconiis & clamoribus personantia: *Vox exultationis & salutis in tabernaculis justorum.*

Pag. 117.
v. 15.

Pag. 405. *Tractatum suum claudit Auctor enumeratione multarum difficultatum, & questionum, quæ in Conciliorum, Patrum, Historiæque Ecclesiastica lectione occurrunt; nec non & selectiorum librorum ac præclariorum editionum Catalogo, ad Ecclesiasticam Bibliothecam concinendam.*

Ut a difficultatibus incipiam; quam denique Monachi utilitatem ab id genus questionibus ducere possint, non video. Illud omnino certum est, hunc Elenchum in multorum Monachorum manus venturum, qui Libris ad has difficultates enodandas necessariis destituti, mente agitantur enormes sententias, eruntque in iis argumentis dubii incertique, in quibus hæsitare vix licet. De gloriosa Genitricis Dei Assumptione, v. g. de Romana S. Petri Cathedra, itemque de ipsius martyrio sinistre cogitabunt. Atque ut in malum prior opinioniones; adducuntur ut credant, Episcopum non esse solum Saceramenti Confirmationis ministrum; Diaconos olim Missæ Sacrificium obtulisse & celebrasse; Hanc Ecclesiæ definitionem, quæ publica est, & ab omnibus Fidelibus recepta & confirmata, non esse quadantenus veram; Licere Presbyteris post suam Ordinationem uxorem ducere; Angelos cum mulieribus rem habuisse; Dominum Jesum facie sædum & deformem fuisse; Animas esse corporeas; Christum pati non potuisse; Divinitatem deseruisse ejus corpus tri-duo ejus mortis; Eum Judicii diem ignorasse; Mariam Virginem ab Extremi Judicii severitate immunem haudquaquam futuram; Eam aliquando inani gloria tactam fuisse, idque visum S. Joanni Chrysostomo.

Pag. 405.

Ibid.

Ibid.

Pag. 406.

Pag. 407.

411.

Denique Religiosi facile decipi harum difficultatum objectu, animumque corrumpere, & intellectum pervertere possunt sexcentis absurdis opinionibus, & falsis illationibus; præterea de Christianæ Religionis Capitibus, & de potissimis veritatibus dubitare discent: Verbo absolvam, quæstiones id genus movere nec enodare, perinde est ac laqueos illis injicere, & offendiculis illorum iter impedire.

Quod ad illos attinet, quibus eas librorum adminiculo extricare licebit, haud meliore illi conditione fruuntur; tantum, tamque exquisitum laborem, tam profundum studium aggredi non poterunt sine

sine imminutione & detrimento regularium officiorum quibus ex professione sua sese subicere debent. Studiosa indagatio mentem eorum nimium derinebit, pietatique officiet, atque eam tantum non extinguet. Et nisi Deus Monachos exemerit ab illorum præcipua obligatione, quæ in conversione morum secundum Regulam S. Benedicti sita est, quod conceptis verbis in votorum suorum nuncupatione polliciti sunt; quam denique excusationem habebunt apud Judicem Christum, quod vias inierint penitus adversas illis, quas sanctus illorum Parens monstraverat?

Librorum Catalogum quod spectat.

Pag. 425.

Multa quidem in illum animadverti possunt, Fratres mei; sed hic nos quædam tantummodo subicere contenti erimus. In primis vero Bibliotheca hujusmodi Monachis convenire nequitquam potest, sive librorum numerum reputetis, sive eorum qualitatem. Qui in hunc Catalogum incident, & tantam librorum & voluminum vim sibi comparare haud poterunt, habendi illos desiderio nihilo minus flagrabunt: Quam cupiditatem cum ipsis non licuerit explere, ægre illud ferent anxii nimis & inquieti: Quapropter hæc enumeratio nihil illis nisi molestiam & sollicitudinem facesset & cordis eorum pacem ac tranquillitatem turbare aptissima videtur.

Deinde, etiamsi in quibusdam Monasteriis larga suppetat librorum suppellex, atque ibi in hoc ingens Studiorum pelagus sese conijcere Religiosi possint; quis inde percipietur fructus? Quæ redundabit utilitas? quandoquidem impensa animorum opera, quam hæc Studia poscunt, cum Monachorum officiis simul consistere nequit, nec illorum tempus utrique rei sufficit: Verbo dicam: Fieri non potest ut vere Monachi sint, nimirum ut Monachorum functiones peragant, dum omnibus hisce Studiis se tradunt, quæ omne ipsorum tempus sibi vendicant, si serio tractentur.

Quod si a communibus Regulæ officiis sese submoveant, atque immunitates ambiant, quo sibi ad Studia incumbere vacet; jam in omnium periculosissimam tentationem labentur; jam illos transverfos agat scientiarum amor, propriique status, ac omnium munerum quæ ab illo pendent, contemptum, tædium, & abalienationem ingeret; jam liberioris conditionis cupido illis incesset, per quam sibi liceat sine ulla animi anxietate vel religione unum illud studere & persequi, ut docti evadant: Hæc est compendiosissima & certissima ratio, qua Claustra religiosis legibus solventur, Monachi proprii officii sensu penitus exuantur fiantque Ecclesiastici, licet proprio Ecclesiasticorum spiritu, virtute & merito careant.

Adhæc nihil inutilius mihi videtur, quam Monachis, imo & Ecclesiasticis Biblia Sixti V. indicare, cum ea inveniri non possint, neque si omnem adhibeant curam ea sibi aliunde comparare, aut a

**Volumen tertium.*

R 3

Bi-

Bibliothecis mutuo accipere, in quibus *cara sunt & rara*. Sed cur subit animum in Monachorum manus tradere Libellum Jameſii hæretici, qui infribitur *Bellum Papale*, eaque continet quæ ipsis noxia esse possunt, & ab ipsis ignorari debent. Inevitabilia plane sunt incommoda & pericula, quibus obijciuntur in hujus libri lectione, cujus Auctor maligne exhibet varietates & discrimina eorum Bibliorum a Bibliis Clementis V. An ignoramus hunc libellum proscriptum atque interdictum fuisse? Quid ultra querimus, ut eum a Monachis perpetuo rejiciendum, ejusque usum in omne tempus ipsis abdicandum statuamus; ipsis, inquam, qui præ ceteris non modo Ecclesiæ jussa promptiori animo exequi, sed & ejusdem Ecclesiæ desiderio obsecundare tenentur.

Quod ad *Biblia Desmareſii* attinet, fatis in hoc causæ est, cur ea aversemur, eorumque lectionem nobis iaxedicamus; quod ab hæreticis Versio illa fuerit elaborata. Elegantior quidem eorum est editio: sed Notæ & Observationes veneno ubique scatent, atque ibi omnis occasio arripitur detrahendi gravissimis sanctissimisque veritatibus, easque oppugnandi, errores vero & mendacia constabiliendi. Quæ ratio, quæ necessitas urgebit aliquando, ut eam Monachi legant, atque in hac re ab ea quam Ecclesiæ debent submissione sese removeant.

Postremo si in Monachorum quidem gratiam hunc Catalogum Auctor concinnavit, ad eorum mentes perturbandas & confundendas aptior mihi videtur, quam ad illustrandas & erudiendas. Quid Sanctum illorum Institutum cum veterum ac recentiorum Philosophorum scriptis, cum prophanis historiis, cum Jure Canonico, cum Civili, cum sarragine illa Voluminum ad Scholasticam Theologiam, ad Controversias, ad tricas Chronologiæ, ad Geographiam, ad Itinerum descriptiones pertinentium commune habet?

At si Ecclesiasticis ampliorem hunc Catalogum exhibuit; quid erat cur eum Tractatui in Monachorum, & præcipue juniorum, quorum nullus adhuc est in virtute profectus, gratiam unice conscripto apponeret? Hæc est sane ratio, qua illi in ipso curriculi sui exordio repente atque in omne fortasse tempus reprimantur & subsistant. Hoc denique pacto iis affectibus, consiliis, & dispositionibus imbuentur, quæ cum puritate, cum animi libertate, & perfectione, quas Deus ab hominibus sibi consecratis exposcit, omnino pugnant.

F I N I S.



IN.

INDEX

RERUM PRÆCIPUARUM

Quæ in hoc Volumine Responsionis continentur.

A



Abbat. Ex iis nonnulli Conciliis interfuerunt; sed nisi ad ea vocarentur, præsentis inibi adesse nulla lege tenebantur. *Pag.* 14. Quanam illi scientia indigeant. 31. Vid. Superiores.

Abbates qui Pontificalibus ornamentis utuntur. V. S. Bernardus. Abusus inveniri quandoque possunt etiam in iis Monasteriis in quibus degunt sancti viri. 81. Quamvis tolerentur, haud continuo tamen legitimi sunt. *ibid.*

Academix. V. Collegia.

S. Ambrosius recte statuit quid inter Ecclesiasticos & Monachos intersit. 121.

Amedeus filiorum suum litteris erudiri mandat; quid super hac re sanctus quidam Abbas ei responderit. 50.

S. Anselmus auctor est cuidam Monacho ut Virgilium legat. 55.

S. Antonius Alexandriam venire cogitur, ibique Hæreticos sola suæ sanctitatis fama prostravit. 15.

S. Aphraates, Spiritus Sancti virtute Hæreticos aggreditur. 15.

Arigandus Abbas Ordinis S. Benedicti Monasticam Discipulinam in pluribus Cœnobiiis restituit. 65.

S. Ascolus, Episcopus Thessalonicensis, parum erat eruditus, a S. Ambrosio commendatur. 97.

S. Athanasius, cum eum persequerentur Ariani, in Thebaidem se recipit. 22.

S. Augustinus, quanti fecerit manualet Monachorum laborem; eum Studiis litterarum anteposit. 88. Scribit ad Monachos Adrumetinos ut eos veritatem doceat, cujus notitia ipsis erat necessaria. 109.

S. Aurelianus, quodnam in sua Regula Studium postulet. 35.

Auctores prophani. Horum lectio olim Fidelibus interdicta. 159. Episcopis quoque inhibitor. 11. S. Basilii animum corrumpit. 22. Quam noceat, & quatenus interdicator Monachis. 55. 161. 201. 210. 241. Vana est, & perniciofa. 159. Solitariis præsertim. 160. Abstinere ab ea lectione debent Christiani. 161. 162. Quatenus hæc lectio Monachos orationi ineptos reddat. 238. Hugonis a S. Victore sententia circa Christi fideles qui in prophanorum Auctorum lectione versantur. 162.

S. Auxentius, renuit Chalcedonensi Concilio interesse; sed eo tandem se confert coactus. 14.

B

S. Basilus, quo ritu educari jubeat pueros in Monasteriis, & in quibus illis erudiri velit. 9. 160. de quibus materiis agerent in suis Collationibus illius Discipuli *ibid.* 22. Auctor est Chiloni, ne de Solitudine sua exeat ad hoc ut Synodus Ecclesiasticorum intersit. 17. Studia humanarum litterarum, & le-

- tionem Gentilium corrumpitur ejus con- 22. 98. Hujusmodi studiis penitus abdicat statim ac in Solitudinem ingressus est, in qua degens soli Sacre Scripturæ operam dedit. 32. Permittit Homerit lectionem, sed non Monachis. 160.
- Beda regularitatem & disciplinam mediis in Studiis retinuit. Singulare exemplum. 74. Deus cum per vias quasdam peculiare direxit. 127.
- S. Benedictus ea minime calluit quæ in Conciliis continebantur. 20. Quales fuerint Monasteriorum illius Bibliothecæ. 27. 28. quatenus Studia contemplerit. 29. Studiorum rationem in suis ille Monasteriis nequaquam instituit. 30. 32. 63. 80. 110. Spiritualium sive asceticorum librorum lectionem tantummodo præcipit. 30. 218. Quinam hi libri fuerint. *ibid.* Qua de causa tempore Quadragesimæ longius tempus lectioni assignaverit. 30. Quam ille doctrinam in Superioribus Monasteriorum requirit. 30. 31. Ex vocatione extraordinaria ad convertendos ad Fidem Paganos animum adjicit. 32. Suum in humilitate Ordinem fundavit. 40. Manualia Opera, quæ præcepit, laboriosa sunt. 90. 91. Ea ille mente non fuit, ut putaret Opera quæ conscribuntur manualis laboris locum obtinere. 91. Magnates & viri nobiles urbis Romæ suis ad eum pueros mittunt pietate non scientia enutriendos. 112. Quibus legendis animum adjecerit. 218.
- S. Benedicti Ordo. Hujus Ordinis Monachi erigunt, & fundant Collegia contra Regulæ dispositionem. 39. Vana ac levia exercitia quibus ut plurimum Docti horum Collegiorum occupantur. 61. 62. Imminutio & occasus hujus Ordinis sæculo decimotertio, a quo ibi amplius Sanctos aut vere doctos Monachos videre non contigit. 65. Catalogus doctorum Monachorum hujus Ordinis qui octavo, nono & decimo sæculis floruerunt. 66. Benedictini Monachi illud sibi proponere debent ut tacere discant potius quam loqui aut scribere. 166. Monachi qui S. Benedicti Regulam sectatur descriptio. 173. & seq. Anima & vigor hujus Ordinis ubi sita sint. 257.
- Benedictus XII. Pontifex, Studia in Monasteriis instituit. Quid ad hoc illum impulerit. 60.
- Benedictus Anianensis, a priscis observationibus Regulæ S. Benedicti se submovit, Studia constituens. 45.
- S. Bernardus pro virili parte renuit adesse Conciliis, neque se immiscere vult negotiis Ecclesiæ, aut pertinentibus ad Fidem. 14. Nunquam ad Studia animum applicuit. 17. 18. Omnis illius scientia fuit scientia Jesu Christi Crucifixi. 29. Quæ legendo in refectione animarum adeo peritus evaserit. *ibid.* In sua Apologia non omnia reprehendit quæ in Cluniacensi Congregatione reprehensione digna erant. 46. In officiis Fratrum suorum Studia haudquaquam numeravit. 48. 49. A labore manuum non nisi ob veram impotentiam se exemit. 85. Functiones Ecclesiasticas Monachis non convenire docet. 115. Ejus de Abbatibus ornamenta Pontificalia recipientibus sententia. 113. Tria quæ euperet. 114. a Deo ad sustentandam Ecclesiæ destinatus. 141. Quam magnus coram Deo & hominibus fuerit. *ibid.* Ejus scripta Monachorum cibus quotidianus. 146.
- Bibliothecæ antiquorum Solitariorum. 6. Quid *Bibliotheca* nomine olim intelligeretur. 27. Ex quibus libris constiterint Bibliothecæ veterum Monasteriorum *ibid.* & 58.

C

Carolus Magnus mandat ut Monachi latinum sermonem discant, quo Sacram Paginam legere, suamque Regulam intelligere queant. 43. Carthusiani a suis exordiis Studia nequaquam excoluerunt, sed tantummodo in Sacris Scripturis operam posuere. 57. 58.

Cassia-

- Cassianus, in ejus Collationibus pietatis & peritiz in Sacris Scripturis multum elucet, sed doctrinæ parum. 10.
- Cassiodorus Monachis suis Bibliothecam ex omni librorum genere composuit. Quare. 29. Antiquas scientiæ suæ species in suo secessu retinet. 142. 143.
- Catecheses S. Pachomii. 6.
- Ciceronis Opera Monachis haudquaquam conveniunt. 202.
- Cistercium, Studia in hoc Ordine qui S. Benedicti Regulam ad litteram recepit, minime instituta sunt. 43. 45. 116. Deficiente in eo disciplina regulari Studia introducta sunt. 64. Inordinationes disciplinæ Studiorum institutio fovit. *ibid.* Cisterciensis Ordo in simplicitate, in abjectionis amore & mortificatione fundamenta jecit. 48. Spirituales tantum lectiones in eo vigerunt ab initio *ibid.* Cisterciensium Monachorum opera manualia gravia erant & laboriosa. 89. Regulæ ab illis servatæ in suis Collationibus. 190. Qua via in relaxationem reciderit. 38.
- Collationes, earum methodus in Monasteriis S. Pachomii obtinens. 6. In Monasteriis S. Basilii. 9. 10. Harum Collationum argumenta. *ibid.* Utilissimæ sunt Monachis, dummodo sapientibus regulis instituantur, quænam sint istæ Regulæ. 187. quæ esse debeant Collationum argumenta. 186. 187. In primis vitandæ sunt in Collationibus Monasticis concertationes & dissidia. 188. Ad superiorem pertinet huic rei modum statuere. *ibid.* Ordinis Cisterciensis statuta circa Collationum methodum. 190. Differunt Collationes Ecclesiasticæ a Monasticis. 191.
- Collegia contra Regulæ mentem in Ordine S. Benedicti fundata fuere 52. Quæ fuerit harum foundationum occasio. 60. Ad Monasticum Ordinem imminuendum multum tribuerunt. 111. 112.
- Commentaria; qui Sacras Scripturas legunt ut sancti fiant, Commentariis non egent. 130. & seq. Quod multis exemplis probatur. 131. & seq.
- Congregatio Cluniacensis in primæva sua Institutione Studia minime in usu habuit. 43. & seq. In multis Capitibus Regulam modificavit. 45. quam prolixum in ea fuerit divinum Officium a primis temporibus, & quare. 48. Cisterciensium opus manuale improbat. *ibid.*
- Congregatio S. Vitoni nonnullas Studiorum Academias quas crexerat, abolere fuit coacta. 217.
- Concilia, ut iis interessent per se ipsos, Abbatibus nullum jus olim fuit. 14.
- Concilium Viennense Studia in Monasteriis coli jubet. Quare. 64. Concilium Troslejanum queritur de Ordinis Monastici lapsu. 68. Concilium Augustodunense præcipit ut exacte a Monachis observentur Regulæ, quo eorum numerus augeatur. 76. Officiorum Monasticorum in hoc Concilio pulcherrima idea traditur. 79. Concilium Claromontanum Beneficia Curata Monachis aufert. 115. Concilium Tridentinum præcipit Superioribus ut Monasteriorum disciplinam ad primævam institutionem revocent. 256.
- Critica ars Monachis interdicens. 178. Quam sit perniciofa. 149. Quanta vel in ipso sæculo mala progignere soleat. 171. 176.
- Cupiditas Gratiz communicationes impedit. 137.

D

D. Instratio. V. Oratio.

Doctores, S. Benedictus ex iis qui ejus Regulam amplecti volunt totidem Sanctos efficere gessit; sed qui Studia invehunt de Monachis Doctores omnino reddere fatagunt. 167.

Eccle-

- atione Gentilium corrumpitur ejus con- 22. 98. Hujusmodi studiis penitus abdicat statim ac in Solitudinem ingressus est, in qua degens soli sacre Scripturæ operam dedit. 22. Permittit Homerî lectionem, sed non Monachis. 160.
- Beda regularitatem & disciplinam mediis in Studiis retinuit, Singulare exemplum. 74. Deus cum per vias quasdam peculiare direxit. 127.
- S. Benedictus ea minime calluit quæ in Conciliis continebantur. 20. Quales fuerint Monasteriorum illius Bibliothecæ. 27. 28. quatenus Studia contempserit. 29. Studiorum rationem in suis ille Monasteriis nequaquam instituit. 30. 52. 63. 80. 110. Spiritualium sive asceticorum librorum lectionem tantummodo præcipit. 30. 218. Quinam hi libri fuerint. *ibid.* Qua de causa tempore Quadragesimæ longius tempus lectioni assignaverit. 30. Quam ille doctrinam in Superioribus Monasteriorum requirat. 30. 31. Ex vocatione extraordinaria ad convertendos ad Fidem Paganos animum adjicit. 32. Suum in humilitate Ordinem fundavit. 40. Manualia Opera, quæ præcepit, laboriosa sunt. 90. 91. Ea ille mente non fuit, ut putaret Opera quæ conscribuntur manualis laboris locum obtinere. 91. Magnates & viri nobiles urbis Romæ suos ad eum pueros mittunt pietate non scientia enutriendos. 112. Quibus legendis animum adjecerit. 218.
- S. Benedicti Ordo. Hujus Ordinis Monachi erigunt & fundant Collegia contra Regulæ dispositionem. 59. Vana ac levia exercitia quibus ut plurimum Docti horum Collegiorum occupantur. 61. 62. Imminutio & occasus hujus Ordinis sæculo decimotertio, a quo ibi amplius Sacerdos aut vere doctos Monachos videre non contigit. 65. Catalogus doctorum Monachorum hujus Ordinis qui octavo, nono & decimo sæculis floruerunt. 66. Benedictini Monachi illud sibi proponere debent ut tacere discant potius quam loqui aut scribere. 166. Monachi qui S. Benedicti Regulam sectatur descriptio. 173. & seq. Anima & vigor hujus Ordinis ubi sita sint. 257.
- Benedictus XII. Pontifex, Studia in Monasteriis instituit. Quid ad hoc illum impulerit. 60.
- Benedictus Anianensis, a priscis observationibus Regulæ S. Benedicti se submovit, Studia constituens. 45.
- S. Bernardus pro virili parte reuit adesse Conciliis, neque se immiscere vult negotiis Ecclesiæ, aut pertinentibus ad Fidem. 14. Nunquam ad Studia animum applicuit. 17. 18. Omnis illius scientia fuit scientia Jesu-Christi Crucifixi. 29. Quæ legendo in rectione animarum adeo peritus evaserit. *ibid.* In sua Apologia non omnia reprehendit quæ in Cluniacensi Congregatione reprehensione digna erant. 46. In officiis Fratrum suorum Studia haudquaquam numeravit. 48. 49. A labore manuum non nisi ob veram impotentiam se exemit. 83. Functiones, Ecclesiasticas Monachis non convenire docet. 115. Ejus de Abbatibus ornamenta Pontificalia recipientibus sententia. 113. Tria quæ cuperet. 114. a Deo ad sustentandam Ecclesiam destinatus. 141. Quam magnus coram Deo & hominibus fuerit. *ibid.* Ejus scripta Monachorum cibis quotidiana. 146.
- Bibliothecæ antiquorum Solitiorum. 6. Quid Bibliothecæ nomine olim intelligeretur 27. Ex quibus libris constiterint Bibliothecæ veterum Monasteriorum *ibid.* & 58.

C

- Cærolus Magnus mandat ut Monachi latinum sermonem discant, quo Sacram Paginam legere, suamque Regulam intelligere queant. 43.
- Carthusiani a suis exordiis Studia nequaquam excoluerunt, sed tantummodo in Sacris Scripturis operam posuere. 57. 58.

Cassia-

- Cassianus, in ejus Collationibus pietatis & peritiae in Sacris Scripturis multum elucet, sed doctrinae parum. 10.
- Cassiodorus Monachis suis Bibliothecam ex omni librorum genere composuit. Quare. 29. Antiquas scientiarum species in suo secessu retinet. 142. 143.
- Catecheses S. Pachonii. 6.
- Ciceronis Opera Monachis haudquam conveniunt. 202.
- Cistercium, Studia in hoc Ordine qui S. Benedicti Regulam ad litteram recepit, minime instituta sunt. 43. 45. 116. Deficiente in eo disciplina regulari Studia introducta sunt. 84. Inordinationes disciplinae Studiorum institutio fovit. *ibid.* Cisterciensis Ordo in simplicitate, in abjectionis amore & mortificatione fundamenta jecit. 48. Spirituales tantum lectiones in eo viguerunt ab initio *ibid.* Cisterciensium Monachorum opera manualia gravia erant & laboriosa. 89. Regulae ab illis servatae in suis Collationibus. 190. Qua via in relaxationem reciderit. 38.
- Collationes, earum methodus in Monasteriis S. Pachonii obrinens. 6. In Monasteriis S. Basilii. 9. 10. Harum Collationum argumenta. *ibid.* Utilissime sunt Monachis, dummodo sapientibus regulis instituantur, quoniam sint istae Regulae. 187. quae esse debeant Collationum argumenta. 186. 187. In primis vitandae sunt in Collationibus Monasticis concertationes & dissidia. 188. Ad superiorem pertinet huic rei modum statuere. *ibid.* Ordinis Cisterciensis statuta circa Collationum methodum. 190. Differunt Collationes Ecclesiasticae a Monasticis. 191.
- Collegia contra Regulae mentem in Ordine S. Benedicti fundata fuere 52. Quae fuerit harum fundationum occasio. 60. Ad Monasticum Ordinem imminuendum multum tribuerunt. 111. 112.
- Commentaria; qui Sacras Scripturas legunt ut sancti fiant, Commentariis non egent. 130. & seq. Quod multis exemplis probatur. 131. & seq.
- Congregatio Cluniacensis in primae sua Institutione Studia minime in usu habuit. 43. & seq. In multis Capitibus Regulam modificavit. 45. quam prolixum in ea fuerit divinum Officium a primis temporibus, & quare. 48. Cisterciensium opus manuale improbat. *ibid.*
- Congregatio S. Vitoni nonnullas Studiorum Academias quas crexerat, abolere fuit coacta. 217.
- Concilia, ut iis interessent per se ipsos, Abbatibus nullum jus olim fuit. 14.
- Concilium Viennense Studia in Monasteriis coli jubet. Quare. 64. Concilium Troslejanum queritur de Ordinis Monastici lapsu. 68. Concilium Augustodunense praecipit ut exacte a Monachis observentur Regulae, quo eorum numerus augeatur. 76. Officiorum Monasticorum in hoc Concilio pulcherrima idea traditur. 79. Concilium Claromontanum Beneficia Curata Monachis aufert. 115. Concilium Tridentinum praecipit Superioribus ut Monasteriorum disciplinam ad primae institutionem revocent. 256.
- Critica ars Monachis interdicenda. 178. Quam sit perniciofa. 149. Quanta vel in ipso saeculo mala progignere soleat. 171. 176.
- Cupiditas Gratiae communicationes impedit. 137.

D

Distractio. V. Oratio.

Doctores, S. Benedictus ex iis qui ejus Regulam amplecti volunt totidem Sanctos efficere gessit; sed qui Studia invehunt de Monachis Doctores omnino reddere satagunt. 167.

Eccle-

- E**cclesia, plus ædificationis atque utilitatis recepit, si Monachi in silentio ignoti mundo permanissent. 26. 27. Satis nunc Operariorum habet ad munus Prædicationis obeundum, nec ad id Monachis eget. 32. 119. Quare nonnunquam Studia Monachis indixerit. 37. 65.
 S. Ephraem nullam aliam scientiam retinuit unquam quam Sacrarum Scripturarum. 97.
 Episcopi, ad ipsos jure, non ad Abbates sive Monachos pertinet Conciliis interesse & Fidei Dogmata definire. 14. Prætorum sæculorum Episcopi omnem suam scientiam & sanctitatem a sanctis Bibliis duxerunt: Exempla. 22. 23. 100. Quam sit difficile Regularibus sua obire officia, eodemque tempore Episcopalibus muneribus satisfacere. 38. Complures Monachi Episcopi renunciati sunt qui solam Scripturarum scientiam callebant. 100. Ad Episcopatum evehebantur viri mediocriter eruditi, qui nihilominus feliciter plebem sibi traditam regebant. 117. 118.
 Exempla Sanctorum quatenus imitari debeamus. 32. 33. 80. 81. 127.

F

- F**erreo, quale Studium in sua Regula postuler. 35.
 Fornicatio, distractio a Dei intuitu in Oratione quoddam est in Solitariis fornicationis genus. 88.
 S. Franciscus Fratres suos Studiis operam dare noluit. 53.
 S. Franciscus Salesius quo pacto dicat veteres Solitarios sanctitatem sibi comparasse. 145. Ejus de perfectione ad quam tendere debent Monachi sententia. 229.
 S. Fulgentius, a Deo ad tuendam Ecclesiam designatus, Apostolorum spiritu & Doctrina plenus: In suo Monasterio manuales laborem & lectiones spirituales constituit, minime vero Studia litterarum. 20.
 Fundatores Ordinum, quidquid ipsi gesserunt eorum Discipulis non permittitur. 32. 33. 196. Notabile in hanc rem exemplum. 196. Regulares in relaxationem & corruptelam prolapsi sunt, eo quod Fundatorum suorum consiliis & Decretis defecerint. Sumitur exemplum ab Ordine Cisterciensi. 37. 38. Fundatores non sibi proposuerunt ut discipulos suos Doctores redderent, sed penitentes. 152. 153.

G

- G**illebertus Abbas, de quibusdam Abbatibus queritur, qui ad negotia secularia potius quam ad Sacre Paginæ studium incumbabant. 55.
 S. Gregorius Papa in Epistola ad quemdam Abbatem conqueritur, eo quod Fratres eidem subditi spiritualibus lectionibus neutiquam vacarent. 36. Solam Scripturarum lectionem ab Ecclesiasticis exigit. *ibid.*
 S. Gregorius Nazianzenus cum in Solitudinem se recepit, ad S. Scripturam unice inœumbit, & illius lectione a Gentilium librorum infectione seipsum emundat. 21. 22.
 Grimaicus. V. Solitariorum Regula.
 Guerrieus Abbas, nonnullos Asceticos Tractatus conscribit. 54. 55.
 Guigo Generalis Carthusianorum non sibi proposuit ut Fratres sui studii litterarum operam darent. 56. 57. Petit a S. Petro Cluniacensi nonnullos Tractatus Sanctorum Patrum. 57.
 Gualterius S. Theodorici quam de officii Monachorum sententiam foverit. 235. 236.

H

- H**ieronymus antequam a sæculo se abdicaret, doctus erat. In eremo foliis Voluminibus Sacris studuit. 99.
 Historiæ Ecclesiasticæ Studium non usquequaque Monachis convenit. 153.
 Historia Prophana ad Sacrarum Scripturarum intelligentiam Monachis necessaria non est. 153. Quam sit periculi plena. 234. 235.
 Hugo a S. Victore quid de Christianis sentiat Auctores profanos legentibus. 192.
 Humilitas, & eruditio raro simul reperiuntur. 59. 69. 80. 216. In humilitate Monachorum perfectio sita est. 40. 216. Qua humilitate legenda sit Sacra Pagina. 134.

I

- I**gnorantia, duplex, utra sit Monachis perniciofa. 71.
 Inscriptiones. V. Manufcripta.
 S. Joannes Damascenus postquam in Monasterium se recepit minime studia coluit. 64. Veterum Solitiorum vitam eleganter describit. 171.
 S. Isidorus quodnam Studium in sua Regula postulet. 34. 35.
 S. Isidorus Damiatensis ait neminem vere sapientem reddi quæstiones Sophistarum sectando. 147.
 S. Julianus sola lux sanctitatis auctoritate & fama hæreticos profligat. 15.
 S. Junianus, agro a Rege donatur, in quo manibus operari possit. 90.
 Juris Canonici studium iis qui in poenitentia vivunt, cujuscmodi Monachi sunt, præjudiciale est. 148.
 Abbas Justus exerpuntur nonnulla ex illius sermone super causis relaxationis Ordinis Cisterciensis. 115.

L

- L**abori manuali substitui litterarum studia non debent. 42. 80. Utilitates laboris manualis Monastici, quæ in Studiis minime reperiuntur. 42. 59. 79. 240. S. Benedictus laborem manualem commendavit discipulis suis, sed frustra. 59. Ad illum tenentur omnino Monachi. 78. & seq. Eum inculcat præcipue Concilium Augustodunense. 79. Cessatio laboris Orationem extinguit. 81. Damna a laboris cessatione in Monasteriis orta. 83. Omnes illum Regula præscribunt. 84. Monachi hujus temporis illum negligunt. 85. 86. S. Augustinus laborem manualem Studiis litterarum præfert. 88. Libros transcribere non est regularis labor, nisi pro imbecillibus. 89. Parum fidi Monachi in transcribendis Codicibus. 28. Quibusnam laboribus exerceri possint Monachi. 92. 93. Triâ præcipua in manuali labore sunt, quæ litterarum studium supplere non possunt. 239.
 Lanfrancus simplicem Episcopum, cui postea prodigiose fâvet Deus, deponit. 118.
 Læctionum duo genera. 89. Læctionum recte & utiliter peragendarum ratio. 150. 180. Monachis læctiones imperantur, ut inde humiliores, non autem doctiores evadant. *ibid.* Multiplex læctio noxia. 231. 233. Læctiones sanctæ ad orationem præparant. 234.
 S. Leo Monachis docere & prædicare in Ecclesiis vetat, quantumlibet sint eruditi. 115.
 Abbatia Letinenfis. 109.

Libri Monachis convenientes . 8. 9. 17. 18. 143. 144. 254. Transcribebant olim Monachi libros . 27. 28. 30. Ex hoc labore argui non potest, Monachos doctos fuisse . 99. 100. Sine lectione librorum alcticorum Monachis in sua se professione sustinere non potest . 38. 39. 80. Perniciosi libri Monachis interdicti debent, quamvis boni aliquid in illis occurrere possit . 241. Litteræ humaniores . V. Scientiæ humanæ . S. Lucianus Monachus & Martyr tantummodo Sacrarum Scripturarum sciens . 94. Lupus Ferrariensis in humanis & profanis scientiis cruditus . Iudicium de illo pronunciandum . 69. 61.

M

S. **M**acarius Alexandrinus fidei propugnator, quomodo . 16. S. Macarius Ægyptius hæreticum confundit, qua ratione . 15. S. Macedonius expers litterarum Presbyter ordinatur . 101. S. Macrina obiit nec S. Petrus Sebastianus ipsius frater humanis litteris animum adjungat . 97. Manuscripta, Numismata, harum rerum cognitio vana est, & Monachis perniciofa . 165. 168. 176. 177. Marcus S. Benedicti discipulus, haud malus Poeta. Poësin a S. Benedicto haud quidem didicerat . 60. S. Martinus Turonensis, in ejus Monasteriis Studia nequaquam obtinebant . 109. S. Maurus, haud multum studiis exercitatus fuerat . 59. Monachi ad hoc sunt facti, ut sancti potius quam eruditi evadant . 2. 106. 125. 221. Ad scientias incumbunt contra Regulæ mentem, aut sua sponte, aut ex peculiari Dei vocatione . 3. 93. Exercitia illis convenientia . 4. 5. 116. Libri qui illis sufficere possunt . 8. 9. 40. Cognitiones sibi haud necessarias exquirere non debent . 11. Quinam illorum sint qui præ ceteris ad Sanctarum Scripturarum atque Operum Sanctorum Patrum lectionem adhiberi possunt . 12. 76. Ad ipsos non pertinet se immiscere negotiis ad Fidem spectantibus; nec interesse Conciliis, nisi ad illa vocentur . 14. 86. 96. Non illorum scientia, sed sanctitas Ecclesiæ opitulatur . 2. 14. 15. 76. 95. 96. exempla . 15. 16. A sacra quiete quæ ipsorum statui conveniens est dimovendi non sunt . 14. 15. Nonnulli inter Monachos omni tempore extitere doctrina singulares, ad Ecclesiæ regimen & eruditionem intenti: quæ res Regularum exceptio est . 15. 17. 21. 23. Monachi ambitiosi vanique, schismatum & scandalorum auctores . 16. Quanam scientia Monachis ad Sacerdotium assumptis necessaria sit . 17. 18. Non tenentur Ecclesiæ Canones scire; satis est ut intimo corde ad omnes Ecclesiæ decisiones amplectendas sint parati . 20. 125. Ecclesiasticæ scientiæ studio operam dare non tenentur . 20. 125. Huic scientiæ aliqui eorum addici possunt, quin ad reliquos transeat exemplum . 54. Veræ & propriæ Monachorum exercitationes quæ sint . 25. 89. 105. 106. Transcribebant olim libros sibi & publico . 28. 29. 30. Arduas Sacræ Paginæ quæstiones rimari ipsorum non est . 34. 148. Quomodo & quibus de causis ad Studia litterarum sese coniecerint . 36. 37. Quæ ratione in relaxationem deciderint . *ibid.* Id non accidit ex Studiorum defectu & scientiarum ignorance . *ibid.* Sed quia a regularibus exercitiis se subdixerunt, ut ad Studia incumbere . 67. 68. 71. Sancti fuerunt, quoad simplicitatem amarunt, sed cum a simplicitate discessissent, Deus ab illis se elongavit . 39. 40. Ipsorum status est humilis & abjectæ vitæ professio . 40. Suspecta esse debet eorum Monachorum elatio, qui lectione Sacrarum Scripturarum, ac Tractatum Sanctorum Patrum minime contenti sunt . 40. 41. In tam magna litterarum ignorance

secu-

sæculis octavo nono & decimo jacebant, ut ne suam quidem Regulam intelligerent. 44. 112. Damna quæ ipsis ex scientiarum studio proveniunt. 70. 80. 140. Studium litterarum ideo illis fuit concessum, ut a gravioribus corruptelis defenderentur; frustra id vero, nam, introductis studiis, aucta sunt mala. 65. 66. 67. Monachi ignorantes quibuscumque peccatis obnoxii sunt. In quo hæc ignorantia sita sit. 71. 72. Monachi qui sine Dei vocatione studiis operam navant, in superbiam cito feruntur. *ibid.* Magnis periculis sese objiciunt. *ibid.* Felix illorum status, qui intra suæ professionis fines subsistunt. *ibid.* Enormis Monachorum præsumptio, qui ad studia se conferunt, ut ad Ecclesiasticas dignitates præparentur. 72. 195. 196. Ipsimet a manuali opere se eximere non possunt, sicut a nullo alio regulari officio. 83. 84. Qui semel studia degustarunt, ea intermittere nolent. 85. 87. Prædicationis ministerium quoad possunt vitare debent. 86. V. Prædicatio. Negotiis sæcularibus aut Ecclesiasticis se immiscere non debent. 86. Nec functiones Ecclesiasticas sibi sumere, ad quas neutiquam designantur. 87. 113. 114. Quæ ipsis scientia conveniat. 67. 88. 106. 121. 147. 148. 153. Status Monachorum profecto ab Ecclesiasticorum statu valde differt. 114. 115. 120. 121. Nunc maxime si unquam alia media & rationes in expedito habent, quibus in vias Patrum suorum denuo ingrediantur. 119. 120. Puritatem cordis quam difficile retineant inter Studia. 138. 139.

Monachis de Theologicis materiis loqui & disputare quam ob causam minime conveniat. 147. Animum remittere profanorum Auctorum lectione ipsis non licet. 164. Excellentia vitæ Monasticæ adumbratur. 169. 170. & seq. Instituti juniores monachos ratio. 201. 202. Libri humaniorum litterarum ipsis nequaquam conveniunt. 202. 203. 204. 209. quam magnum illis damnum afferant. 203. 204. Quam teneantur distractionis causas in oratione vitare. 208. 209.

Monachi quo omnia sua exercitia referre debeant. 210. Deploranda conditio Monachi, cui propositum est virum eruditum fieri. 214. Suam ipsi scientiam charitate terminare debent, & infelicissimi omnium hominum essent, si ipsorum scientia ad charitatem illos non duceret. 219. 225. Ipsorum vita sanctis exercitationibus tota esse debet occupata, quibus sit Deus pro objecto. 201. 227. 241. 242. Quam sit sublimis perfectio quam Deus ab ipsis exigit. 228. 229. Magnam sibi religionem injicere debent in aggrediendis Studiis, quæ recta ad Deum aut ad eorum officia minime referuntur. 244. Quantum a prisco Monachorum statu hodierni Monachi deciderint 245. Magnus est illorum numerus qui dum alios salvare volunt, se ipsos perdunt. 249. Idea & methodus Studiorum quæ illis convenire possunt. 255. 259. Nihil aliud boni supererit Monachis ex vanis ipsorum Studiis nisi propter tempus quod ipsis ad meliores usus concessum fuerat, misere dilapidatum æterna tristitia. 257.

Monasteria non ideo constituta ab initio fuerunt, ut scientiarum gymnasia essent. 1. 2. 116. 117. Neque ut essent Seminaria Episcoporum aliorumque Ecclesiæ Præfultum. 21. 22. Nunquam in illis defunt aliqui peculiari dono a Deo præditi Scripturas intelligendi, & verbi utiliter administrandi. 8. 12. 76. Ut plurimum alibi quam in Monasteriis, sancti Monachi doctrinam sibi comparaverunt, suasque cognitiones adepti sunt. 16. Nunquam in Monasteriis major fuit corruptela disciplinæ, quam ibi florentibus magnopere scientiarum Studiis. 65. 66. Quomodo a miserrimo statu in quem lapsa sunt Monasteria erigi possunt. 119. 120. Divino certe consilio nihil aliud sunt Monasteria, quam Orationis, Pacis, Penitentię, silentii Domus, lacrymis & gemitibus dicatæ. 81. 82. 108. 109. 171.

Monasteriorum Superiores. V. Superiores.

Monasteria S. Pachonii, V. S. Pachomius,

Nicolaus Clarevalensis a S. Bernardi sententia quoad scientiarum studia discessit. 18. Chirographum Signumque S. Bernardi mentiri ausus est. 51.
Numismata. V. Manuscripta.

Oratio, arida est & languida sine spiritualium librorum lectione. 39. Difficile prorsus est, ut Monachus, qui in Studiis vitam exigit, cum fructu orare valeat. 69. 88. Præcipuum Monachorum officium est. 81. 88. Quatenus timendæ sint distractiones, quas Studium litterarum parit in Oratione. 205. 222. 223. Quæ distractiones in culpam cadent, quæ non. 206. 207. Lectiones profane succurrunt menti orationis tempore. 236. Cordis puritas necessaria ad orationem. 236. 237.

Ordo Monasticus, nunquam vilior & projectior visus fuit, quam cum Collegia constituta fuerunt. 60. 61. Ejus defectus sæculis Octavo, Nono & decimo. 64. 65. & seq. Et sæculo decimotertio. *ibid.*

Ordo Benedicti. V. S. Benedictus.

Ordo Cisterciensis. V. Cistercium.

Origenes, Operum ejus lectionem S. Pachomius Fratribus suis interdicebat. 11.

Occasio scandali Monachis. 96.

Otho Frisingensis ad Studia mittitur contra morem nostri Ordinis, cui incepto Deus minime favet. 51.

Otium, sæpe multis vitis conjunctum reperitur. 72. Monachi etiam sine Studiis illud vitare possunt. 72. Nunquam Monachi otiosi esse debent. 201. 202. 227.

Pachomius, quis esset Monasteriorum ejus status. 5. multas linguas callebat. 95. & Sacrarum Scripturarum exquisita cognitione imbutus erat. 9.

Quo illas ritu explicaverit Fratribus suis *ibid.* Origenis libros illis interdicebat. 11. ex quibus libris constare fuerint Monasteriorum illius Bibliothecæ. 28.

Palladius Monachus turbulentus & parum eruditus. 97.

Patres Ecclesiæ ex Sacris Scripturis omnem suam scientiam & Sanctitatem duxere. 140. 141. Exquisitum Patrum Studium Monachis haudquaquam conveniens est. 142. 143. Complures Ecclesiæ Patres Scripturas Sacras legerunt licet originarias linguas minime callerent. 148. Eas legere juxta temporum seriem parum refert Monachorum quoad spirituales profectum. 151. licuit Patribus Philosophorum & Poetarum volumina evolvere, ut fortius Gentiles resellerent. 160. 161.

S. Petrus Damiani, relinquit Bibliothecam Fratribus suis. Ex quibus illa libris consisterit. 27. Sapienter egit Sanctus hic vir paucos libros illis relinquens. 28. 29. Laudat Victorem III. quod Scholas Montis Cassini supprefferit. 112.

S. Petrus Sebastenus, nullam litterarum humanarum scientiam adeptus, in Ecclesia celebris enituit. 98.

Philosophia, veteres Solitarii eam neglexerunt. 106. Quam sit Monachis perniciosa. 156. Comparatio Christiani & Philosophi. 159. 160. Philosophi: Hæreticorum Patriarchæ. *ibid.*

S. Placidus, haud multum Studiis fuerat exercitatus. 59.

Plagæ, seu vulnera a Studiis Ordini monastico inflicta. 232. 233. & seq.

Plato, multarum hæresion fons & collectio. 160.

Poetæ; Poetarum Gentilium lectio Monachis pernicioſa. 160.
 S. Porphyrius humanas litteras didicit antequam a ſæculo ſe abdicaret. Fidem non ſcientia, ſed ſanctitate propugnat. 97.
 Prædicatio, Monachi ad prædicandum minime ſunt facti. 194. 295. 245. Hoc munus iſtis haud convenit. 246. 247. Non debent ſe huic muneri addicere, niſi extraordinaria vocatione. 194. 195. Modi legitimi inſtruendi & prædicandi apud Monachos. 197. 198. Monachis ſatis eſſe debet ut aliorum ſalutem operentur bonæ vitæ exemplo potius quam prædicatione. 249.
 Pueri in veteribus Monaſteriis inſtruebantur atque educabantur. 166. 9. 58. A monachis ſe jungebantur, quare 96. Latine linguæ rudimenta illis intra Monaſteria tradebantur. 111.

R

Recreationes, ſive animi relaxationes Monachis non conceduntur; nihil hac de re in Regulis monaſticis apparet. 190. 244. 245.
 Regulæ Monaſticæ Sacrarum Scripturarum lectionem præcipientes, nihil prætermittunt, quod ad Monachorum perfectionem obtinendam neceſſarium ſit. 2. A Regulis diſcendum quid profeſſioni Monaſticæ conveniat. 3. Omnes Regulæ opus manuale & ſpirituales lectiones inculcant. 84. 94. Nulla Studium litterarum. 103. 104.
 Regula Solitiorum magis Eccleſiaſticis quam Monachis inſervit. 35. Quam ſcientiam a Monachis poſtulet. *ibid.*
 Rhetorica, nullum adjumentum aſſert ad Sacras Scripturas intelligendas 45. Adverſatur ſpiritui, quo Monachi affari ducique debent. 176. 177.

S

Scientia Sancta, vera ſcientia diſcitur magis in ſylvis quam in libris. 49. Jeſus Chriſtus hujus ſcientiæ ſolus magiſter. *ibid.* Quæ ſit hæc vera ſcientia, Monachis peculiariter conveniens. 168.
 Scientiæ humanæ. V. Studium ſcientiarum & litterarum humanarum.
 Scholaſtica, quam ſit Monachorum ſtatui & ſpiritui adverſa. 148. 149.
 Scholæ, quam noceant pietati & diſciplinæ Clauſtrorum. 112. Victor III. eas ſupprimi in Monte Caſſino, & in ſuo Ordine S. Petrus Cluniacenſis. 112. 113. V. Collegia.
 Scriptura Sacra, Monachi eam legere & meditari tenentur. 2. 3. 7. 10. Et præcipue Novum Teſtamentum. 13. Plerique Veterum Monachorum eo contenti fuere. 128. Ex Sacris Scripturis viri celeberrimi Eccleſiæ, & primorum Sæculorum Epifcopi omnes ſuas cognitiones hauſerunt, omnes gratias unde Epifcopatu digni evaſere. 7. 8. 10. 22. 33. 140. Eas legentes Monachi non proprium ſenſum ſequi debent, ſed Superiores ſuos conſulere. 11. Inveſtigatio diſciliſſimum Scripturæ quæſtionum Monachis haud convenit. 54. 55. Quomodo parati & affecti eſſe debeamus, quo ex lectione Scripturarum proficiamus. 226. Plerique veterum Solitiorum Vetus Teſtamentum caute admodum legebant. 128. Exceptis Pſalmis. 129. Legi poſſunt Scripturæ ſine Commentariis, ſola ad id cordis puritate opus eſt 130. Qua in re ſita ſit cordis puritas, qua Scripturæ legi debent. 137. 138. Lingue originariæ ad Scripturarum lectionem utiles, non neceſſariæ tamen. 148. 183.
 Simplicitas boni Religioſi character & nota. Simplicitate præſci Monachi tot prodigia operati ſunt 39. 40. 252. Animi ſimplices & recti in ſenſum Scripturarum penitus integreduntur, quam ceteri. 139. 225.

Soli-

- Solitarii. V. Monachi.
 Sozomenus, veteres Solitarios scientias in contemptu habuisse testatur. 107.
 Stabilitas in Monasterio, teneatur Monachi eam exacte servare. 86. 114. 199.
 Quanti eam facere debeant. 87. Per solam obedientiam ab ea dispensari possunt. *ibid.*
 Stephanus Abbas Cisterciensis, ad Bibliorum correctionem animum & operam admovent. 54.
 S. Stephanus Grandimontensis, vetat Fratribus suis, ne functiones Pastorales peragant. 115.
 Studia Scientiarum & litterarum humanarum, ut iudicemus an hoc Studium Monachis conveniat, consulenda sunt Regulæ, non exempla. 3. 23. 24. 94. Studiis tunc experunt Monachi operam dare, cum a fuz sanctitate professionis discessere. 4. 37. 53. 59. Quam noceant Monachis humaniores litteræ. 159. 164. Studia haud necessaria sunt ad pietatis conservationem in Claustris. 45. 53. Studia humilitatis spiritum in Monachis labefaciunt. 52. 80. & spiritum Orationis. 88. Studia sunt Monachis aliena exercitatio. 23. 24. Traditio super hac re. 104. 105. 106. Noxii effectus Studiorum. 42. 59. 75. 76. 88. 141. 213. & seq. 230. Studia lapsum Monasteriorum impedire nequiverunt. 63. Non debent manuali labori substitui. 79. 80. Studia Ecclesiasticorum Monachis minime conveniunt. 124. Quam sit difficile mediis in studiis cordis puritatem servare. 137. 138. Distractiones & dissidia gignunt. 71.
 Studium Conciliorum & Patrum non est absolute Monachis necessarium. 124. 125.
 Studium Juris Canonici. V. Jus Canonicum.
 Studium Criticæ. V. Critica ars.
 Studium Philosophiæ. V. Philosophia.
 Studium Theologiæ. V. Theologia.
 Studium Rhetoricæ. V. Rhetorica.
 Superiores boni Jesu Christi manu traduntur Monasteriis. 8. Fratribus Fidelibus bonos semper Superiores Dominus traditurus est. *ibid.* Cavere debent, ne subditi sui in errorem impingant. 10. Debent plura scire quam subditi. 10. 11. Quæ illis scientia conveniat. 12. 13. 31. 32. Quæ illorum sint præcipua officia. 68. 77. Non semper pravas omnes consuetudines evellunt. 81. 82. Possunt aliquos ex Fratribus ad Studia ferre, & eos a labore eximere. 84. 85. 122. 123. Qua id discretione agendum. 123. Qua vigilantia assistere debeant Collationibus Fratrum suorum. 187. 188.

T

- S. **T**heodorus discipulus S. Pachomii. 8.
 S. Theodosius Abbas 16. 100. 101.
 Theologia, Monachorum non est de materiis Theologicis Disputare. 147.
 S. Thomas Cantuariensis ne Juri Canonico det operam, a Joanne Sarisberienfi dissuadetur. 148. 149.
 S. Thomas Aquinas. 164. 165. 233.
 Abbas Trithemius. 18. 19. 26. 41. 42.

V

- S. **V**itoni. V. Congregatio.
 Veritas 225. 226. 231. 232.
 Virginitas, in quo sita sit vera Virginitas. 172.

Finis Indicis rerum præcipuarum.